

明英宗實錄

卷二五三至二七六

景泰六年五月至天順元年三月



明英宗實錄

卷二五三至二七六

景泰六年五月至天順元年三月

大明英宗睿皇帝實錄卷之二百五十三

廢帝郟民王附錄第七十一

景泰六年五月乙巳朔 太上皇帝居南宮○西寧侯宋傑有疾命醫療之○鄭府新安郡主卒遣中官賜祭命有司治葬○夜大星犯積尸氣○丙午 太子太保魚刑部尚書俞士悅以久疾不能朝乞解職賜歸 帝曰朕今正用老臣卿宜善加調攝力疾任事○廣西按察司奏署都指揮僉事葛宗蔭索去官贖物弗得乃假公毆之得利方釋請治其罪從之○永興王鎮國將軍公鏞卒遣官賜祭命有司治葬○西寧侯宋傑卒訃聞輟視朝一日遣官賜賻祭命有司治葬○丁未 賜鄭去子祁鏞冕服以其奏舊冕服敝壞也○陝西道監察御史錢清酌酒乘馬突入長安左門守衛官以聞下法司鞫當贖罪復職 帝以

清不謹禮法有乖憲体調廣東靈山縣知縣。先是參贊寧夏軍務右副都御史韓福奏欲依虛糜金漕輸流參贊事例代還。帝命過五年來聞至是福以期及五年言于朝監察御史沈性等劾福懷奸避事希進妄言乞下法司問罪詔姑免問仍令參贊。○戊申 命故浙江署都指揮僉事脫綱子瑛襲為都指揮僉事杭州前衛帶俸以綱戰沒故也。○禮部奏逸北使臣皮兒馬里麻等朝貢至京稽得正統年間賞例脫脫不花王并也先綵段十五表裏絹十疋王妃綵段八表裏也先妻綵段五表裏一等頭目綵段十表裏二等頭目減十之二三等頭目減十之七從人減十之八馬直每匹綵段二表裏阿魯骨馬倍其直使臣初到正賞各織金紵絁衣一襲氈帽靴襪各一。等正副使各綵段六表裏絹五疋二等使臣綵段減之六二絹減五之二。

三等使臣綵段絹俱減五之三從人各紵絲表(表)一襲表裏絹一  
疋帽靴襪亦各一正副使妻各織金衣一服綵段二表裏絹二  
疋靴襪各一其餘使臣妻女各絹衣一套絹及靴襪與使臣妻  
同自進馬直每匹紵絲一疋絹八疋折紗絹一疋今思醜虜也  
先上逆天道下毒生靈罪惡貫盈自底亡滅而字羅以其殘黨  
畏彼阿剌潛來殺掠意在近我邊境故放偷生又恐我軍緝捕  
無所容避故遣使臣假以進貢為名探我意嚮又况彼處未有  
君長所遣之使非出一人其字羅名義不正位號不尊既不可  
與不花比律又不可與也先概論賞賜若循前例則虛實太多  
又且墮其奸計今不乘其類分勢弱之秋斟酌處治切慮日後  
道類復合無厭之求急難抑遏請量減賞賜著為定例 帝曰  
胡虜艱難姑從舊例賞之以慰其心○兵部奏湖廣守備武岡

州等處左叅將都指揮李震右叅將都指揮安順往往各持已見妄報聲息控惑人心邀功生事且叅將之設本為總兵之佐今湖廣止有都督陳友鎮守別無總兵宜將李震安順革去叅將名目仍以都指揮分守地方撫捕盜賊從之○己酉 端午節賜文武百官扇及宴○巡撫南直隸戶部尚書李敏奏應天并蘇松等府建陽等衛軍民田禾各被水旱蝗災乞暫免糧草其民運京糧負欠之數候秋成補納已徵在官者俱乞如蘇松例存留以備賑濟或改運淮徐二處命戶部行之○巡撫南直隸左副都御史鄒未學奏天之災異何時無之未有如今日之甚民之飢饉何時(地)無之未有如蘇松之甚者是以恭勞 聖慮頒優給之典下寬恤之條尤恐未得其所復命臣巡撫其地臣巡歷郡邑體驗民情死者相枕連途生者號啼盈市棄家蕩產

比比皆是鬻妻賣子在在有之臣已令郡縣稍有倉糧者按月  
關給賑濟其不敷之所或移粟于隣壤或貸種于富家凡未完  
糧草買辦差徭之類俱令停宜俟其人心僅安生理少遂奈何  
疫疾流行非徒蘇松其嘉湖常鎮亦然有一家連死至五七口  
者有舉家死無一人存者生民之患莫重于此又小麥(將)熟忽  
皆黃朽不係旱涝所致又非風雨所傷事出不測空腹待食之  
民惶惶失望以土沃民庶之地變為嗟怨愁嘆之墟臣戰兢是  
懼洗雪無由推其所自必有以召之矣恭惟 皇上中興以來  
法 祖敬 天愛人節用豈期郡邑之官忍心害理者十有八  
九憂國愛民者百無一二科歛銀兩不下千百侵欺糧米動經  
數萬詞訟旁午而不問因圖充盈而不理里閭奸貪之徒包納  
供應之物以官錢為私貨以公廩為家資(豪)毫戶凌虐小民

催科剝削其膏脂取債罄空其杼軸其他民患宿弊不能枚舉  
臣將已甚者執問如律餘令警省自新切詳守令者生民之  
父母巡撫者又守令之表率今災異如此雖守令之過實臣之罪  
也伏望 皇上將臣罷歸田里勅命大臣剛明廉幹者任巡撫  
之責庶天心可回災患可息奸弊可除軍民可安詔曰比因東  
南人民艱難特遣卿設法撫安今後務須殫厥心力庶得事安  
民安不允所辭○巡撫江西右僉都御史韓雍等奏今年二月  
十八日夜吉安府安福(縣)雷雨大作境內白泉陂羊塘池陷二處  
一處東西十二丈南北十四丈深可三丈一處東西一丈南北  
一丈五尺深可六尺變不虛生名有所自皆臣等不能奉宣  
上德仰答 天心以致然也謹奉聞待罪 帝曰天垂災異非  
止為一人卿等(其)加撫恤軍民以付朕懷○哈密忠順王倒瓦



谷失里遣使臣可兒陸凱牙等來朝貢馬并奏也先既死後其  
長子火兒忽答孫楚王伯顏帖木兒送知院及也先妻者察失哈  
也有人馬一萬居于干越河其母并一妻賽因失里又在達達  
處○辛亥 給宜春王磐姚第三子鎮國將軍奠婉歲祿一千  
石米鈔中平兼支○右僉都御史徐有貞奏運河疏濬功成  
帝謂工部曰河雖暫通恐不能久其移文有貞高宜督沿河夫  
役以時挑濬勿致阻滯舟船○南京都察院右副都御史軒輅  
乞致仕 帝曰朝廷以尔為才委任未幾輒辭老避事不許○  
壬子 復除陝西布政司右參議陳安于雲南布政司以親喪  
服闋也陞順天府通判彭理為遼東行太僕寺少卿南京吏部  
驗封司郎中蕭守中為貴州黎平府知府江西吉安府泰和縣知  
縣劉芳為雲南臨安府知府以九載任滿吏部推舉也○賜府

軍前衛帶俸指揮使孫顯宗直隸靜海縣地一段從顯宗奏  
求也。○癸丑 封西河美<sup>王</sup>堽第五子鍾銘為鎮國將軍賜誥  
命冠服。○戶部奏御馬監光祿寺并象馬牛羊等房歲用章束  
俱于山東州縣徵收穀草備用比因各屬災傷穀草停免數多供  
給不敷欲移文兵部撥官軍八千人遣官管領于南海子西湖景  
四城壕採杖青草各隨地方堆梁以備支用從之。○甲寅 賜  
西河王美堽家龍袍服臨川王磐燁沁源王幼琦大紅織金袞  
龍紵絲紗羅各一疋以各王奏袍服敝壞不堪服用故也。○賞  
開平陸慶等衛所官軍布人二疋以其連年修復城堡樓鋪墩  
臺有勞役從戶部奏請也。○南京吏部尚書曹義年七十乞致仕不允  
○修禮部儀制主客精膳祠祭四司皆以歲久敝壞且儀制  
司又燬于火也。○河間長蘆都轉運鹽使司運使金達滄州知

州吳靖等奏保巡鹽御史劉紀禁格有方軍民知懼(等)鹽法流通誠恐一年更之民不終惠章下都察院以達等市恩(達)例宜行巡按御史鞠之詔置不問○乙卯 貴州左布政司使范理奏其原籍府縣官(員)賢否欲黜陟之為史料所劾請下理于法司論罪從之○日生背氣色青赤○丙辰 仁宗昭皇帝忌辰遣官祭 獻陵○楚王季淑奏欲于明年正旦詣京朝 親復書(世)○丁巳 召福建等處撫捕盜賊左副都御史劉廣衡還京先是保定侯梁瑤充總兵官征進貴州縱千百戶作弊妄報軍功冒陞官職至是事覺法司請治其罪詔置不問但令改正○軍民徐山等六人逃往鳳陽府地方(山)于土中得銅印自謂吾命當為君孟晉貴為丞相劉清為軍師朱謹鄭祥為總兵官楊鐸為招撫副使眾以為然皆尊從之事覺法司請斬首示眾詔固禁

之。○戶部奏長蘆蓋運司三人沽場灶戶逃故者遺下食益價木黑土課未負累他人代納去年飢窘負者尤多乞減徵其年招撫復業者亦止徵半俟三年後全徵從之。○肅府華亭郡主卒儀賓高嵩奏因喪禮預支祿米一百五十餘石費用無存見蒙陝西布政司移文促還官乞寬貸從之。○己未 遣建平伯高遠相等為正使給事中曹銜等為副使各持節冊封周簡王世子子廔為周王趙惠王世子祁鏞為趙王荆憲王世子祁鏞為荆王周府胙城莊簡王長子子壘為胙城王遼府枝江莊惠王長子豪壘為枝江王秦府永興恭憲王長子公銘為永興王百戶王興女為寧府臨川王盤輝妃千戶樊源女為襄府襄陽王祁鉦妃指揮馬鑑女為秦府沂陽王公鐸妃兵馬副指揮張瑛女為晉府太谷王鍾鉉妃。○賜岷府淑浦郡主及儀賓夏

隆諾命冠服○滿刺加國王遠魯檀無荅佛哪沙遣頭目馬哪  
叫等來朝貢馬及方物賜宴并綵幣表裏金織羅衣等物○陞  
北使指揮僉事鎖魯檀為指揮同知都指揮同知可為都指  
揮使授宛者亦板達阿哩俱副千戶其孛羅平章續遣使臣都  
指揮僉事哈丹陞為都指揮同知并正使左都督皮兒馬黑麻  
俱給賜冠帶賜宴并綵幣表裏有差○大理寺卿薛瑄乞致仕  
不允○庚申 皇太后聖節免命婦朝賀○永興王長子公銘  
奏弟鎮國將軍公鑛平道下男誠淵年幼恐慮有司如例住夫  
祿未無以具喪禮且家衆不免飢窘乞仍賜給祿米從之○戶  
部奏舊例法司罪囚杖以上領通州倉糧運赴宣府等處路遠  
難運經年不完徒耗京儲無濟邊用今欲比舊所運米數減輕  
其半發僉都御史李秉慶令其自備納米上倉斬絞罪二十石

三流并徒三年十六石徒二年半十三石五斗徒二年十一石  
一年半九石一年六石五斗杖每十下四斗從之。辛酉 琉  
球國選通事馬俊等朝鮮國王李弘暉(遣)陪臣李鳴謙等俱來朝  
貢馬及方物賜宴并絲帶表裏金織紵絲襪衣等物。命浦南  
都司署都指揮僉事青雲子鑑代為指揮僉事以雲老疾故也  
○賜太醫院使董宿誥命并封贈其父妻從宿奏請也。致仕  
禮部右侍郎王士嘉卒士嘉字道亨山東武城縣人永樂初由  
監生擢山陰知縣在任有廉明之稱尋陞陝西按察司僉事未  
幾改工部員外郎久之陞北京行刑部郎中宣德七年陞陝西  
右叅政所至清譽著聞召為禮部右侍郎正統七年致仕至是  
以疾卒年八十七訃聞遣官諭祭士嘉儀觀魁偉性度開爽為  
人狷介持正不苟歷性五十餘年家無餘貲士林高其行子玉

由進士為翰林檢討陞河南按察司副使怒撻教官反為所屈  
疽發背而卒初士嘉知玉性剛疎乃居近侍恒以為憂及聞外  
補喜曰吾家無累矣工部尚書吳中同學友也士嘉薄其不慎  
名檢中每見之不覺自失焉○壬戌 迤北使臣皮兒馬黑麻  
等陞性辭賜宴命齋勅及綵幣表裏歸賜其王子麻兒可兒及平  
章昂克等勅曰朝廷自 祖宗以來恭膺 天命主宰華夷福  
善禍淫惟天是法是以四方萬國莫不仰戴恩威歸順之者天  
必賜以安全背逆之者天必降以禍亂天眷昭彰非人力所能  
干也往者也先逆天背道擾我中國又自殺汝主僭潛稱名號曾  
不幾時遂致滅亡今尔等能順天道尊事朝廷痛改也先爾非  
遣人貢馬雖暫時窮困然能歸順朝廷即是敬順天道天將賜  
以福善而免于危亡之禍也必矣朕用尔嘉今于使臣回已厚

加宴賞并的<sup>(酌)</sup>尔馬價賞賜尔絛幣表裏等物及所奏討物件一  
一付與領回給授惟未糧重大難于搬運甲冑<sup>(手)</sup>方箭皆出征所  
用 祖宗明訓不以與人特諭尔等知之尔等宜體天心一以  
敬順為務毋蹈前失庶幾上合天道永享福祉○甲子 賜哈  
密等處使臣可兒陸凱牙等鈔<sup>(絛)</sup>幣表裏紵絲絨衣有羔○乙丑  
○雲南車里八百大甸老撾三軍民宣慰使司土官宣慰使刀  
霸羨等各遣頭目招線靠等來朝貢象馬及金銀器皿等物賜  
絛幣鈔表裏紵絲絨衣等物仍命招線靠等齋勅并絛幣表裏  
歸賜其土官及妻○調湖廣道監察御史謝煥于南京福建道  
煥因杖本院堂上辦事官左都御史蕭維禎奏劾下獄問擬贖  
徒還職詔特調之○賞征湖廣靖州等處有功官軍一千六百  
之<sup>(人)</sup>都督等官各鈔一千貫絛段三表裏都指揮等官各鈔八百



貫練段二表裏指揮等官各鈔六百貫練段一表裏千戶土官  
長官知州等官各鈔六百貫絹三疋百戶判官臣巡檢吏目典史  
等官各鈔五百貫絹二疋旗軍頭目舍人百長吏典民兵人等  
各鈔三百貫絹一疋有擒斬賊級三四五名顆以上者都指揮  
加練段一表裏指揮等官加絹四疋千戶等官加絹三疋百戶  
百長等官加絹二疋旗軍人等加絹一疋○丙寅 陞湖廣左  
布政使馬謹為都察院左副都御史仍支從二品俸巡撫河南  
○丁卯 勅庶人賁樊曰尔等奏遼王衡陽王違法等事已令湖  
廣巡撫巡按并三司官從公體勘未聞今得各官回報云尔所  
奏多是虛妄及奏奏尔立心陰險欺罔多端以縊死宮人捏作  
近年打死以見存弁服捏稱勇斃不存因圍籬指以侵占街衢  
因抬石誤誣為跌損人衆而自擅號楊氏為祖母妄捏孫氏為幸

妃假言事以陷宗親因欺心而罹國法請論尔過以警將來于  
法固當推究但念宗室之親姑從寬宥俾圖自新勅至尔即痛  
改前非遵守常憲安分守己毋仍故違 祖宗之訓有明條朝  
廷之恩難再得如或玩視取罪非輕尔其宥之慎之○命故前軍  
都督同知黃瑛次子瀚瑛為永清左衛指揮僉事先是瑛子灝  
奏乞罷職兵部以灝嘗殺其叔父鈞及其子四人雖蒙特恩宥  
死于例難罷請以瑛次子瀚瑛原職指揮僉事仍先行原衛  
查勘然後罷授詔以道里遙遠不必查特令瀚瑛管事既而瀚  
奏在京家口衆多乞令灝分家屬之半回原籍居住兵部言灝  
本十惡之人頃年朝廷以瑛故特宥其罪取居京師且其叔鈞  
之子道甫年幼見署思明府事恐灝回別逞奸謀不宜遣還從  
之○己巳 帝以連旬不雨躬禱于 昊天上帝 后土皇地

祇曰 祇奉尊嚴統臨兆庶有躬不德寔切戰兢茲者連旬缺  
雨農事惟艱致災之由罔敢辭避仰祈洪造特賜於原大降甘  
霖普甦群品復命魏國公徐承宗保定侯梁瑤南和伯方瑛少  
傅兼太子太師禮部尚書胡濙少傅兼太子太師吏部尚書王  
直太子少師兼工部尚書江淵等各持香幣徧禱在京祀典神  
祇其詞曰茲者夏景方深農事惟急連旬缺雨憂切眇躬(奉)奏天  
保民幽明一致仰惟神志兢暢(暢)所同茲特遣官秉虔告祀冀施  
仁力大降甘霖惟神有澤物之功庶朕遂憫民之願○辛未以  
時多灾異命各處巡撫等官祭天下嶽鎮海瀆山川等神祈禱  
(詞)祠曰恭承大命重付眇躬民社所依災祥攸繫志恒內省政每  
外乖或寒燠愆期或雨暘踰度田疇失利穀麥不登憂切民心  
妨及國計究惟所自良有在茲然因咎致灾罔朕躬罔避而轉

殃為福實神機職當專特致懇祈幸副懸望以湖廣盜賊竊發  
水滂為灾詔停止其被災州縣等採買之物○壬申 勅哈密  
忠順王倒瓦荅失里曰累聞迤北走回人言漢人男女有先被  
達賊搶去有轉賣與尔哈密地方者有自逃回尔地方潛住者  
有經過尔處被尔部下拘留不發者前後約有三千餘人中聞  
被尔部下賣與撒馬兒罕地面去者約一千餘人其餘尚有二  
千餘人朕以尔自祖父以來世受朝廷爵祿賞尔亦自稱與朝  
廷守把後門豈可以求微利致失尔之信義勅至尔即以朕言  
宣諭部言下但有拘留人口者盡教遣人送還朝廷自有賞賜  
決不吝惜尔其體朕至懷○是日復以忠順王使臣阿力亂毆  
傷人命賜勅諭之曰法司奏尔先次進貢使臣阿力亂回至甘  
州地方不守法度強奪人羊及打傷伴送懇旗身死朝廷立法

凡白晝搶奪人財物者罪當死無故打傷人命者亦當死今阿力乜犯兩死罪律該斬首示衆今爾奏乞寬恕朕命爾能敬順朝廷遵守禮法特准所言即令有司放回付爾至日爾須依法整治仍須戒約後來使臣不許仍前兇惡不守法度違者朝廷必處以法不恕特諭爾知之○暹羅國王把囉藍朱孫刺遣使臣坤昱悅等來朝貢方物賜宴并綵幣表裏紵絲襲衣等物○癸酉命太監王誠侄敏舒良弟玉張永兄琮却義侄安王勤侄賢俱為錦衣衛帶俸世襲百戶

大明英宗睿皇帝實錄卷二百五十三

大明英宗睿皇帝實錄卷二百五十四

廢帝郟戾王附錄第七十二

景泰六年六月乙亥朔 太上皇帝居南宮○勅監察御史張

鑿曰山東臨清縣地方雖不廣而實兩京咽喉四方官民商旅

之所往還任止水陸貨物之所儲蓄貿遷公私輸運舟車去來

未嘗少息爭競(競)攘奪欺壓凌暴無日無之詞訟之所從興盜賊

之所由發雖有巡撫(巡)該官司府官員不得專臨公差管河催

事收放物料職役各務偏向強暴得志良善受虧今特 命爾

往彼等一整理詞訟禁防盜賊遇有前項事情聽爾輕則懲重(治)

則解京其有才潑豪強之徒及恃勢官吏沮撓風憲囑托公事

除京官及文官五品以上并軍職具奏外其餘即時拏問依律

照例發落爾受 朝廷委任務在持廉秉公正已率人毋枉良

善無縱奸邪使茲一方事安民安斯為稱職如或故違取罪非輕爾其免之慎之○命宋儒朱熹九世孫槌為翰林院五經博士子孫世襲以奉其祀○命直隸鎮江府金壇縣知縣趙信復任陞正六品俸陞蘇州府吳江縣丞縣劉彪為本縣知縣信彪各任滿九載巡撫左副都御史鄒耒學薦其處事公勤吏民懷慕乞陞秩留任故有是命○四川按察司按察使張洲以疾乞致仕從之○初禮部尚書胡濙奏保道錄司左玄義仰彌高自以任持崇禎真觀舉朝天宮道士朱可名代為任持濙復奏乞允所舉于是禮科都給事中張執劾奏彌高本以凡庸濫求薦舉其于軍旅事務不聞一言申明建白却乃內故顧私徒要援黨與若非循情受囑何以出位妄為宜將仰彌高移文巡按監察御史鞠問朱可名送刑部從之○巡撫山東刑部尚書薛希璉等奏濟



南善府州縣自去年二月以來旱傷麥苗軍民缺食稅糧辦納不前 命戶部覆實蠲免之○丙子山都察院左副都御史馬謹巡撫河南陞辭 勅之曰河南乃中原要地今特 命爾往彼巡撫地方撫安軍民提督操練軍馬整搦器械禁防寇竊遇有城地損壞即加修理盜賊生發即調官軍相機勦捕毋令滋蔓存恤流移人民遇有飢窘即設法招撫安插賑濟毋令失所一應軍民利病果有當興革者悉聽爾便宜處畫旨而行務在事安民安盜賊平息其山東之沙灣等處一帶漕運河道事有干沙涉爾河南者即為督屬整理官員之中果有廉能著稱當旌義異者奏未處置其有貪酷不才不以公道行事迹尤顯著者除五品以上及軍職具奏文職六品以下爾即鞫問如律重則差人解京爾務在持廉秉公寬猛得宜舉措不偏使人有所懲勸

毋或因循怠忽有負委任○給楚府鎮國將軍李璫李埒歲祿一千石輔國將軍均鈞均鏞歲祿八百石俱米鈔中半蕪支整州郡君及儀賓陳英歲祿四百石本色米二百五十石折鈔一百五十石○右春坊右庶子兼翰林院侍講趙恢乞還鄉養病從之○提督大同軍務左副都御史年富聞母喪 詔乘傳奔喪即起視事○守備黃花鎮指揮僉事王貴久疾召還京 命守備天壽山都指揮僉事韓智兼領其事○戊寅 命刑部湖廣司郎中陳金為廣東左布政使湖廣右布政使蕭烜為左布政使河南右叅議任禮為右布政使福建按察司副使胡新為按察使廣西道監察御史黃溥為四川按察使南京廣東道監察御史曹得湖廣<sup>道</sup>監察御史談泰俱為四川僉事○巡撫山西右僉都御史蕭啟奏平陽等府州縣今年春夏旱枯麥苗人民

艱食○巡按陝西監察御史曹璟等奏西安平良等府正月以來不雨四月霜雪瘟疫死者二千餘人○巡按直隸監察御史楊貢奏五月初六日蘇州地震并常鎮松江四府瘟疫死者七萬七千餘人○庚辰本賜楚府鎮國將軍李璫夫人潘氏季培夫人陳氏輔國將軍均釭夫人周氏均鏞夫人陳氏 誥命冠服及婺州郡君儀賓陳瑛 誥命冠服鞍馬等物○免思恩軍民府調用土軍一千五百人秋糧二千三百餘石從廣西總兵官安遠侯柳溥奏請也○誅反賊祝岳二等二十一人岳二等俱浙江處州府民偽稱總兵元帥等號披執兵器逼逐居民萬餘劫燒武義縣等處殺虜官軍甚衆被擒至京法司生凌遼處死從之○左春坊左司直郎薰翰林院編修李泰奏臣出繼伯父司禮監太監李永昌為子今臣滿三載例不得推封所生父

乞移贈故祖父母以遂孝情從之○辛己臣少傅薰太子太師  
禮部尚書胡濙年八十一乞致仕 帝曰 朝廷老臣鮮有居  
卿右者 朕所倚毗卿宜勉力以副 朕懷所請不允○山西  
行都司奏署都指揮僉事陳英掌雲川衛事受軍賄私出批文  
與之越閔買賣命巡按御史執鞠之○唐府河內郡主卒遣中  
官致祭 命有司營塋○昏刻金星犯井宿○癸未臣廣東歸  
善縣黃峒等山撫徠人林原貴等來朝貢方物 賜鈔幣有差  
○朝鮮國陪臣李鳴謙等臣陛辭 賜宴命費 勅及綵幣歸賜  
其王○河決河南開封府高門堤二十餘里 詔三司督軍夫  
積物料修築之○甲申臣免廣東肇慶府德慶府州景泰三年秋  
糧八千九百餘石以廣東左布政使侯成等奏其民被賊故也  
○命給臨縣縣主并儀賓陳諫蒲縣縣主并儀賓于澄各歲祿米

六百石本色米四百石折鈔二百石○慶王秩燧奏以郡主畢  
姻欲領儀賓來謝書止之○乙丑賜遼府鎮國將軍豪壻夫  
人王氏誥命冠服○禮科左給事楊樾言迺者順天府宛平  
縣奏大興縣地方廣濶鋪面數多本縣地方鋪面稀少鋪戶消  
乏乞踏勘多寡均平買辦奉旨令戶部整理臣等風聞此令  
一下外議誼騰謂將減宛平之常供加大興之新增(額)等切見  
連歲四方多故水旱相仍糧道方艱倉儲未實然而京師物價  
不甚踴貴居民不甚窮迫者何也政以買賣交通商賈四集得  
以相濟而然也若徵發日甚息本不充懋(遷)廷之源不得物產之  
來漸少今日宛平告乏既歸之大興倘他日大興告乏又歸之  
何地伏望省用以裕民凡朝廷祭祀燕享賞賚兵資軍國重  
務之需遇有缺乏量給官錢均平買辦其餘不急之務得已之

徵無益之費悉宜暫且停省將見國用既節民財乃豐商旅益  
通生養自遂不特幾旬鞏實而四方之飢窘亦漸次生復矣豈  
必互為增減而可以富國裕民哉 詔曰 朝廷用度俱出于  
百姓措辦其命戶部量情寬免○丙戌△陞羽林等衛指揮使  
豐旺王斌張玉劉山孫興吳成俱為都指揮同知濟陽等衛指  
揮同知楊智王麟李琮韓雄俱為都指揮僉事金吾右等衛指  
揮僉事曹雄楊鏜為指揮使俱以其父兄戰沒功也○丁亥△  
太子太保兼刑部尚書俞士悅奏保本部署員外郎事主事錢  
溥孫瓊堪任郎中從之吏科給事中十三道監察御史劾士悅  
擅擬職名紊亂選法吏部覆奏于例有違難允陞職 帝曰然  
今後各衙門官闕員不許妄舉○己丑△修居庸關城畢功  
命工部造碑翰林院撰文刻置關上以紀其蹟○新野王芝城

奏唐府上蔡郡主故儀賓張鳳不應仍任郡主府及不守 祖  
宗法度章下法司請行巡按御史崇寔執問從之○鎮守鴈門  
閔署都督僉事陳友奏奉 御阮諶占用官軍別立教場諶奏  
有隱匿軍糧巡按山西監察御史馬文升言二人不和以致邊  
務廢弛俱宜究治 詔俱宥之但令都察院錄狀以示戒毋再  
犯○辛卯旌表節婦劉氏等三人劉氏(山西)太原縣楊素妻楊氏  
直隸開州民劉貞妻何氏武平衛軍陳馮氏俱守節年久無  
玷各旌其門曰貞節○壬辰 勅雲南老撾軍民宣慰使司宣  
慰(使)司刀板雅者車里軍民宣慰使司宣慰使刀霸美八百大甸  
軍民宣慰使司刀招孟祿南甸宣撫司宣撫刀樂思等曰爾等  
安守南服夙堅臣節屢修職貢茲復遣頭目乃吾等未貢方物  
忠誠可嘉特 賜錦幣用荅尔意前者所降尔處金牌信符勅

底簿尔等因相仇殺燒燬不存論法本難容恕但念尔等充修  
職貢姑置不究仍復頒降後再令有疎虞罪不輕宥時威遠州土  
官知州刀蓋罕隨乃吾等未朝貢因命其管屬本州人民亦與  
金牌信符織金文綺賜勅諭遣之。○巡按直隸監察御史原  
傑言保定真定定州比因虜寇猖獗命都指揮趙宣王信張  
智吳玉鎮守京師應援即今邊事頗寧乞召回京又大寧都司  
都指揮王昇等俱庸懦不職乞令宣本司治事下兵部言真  
定定州即今盜賊竊發王信等不宜召回王昇等既不稱職宜  
令退閑將趙宣罷其鎮守代昇治事從之。○癸巳命政府軍  
後衛指揮同知宣進弟通濟陽衛指揮僉事韓傑子勝燕山左  
衛指揮僉事胡興子山金吾左衛指揮僉事李禎弟廣俱罷職  
羽林左衛指揮同知史瑄子昭代職。○甲午勅總督兩廣軍務



右都御史馬昂總兵官遠安侯柳溥近得廣西廣城縣奏今歲  
二月中有歸仁等鎮守賊韋朝德招集南路首賊李朝印等二  
萬餘徒攻擊縣治焚殺居民劫取囚犯仍於縣境駐劄分頭剽  
掠尋被都指揮萬宗蔭殺賊及斬首三百餘級雖所奏如此未  
審虛實 勅至尔等卽會都督僉事陳旺體量此賊如在彼出  
沒為患官調官軍相機剿捕毋或怠慢參贊軍務大理寺少卿  
曹璉聞母喪 詔乘傳奔喪起復視事○致仕南京都察院右  
副都御史朱與言卒與言江西萬安縣人永樂辛卯進士浙江  
道理刑曰監察御史事○癸巳○拜湖廣按察司僉事宣德庚  
戌陞四川按察司副使奉 勅捕盜劾都司布政司守士官之  
失機者而削其官陞賞巡捕之有功者立守衛所二巡檢司三  
於要害盜遂息雅州妖人自稱鬼王聚眾作亂與言執械京師

境土以寧尋詔還拜都察院右副都御史蒞任南京號稱明允  
嘗有所建名多切時病未幾乞致仕至是卒與言為人剛方廉  
慎不屈於物有所猶為二務存大體不事苛察人謂其得大臣  
之體○乙未 命禮部移文天下今後僧道務要本戶丁多本  
人持行修潔不係軍匠鹽灶等籍里老保結呈縣覆實具申府  
司類呈該部方許收度如有扶捏詐冒不實者巡按御史按察  
司將本人並保送僉書官吏一體治罪仍勸各寺觀原定額數  
目如有不及給與度牒如有數多不與出給從巡按河南監察  
御史程亨奏言也○丙申 詔建內官直房子思善門側○戶  
部尚書張鳳等奏洪武年間天下徵納糧草田地山埔共八百  
四十萬頃有餘今止有四百二十八萬頃有餘加以水旱相仍  
糧草連年停徵京師供給浩大倉庫支費不敷其山東河南北

直隸并順天府無額田地甲方開荒耕種乙即告其不納稅糧彼此互爭不已若不起科爭競之徒終難杜塞今後但告爭者宜依本律(部)所奏減輕起科則例(或)每科(或)米三升二合每糧(二)二石科(律)草二束不惟永絕爭競之端抑且少助倉廩之積從之戶部都給事中成章等劾鳳等不貸(守)祖宗之成法不顧民心之歸怨滕隴奏請起科糧草合執問其罪帝曰鳳等惟恐國用不足故措置如此若論其罪誰肯用心幹辦還依所議行禮科給事中楊樞等復文論辯(章)帝曰洪武中立國南京借用易辦今在北京國用浩繁其恣令從輕起科○陝西按察司副使項璉初為御史巡按江西數督責南康府知府陳敏政銜(敏政)之據匡廬驛吏言奏璉以廩米寓之驛令以船載赴京命執璉下都察院獄鞠璉坐不應贖杖還職從之○丁酉提督宣府軍務右僉

都御史李秉奏乞于口外各倉召高中納益糧斟酌時直量減  
斗教事下戶部議馬營赤城倉准益每引七斗五升浙益四斗  
長蘆益二斗五升宣化永寧新興倉浙益五斗長蘆益三斗五(升)  
從之。戊戌命故延安立功都指揮楊得貴子鍾龍為臨洮  
衛(指揮)僉事。夜(有)流星大如碗色青白有光燭地出六甲西北行  
至華蓋。己亥南京大理寺右寺正向敬言比者兩法司鞠  
囚有二弊其一推情論罪不當審不允者輒調閱痛加箠楚  
至三四次仍依原擬不免有冤請自今三次不允送別衛(門)推鞠  
原問不當者罪之其一(開)毆罵詈違限等類輕罪律有正條  
者法司以正條罪輕擬依不應從重其罪免枉法強竊盜賊等  
項罰金銀律違本色今乃准其費用追鈔此皆輕重不當乞禁  
令如律從之。巡撫遼東左副都御史寇深奏都指揮僉事李

貴屢索軍人貨物當究其罪 命巡按御史執鞠之○守備馬  
萬全少監阮化州長隨嚴訓衛千戶趙昂杖已軍伴誣以罪妄  
奏之巡按御史劾其不實 帝宥不問但命法司錄狀示之○  
命故戶部左侍郎劉璉子銓入國子監讀書從璉妻張氏請也  
○庚子 命遼東都司都指揮使王崇弟岷代為三萬衛指揮  
使以崇病風故也○河間長蘆都轉運鹽使司舍人馬彪首送  
掘出銀五十七兩二錢 詔每兩給賞鈔四十貫○曉刻木星  
犯六諸王東第一星○辛丑 遣中官祭中雷之神○都知監  
左少監高琳奏太監劉順死遺下河間府皮箱庄杜柳墓二處田  
地四四十五頃乞 賜臣耕種事下戶部覆奏欵從之 帝不允  
命與民耕種辦納糧草○戶部奏宣德間 賜真定公主涿縣  
張家庄草地三十二頃今本縣民岳真奏包佔有百餘頃真田

亦在所占之內本部遣官勘出六十八頃三十畝欲移文順天府撥與丁多田少無田之家真田四頃有餘仍還真俱如減輕則例起科從之○命故文淵閣大學士兼左春坊大學士湖廣孫觀入國子監讀書從觀規奏請也○壬寅陞行人司行人陶銓為禮部儀制祭司員外郎王宴為南京戶部廣西司員外郎俱以九載任滿也復陟西道監察御史賈恪于江西道戶部江西司主事曹恂于吏部文選司山西司主事蔡昇于考功司○賞右叅將都指揮僉事周賢協贊軍務右叅政葉盛各銀二兩綵段一表裏為首官軍八十四人指揮等官各銀一兩絹布各一疋千百戶等官絹布各二疋旗軍人等各絹二疋以獨石龍王堂殺賊功也○癸卯刑部廣東司監候聽決強盜反獄尚書俞士悅等劾原問提牢巡風等官劉子肅等不行妨閑臣等失於

嚴謹當俱有罪。詔堂上官姑宥其罪，餘命錦衣衛執鞠之。  
命故哈密衛都指揮僉事掌吉帖木兒子克失禿罷職。○甲辰  
先是巡撫南直隸戶部尚書李敏言：應天等府縣自往歲大  
雪窮陰，今年注雨亢旱，民方匱食，遑遑焉無以安生。而內官令  
應天府採買翠毛、銅絲、鉄絲、羊角、毛竹、魚鮓，以百千萬計。夫以  
飢荒之際，加此煩擾，臣恐人心動搖，致生他變。乞暫停止，以俟  
秋成之後採買。其翠毛宜令廣東產有之所貢之，詔以內府急  
用之，需不允。致是監察御史周文盛又為請，乃免之。○守備遼  
東錦州都督僉事梁瑄卒。瑄由金吾右衛指揮使屢以軍功陞  
至今官。至是卒，遣祭，賜祭命有司治喪事。

大明英宗睿皇帝實錄卷二百五十四



大明英宗睿皇帝實錄卷三十三廢帝郅庚王附錄第七十三

景泰六年閏六月己巳朔 太上皇帝居南宮○命故鎮守廣東雷廉等處都指揮僉事陳惠子昭襲為陸安衛指揮使○四川按察司僉事劉福奏保瀘州知州賀讓富順等八縣知縣李貞等俱堪陞調又保為事知縣劉原政任別任吏科劾其徇情濫舉不諳憲體請下巡按御史治罪從之○丙午南京監察御史苗樞言臣見南直隸府州縣衙所問刑官不問罪之輕重一槩監禁有一年不決者有半年不理乞通移文在外問刑衙門今後真犯死罪監禁外其餘輕重罪囚不許久禁照舊例大事五日小事三日不與決斷者聽受禁之人赴巡撫巡按等官伸告則囚犯不致淹禁而囹圄空虛矣 詔從之○戊申陞禮科左給事中楊燧為本科都給事中○賜遼府松滋王庶弟鎮國

將軍豪塊夫人秦氏及第二妹臨武縣主儀賓杜通第三妹邵陽縣主儀賓陽伯川 誥命冠服鞍馬等物○周王子扈昨城王子墟各奏以受冊封欲親赴闕謝恩復書止之○保安王公鍊奏母何氏患風疾求 賜藥餌 帝命太醫院依方給之○乙酉設四川灌縣守禦千戶所攝成都後衛右千戶所官軍實之先是左副都御史寇深董卜韓胡久蓄異志而灌縣實當其衝宜築城置守以防未然事下兵部移文四川巡撫及三司議以為故宜有是命○庚戌巡按廣西監察御史沈琮等奏湖廣武岡州楊峒等寨首賊楊通秀等糾率夷類越境屢於全州及西延巡檢司地方殺掠為民患把哨都指揮秦敏哨守西延都指揮李敬等不能防禦乞治其罪 詔姑不問移文總督等官廉察敏等失機事實及賊情如何從實具奏處置○辛亥廣東

高要新會二縣撫徠人謝守信徠首朱亞回等來朝貢方物  
賜綵幣紗絹有差○易午門朝鐘舊鐘無故忽失聲故易之也  
○降福建按察司楊珏為湖廣黃州府知府浙江道監察御史  
練綱為陝西西安府邠州判官綱巡按福建與珏不相能珏乘  
轎道遇綱不下綱憾之由是互相抵訐珏奏綱應科舉時懷挾  
文字及巡按又與監運使史潛賂交通以求人保陞都御史  
綱奏珏額外濫設皂隸役占馬夫納月錢俱下獄法司言綱珏  
奏詞俱偽坐贖還職 帝以綱等有乖憲法體俱降之○壬子  
調吏科給事中盧祥為山西平陽蒲州判官初祥劾吏部左侍  
郎項文曜儉邪謫詐愚弄尚書王直嘗嘗以私注其鄉人為直  
隸行唐縣丞適舊任縣丞未滿復以注福建沙縣二邑皆豐富  
及朦朧奏陞坐事御史張澗為叅議丁憂御史項璉為副使專

擅竄壞選法下多官按其狀文懼亦訐詳嘗囑已欲陞本科都給事中及左右給事中俱不從乃挾私陷害并訐奏陞二御史時悉同尚書直無朮狀乃命並執詳按之刑部及多官坐文懼贖杖詳贖徒俱還職詔以文懼未免有私其姑宥之詳職近侍乃挾詐妄奏令贖既調用於外已而十三道御史張瑩等復上疏言廷鞫時時文懼嘗面訐禮部右侍郎姚夔為祥囑直等求陞左右給事中法司乃黨比不奏及恐御史執法不從不令預議乞自今凡廷鞫罪囚宜會內閣大臣并六科十三道庶幾奸黨不致欺蔽而刑罰得以適平詔文懼等事既已處之姑置不問但今後凡多官議事俱會內閣及六科十三道○鑄給四川都司新設灌縣守禦千戶銅印一顆百戶所銅印十顆印夜巡銅牌五面○江川徽王徽燭奏冠服年久朽敝保安王公錄

奏原賜織金常服窄短不堪用 命工部造辦仍命各先給大紅織金裏龍紵絲紗羅各一疋○少傅兼太子太師吏部尚書王直少傅兼太子太師吏禮部尚書胡濙任滿六載俱 命復職羊酒勞之○癸丑賜永壽王第四子鎮國將軍公鏞并鎮國將軍志瑾第三子輔國將軍公鎔 誥命冠服等物○文城王美圻奏舊賜免服并皮弁服損壞乞賜新服 命工部製與之○甲寅陞四川布政司右叅政何瑄為左叅政監察御史顧曜為福建按察司副使汪瑛為山東按察司副使周文盛為四川按察司副使余泰為廣東按察司司事復除山西布政司右叅政李貴於四川布政司以親喪服闋也○總督兩廣軍務太監班祐奏湖廣武岡州黃蓬峒欄等寨苗賊往往越境流劫廣西全州地方北及調兵勦殺則奔避巖壑官軍一退施得出沒以

致經年累月軍士疲於守哨欲令湖廣總兵官及守備武岡叅將等官量率士馬與臣等赴期會合勦捕盡絕從之○巡按直隸監察御史楊紹工部右侍郎趙榮總督主事劉善指揮王五修蓋通州倉廩日久弗成軍匠勞苦當究其罪 帝宥榮罪餘命刑部鞠之○董卜韓胡宣慰使司都指揮使克羅俄監築死提督松潘兵備刑部右侍郎羅綺等以聞少保燕尚書于謙等言克羅俄監壑謫詐今稱病死未可遽信宜再移文綺遣人體察虛實否從之○乙卯 命故陝西行都指揮僉事馬馴子麟襲為甘肅州左衛指揮使設湖廣襄陽府房縣撫民縣丞一員以地曠山多逃民所聚故也○西域坊草場火○提督山海等處關右副使御史李賓以虛達賊聲息陳情服罪 詔宥之再犯不宥○丙辰賜靈丘王第四子名曰仕墻第五子名曰仕墻

烏思藏南林叱寺刺麻克矣失貢舍利 賜宴并綵幣等物○  
戊午禮部右侍郎兼詹事府少詹事薩琦奏臣近因庶母鄭氏  
在家患病臣止有一子文昌遣歸侍奉湯藥不幸相繼皆故愛  
愁痛切情不能堪况臣年老鰥居內無伯姪子侄強近之親外  
無經營喪葬可倚之人且庶母有暮年之服乞容臣給暇還家  
安葬從之○己未 命故廣東都指揮僉事王璿子源襲為廣  
東右衛指揮使○黜貴州按察司僉事王貫為民貫以公幹至  
晉安州官科歛白金等物為巡按御史伍星會所劾覆治有驗  
故黜之○昏刻金火二星俱入太微垣右掖門○壬戌給慶府  
甘泉郡主并儀賓路星歲祿八百石內米五百石折鈔三百石  
○廣西博白縣徃首陳應文等來貢方物 賜鈔絹有差○癸  
亥 命故遼東都司都指揮僉事文廣子寧襲為都指揮同知

於本司帶俸以廣戰歿故也○甲子調金吾左衛帶俸指揮僉  
事王善於永清右衛治治○乙丑命故江西都司都指揮使  
楊真子隆襲為袁州衛指揮使○丙辰寅太子太保兼兵部尚  
書石僕自陳衰老無為乞放歸田里帝曰兵部軍政至繁卿  
協理其事不必以年老辭退○提督倒馬等關右僉都御史彭  
誼奏守備都指揮僉事胡璽明知所部官軍逃歸不行執問似  
有受賂之狀宜下巡關御史究治從之○卯時日生紫氣一道  
未久漸散○丁卯五府六部侯伯駙馬都督等官寧陽侯陳懋  
等一百八十二人以陰雨失朝鴻臚等處衙門請治其罪帝  
悉宥之○太子太保兼刑部尚書俞士悅奏近見福建各府草  
寇竊發臣惟福建僻在一隅邊臨大海隔遠京師人多梗化往  
至廛王師雖渠魁投首而遺類尚存人被驚擾乞勅在廷重臣



一人往彼巡撫庶幾民心有所倚仗盜賊不致滋蔓事下廷臣  
集議少傅兼太子太師吏部尚書王直等議曰廷臣巡撫本非  
定制通者朝廷以福建年穀稍登民頗寧息已徵回京今雖有  
小寇宜督責三司禁捕 帝曰卿等議是朝廷設三司府縣衛  
政欲安民楚盜今小寇未除寔彼之責其移文詰之令盡心撫  
安軍民殄除寇盜非有大功不許輕遣廷臣○遣太保寧陽侯  
陳懋告于 昊天上帝 厚土皇地祇曰不德災及群黎禾稼  
在田遭連淫雨仰惟 洪造憫念民艱大布陽光俾諧豐獲遣  
各衙門官遍禱各廟神祇○庚午湖廣散毛宣撫司遣把事王  
彪貢馬○命工部修宛平閘以水漲堤決故也○辛未免在京  
各營及順天府寄養倒矢馬以水災寬恤之○吏部考功司帶  
俸郎中黃米奏臣任滿三載例得封贈父母臣父准任少保嘗

受 誥命并封臣嫡母楊氏為夫人今臣生母李氏年七十一  
老病漚漚乞賜 誥命推封并及臣妻從之○壬申調右軍署  
都督同知馮宗於後軍督府視事○吏部都給事中李瓚等言  
五事 一各處所保儒士或籍倚父兄之勢而膺薦或私通賄  
賂而得舉既非殊才驟致美職乞暫停止今後務須嚴加考試  
不中者罰連舉主則人知廉耻而奔競少息 一天下大小官  
考滿起復省察等項到部其間多有不諳行移老病不滿堪任  
事乞 勅吏部每一月或兩月通類選考從公黜放則人才不  
致壅塞 一曩因鈔法不通鹽法阻壞於故泊船處所產鹽地  
方差官京監收料鈔巡察私鹽近年各處水旱相仍人民困苦  
差去官供給洪費且以一處言之有巡撫鎮守官又有三司分  
巡有既有巡按巡鹽御史又巡河捕盜清軍御史有倉者既令

官收糧行船者又設官收釵者是張秋水利未成群官咸集若不減省民實不堪乞取回前項差去官其巡按者兼管巡鹽清軍巡河者兼管捕盜其餘可兼其事者從宜斟酌停止庶免官多民擾之患 一京師天下之根本近因大興宛平二縣奏連年買辦物料供用不給欲將京城內外開張舖店之家逐一照依所賣物貨名色報官聽候買辦見差給事中御史等官在外清查類冊臣等近見天雨連綿房屋傾圮物貨蕭條人民艱食若不存恤實不安寧乞移文順天府仍照先年措置買辦事例供用將見差官取回候豐稔之時再為區處庶可以安人心而固國本也 一南北二監監生不下萬餘人有因事故而漸衰老有因患病而成廢篤若不聽其自陳愈加淹滯乞令二監坐堂并各衙門歷事監生果有老疾及取用未到願告寧家者聽

其各處丁憂依親等項在家不願到京者宜從有司具實奏聞就彼放免如此則廩祿不致虛糜矣 帝曰朕覽爾等所言多有理俱從其請○戶部上寬恤減省事宜 一京城內外被水淹沒軍民既發倉賑濟矣而順天并北直隸等府軍民被災者請移文請府各遺堂上官二人勘實撫恤安插賑濟毋令轉徙失所 一兵部所選各營頭撥二撥官軍既支本等俸糧行糧又奏添與月糧每月或一斗或五升列營營坐食未効勞勩况今各處災傷軍民遠運或恐不繼請預為樽節止支本等俸糧月糧有警調用別為處置 一各處看倉海子種菜種藍養牛跟官諸項軍人月支米一石既無操練別無重難差撥請月減二斗以備缺乏 一浙江嘉興并直隸蘇常等府供用白糧納欠數目多已嘗奏擬追糧完日違問今各府災傷特甚而糧米

陸續納完宜免問以甦民力 帝米納焉○癸酉 命故陝西  
都指揮僉事王信子英襲為西安後衛指揮使○ 命給事中  
監察御史工部官督五城兵馬疏濬京城溝渠○ 巡撫江西右  
僉都御史韓雍奏所轄諸府歲歉民飢已發廩賑濟候秋成備  
償官○是月江西九江南康山東濟南兗州青州山西平陽陝  
西鞏昌臨洮諸府奏階州各奏數月不雨直隸真定永平河間  
廣平大名河南開封衛輝雲南大理諸府各奏淫雨水泛傷民  
稼穡租稅無徵事下戶部命所司覆視以聞○順天府所屬各  
奏猛風暴雨連日不止木拔河決壞民廬舍禾稼 命戶部遣  
官賑卹

大明英宗睿皇帝實錄卷二百五十五

大明英宗睿皇帝實錄卷三十一廢帝邨戾王附錄第七十四

景泰六年秋七月甲戌朔十六太上皇帝居南宮 帝享 太廟

○遣中官祭司門之神○給慶成王府鎮國將軍鍾鏞歲祿一千石米鈔中半兼支○以平陽府廢倉并地分賜交成陽曲西河三王從王請也○乙亥命故前軍都督同知宮聚子恒襲為永清右衛指揮使○陞浙江都司經歷延祥為嘉興府知府從鎮守尚書孫原貞等官奏保其有通敏之才也○一勅諭少保兼太子太保戶部尚書文淵閣大學士陳循少保兼太子太傅工部尚書東閣大學士高穀少保兼吏部尚書東閣大學士王文太子少師兼戶部右侍郎翰林院學士蕭鑑兵部左侍郎翰林院學士兼左春坊大學士商輅曰朕惟古昔帝王盛德大功載諸典謨訓誥誓命之文春秋二百四十二年之事著於孔

子履貶之書足為鑒者不可尚矣自周威烈王至梁唐晉漢周五代事書於錄朱文公通鑑綱目亦天下後世之公論所在不可泯也朕嘗三復有得於心獨宋元所紀竊有歎焉卿等其仿文公例編纂官上接通鑑綱目共為一書以備觀覽應編纂官屬仍推勤敏有學識者具官職名以聞其尚精審毋忽循等推舉左春坊大學士兼翰林院侍讀彭時右春坊大學士兼翰林院侍講劉儼翰林院侍講學士兼右春坊右中允呂原翰林院侍講學士兼左春坊左中允倪謙司經局洗馬翰林院修撰李紹春坊贊善兼翰林院檢討錢溥詹事府府丞李侃李齡順天府治中劉實兵部主事章陔中書舍人兼司經局正字劉鈺國子監博士陳淮南京通政司叅議丁澄南京尚寶司司丞宋懷南京刑部主事張和南京工部主事劉昌南京國子監學錄蕭



士高湖廣蘄州知州金銑浙江仁和縣學教諭聶大任俱堪任  
編纂從之○鎮守遼東太監宋之毅奏廣寧操備都指揮高飛  
等年已六十例應代職然在邊年久深知虜情尚能披堅執銳  
乞不拘常例仍留操守從之○巡按直隸監察御史吳中奏閏  
六月朔保定府東鹿縣大風拔木迅雷雹如雞子擊死烏鵲狐  
兔無算本月中順天府霸州永清大城文安等縣暴風驟雨漂  
溺民居滄波禾稼河間永平等處水患尤甚 命戶部覆視之  
○築沙灣決口成沙灣之決垂十年至是黃河南流入淮左僉  
都御史徐有貞始克奏功凡費木鉄竹石等物累計萬計工五  
百五十五日 帝以河道雖完尚恐未堅命有貞明年春仍往  
視之○丙子陞尚寶司司丞楊導為本司右少卿以九載任滿  
也○巡按淮安等處左副都御史王堉奏直隸淮安府邳州海

州睢寧山陽縣鳳陽府宿州蝗巡撫山東刑部尚書薛希璉亦  
奏東昌兗州濟南三府平山濟南二衛蝗○丁丑 仁孝文皇  
帝忌辰遣官祭 長陵○免浙江杭州嘉興湖州三府拖欠藥  
料等以水旱相仍生民飢窘也給事中徐正言今各處所收夏麥  
及商賈販糯米黃米皆為造酒之費淮濟間歲造麴麴百十萬  
臨清通州及都城造酒之家不下千萬家一家日費米一石萬  
萬日費米萬石積而論之為費實多今一切禁之恐不能及可  
重權其稅令少自止息則米麥不耗矣又言都城附郭荒田不  
下千萬餘頃而操備官軍皆坐食可分屯以省轉運又言錢為  
國家利柄多則物貴可收斂之少則物賤可增鑄之如此則物  
價常平而朝廷享其利奏入 命諸司議行之○金星晝見於  
未位○戊寅給清江王府故奉國將軍宮佐茂宮眷歲祿四百

石米鈔中半兼支免綿衣衛將軍旗校等所負官馬以水災也  
○監察御史倪敬等自古有聖賢之君必有忠諫之臣然後能  
成德業之大而致治道之隆近年以來天時失調災異迭見今  
年閏六月間雨水霖霖動經半月傾頽墻屋淹沒禾稼軍民艱  
難愁歎盈於道路臣等竊思天時之不調由人事之不修近聞  
各部都察院等衙門累陳減省等事中間舉行者少不行者多  
是以迨今天時尚未開霽人心尚未釋然臣等恐辜 陛下任  
用之意謹直陳所見上聞伏望宥臣等狂妄奮振果斷舉而行  
之無安於故常而憚於難為所以省修感天者有其實將見心  
應而陰陽和五穀熟而人民育矣請以事之當止者言之府庫  
之財皆取於民不宜濫乎遊觀之事有妨治道不可無節曩因  
齋僧累出內藏之金易米供給緣京師米價騰貴不免靠損下

民且僧人異端惑眾非真能興禍作福况其不耕而食不蠶而衣既無征科又無徭役顧乃厚之如此則遐邇遠漠櫛風沐雨之窮軍荒年歉歲趨事服役之飢民又將何以濟之乎近聞起造燕室龍舟遊宴之事頗多木石米糧之費不少且遊宴歡樂人主為之似不為過但非所以保養聖躬隆盛聖德之道伏望皇上罷齋僧之費節遊宴之樂凡一應土木工作悉皆停止上念祖宗創立之艱下思小民飢寒之苦則聖德日新聖躬萬福奏下禮部議近日雨水過多米糧報費御史所言蓋欲搏節以裕國用亦忠愛之意乞皇上少留睿念帝曰朕已知之○安塞王秋旻以賜奠禮畢俱奏欲詣闕謝恩復書止之○太子太傅兼吏部左侍郎俞山以久病乞還鄉療治許之仍命有司歲給米十石○順天府宛平縣奏景泰元年虜寇未靖

人民驚移招令復業曾支給通州倉糧賑濟給之家既已償納  
內凡九百四十餘石皆貧難小戶責令秋成償官今又被災請  
暫停徵 帝曰歲既無收姑宜寬恤○夜月犯氐宿西南星○  
庚辰 命都察右僉都御史徐有貞暫理本院事以修理河道  
還京故也○兵部先因虜寇犯邊選在京武職子弟一家或二  
三名或三四名五各支月糧四斗今邊務稍寧乞為疎於以省  
糧儲并起取各處附籍人丁遠者萬餘里近者數千里正遇旱  
澇時月路逢艱窘乞為停解以甦民困從之○永平衛指揮使  
朱信奏久雨深河溢壞城垣及漂沒軍民房屋頭畜米穀無算  
○詔巡撫右副都御史李賓巡視具處置以聞○命修大寧都  
司茂山衛城以本衛指揮同知馮清奏久雨城圯故也○萬全  
都司都指揮同知梁秦索部軍銀兩及開種荒地不納稅糧事

覺都察院請下巡按御史問罪從之○辛巳刑科給事中徐正  
有罪謫戍邊正素惡邪無學識往往倩人代具奏草條陳時政  
掩為己能覲得重用先是與冠帶軍餘汪祥謀密奏請 帝御  
便殿言機事 帝亟召入請屏左右乃言 太上皇帝臨御日  
久威德在人沂王帝位儲副在天下臣民所仰戴不宜居於南  
宮宜遷置所封之地以絕人望別選宗室親王之子育於宮中  
帝聞之驚愕大怒指正曰當死當死即叱出之 命調為雲  
南臨安衛經歷然怒猶不解欲明正其罪又慮駭眾乃遣人伺  
察之正留戀淫婦家久不行遂下錦衣衛獄至是復謫充遼東  
鐵嶺衛軍○省管徂徠等處泉源主事各處飢饉恐官多擾民  
故也○壬午雲南灣甸等州遣頭目刀索孟等并廣東新會縣  
孫首鄧鉞等俱來朝貢馬及方物 賜鈔<sub>本來</sub>緜幣紵絲絹襲衣等

物有差○調浙江處州衛帶俸都指揮同知余春于本都司專  
督屯田事○直隸無錫縣學生張賢先以納馬 賜冠帶今復  
納麥八百石乞送監讀書從之○癸未陞河南布政司右叅政  
王概為河南按察按除廣西布政司右叅政曾鞏於河南布政  
司尚寶司司丞楊壽仍南京四川道監察御史戈立於南京廣  
東道以親喪服闋也○賜雲丘王美堦織金袞龍袍服以王奏  
舊頒祀服敝壞不堪用故也○甲申擢監生俞誥為工部給事  
中誥太子太傅兼吏部左侍郎山之子也○代府安塞王秩炅  
奏臣年十一而父薨十五而母薨俱殯莫韋州地方相去三百  
餘里自歸葬之後不得親行拜掃於心歎然每思父母之恩心  
摧肝裂不能自己乞暫詣墳所祭掃少伸悲慕之情不允○禮  
科都給事中楊樾等奏 朝廷設置國子監所以作養天下英

才以備任用非特為縉紳之家膏梁子弟而設也近年以來有以祖父嘗任在京官員今勢去財乏無所容身既無科舉之才又無歲貢之路輒便陳情乞恩送監讀書及至進監義理之不知句讀之不明坐堂未久又復賞緣請託寫本歷事受官罔知稼穡之艱政治之當務卒以取敗者多矣玷辱儒風莫此為甚乞 勅所司令有大臣果有功德於民出身特恩遣其子弟入監者勿論其餘但有陳情乞恩入監者治之以罪如此則人才有進用之實國學無虛育之名從之○巡撫淮安等處左副都御史王竑奏近恩各處災傷勅臣設法撫安賑卹已賑給過直隸淮安等四府和滁二州并直隸蘆十八口共糧二十二萬一千八百二十四石有奇○乙酉賞工部營繕司主事孔詡山東布政司叅議陳雲鵬按察司僉事陳蘭及同知等官張方等一



十五人各絹二疋鈔三百貫以修治沙灣河道功也○丙戌賜提督松藩兵備刑部左侍郎羅綺 誥命并封贈其祖父母父母妻綺先任大理寺寺丞坐事謫戍邊後以少保于謙等奏保復任累陞是職以前過例不得誥命至是綺以為請 帝念其在邊日久特賜之○命修直隸容城縣白溝河杜村口及固安縣楊家等口決隄○河南布政司左叅議高信以老疾乞致仕從之○丁亥 命各邊關總兵等官修理城垣壕塹屯堡墩臺○鎮守甘肅太監蒙泰奏撒馬兒罕地方使臣言亦力把里也咿力火者王領人馬來奴哈密兵部議哈密與甘肅為隣竊虜擾邊境乞移甘肅及治邊總兵官晝夜密切哨探以備不測○戊子中元節遣官祭 長陵 獻陵 景陵○戶部奏近以天時淫雨車脚不通米價翔踴廷臣建議在京官軍俸糧俱于京

倉預闕兩月矣今通州倉庾復充各處運至者無處收受司出納者復請官軍九月十月分俸糧更於通州預支二月宜從所擬從之○提督宣府軍務右僉都御史李秉直隸陸慶衛原撥土木榆林二驛擺站軍士月糧有室家者給八斗無者六斗而原衛月糧或有重報冒給者此等軍士走遞之外既無別差又不出戰請從搏省照口外站軍例有室家者給六斗無者四斗五升俱於附近懷來倉關支原衛月糧明白開除不許重冒其家口畏懼邊城不肯隨住者如例發遣從之○夜有流星大如杯色青白有光出文昌東北行近濁○庚寅 勅南京守備及五府六部等衙門官曰朕惟自災祥皆由乎人事得失所致南京實朕 祖宗肇迹之地其重與京師等庶府百司設置惟一既命爾等分任其職則凡所以致災祥者厥有攸歸近聞所在

所在災異荐臻或水旱相仍或饑疫競起火盜累作人用怨咨  
爾等安能辭其責乎茲特勅爾等各務修省改彌毋苟祿以急  
政毋臨事以乖方毋避患以偷安毋循惰以壞法毋假公以私  
己毋恃勢以凌人并以朕言通諭爾屬一體奉戒脩職庶以回  
天心爾等其慎之勉之○巡撫貴州副都御史蔣琳奏都指揮  
僉事魏英初受操軍賂私放之歸後懼事發妄稱其在逃宜循  
例立功按英詔以逃軍不及數姑宥之○辛卯 皇太宗文皇帝  
忌辰遣官祭 長陵○免順天府文安縣景泰六年被災秋糧  
四千八百一十餘石○壬辰雲南木邦軍民宣慰使司土官宣  
慰使罕落法住守孟定地方土官宣慰使弟罕郭法遣頭目刀  
邦悶等來朝貢馬及金銀等四等物 賜鈔綵幣表裏紵綵襲  
衣等物仍命刀邦悶等賞勅并綵幣表裏歸賜其土官及妻○

癸巳 賜南和伯方瑛 誥券贈封其曾祖父母祖父母父母妻○以武岡州東偏執塘為江州王劉陽縣主弟從王奏請也○命南京并各布政司官吏人等雜犯死罪并流罪以下並免解京詳審就彼照例納米經發為民以四方水旱荐臻從文淵閣大學士陳循請也○甲午 命南京浙江等道試監察御史程景雲陳林黃瑾康麟高宗本史權熊俊徐毅徐宗李益胡德盛王春曾清俱實授監察御史先是景雲等以吏部考選為試御史至是理刑一年本院考稱故有是命戶部先奏准在京法司并北直隸囚米運米贖罪例則永平山海一帶關塞城堡官吏軍民于喜峯口倉上納保定真定順天府衛所屬于倒馬關倉上納河間大名廣平府衛所屬并順天府霸等州縣於紫荆關上納其後歲款米貴逋負連年至是巡按監察御史吳中以

為言命減其則例雜犯死罪九十石三流并徒三年七十石俱減二十石杖九十徒二年半六十石減其十五石杖八十徒二年五十石杖七十徒一年半四十石杖六十徒一年三十石俱減其十石杖罪每一十二石減作一石五斗笞罪不減○掌陝西行都司事右軍都督僉事任啟奏年已七十三乞令孫俊代職 詔不允以兵部言其精力未衰公勤廉幹下人服信服故也○己未朵顏衛都指揮阿兒乞蠻遺鞭子薛薛歹等來朝貢馬 賜宴并綠幣表裏等物○丙申滿剌加國遣使臣端麻古凌釘等奉表來朝貢馬及方物 賜宴并綠幣表裏金織紵絲襲衣等物仍命賞 初并綠幣表裏賜其王及妃凌釘等奏其王原賜冠服燬于火 詔復賜皮冠弁服紅羅常服及紗帽犀帶○順天府直隸河間廣平等府涿鹿寧山興州前屯天津并

大寧都司營州後屯等衛俱奏六月以來天雨連綿所轄地畝  
淹沒無收 帝命戶部勘實以聞○夜有流星大如杯色青白  
出七公西北行至右攝提星○丁酉 賜襄陵王鎮國將軍範  
規子名曰徵鏗○戶部奏京城軍民徇利逐末屠宰耕牛請命  
都察院榜示禁約仍令御史兵馬司捕問追牛給貧民耕種之  
○木星晝見于未位○戊戌 命故府軍衛指揮同知李昂子  
北斗奸府軍左衛指揮同知王福子得府軍後衛指揮同知馬  
鏞叔英金吾左衛指揮僉事祝林子勝南京金吾左衛指揮同  
知何通姪愷俱襲職旗○辛丑秦王志潔薨王秦隱王第三子  
母唐氏永樂二年生二十年封為富平王宣德三年襲封秦王  
至是薨享年五十二訃聞報朝三日謚曰康遣官致祭命有司  
營奠○壬寅禮部奏灌頂國師贊善王班丹堅劉等言守獲邊

方盜賊寧息屢遣人臣入貢求食茶坐船廩給未蒙允賜近日  
達賊屢寄書相誘為惡不肯從 朝廷若允所求則仍朝貢護  
邊若不允則邊民為惡臣難以禁阻惟班丹堅對本以蕞爾小  
夷僻處遐壤過蒙 朝廷厚恩封以王號正宜敬修臣職撫允  
番夷以圖報稱今乃蔑棄禮法大肆狂言欲結連醜虜以開邊  
畔請移文陝西四川鎮守總兵等官務要整飭邊備防其奸宄  
仍 賜勅開諭禍福俾其安守禮法毋聽小人誘惑為非從之  
○癸卯 勅都察院曰 朝廷置都察院所以揚振風紀表著  
公論警官邪明憲度糾察姦慝扶翼善良所責正己以律人奉  
公以行法知無不言言無不當庶幾可稱其任近聞監察御史  
中有不得其人或素行不端廉名少著或持憲失體處事乖方  
或文移欠通輕浮少實或假公濟私不畏清議此皆尔等素所

見聞而知者也似此之徒難居是職特  
勅尔等嚴加考察具  
名以聞毋徇私曲乃愜羣情

大明英宗睿皇帝實錄卷二百五十六



大明英宗睿皇帝實錄卷七十五廢帝邠侯王附錄第七十五

景泰六年八月甲辰朔 太上皇帝居南宮○應天府并直隸鳳陽寧國太平安慶廬州徽州池州諸府廣德滁和諸州直隸潼關陝西甘州諸衛各奏今夏亢旱直隸淮安揚州蘇常諸府南京神策龍虎及直隸諸衛各奏今夏旱至閏六月十二日猛風驟作雨雹交下連日不止潮水泛溢滄沒民居禾稼租稅無徵命戶部遣官覆視以聞○己泰寧衛都督僉事革干帖木兒等遣指揮脫脫不花等湖廣施州衛南宣撫司遣把事般古送等貢馬賜宴并綵幣等物有差○降監察御史倪敬黃讓臧景羅俊杜賓汪清婁瀟蘇廉祿王儀王紀白琰金澤左源朱倫俱為典史吳節林環俱為驛丞時 帝以監察御史多不得人特勅左都御史蕭維禎等考察於是以敬讓景俊有清俱輕浮

少賈濬廉祿儀俱處事乖方紀持憲失度體瑛澤源倫俱文移  
欠通節素行不端環廉名少著具名以聞遂俱降之時監察御  
史王鑑嘗於左順門以正言折中官非禮不為屈中官諷維禎  
等黜之維禎不聽惟倪敬嘗指陳時政忤旨被顏為時論所惜云  
調留守右衛指揮僉事梁偉於錦衣衛帶俸不管事○丙午  
萬壽聖節遣官祭 長陵 獻陵 景陵 帝詣 奉先殿  
上聖皇太后宮 皇太后宮行禮畢出 御奉天殿文武羣  
臣羣臣及四夷朝使行慶賀禮以齋戒免宴○賜宜川王府鎮  
國將軍公并公鎔公鏞 誥命冠服等物○ 命修理金山衛  
及青村南滙嘴守禦所城垣以海水漲溢為所決壞也○丁未  
釋奠先奠師孔子遣太子少師兼戶部右侍郎翰林院蕭鑑行  
禮○遣順天府官祭宋丞相文天祥○陞太子太保兼中軍都

督府僉事張輓為右都督仍兼太子太保錦衣衛指揮同知李  
効良為指揮使○哥吉河夷人伯革等自虜中來歸送南京錦  
衣衛安插給房屋器物○鎮守浙江兵部尚書孫原貞奏浙江  
各府及直隸蘇松等處人民艱窘其清逃故軍丁乞待秋成後  
起解從之○戊申 帝祭 太社 太稷○鎮守雲南都督同  
知沐璘等奏所轄府衛水潦民飢米價騰貴預備官倉支給已  
盡今將各府軍儲減價出糶以甦民困其所得銀貨官為收貯  
候豐年易米上倉謹以數聞○己酉朝鮮國王李泓暉遣陪臣  
安崇直等貢馬及方物賜衣服綵帶等物有差○代王仕壘奏  
第三子成鐔蒙封為博野王府中遇有疾病缺醫調治命所司  
撥民醫一人與之○秦寧衛都督僉事革干帖兒所遣指揮脫  
脫不花奏虜酋卯里孩立脫脫不花王幼子為王卯里孩陞為

太師近者卯里孩領人馬來我三衛虜掠我三衛共追之已擊  
敗其眾兵部議虜情難測恐卯里孩假以讎殺為由因集醜類  
來擾邊境宜移文遼東大同宣府等處總兵等官嚴切哨備從  
之○辛亥旌表節婦三人李氏直隸長洲縣民俞鎮妻鄧氏丹  
陽民沈軼妻俱守節三十年旌其門曰貞烈○晉王鍾鉉奏永  
和王美鳩先被鎮國將軍美瑋訐奏其傷壞人倫等事蒙降為  
庶人其子鍾錄被累年久乞畧其父過俾沾一命以承祭祀  
帝曰鍾錄仍為庶人俾主事今後恪守 祖宗成法如違必罪  
不宥○黎平城王府正平縣主薨遣中官致祭命有司營葬事  
○壬子賜交城王美垞西河王美瑋稷山王幼拱衣和王公鈺  
冕服并鎮國將軍鍾銘 誥命冠服○提督山海等關右副都  
衛御史李賓奏洪武初魏國公徐達守禦永平山海等處築禦

賊長城三十餘里及喜峯等關口俱修築堅完賊至不能進入百姓賴以安居宜建祠宇於永平府城內俾有司春秋祭祀以慰軍民仰慕之念帝曰遣務方殷軍民艱難俟豐年舉行之

○癸丑給胙城王子壻并褒城王府鎮國將軍徵鏡徵鈺歲祿各一千石靖江王府鎮國中尉相覺相尊歲祿各四百石俱米鈔中半兼支○甲寅陞都察院右僉都御史鄭為左僉都御史

○擢行人盧昇進士李曰良呂益宋有文汪霖龍晉楊釜丁慈史蘭茂彪張綱伍驥毛倫劉充呂洪李志綱王齊郁文博溥鑄教諭表純鄒鼎訓導劉敬威忠薛驥陳勗郭觀施謙俱為兩京試監察御史○巡撫江西右僉都御史韓雍奏所轄府縣預備倉糧支給濟民連年薄收不能償官今漸空虛民間殷實之家亦已勸諭納穀旌異外再難措置者浙江按察司副使羅篔奏

民納穀已搜冠帶者能添納稻穀量授官品其法固善然所添穀多民不樂從請自今有能添納二百石者授以從九品服章每二百石遞陞一級俱於本處望闕謝恩榮耀鄉里不許支俸管事從之○巡撫南直隸戶部尚書李敏奏應天太平諸府歲款民饑公私倉廩賑給已盡欲於石灰山關批驗秤盤客商引鹽之處每盬一引免其該納餘鹽勸令出米三升又於溧水縣廣通鎮壩經過客商所販木植小報者勸令出米一升大者令出米二升官為收貯贖賑濟俟來秋成革罷又言諸府歲運京倉米十七萬石有奇其加耗水程米恒倍是數乞將今年正米於本處出糶以所得白金上納京庫其加耗水程米官為給散賑濟從之○丙辰重造沅陵王府從王貴燭奏請也○巡撫兩廣右都御史馬昂奏廣東自正統十四年駐師勤賊之後倉廩

空虛乞將所屬府縣折銀稅糧五萬石全徵本色存留本處官  
商備用從之○丁巳管河主事李蕃奏初為徐呂二洪水淺鑿  
陽武脾沙岡引黃河之水然後舟楫流通近又見起失濬封丘  
縣新集等處分脾沙岡外水以濟沙灣緣脾沙岡水微細不能  
兼濟二處恐沙灣得水而徐呂乾涸得一失一非計之善况新  
集地高費用頗多乞勅左僉都御史徐有貞等量度處置從之  
○夜昏刻南方有星如蓋大赤色有光起自河鼓東南行自至  
近濁○戊午先是欽天監奏觀星臺在東城上喧擾不便而屋  
宇牆圍垣壁亦多損壞乞徙至東長安街臺基廠則觀星臺之高  
與西長安街二塔相對足為青龍白虎之象於堪輿家所形勢為  
宜 帝允其請至是以其勞擾不徙姑令修理之○鎮守雲南  
金萬等處南寧伯毛勝奏軍民告稱巡撫僉都御史鄭顯往年

遇早設法賑濟人得聊生今年水滯大壞苗稼顯已回家京乞仍命巡撫以慰人望從之○夜金星犯房宿北第二星○己未祭太歲山川等神○遣旗手衛官祭旗纛神○提督山海等關右副都御史李賓奏薊州永平山海諸邊軍士騎操官馬舊制每歲冬季給穀草餉秣者戶部欲廣貯積不復支給然馬多瘦損詔如舊制給之○提督大同軍務左副都御史年富自陳有父在堂年幾八十病息奄奄朝不保暮乞罷歸侍養庶全人子之道 帝曰卿之孝情朕固知之但今邊境正用人之際不允所請其速往整飭軍務毋致稽遲○鎮守湖廣都督陳友奏會同縣所屬苗賊聚眾攻劫城池殺虜人畜兵部議行巡撫湖廣工部尚書王永壽并陳友等嚴謹守備遇賊出沒相機撫捕從之○庚申岷州衛番僧綱司大國師綽竹藏卜遣刺麻達南領



占貢馬賜鈔絲幣等物有差○降南京大理寺左少卿廖莊為  
陝西定羌城驛驛丞先是莊請復皇儲其言激切忤旨及是以  
丁母憂至京陛見 帝甚怒命杖八十於陛前不死遂謫降之  
時禮部郎中章倫監察御史鍾亦先以言 皇儲繫錦衣衛獄  
因命就獄併杖之綸幾死同竟死馬同字世京江西吉安永豐  
縣人翰林院修撰復之子景泰辛未進士拜監察御史為人有  
志操遇事敢言言必出於誠懇無觀矯激之心至是以直言死  
士論深惜之天順元年贈大理寺左丞寺錄其子啟為國子生  
啟後奏歸父骸詔從之仍給舟車廩餼以還塋○調大理寺右  
少卿李茂於南京大理寺○命遼東故都指揮僉事周瑛子俊  
襲衣定遼前衛指揮僉事○鎮守甘肅太監蒙奏守備都指揮  
僉事邢端不行嚴謹致火延營房燒死軍人及燒燬草束官馬

軍裝等物仍受囑不呈報當置諸法奏下都察院覆奏宜行巡按御史候春暖執問從之○夜有流星大如碗色青白有光燭地出井宿西南行至近濁曉刻木星犯井宿鉞星○辛酉詔澹京師城河備雨潦也○論福建官臺山浙江處州府殺賊功賞浙江鎮守兵部尚書孫元貞副都御史鄭詔俸一級其餘官軍陞賞有差○癸亥大寧都司保定衛軍奏鎮守都指揮僉事趙瑄占種軍田及用官物造私造等事刑部請下巡按御史索實以聞之○周府新息縣主堯遣中官致祭命有司營葬○己酉鮮朝國王李弘暉遣陪臣金何等貢馬及方物賜宴并綵幣衣服等物有差○勅朝鮮國王李弘暉曰得奏王自童稚得疾承襲父爵以來氣質孱柔罔知攸措凡百政務委諸臣僚遂致奸謀生變賴爾叔父得彌禍機尚懼人心未寧無以鎮安邦土請

尚爾叔權署國事朕念為政在人得人而後國安王既難理國  
事使讓或未得人則為王國之累非細今姑允王讓叔李珠權  
署國事復勅諭王須審察珠果平日為人行事合宜為國人所  
信服是實即馳奏來朕更為王處置毋受惑於姦諛隨其詐計  
致有不靖王其慎之○勅監察御史鄒永昌往隸與山東河南  
等處印烙馬匹賜大國司鎖南領占金印僧衣誥命○提督山  
海等關軍務右副督御史李賓奏永平山海一帶關墮相連軍  
馬數多見貯糧料數多其附近空閒地土約有七八千頃臣欲  
趁今無警時月令見在營關營及守城軍內精壯者留備操守  
輒弱者量揀屯種仍令帶隨身衣服甲器械遇警各守信地以  
聽調用月糧俱暫支給俟屯田既成上納免支月糧其有大量  
不盡地上官軍舍餘有力開墾者儘力耕種一體辨納子粒庶

可節省餽運事下戶部言賓所奏誠守邊長久之良法宜准其  
言從之○巡撫貴州左副都御史蔣琳奏貴州布政司初開設  
時暫以貴州驛舍舍為司驛在城外庫隘不備臣見貴州前衛  
居城中寬廣可改為司其衛署有指揮谷瑄因貧難願賣可改  
為衛署命三司勘實移徙○山東都轉運鹽使司運使張璉以  
老病乞致仕從之○丁卯詔內外衙門今後犯法者不許擅自  
枷號從南京大理寺寺恐應顯奏也○巡撫山西右僉都御史蕭  
啟言臣年近六十百病交攻服藥無効比者陳情乞骸未蒙俞  
允竊恐苟延歲月有妨重務是以憂懼益深心志愈衰病愈劇  
伏乞矜憫早賜退歸之命庶副首丘之念疏聞不允仍令巡撫  
○戊辰降監察御史亮陳顯為驛丞以左都御史蕭維禎等考  
察文移欠通且輕浮少實故也○命開設壽縣於福建建寧府

溪北山下楊梅村銓官降印割政和福安二縣地共二十四里  
隸焉先是西北隸政和縣其地產銀礦而去縣治四百餘里盜  
賊多潛居焉至是鎮守等官請開縣治之故有是命○南京吏  
部等衙門尚書曹義等奏南京六部等衙門堂上官考滿乞照宣  
德年事例給驛赴京不允○提督宣府等軍務右僉都御史李  
秉奏操守保安都指揮同知王俊不白知守備長隨田霽擅發  
官軍修理城池霽懷私忿輒毆之俱宜問罪詔俱宥之今後再  
不協和必加重罪○庚午調南京掌太常寺事禮部尚書章文  
掌詹事府事時文三年任滿到京故有是命○給趙王祁鑑  
周王子厘歲祿各一萬石○謫戶科給事中孫珉戍陝西肅州  
衛初珉受宣課司吏銀囑戶部容收不堪課鈔事覺命錦衣  
衛鞠之獄具以聞故謫之○辛未巡按直隸監察御史楊言天

下各府州縣納米旌表義民中有倚朝廷旌表為由門立三門中門常杜人不令往來又剝立高樓峻閣刻畫龍鳳名為御書樓勅書閣況有酷害良善暴橫鄉曲乘輜引導者乞通行天下禁約今後有不悛前非者執問如律仍將旌表門并立石俱革去原賜勅書亦追之章下法司覆奏從之○巡按直隸監察御史吳中奏鎮守保安署都指揮僉事王茂占軍地以造私宅當問其罪從之○湖廣按察司副使呂函等奏湖廣地方多有外處民寄居或違禁取利或強占田地倚恃刀頑挾持官府稍不遂意搆祠興訟上司以其原告難監發聽候輒逃去至於捉人已到因無人原告對理監候久之事無完結良善被害誠恐各處亦有此弊乞勅法司通行天下問刑衙門若原告在逃將近及一年者聽將事內證佐人犯對問推理依律發落如告實原

告免提如虛別行挨執問罪庶使奸計不行獄無淹滯從之○  
南京前軍左都督吳信卒訃聞輟視朝一日遣官致祭 命有  
司營葬

大明英宗睿皇帝實錄卷二百五十七



大明英宗睿皇帝實錄廢帝附錄第七十六

景泰六年九月發酉朔 太上皇帝居南宮○永嘉大長公主

奏近見京師軍馬數多用糧浩大願以永樂宣德正統間所買

直隸無錫縣田一處計一千二百餘畝歲入租糧七百餘石盡

歸有司以助供給從之○命湖廣致仕都指揮同知范真男琦

代為衡州衛指揮使○修內府都知監○夜有流星大如盞如

青白色其光燭地起孫星東南行至濁炸散○甲戌南京上寶

司司丞宋懷以九年任滿陞本卿○陞授貴州安順州土官知

州阿龍散官朝列大夫以其輸銀給邊餉故也○永嘉大長公

主薨公主一太祖高皇帝第十二女母惠妃郭氏洪武九年生

二十二年冊封為永嘉公主配駙馬都尉郭鎮永樂三年封長

公主二十二年加封大長公主至是薨享年八十計聞輟視朝

一日遣中官致祭 命有司營葬○己亥擢進士李敏江勳唐彬桂琛李裕張僖葉淇俞紀白保張岐樊英康驥李麟陳貴國子監學正劉澹教諭尹淳監生楊銘滕昭劉淵趙璵蔡浩張珩俱為兩為兩京試監察御史○命禮部尚書掌詹事府事章文經進侍班○巡撫蘇松等處左副都御史鄒來學奉 勅賑恤饑民已給米麥豆穀共一百萬六千七百餘石○夜有流星大如盞色青白起天弁星西南行至濁沒○丁丑兵部奏貴州鎮遠府苗賊苗總幹等殺虜居民邀截糧道乞移文湖廣貴州巡撫總兵等官設法撫捕從之○巡撫河南左副都御史馬謹奉奏初於開封等府安插賑濟給流民三萬一千三百壹拾五戶○命故金吾左衛指揮同知盧俊孫福襲陞都指揮僉事以俊與虜戰沒於彰義門也○命陝西都指揮僉事張通子黼代為

甘州左衛指揮僉事○己卯降監察御史劉紀為廣西高橋馬驛驛丞時紀按視通州衛倉糧儲聘部民女為妻事覺下錦衣衛獄具故降之○庚辰巡按雲南監察御史年俸奏鎮守金齒勝衝南寧伯毛勝貪暴不法數十事謂勝犬羊餘孽狡猾險邪且數與諸夷通恐大貽邊患詔雲南總兵等官覆之○辛巳重陽節賜文武百官宴○壬午陞湖廣黃州府知府余清為福建都轉運益使司運使陝西平涼府知府張鏞為山東都轉運益使司運使復除河南按察司僉事劉懷於四川按察司貴州僉事胡顯於湖廣按察司俱以親喪服闋故也○修內府御藥庫○昌平侯楊俊下獄以家人奏其烝庶母也○兵部奏董卜韓胡都指揮使克羅俄監祭進番文一道言詞悖逆語涉妄誕且侍郎羅綺等先奏克羅俄監祭已死今詳此奏所列官銜亦

與常時所奏不同疑有行偽宜令綺等嚴為邊備及遣人體實以聞從之○甲申免直隸淮安府安東縣歲輸築材等物以本縣屢奏旱澇故也○提督松藩兵備刑部左侍郎羅綺奏土番張蠟國師商巴狡黠多端大為西邊之害而天斃之其姪吾兒哲者仍蹈其故智比之商巴其惡尤甚竊恐結構諸番稔成邊患臣等訪得吾兒哲姪南柯兒與之構怨今以計致之對臣發誓期將吾兒哲等攻殺盡絕乞降 勅俾之管束部落以圖成功庶地方寧清事下兵部尚書于謙議番夷人面獸心素無禮義轉移之間向背不測况此輩本是親屬萬一謀泄則是中國教令外夷戕賊同類非所以訓天下後世綺言不可從 帝是之○夜有流星大如盞色青白起壁宿西南行至游氣沒○丙戌 命河南南陽府郟縣縣丞傅子榮復任陞正七品俸子榮

九年考稱當遷縣民稱其律已謹嚴撫民仁恕奏乞復任下巡按御史布按二司覆實如民所奏故有是命○召商於貴州缺倉糧分中鹽納米兩淮借撥鹽三萬引每米米五斗五升兩浙借撥鹽三萬引存積鹽二萬三千七百二十二引每引米四斗雲南黑白等井遞年餘鹽三千九百四十引存積鹽三萬七千引每引米六斗五升麗江軍民府蘭州上下等井遞年餘鹽九百六十八引每引米六斗五升四川上流等井存積鹽一萬四十七引每引米四斗五升○丁亥命應天府通判董貫復任陞從五品俸貫在任專理馬政九年考稱當陞屬民言其勤慎寬厚撫字有方人不煩擾馬用蕃息告乞復任巡撫尚書李敏等以聞吏部請如所保故有是命○裁革雲南雲南府滇池魚課司副使一員○巡撫廣東監察御史彭信勛巡撫侍郎揭稽實

狀死平民而右布政使宋欽按察使方員監察御史楊璉庇之  
都督僉事翁信違任例受訟稽者詞俱當逮問姑置之命各自  
陳既而信及欽員璉俱輸罪遂皆宥之○夜月蝕○戊子降南  
京監察御史苗穉李堅潘鏞孔鑰俱為典史秦紘戴昂楊敷俱  
為驛丞時南京都察院左副都御史軒輅奉 勅考察穉等文  
移欠通紘擅受詞狀昂故違禮分數輕浮傲物具名以聞俱降  
之○命通州衛帶俸都指揮僉事李名弟全代為本衛指揮使  
○左僉都御史陳泰先奉 勅督濬儀真瓜州江都高郵寶應  
及淮安一帶河道至是以功完上聞凡濬河百八十里築決口  
九處填三座役人夫六萬餘○命修南京暘各滄波門城垣水  
洞損裂者○設四川灌縣永積倉○庚寅巡按湖廣監察御  
史包瑛案監察御史鄭時巡按湖廣時論益獄有失巡按直隸

監察御史伍善案監察御史胡端分巡畿內縱其從吏索賂俱命都察院執問之○壬辰展蓋博野王府初王為安定王所居安定王以窄狹他徙至是開展為博野王府從代王仕壘奏請也○吏部言提督大同軍務左副都御史年富自陳有老父病朝不保暮乞封以今職俾即不諱亦得援例葬祭然富先任陝西右叅政已嘗給誥封贈其祖父母妻矣例難重給 帝富在邊効勞特命予之○癸巳擢寫誥命儒士趙貞為中書科舍人從其援例乞恩也○甲午金吾右衛帶俸都指揮使僉事洪福山老疾乞致仕 命其子嵩代為本衛指揮使○夜金星犯南斗魁第三星○乙未南京叅贊機務兵部尚書張純請今後軍職犯法者即擒送法司然後奏聞刑科叅純欲擅威福亂成律 詔宥之○丙申四川宜賓縣民奏臣等採木於萬山之

中辛勦萬餘里始至北京自中辛已抽分五分之一淮安抽分三十分之一至張家灣又抽分五分之一并僦載費用通計之不滿原本之木客多不至京蓋有由矣乞令張家灣自後抽分如淮安例從之○丁酉掌詹事府事禮部尚書章文言諸司職掌內東宮官從本衙門以事蹟備送吏部考覈景泰三年九月間左春坊左庶子兼翰林院侍講周旋等又奉 聖諭東宮官皆不必考近本府主簿趙政等考滿吏部又移文本府及送河南道考覈且諸司職掌實 國家盛典萬世不可改易况論音在耳未及再期而吏部輒反覆不常難於遵守 帝命如諸司職掌行○戊戌 命故西寧侯宋傑子誠襲封西寧侯○己亥 命萬全都司都指揮僉事武安子瑛代為宣武前衛指揮同知以安年老乞致仕也○庚子賜周王第八弟名曰于班第九子名



曰子墟第十弟曰子圻第十一弟曰子墩第十二弟曰子埈第十三弟曰子塿鎮平王第五子曰子塙第六子曰子珂封邱王第四子曰子垓第五子曰子功胙城王第三子曰子垓第四弟曰子埈第五弟曰子地第六弟曰子塙遂平王長子曰同鎮河陰懷僖王長子曰同釧○召商於遼東各倉中益納米以備軍餉兩淮竈丁折糧益一十八萬七千四百二十九引廣寧等四倉每引米莖中半石四斗共益八萬四千二百二十九引定遼前等三倉每引米莖中半一石五斗共益七萬七千引三萬倉每引米莖中半八斗共益三萬引○沿濟河盜賊橫甚漕軍為有殺掠者副都御史王竑以聞 命監察御史王用錫衣衛官嚴捕之○夜月犯亢宿南第二星○壬寅 命宋儒程頤之後克仁為翰林院五經博士子孫世襲以奉其祀○山東濟南東昌

青州兗州四府河南河南衛輝懷慶三府山西平陽府各奏今年二月至五月至五不雨田苗旱傷湖廣武昌漢陽德安黃州荊州長沙岳州七府沔陽州沔陽安陸蘄州三衛德安千戶所各奏今年春夏以來雨澤愆期田苗枯槁閏六月以後江水泛溢又被淹沒事下戶部覆視之○命有司脩建先賢顏回曾參程顥朱熹祠宇及定祭儀仍命翰文院撰文令其子孫世襲五經博士者春秋祭之○陞工部左給事中王讓為本科都給事中陞陝西河州衛指揮使韓春署本都司都指揮僉事事仍鎮守河州

大明英宗睿皇帝實錄卷二百五十八

大明英宗睿皇帝實錄卷二十七廢帝郕戾王附錄第七十七

景泰六年冬十月癸卯朔 太上皇帝居南宮 帝享 太廟

以十九年連官祭長陵 獻陵 景陵 ○遣中官祭司井之神 ○免順天府霸州

文安縣諸處所採秋青草以其連被水災也 ○甲辰賞甘肅石

灰秃等殺賊陣亡官軍土民三十五人銀有差 ○福建建寧府

通判蕭瓌為僉事沈納案其奸貪下獄瓌遂訐其奏訥淫巧事

詔巡按御史覆之 ○己巳賞浙江福建官軍民壯等三百六十

人綵段絹布鈔有差以勦獲強寇功也 ○丙午給周府鎮國將

軍子埒子埜子域子埒歲祿各千石米鈔中半兼支 ○命濟陽

衛帶俸都指揮僉事簡海子茂代為本衛指揮同知 ○巡撫蘇

松等處左副都御史鄒來學奏蘇松等府民該納在京稅糧舊

例俱與官軍免運後因瓦剌入寇存留官軍守備京城暫令民

運近有連被水旱民艱難乞照舊軍運為便從之○丁未給沁源王肥鄉縣主并儀賓趙珍歲六百石內本色米四百石折鈔二百石○秦世子公錫奏近父王薨遊秣米一萬石例當往支臣家口浩大兼無喪葬之費乞仍舊支用從之○都察院論昌平侯楊俊丞父妾斬移審大理寺俊輟不引伏於是 命三法司曹諸大臣羣鞠之辨俊欲丞未成獄上詔曰俊雖丞庶母未成終為敗倫傷化具論如律嚴錮之○己酉復除山東右叅政程信右叅議王彥成於四川布政司俱以親喪服闋故也○庚戌巡按直隸監察御史伍善奏大名縣野蠶成繭禮部以為皇上至德所召請率群臣稱賀詔免賀○山東右布政使吳存卒存江西南昌縣人由舉人任刑部主事陞雲南叅議遷湖廣叅政進布政使所至以寬厚為政時號得體○夜有流星大如

盞色青白有光起天圍西南行至天倉星沒○辛亥 命金吾  
左衛指揮使單威子海金吾右衛指揮使張敬子鑑羽林前衛  
指揮僉事張貴子俊代職○夜五鼓有流星大如椀色赤光明  
起北斗經行紫微垣至東藩外尾跡炸散○壬子 命內供用  
庫造大隆福寺佛會蠟燭五萬七千四百枝共用蠟一萬七百  
八十餘斤○命都察院分遣御史錦衣衛官校五城兵馬司官  
兵巡視火鋪督限捕盜時京城內外饑強盜肆行白晝殺人掠  
財故有是命○甲寅召商於順天府霸州等等處中鹽納米以  
賑飢民計中兩淮運司景泰六年借撥存積鹽二萬六千四百  
六十引每引納米九斗本州文安等四縣每處上米三千六十  
石共米一萬五千三百石該鹽一萬七千引固安等三縣每處  
上米一千五百石共米四千五百石該鹽五千引寶坻等二縣

每處上米二千零七石共米四千一十四石該盪四千四百六十引○南京戶部署員外郎李永寧奏本部尚書沈翼殘忍苛刻失大體吏部尚書曹義數囑託屬官下南京左都副都御史軒輓覆之情偽相半都察院言永寧翼義俱合速問命翼義自陳狀下永寧南京都察院鞠之○乙卯賜懷仁王遜炆第四子名曰仕在第五子名曰仕坎沁源王鎮國將軍幼塔子名曰銓錦○兵部奏近得朵顏衛使臣言北虜脫脫卜花王子麻馬兒可兒吉思并毛那孩孛羅等領四萬騎欲攻阿剌知院阿剌屯坎坎地面亦聚眾三萬待之夷虜相攻勢不可兩立敗亡者必來假息近邊勝捷者必至乘勢入寇乞移文各邊總兵官多道間諜嚴為守備從之○丙辰岷王徽焯奏母墳在南京歲久享堂墻垣傾圮乞守以內使一人從之○吏部言宣德以前尚寶

司中書舍人都給事中行人司正官凡遇考滿俱依諸司職掌從本部考覈正統以來本部誤依在京堂上官例未曾考覈因循至今乞改正仍舊考覈從之○夜月犯舉宿右服北第一星○丁巳朵顏等衛頭目兀孫帖木兒等雲南大侯州土官舍人刀奉衡孟楞塞頭目招秤囊福等來朝貢馬及金銀器皿方物賜宴并絲段表裏等物有差○戊午免陝西西安等七府去年夏稅三十八萬九千九百三十餘石西安左等一十六衛所屯糧六萬四千三百四十餘石以奏被災傷故也○給大同西路馬一千四百八十四匹○刑部郎中夏時正奉詔分審福建重獄之有寃者奏聞十數人特命有死充沿海衛軍時正以為若有福建沿海衛乃以聞因乞凡福建宥死俱宜發北方沿海衛庶寬仁之中寓防禁之術都察院謂時正所言可從但不俟奏請

輒徑發充軍宜問其罪詔宥之○昏刻有流大如蓋赤色尾跡有光起宵宿東行<sup>北</sup>至車後三小星隨之○己未福建僑倭都指揮僉事趙綱數納僑倭軍賂縱之休役下巡按御史盛顯論綱絞例謫沿邊立功五年都察院謂綱宜懲依懲治軍職例降三級從之○庚申誠孝昭皇后忌辰遣官祭 獻陵○吏部言國子監祭酒劉鉉以母喪服闋至京當復任但兩監無缺伏乞裁處 命復職○夜四鼓有流星大如蓋色青白尾跡有光起天稷星東南行近濁沒五鼓有流星大如蓋色青白有光起紫微西藩內東北行至游氣炸散○辛酉刑部員外熊瓚奉詔審究獄於陝西以鞏昌諸州縣坐死徵糧罪人不下五六百餘中多衣食不給請推恩典蠲之都察院謂如此則姦貪得志遺儲以乏但宜驗具誠貧者俟豐年焉從之○衍聖公孔彥縉不能諫



下族人且所舉先聖五十四代孫克勛為族長五十七代孫評  
為知縣俱不協眾論於是彥縉族叔祖克昫等上疏條不彥縉  
不律過惡數事彥縉亦奏克昫等恃尊欲傾己俱下巡按山東  
御史等官覆之情偽相半論克昫等徒而卒不為族人所服宜  
改擇之彥縉奏亦有妄請加罪詔曰先聖子孫朝廷甚優待之  
念其初犯俱免罪今後務循禮法敬長慈幼不得恃貴凌尊恃  
長欺賢有違國法家訓再犯必罪不宥○癸亥陞廣西思明恩  
軍民府知府岑暎為右叅政先是瑛領土兵隨軍征調而以子  
鎮代為知府撫夷鎮招集無賴飲血立誓殺人為令所為多不  
法瑛舉發其事請於總兵等官回府治之鎮聞其父將至自縊  
死事聞嘉其割愛効忠故有是命且降勅諭之○襲封衍聖公  
孔彥縉字朝紳宣聖五十九代孫甫十歲襲父鑑爵 太宗皇

帝命教於太學久之遣歸 仁廟賜第於東華門正統間幸太  
學有襲衣冠帶之賜明年來朝又有銀印玉帶織金麒麟之賜  
至是卒年五十五 帝遣禮部主事周駿往致祭并令有司治  
喪葬彥縉為人和易性嗜酒文學亦少加意孫弘緒嗣爵○甲  
子復除監察御史張昊於湖廣道羅澄於山東道趙定於南京  
道俱以親喪服闋故也○命直隸鳳陽府潁州亳縣知縣徐貴  
復任陞正六品俸責任滿辭職以考稱當遷而其代者尋以憂  
去邑民思貴詳明勤慎善革奸弊相率詣闕乞復其任吏部當  
徇民情故有是命○乙丑修南嶽廟○丙寅翰林院編修黃諫  
上大明鏡歌鼓吹十四曲以頌 太祖 太宗聖德神功之盛  
命送翰林院收之○總督兩廣軍務右都御史馬昂奏天下邊  
衛守備軍官畏避征調往往營求馳報邊務齎進表文赴京往

復動經年月有誤邊備乞行禁革從之○廣東都指揮同知耿全與廣西流賊戰於肇慶白沙村敗績指揮倪廣李清等俱被殺總兵官翁信帥兵往救全復力戰有功審刑御史彭烈上其功罪請裁決詔宥全死降為事官擊賊自劾○丁卯命修造太常寺祭服祭器○命鑄簡儀銅壺從內官監請也○福建審刑刑部郎中夏時正言福建通番及強賊諸獄所司多牽於會問以致淹禁而死實坐者不足恤而枉者可憫請自今凡非反逆重罪涉勳戚人臣奉特旨者俱不必會問都察院謂時正言可從宜通行天下諸獄原發在都布司者但會都布司官在府衛者會府衛官在按察司及巡按御史者不必會會即為問結當奏請徑以聞如有淹滯按察司及巡按御史治之詔從所議○南京大理寺右寺正向敬言臣見本寺審錄南京刑部都察院

輕重四問有情重不當斬寬駁回問理者原問及調問官往往  
銜之痛肆筆楚迫其曲承是致刑獄多冤傷和召異乞 勅法  
司今後本寺駁回諸囚原問官務在詳讞不許筆楚及輒呈堂  
調問其駁回三次者本寺照諸司職掌備其供詞移文調問或  
原問官情有增減罪有出入並許舉正其罪從之○戊辰調後  
軍都督僉事張欽於中軍都督府視事○己巳 命故金吾右  
衛帶俸都指揮僉事任信子安代為本衛指揮使○湖廣武昌  
府奏府學偏窄而與武昌道相連乞併道為學其北察院以居  
刷卷御史然御史不常來可改為武昌道間遇刷卷亦可就在  
其中事下工部覆奏令勘實遷徙之從之○庚午巡按湖廣監  
察御史包瑛奏都指揮同知吉世英聽所部千戶囑不令守備  
命績瑛巡按者執問之○辛未四川按察司僉事王儀已為巡

按御史考其昧憲體赴部當黜儀上疏陳枉都督察院謂儀無  
耻請執問從之○直隸廬州府民戴庸福建邵武衛軍餘楊淳  
江西臨川縣民余勝討王鼎廣攸縣民謝子隆王翰陳受輕張  
泰椿王鎔彭雷震洪忠可各出穀千石以上助官賑卹賜書旌  
勞復其家

大明英宗睿皇帝實錄

卷二  
五九

大明英宗睿皇帝實錄卷七十八廢帝邠侯王附錄第七十八

景泰六年十一月壬申朔 太上皇帝居南宮○欽天監進明

年大統曆 帝御奉天殿受之給賜親王及文武百官頒行天

下○鎮守湖廣太監梁達岷泰府庶人徽煤家僮蒙能以從徽煤

謀反竄伏苗蠻今偽稱蒙王詐為妖書糾集生苗三萬餘攻隆

里等處城兵部請移文湖廣貴州廣西總督兵等官相機撫捕

從之○癸酉陞貴州道監察御史楊宜為廣東按察司副使○

命陝西老疾都指揮同知張俊子瑛代為西江安後衛指揮使○

甲戌調江西右布政使黎璉於廣東布政司廣東右布政使宋

欽於江西布政司璉初為廣東參政以捕寇功陞江西布政使

至是廣東新會縣民有以事赴京者道江西璉為之具奏草俾

僉書軍民名三千餘保己復任以慰民望吏部以為實因請更

調之故有是命○夜有流星大如杯色青白有光出文昌西行至五軍○乙亥 命監察御史葉蠻張鑑提督南北軍直隸學校時吏部都給事中李瓚言南北直隸學校俱無按察司官提督宜分遣有學行御史二員專理庶政學政不至廢弛人才有所造就事下吏部學舉二人以聞故有是命○鎮守湖廣右都督陳友巡撫尚書王永壽等俱奏苗賊攻圍隆里新化銅鼓諸城敵傷官軍事甚急乞增調官軍策應事下兵部集文武廷臣議非謀勇素著蠻夷畏服將臣無以成功因舉南和伯方瑛達官指揮使白玉以聞於是命瑛佩平蠻將軍印充總兵官玉為署都督僉事充副總兵太監阮讓陳瑄監軍戶部侍郎孟鑑措置糧儲調武昌護衛及湖廣等處土達官軍付瑛等往征之仍命戶部署郎中夏特主事閔本先途措備糧草○丙子冬至節



遣官祭 長陵 獻陵 景陵 帝詣 奉先殿 上聖皇太  
后宮 皇太后宮行禮舉出御奉天殿受朝賀大宴文武群臣  
及四夷朝使 上聖皇太后 皇太后 皇后俱免命婦朝賀  
○命江北直隸淮安揚州等府滁州等州發贖罰銀貨糶糧以  
備賑濟從巡按監察御史鄭冕請也○丁丑免直隸永平府屬  
州縣并開平中屯衛今年被災地畝秋糧子粒三千五百六十  
八石草五萬一千五百四十六束○戊寅設四川蒲江縣雙路  
巡檢司以其地多山人強賊故也○己卯 命貴州按察司按  
察使王憲冠帶聞住陞貴州按察司副使張海為按察使先是  
左副都御史蔣琳等因憲老病薦海廉能守法夷民信服乞陞  
按察使以慰民望至是憲以考滿至吏部具以言故罷憲而陞  
海代之○先是順天府所屬近南十州縣大水受監察御史原

保往視保奏水潦之餘人民流移者萬計比屋缺食難以偏舉况各處收養在官馬騾多者一二千匹少亦不下七八百匹因無蓄積芻橐瘦損倒死者多一槩責償饑寒切既切筆楚又加殆不堪命若不重為優卹恐生他變請勅戶部部開中淮浙鹽納米於霸州并文安大城固安三縣各四千石永清東安寶坻四縣各三千石香河保定二縣各二千石驗口賑濟及將寄養騎操馬匹取回給與內外官軍騎操孳生馬并脚力驢摘人管領於附近有草州縣牧放其追徵倒死走失馬驢量加停免候豐至豐歲償官戶部言淮浙鹽專供邊儲難准開中兵部亦言孳生脚力驢馬於附近州縣牧放亦有窒礙而寄養馬匹又預備急用之數難便取給止宜令彼等處有司設法賑濟惟倒死走失馬暫免陪償 帝卒從保議 命所司行之後戶部所定各處

上納米數賑濟不敷中鹽則例太重傑又以為言復命戶部處之○征進湖廣貴州總兵官南和伯方瑛奏先蒙朝廷念臣在邊日久與軍伴六十人輪遞隨從今臣往湖廣征苗當退還原營操備乞恩量留看守家業其歲支南京本色祿米乞存三十石於京城關支贍卹家眾從之○巡按雲南監察御史牟倬等奏雲南左衛諸處并尋甸諸府今年四月至七月雨水連綿所種禾苗凍糝青空無收秋糧屯糧無存辦納南京龍江左浙江海寧衛蘇州嘉興諸府奏三月至六月亢旱無雨不能布種秋成無望稅糧無徵俱命戶部勘實以聞○庚辰以征湖廣苗寇師行遣魏國公徐承宗等祭告天地宗廟社稷○陞錦衣衛帶俸指揮同知李榮為世襲指揮使仍舊帶俸○命給枝江王豪登歲祿一千石米鈔中米兼支○河南開封直隸保

定諸府俱奏五六月天水漫流田禾澆沒秋糧無計營辦事下  
戶勘之○辛巳先是差御史二員監收南京倉糧至是收糧事  
少減一員○給御馬監勇士馬一千四百七十匹武驥左等四  
衛官軍馬一千六十匹○達官指揮使兀抱兒舍等子姪數人  
俱於畿內為強盜錦衣衛捕得之命即誅以徇不必覆奏法司  
請按諸違官罪詔從宥之○壬午 太上皇帝聖節禮部奏請  
行賀禮詔免賀○朵顏等三衛來朝貢者往往有前此所掠中  
國人在內既至多自訴願留命各以其所得賜物與其頭目贖  
之仍命今後其使臣自以所掠來掠來還者贖以絀幣實索而  
後還者半之○陽曲王美垞奏庶子鎮國將軍鍾鏞鏞鏞歲祿  
千石內本色五百石於平陽府倉關給米多陳腐乞於每年新  
收米麥內支給從之○太子太保兼刑部尚書俞士悅奏冬至

陽復宜恤刑以導和氣請停強賊諸囚之誅詔以今各處盜賊多竊發不誅之無以示警已監者其如士悅言捕至者即誅以徇○故襲封衍聖公孔彥縉妾江氏遣人訴於朝言子幼孫穉為族人所欺陵凡廟中倉庫管鑰為其所收凌暴孤寡窘迫備至况今夫柩在堂喪奠禮儀無所措置乞賜矜憐特為區處帝命禮部遣官屬一人馳驛至闕里為之治喪奠且勅其族人令織毫毋與凡公私出納管掌悉聽如故時進士孔公恂以親喪家居遂命兼理之禮部又言衍聖公雖二品然近蒙恩賜玉帶及三臺銀印恩禮優異其卹典宜視一品之制從之○癸未巡撫廣東兵部左侍郎揭稽下都察院獄以故勘死平人論當死稽數從獄中上疏言巡按廣東御史彭信庇御史盛景妾覆其勘死平人而左都御史蕭維禎亦右臬不與理今反移覆有

有隙右都御史馬昂請調刑部同錦衣衛官辦之詔曰稽坐罪不引伏乃數連及他人其令三法司會鞫之○夜月犯舉宿北第一星○甲申 命故義勇後衛帶俸都指揮同知馬宣弟雄襲為本衛帶俸指揮同知○巡按貴州監察御史伍星會奏貴州烏撒衛地在萬山之中刀耕火種以給食連年水旱相仍田禾不收今年二月至六月淫雨不時二麥苗稼滄損七月殞霜蕎菽稻禾俱不成實夷民饑窘無以自存俱發掘蕨根土瓜採取櫟橡樹蕈為食已令有司於有糧倉分賑濟仍查本處官庫收時贖罰銀鈔於附近之處易米接濟 命戶部知之○丙申 命甘州守備都指揮僉事張廣子鑑代為直隸潼關衛指揮使○戶部言近因湖廣五開等處苗賊弗靖肆為劫掠朝廷命將征勦已勅本部侍郎孟鑑往彼整理糧儲臣等切惟廣西四

川貴州俱與五開接壤必於彼處存蓄庶緩急有備請馳傳往諭巡撫都御史馬昂蔣琳令其遣廣西四川貴州布按二司官督屬起運未完糧前去應用其先於貴州開中淮浙等鹽三十萬五千八百八十餘引有納米未完者就令琳催完又慮廣西運糧或不能維亦宜令昂酌彼時價定立則例召商中納福建廣東海北三處官鹽各十五萬引及先次運去廣西糴糧銀五萬八千五百二十兩并彼處原收在官贖罰銀俱令昂會同三司酌量糴米此外別有長策聽彼各官便宜處置從之○己丑免山西應澤蔚翔大同懷仁等州縣稅糧五千八百三十二石有奇草一萬三千四百二十七束先是諸處被寇死絕人戶遺下田畝命有司給與軍民各言無力不願承種故免其糧草仍命召丁多田少之家或招撫復業之人承種三年之後如照依

原額徵辦○庚寅復除湖廣道監察御史張寬於雲南道以親喪服闋故也○戶部奏先是順天道府霸州并文安十州縣被災災按監察御史原傑請召商開中淮鹽已移文納米於彼賑給之矣傑言米數不敷今查淮鹽見貯不多難復開中請將在京兩法司直隸監察御史所問擬杖徒流雜犯死罪囚死及見運磚運灰者俱照口外納米則例於彼處納米贖罪以備濟從之○浙江慶元縣奏徒儒學於縣東舊所從之○辛卯調河南弘農縣衛帶俸都指揮僉事趙貴於河南都司督領赴京輪操官軍○刑部劾奏致仕叅政柴蘭在江西時湖廣右布政使任禮任河南叅議時各妄舉所部民才德堪用宜執問如律詔宥之○延安綏德慶陽遼東邊將俱奏瞭見境外烟火及達賊近邊圍獵詔各邊鎮守總兵等官嚴飭兵備○提督黃花鎮都指揮



食事輯智奏本鎮舊城高處山岡且地勢狹隘難屯軍馬其南有地坦夷方可三四百丈欲俟來春修築徙居之事下提督軍務右副都御史李賓覈實從之○壬辰給永壽王鎮國將軍公璞歲祿一千石輔國將軍公銘歲祿八百石俱米鈔中半兼支○楚府通城王孟燦薨王楚昭王第七子母華氏洪武二十二年生永樂二年冊封至是薨享年六十七訃聞報視朝一日謚莊靖遣賜祭命有司營葬○癸巳授天文生施宗為錦衣衛帶俸所鎮撫以其家傳星命書也○命直隸河間保定府所屬任丘河間興濟靜海青雄等縣起運京倉口外糧并草束折收糧俱留本處賑濟蓋山慶雲南皮交河獻肅寧等縣起運口外糧俱改京倉以巡按御史吳中言各縣災傷請加寬恤以甦民困故也○甲午秦府興平莊惠王妃曹氏薨妃陝西都指揮敏之

女景泰二年冊封至是薨訃聞賜祭遣官治喪奠禮○夜月犯角宿南星○己未 命河南老疾都指揮僉事李貴子斌代為弘農指揮使○復命南京戶部遣官於上新河等處監收船料從本部請也○戶部奏近移文四川成都府威州并保縣勘上中下戶編造賦役文冊今州縣言係極邊番夷之處洪武永樂以來並不詣曉造冊亦不知里家名色凡有差糶發輪遞混當請俯從夷情免其造報從之○夜月犯亢宿南第一星○丁酉夜月犯罰星○己亥戶部奏湖廣五開等處苗賊作亂官軍寡弱不能勦捕三司會議欲將運糧回還官軍一萬一千七百八十餘人選調策應緣應天蘇松等處災傷糧米停免者多其間又或存留本處或折納銀兩以北京糧比之往年十無六七况今年十一月中糧米計已領運若將運糧官軍製掣回征苗其

糧必致消耗侵尅京師百萬之眾皆倚給於江南餽運積漸減少誠非固本足國之計請勅總兵等官如兵部原奏將見在漢達官軍各衛有司土官衙門原征進款班軍土兵民壯人等盡數起調併力征苗如或不敷許將武昌護衛安慶貴州雲南四川諸處官軍土兵調用從之○順天府宛平縣奏今年戶口益糧戶部定擬一半納米近被水災人民缺食乞俱納鈔候豐年如舊納米從之○庚子勅代府昌化王仕壇曰得大同巡撫等鎮守等官奏王於冬至日乘各官出外行禮徑至帥府周圍觀視而還皆疑王有他故故瞰其亡而來此無怪其然也大抵典軍政者其機不敢不嚴居藩屏者其行不可不慎王既輕出使人致疑今姑不較特勅戒諭自今一動一靜宜守祖宗成憲毋或輕玩致有乖違王其慎之○免南北直隸揚州淮安等府

大名府元城縣楊州高郵淮安大河等衛興化守禦千戶所今年被災田畝秋糧子粒二十九萬三千石草五十九萬四千二百二十餘包○辛丑以山東按察司按察使古鏞為大理寺左少卿仍支正三品俸時鏞親喪服闋至京少保吏部尚書兼東閣大學士王文薦其才能幹濟決獄詳明故有是命○朵顏衛達子哈剌出來歸命為頭目隸南京錦衣衛給賜如例○戶部奏太常寺預辦明年大祀支用黃蠟四千餘斤供用庫以支盡為言例分派民間買用奉旨不欲勞民令別為區畫請以各處解到折糧銀易之詔發在京并通州倉米務依時值兩平易換庶官得蠟用民得米食

大明英宗曆皇帝實錄卷二百六十

大明英宗睿皇帝實錄卷二十九廢帝邲侯王實附錄第七十九

景泰六年十二月壬寅朔 太上皇帝居南宮 帝省郊祀牲

岷王徽煉奏先父莊王洪武中之函雲南及永樂中召還其所  
賜樂工部伎遂隸教坊臣今奉藩武岡凡拜表迎詔時節慶賀  
之禮音樂未具乞賜頒給不允○甲辰陞守備靖虜衛都指揮  
僉事房貴為署都指揮使掌陝西都司事從鎮守右副都御史  
耿九疇奏請也○給天城陽和等四衛官軍馬一千匹○己巳  
賜韓王徵釗庶長子名曰偕汚鎮國將軍公鑣次子曰誠灑○  
命故弗提衛指揮僉事常不干住兒出兀列河衛指揮僉事打  
必納子法麻哈忽失木子答出撒力衛指揮僉事果郎哈子阿  
松哈資河衛指揮僉事察班子苦丁格也里石子白令哥阿里  
帖木子木化連甫門河衛指揮僉事桑果奴子阿哈忽兒海衛

指揮僉事哈納子几察哈俱襲職○南京刑部左侍郎鄭泰自陳歷任年久幸無過舉乞遷調一職以圖報稱事下吏部言凡堂上官遷調俱出特恩豈可干求泰所言難允 帝是之○貴州副總兵都指揮僉事李貴等奏平越等處黎從等寨賊首阿拏王阿榜苗金虎等為稱苗王造妖言惑眾收劫諸處寨堡實與湖廣銅彭等處賊勢相倚乞調雲南四川原征漢達官軍會合勦除兵部請勅總兵官南和伯方瑛等至往相度二處賊情緩急先後進兵從之○丁未陞陝西按察司僉事韓士琦為副使監察御史沈義為浙江按察司副使羅澄為雲南按察司僉事張紳為陝西按察司僉事○給大同備邊旗軍馬五百匹○日生左右珥色赤鮮明○己酉臘節賜文武百官宴○擢監生張銘為南京戶部廣東司主事銘參贊機務南京兵部尚書純

子也銘將選純陳情乞恩除南京相應官庶父子朝夕相親共  
圖補報吏部具以言故有是命○命致遠東都指揮同知費  
昂子英襲為潘陽中衛指揮使○命倬徵四川烏撒等衛今  
年子粒二千六百七石俟下年成熟陸續徵納以屯田被災故  
也○昏刻月生暈蒼白色○庚戌擢進士劉溥為刑部廣東司  
主事○命故羽林前衛指揮使安敬子勇金吾右衛指揮使  
宋旺弟友俱襲職金吾左衛指揮同知劉榮子鎮居旺子能指  
揮僉事馮敬子讓武驤右衛指揮僉事李興子欽俱代職以榮  
等老疾故也○巡撫湖廣工部尚書王永壽奏賊首蒙能率眾  
攻取龍里城官軍擊却之尋分遣賊眾攻破亮寨司橋等屯寨  
遂破銅鼓所及羅漢堡又為攻城梯聲言欲破龍里城據為巢  
穴都指揮汪迪率兵策應官軍六百餘俱為所斃况湖廣軍旅

數興水旱相仍軍民極為疲困乞簡命文職大臣一員來與臣協同濟理事下兵部少保兼尚書于謙右侍郎王偉各請行詔待總兵官方瑛到日奏來區處○辛亥建州等衛女直指揮項哈兀者等衛野人女直賽不克等廣東崖州騰橋土官巡檢黃芳雲南石甸土官巡檢李俊等貢馬及方物賜綵幣等物○遣廣寧伯劉安襄城伯李瑾修武伯沈煜為正使給事中樊冕王鉉何陞為副使各持節冊封楚府崇惕莊僖王庶長子鎮國將軍均鐵為崇陽王百戶尹徽女為恭府永興王公銘妃兵馬副指揮牛青女為代王府博野王成鏗妃○壬子戶部奏貴州黎平府龍里蠻夷長官司因苗賊攻破城寨燒劫倉糧人民流散今招撫漸回人力罷弊所負景泰四年至今年秋糧二百六十九石有餘宜移文巡撫左副都御史蔣琳覆實俾免流移者亦令



招撫復業若雖被賊圍不曾搶劫者令如數納從之○提督遼東軍務右副都御史寇孫遵勅旨令廣寧等衛千百戶曹瓚等凡三十員俱襲職代職○癸丑南京一太廟內失珠冠諸物詔盜者自首免罪不首者籍沒有能告所盜者陞賞之○守備天城奉御胡順奏都指揮王金結所部之號九龍十虎者欲謀反全亦奏順多役軍士酷刑下巡按直隸監察御史賈恪覆之順所奏俱無狀所奏亦無証都察院謂順全俱挾私相訐宜正以罪更擇官代其守備詔曰茲正備冬之際姑宥之○夜有流星大如杯色亦有光出天紀西北行至太連星尾跡炸散二少星隨之○甲寅以是冬無雪令百官致齋三日分遣大臣以香帛禱於 天地 社稷 山川及諸觀宮寺廟○命故襲封衍聖公孔顏縉孫弘緒襲封勅之曰朕惟自古聖帝明王之道覆育

天下然但行之於當時若夫明之使為法於天下後世如布帛菽粟不可一日而無者則惟先師孔子詳歷代帝王至於我祖宗尊崇之典靡不至焉爾祗彥縉以先師嫡嗣登承封爵朕方優於禮待詎意溘先朝露肆特命爾襲爵以奉先師祀事爾尚欽承祖德修身謹行以孝弟為先力學親賢以詩禮為本和敬以睦族姻仁厚以處鄉黨毋驕毋傲惟儉惟良庶無忝以宗親且有光於朕命○擢進士江彤張璿為給事中○復命左僉都御史徐有貞巡視沙灣○乙卯巡按山西監察御史王鑑奏都指揮王信誘取故長沙知府趙勉妾盡沒其資且淫勉養女命執問之○丙辰給博野王成鏤歲祿二千石米鈔中半兼支○丁巳命故阿速江衛指揮使奚木黑子弟亦馬撒兒忽衛指揮同知必籠哈子額升格朵兒必河衛指揮同知宛者不

花子頤赤不花嘉河衛指揮僉事者令加子你察兀俱襲職○  
戊午免徵沿河濟寧等十三州縣修河民所負官馬并雜科役以  
左僉都御史徐有貞奏力役方勤不宜併取故也○巡按直隸  
監察御史賈恪本提督宣府軍務右僉都御史李秉與總兵官過  
與不協秉亦奏恪縱傲不奉憲度下兵部集文武廷臣議以為  
秉所為多其職分不為過而秉言恪諸不法事亦未驗誠為宜  
選給事中一員往廉其實從之○辛酉都察院左僉都御史徐  
有貞奏臣比以公務往山東兗州府鄒縣蓋顏孟二氏子孫世  
居之地聞前元時嘗撤贍廟祭田六十頃二氏分種以供糶或  
兼以養贍族人國初以來因之不幸其後子孫微弱不能守被  
人侵占雖嘗訟於官而未能追理退還以致無田供祭即今蒙  
恩賜官者日用粗給其舉族之眾未免飢寒切惟顏氏之德孟

子之功宗傳先聖垂裕後來萬世人君所共尊禮故雖胡元之君亦知崇尚而撥田贍廟矧 聖朝淳典庸禮之盛 皇上崇儒重道之至而忍使其祭田不供子孫失所乎臣又伏見 皇上親行視學特召孔顏孟三氏子孫陪從仍投顏孟二氏孫以近侍儒官其優待之恩有隆無替誠超軼前代之君矣茲其祭田之缺子孫之苦有司不為分理使者不以 上聞非惟有負先聖之教抑且有負 皇上之恩意豈不與聖世缺典儒道無人之歎哉乞勅該部移文山東督令有司將原給田履<sub>55</sub>認覆視免其徵租退還二氏並從嗣投官掌其歲入贍廟供祭之外賑給族氏此外或供贍不敷或乏力墾種更乞以附近廢棄之地量益數頃仍如孔廟例撥佃戶助種尤見特恩 帝悉從其言命追給贍廟田外各益田二十頃佃戶十家○壬戌立春順

天府官進春 帝御奉天門受賀賜文武百官宴○癸亥賜隰  
川王長子名曰仕璉○巡按直隸監察御史楊貢奉十一月十  
一日蘇州府地震皆已不能激揚懼恤所致詔曰災異豈專在  
一人其督所部官吏撫卹軍民無令失所○甲子 命故遼東  
指揮使宋真子環襲為定遼中衛指揮使故雙城衛指揮同知  
脫省哥子捨勒渚冬河衛指揮同知長家子伴哥俱襲職○賜  
襲封衍聖公孔弘緒玉軸誥命并贈其父承慶為衍聖公封母  
王氏為夫人○給寧府新遂縣主并儀賓張晉萍鄉縣主并儀  
賓張做歲祿各六百石內米四百石鈔折二百石○乙丑 命  
故海西友帖衛指揮僉事苦女子阿里戶納襲職來歸毛憐等  
衛女直金把奴等三人為頭目隸南京錦衣衛木答忽等三人  
充湖廣軍以嘗犯邊故也○革廣東樂昌縣河洎所以事簡謀

少故也○免薊州永平山海等處軍士償官馬二千九百六十餘匹以歲數人報也○丙寅湖廣施南宣撫司遣把事黑甲兀者等衛遣指揮互羊加等忽石門等衛指揮亦冲哥喜等樂温河等衛遣女直失勒迷等貢馬貂鼠皮等物賜緣帶有差○河南按察使何永芳卒永芳浙江常山縣人由進士任郡陽知縣治政有方選擢監察御史處事詳慎歷陞河南按察使至是卒於官○丁卯 命掌建州衛事都督同知李滿住子古納哈代職故兀指者衛指揮僉事兀籠哈子劉住考郎兀衛指揮僉事木答哈子阿都赤法因河衛指揮僉事台不花子速木哈乃塔子兀的格益實衛指揮僉事一僧哥子答魯速塔兒河衛指揮僉事失刺哈子阿古沙阿路禿子帖木俱襲職○批通濟河曲岸沙灘及築東岸隄隄○順天府宛平縣知縣王紀言歲數

民飢宜為重拯卹請減天財庫檢鈔人夫九門收鈔鋪戶酒  
醋麪局酒戶停中帽局坐賈皮張并歲辦雜皮翎毛蠟抽分煤  
炸長生牛羊等物減土民代種田地糧芻 帝悉從其言命所  
司行之○戊辰 命錦衣衛指揮同知畢旺子永代職○陞屠  
宗順為副千戶屠芝為百戶仍於御用監辦事二人專獻寶石  
以規利者也○朶顏等衛都指揮朶羅干等遣指揮哈刺把禿  
兒奏事至賜綵幣等物○己巳免應天府七天州縣留守左衛  
并直隸寧州興州中屯等三十五衛今年秋糧子粒共二萬三  
千九百九十三石草九萬三九千一百六十九束直隸廬州府  
和州滁州廬州邳州六安滁州儀真壽州等衛今年秋糧子粒  
七萬一千九百一十八石草一十一萬一千八百四十八包直  
隸蘇州諸府太倉諸衛今年秋糧子粒一百四十五萬三千五

百五十八石有奇草五十七萬三千三百九十包山東濟南兗州青州東昌等府武定信陽等三十八州縣今年夏稅麥二十四萬二千五百八石有奇俱以被災故也○庚午歲暮 帝享太廟○以明日正旦遣官祭 長陵 獻陵 景陵遣太常寺官祭五祀之神遣旗手衛官祭旗纛之神○貴州左布政使易卒節卒節江西萬載縣人以進士任行人陞禮部祠祭員外郎宣德乙卯擢四川成都知府有善政尋陞今官頗著聲績九載卒於官蠻夷思之獨在禮部時嘗使安南國與同使者爭金於道貽哂外國云○是歲天下戶口九百四十萬五千三百九十口五千三百八十萬七千四百七十丁田地四百二十六萬七千三百三十九頃田賦米麥二千六百八十五萬三千九百三十一石絹一十九萬二千八百四十七疋絲六萬四千一百



四十八斤啤一十八萬六千一百八十萬六千一百八十九斤  
布四十萬六千九百二十四疋綿花一十九萬一千一百七十  
五斤折色鈔七萬九千四百三十四錠有奇雜課鈔九百九十  
萬五千三百二十四錠有奇米麥五萬八千五百一石鐵七萬  
四千五百八十三斤有奇布一千八十七疋鹽課益二百七十  
六萬六千六百五十一引折色鈔一千八百一十一萬三千五  
十九錠有奇米四十八萬二千七百石布七百八十六疋茶課  
茶五十五萬三千七百五十一斤折色鈔一十八萬九千四百  
七十四貫屯田子粒二百七十七萬九千三百四十一石有奇  
採納銀七千九百八十二兩有奇水銀九百四十四斤硃砂一  
百六十二斤石綠二百五十五斤雄黃三十斤有奇漕運北京  
價運過糧四百三十八萬四千石各處運納糧二百二十二萬

四百四十六石減免天下官田等項稅糧計米麥一百七十六萬一千八百六十五石有奇

大明英宗睿皇帝實錄卷二百六十一

大明英宗睿皇帝實錄卷二百六十一廢帝淑慶王附錄第八十  
景泰七年春正月辛未朔 太上皇帝居尚宮 帝詣 奉先  
殿 上聖皇太后宮皇太后宮行禮畢出御奉天殿文武羣臣  
及四夷朝使行慶賀禮 上聖皇太后 皇太后 皇后免命  
婦朝賀。癸酉 宣宗章皇帝忌辰遣官祭 景陵。甲戌移  
至山東塘頭寨并高家港巡檢事於寨西以巡撫山東刑部尚  
書薛希璉奏舊治被水衝塌軍兵難以居守故也。乙亥朝鮮  
國王李弘暉遣使臣申叔舟等奉表來朝貢馬及方物賜宴及  
絳幣表裡襲衣炒鍋等物有差 湖廣沅州衛指揮使周勇奏  
苗賊三千餘徒攻紐州境殺擄人財燒燬房屋臣同鎮守太監  
梁達等督漢達官軍民壯於楊溪等處對敵殺傷甚眾各苗遁  
散山箐命兵部即移文總兵官南和伯方瑛會兵搜勦 順天

府宛平縣知縣王紀奏在京以政食艱窘其違年長生牛羊羊羊毛乞令見在人戶辦納其逃絕人戶乞賜蠲免從之 嘉寧衛都指揮脫里平等運州左等衛都督等官董山等毛濟衛女直指揮大兒大孫等奉寧等衛都督僉事某于帖木兒等來朝貢馬駝方物賜宴及綵幣表裡襲衣等物有差口丁丑孟春帝享 太廟 遣中官祭司戶之神 吏部聽選官謝榮奏以年江南米貴漕運軍士將兌運糧米就彼出糶却以銀幣赴京易米上倉以北京城米價亦貴乞加禁約務令各運原兌糧米赴京從之 應天府市民奏自正統十三年至景泰五年坐派臣等費過諸色物料米麥賜給價鈔 帝謂戶部臣曰今彼買物價鈔隨時給償毋令民怨 鄭世子祁鏜妃韓氏薨妃兵馬指揮俊之女正統十二年冊封至是薨計間遣中官賜祭命有

司營募戶部奏去歲南北直隸并山東河南俱有蝗蝻恐今  
春遺種復生宜移文有司設法撲捕從之○戊寅以大祀天  
地帝御奉天殿誓戒文武百官致齋三日賜大谷王鍾鉉  
四季袞龍織金袍服從王奏請也設山東莒州萬溝店巡檢  
司以巡撫尚書薛希璉奏請也禮部尚書胡濙被盜詔巡捕  
御史督錦衣衛官五城兵馬嚴捕之即不獲各償所盜南京  
守滿平江侯陳璘以南京福糧千百戶多無賴有盜請獲即不  
俟奏聞送法司從之夜月犯畢宿右股北第一星○己卯巡  
撫湖廣監察御史包瑛先請湖廣諸府因苗賊作孽調軍勦捕  
起情丁壯挽運糧餉城守空虛加以旱潦民心惶惶而襄陽府  
地方流民蟻集誠恐一旦乘機竊發為患非細乞早預防庶無  
後憂帝嘉納其言命太子太保兼兵部尚書石璟往撫安軍

民禁禦盜賊聽以便宜從事俟苗賊平回京○壬午大祀 天  
地于南郊 帝還謁 上聖皇太后 皇太后畢出御奉天殿  
文武百官行慶成禮○癸未以 大祀禮成 帝御奉天殿大  
宴文武羣臣及四夷朝使 命故建州左衛都指揮僉事馬哈  
峪吉子昂安朵子帖夫指揮僉事兀魯達子達龍格建州右衛  
指揮僉事阿黑子只兒哈管充子你龍哈阿貞同貞衛指揮同  
知樞塔哈子劉里納俱襲職 召商中納茲根獨石馬營雲川  
堡倉中淮監者每引米八斗浙監五斗赤城倉中淮監八斗五  
升鵝鶻堡倉中淮監九斗浙監六斗俱不次支給○甲申提督  
宣府軍務右僉都御史李東巡按御史賈恪互訐奏命兵部給  
事中劉彝往勘之彝還言東等所奏俱是虛詞 帝曰東恪深  
當究問但今邊境未寧用人惟急姑置之都察院移文與東今

後行事務從寬格待回時處道 夜月犯軒轅石角星○乙酉  
上元節宴文武百官賜假十日 初南京守備太監陳公周禮  
保安平江侯陳豫恭贊機務兵部尚書張純曰向因南京 太  
廟室內失神御物今遣造完金龍珠翠燕居冠及批結龍團俱  
盛裹如法特遣內官領匠作費去廟等即選日付南京神宮監  
官逐一進御仍推南京無過名大臣一員行昭告禮不可怠忽  
廟室舊有冠壞者就令匠作如法修整毋或措違○丙戌宣府  
總兵官右都督馮興泰稟顏率奏等衛達于歲年進貢俱從喜  
峰口驗入近年始從嶺石今年又從篤登右衛其竄窺爛虛實  
宜禁止之 詔今後進貢只從舊路仍命各邊總兵官謹守關  
隘勿令往道 先是京城九門每季各役鋪戶五六人收鈔每  
人費銀五十餘兩宛平縣知縣王紀以為言命每門止役三人

○丁亥 命故河南都司署都指揮僉事凍紀子輔襲為指揮使雲南署都指揮使劉玉子鑄代為指揮使 命故喜樂溫河衛指揮同知土成哈孫乞都革河東同衛指揮同知朮良苦子住丁革毛憐衛指揮使也克子住魯哈指揮同知卜兒哈子木哈兀指揮僉事河因帖木子孛捨赤哈子溫亮得州子兀六宋哈奴子阜花奴兒察子幹都速平江衛指揮使輝必孫劉梵指揮同知失奔哥子帖木指揮僉事刺必哥子列者格建州衛指揮同知河失帖木子木哈連指揮僉事釋家奴孫赤丁哈撒木哥子兀魯哈木長哈子薛列監卜子木哈俱襲職毛憐衛指揮同知哈塔子昂哈代職 召商于湖廣軍前中納鹽糧淮鹽每引米二斗浙鹽減五升長蘆鹽又減五升俱循次支給 福建都指揮僉事桂福率兵入海捕賊因漁獵于潮州之南澳



將遇暴亂士卒溺死者百七十餘人為巡撫御史倪敬所劾  
坐斬詔宥死洛為事官發沿海立功 大隆福寺修佛會有回  
回速來蠻法狂持斧入寺砍眾僧頭一僧死遊上佛殿放火燒  
燬佛經并壞門窓等物捕獲斬之○戊子守備獨石右恭將都  
指揮俞事周賢奏獨石馬營等處係宣府懷來肩漳今原守備  
官軍多有投託本衛差占不肯前去守備及先期驚散官軍又  
不撥補萬一有警必致候事 帝命協贊軍務右恭政葉盛清  
理禁約不許官軍投託其驚散者即令照數撥補 太子太保  
兼刑部尚書俞士悅乞致仕不允○己丑給永和王府興縣縣  
主并儀賓黃慶安化王府廣施縣主并儀賓宮濂歲祿各六百  
石米鈔兼支○庚寅 封慶王秩墜庶長子廷詔為平源王賜  
冠服儀仗等物 日生背氣色青赤○辛卯 勅諭朵顏等衛

大小頭目人等曰朝廷遣爾等衛分管東人民使各安生業  
惟時節進貢及報緊急聲息許差人從永平地界入境近者滿  
等差人每次有至一二百人不由舊路四散進入況今時節已  
過橋路輝不絕非但有違舊例竇妨爾等耕種生業今彼凡遇  
時節量差數十人朝貢過節即止若遇有緊急聲息止許差三  
五人奏報俱從永平地界入境已勅將軍通知違者擒來處治  
特諭爾等知之 監察御史張鑿奏臨清新設衛所調來官軍  
逃匿數多宜通行查勘除屯田者不動外其餘京棧運糧并調  
來未到者嚴立禁例發遣前來及將在臨清遠住舍人餘丁查  
冊揀選丁多精壯者給與口糧俾充守城之數庶得城池充實  
戰守有備從之 巡按直隸監察御史賈恪劾奏守備萬全恭  
將都指揮僉事張林擅賣棧軍守瞭都指揮僉事孟蘭徐綱欲

于部卒家請俱候春暖收閒從之。○癸巳遣 太廟祭服 設  
陝西西安府鎮安縣儒學陰煬學醫學僧會司道會司各置官  
如例 太子少保右都御史羅通大理寺左少卿古鏞言張家  
濟諸處強賊伏誅者已百七十餘充軍者尤眾方今春煬布和  
宜暫停其誅有獲者送法司審之其捕賊左副都御史劉廣衡  
宜徵還京巡捕之事但以責御史及諸官校從之 日生左右  
珥色黃赤鮮明。○甲午巡撫湖廣太子太保兼兵部尚書石琚  
言襄陽等府州縣連年水旱民艱加以遠運軍儲尤為狼狽乞  
行三事一湖中鹽糧每引米三斗送軍前交納一令湖廣軍民  
有能納米一百石者給官帶五百石者授百戶八百石者授十  
戶俱終其身一湖廣文職官三年六年考滿者免赴京布政司  
按察司府州縣官出米四十石各司首領官和承副都等官出

未二十石俱送赴軍前品與文憑回任俟從之 廣西有婦人  
因嘉夫殺其夫逆與為妻按察司論以雖不知情按審刑著即  
中黃宗謂嘉夫已瘦死婦人猶受刑可憫詔杖一百釋之○乙  
未 命湖廣辰州衛帶俸都指揮僉事王英守滿清浪等處荆  
州左衛帶俸都指揮僉事李景守滿武岡等處從巡撫湖廣工  
部尚書王永壽等奏請也 禮部奏真寧王薨之日其妾李氏  
悲痛幾絕自縊以從真貞烈可嘉命追封為貞寧王夫人遣官  
賜奠祭 滿直隸廣平府去年被災地畝夏稅米四十七百七  
十餘石桑絲一十四百九十一兩有奇○丙申赤斤蒙古衛都  
督河速指揮可兒加等來朝貢馬駝及方物賜宴及錢幣表裡  
襲衣鈔絹等物有差 陞刑部陝西司主事倪通為陝西按察  
司僉事江西司主事劉羽翔河南道監察御史陳啟俱為江西

按察司僉事湖廣道監察御史張吳為廣東按察司僉事 命  
故毛憐衛指揮使納刺禿子兀里哈指揮同知速都子塞蘇格  
莽哈子諄讓木答忽子鎮古奴答魯哈子卜即把連子何喜指  
揮僉事孫昌答子椿亦答答哈子塞列失保赤子帖黑車阿哈  
子兀察黃脫因子那那哈連州衛指揮使賽因不花子撒哈答  
指揮同知冬鐫魯阿子燒塔塔天子撒哈刺忽失哈子你魯兒  
因子塔養重山子双古奴指揮僉事丹保奴子把答哈安赤子  
捏失格小廝子也迭乞失里木衛指揮僉事賽示塔子板里塔  
咬納子亦失哈哥吉河衛指揮僉事准里亭哥子阿納哈八今  
哈子速失邊東自在州住坐指揮同知神干保子宮保指揮僉  
事七十子五十俱襲職○丁酉四川威州舊州里王官選檢重  
敏廷董伯山等來朝貢馬賜鈔錢有差 命以荊州府稅課鈔

歲賜盡三五萬貫 命陝西右叅議張雲翰復職雲翰坐受渭  
源縣知縣唐誠賂黜為民連陳亮下鎮守右副都御史耿九疇  
履之言雲翰無受賂狀故有是命 山東莒州判官孫顯術於  
知州余真守禦十戶王寶逆首真杖死反賊強賊數十人且云  
真寶相結謀反致任知府劉茂諳天文稱真子學古有一人之  
福寶自稱統兵不亞霸王俱密期來年正二月起事事闕下也  
撫尚書薛希琬等履之俱無驗但得真杖死強賊狀都察院論  
願遣諛言斬真擅殺已獲賊賊獄上詔俱宥死謫戍口外 河  
南布政司奉所轄各府比因歲歉多缺牛具穀種已發廩及勸  
諭殷實之家借貸籽種山西解州亦奏歲歉民飢已發廩賑濟  
俱俟秋成償官從之○戊戌金星晝見於己位

大明英宗睿皇帝實錄卷二百六十二

大明英宗睿皇帝實錄卷二百六十三 廢帝郕戾王

附錄第八十一

景泰七年二月庚子朔 太上皇帝居南宮 勅諭赤斤蒙古  
衛都督何遠曰得甘肅鎮守總兵官秦嗣將逃判指揮可見加  
等送出到邊令帶駝馬赴京進貢詢知可見加等叢適達賊也  
先人馬往迤北居住近因也先被殺仍復走回其罪固難容恕  
爾受朝廷重任不能歸來部落親屬致其逃出境論法亦當  
究治今皆置之不問已將可見加等優待遣回爾當自今以後  
用心撫官下人固守境土保漳邊外其餘逃判人口有在哈密  
潛住未曾回者爾即差人招撫回還俾之安生毋懷二心 上  
命搭備官軍二月間每人增給口糧二斗不為例仍嚴督各頭  
目用心撫恤不許糾害 唐府議賓張鉉奏河南郡主已故其  
歲祿多給半歲例應備官然臣用度不給乞免備官從之 滿

應天并直隸寧國太平池州安慶徽州保定河間廣平諸府衛  
及廣德州山東濟南兗州東昌山西平陽河南開封懷慶衛攝  
諸府衛去年被災田地稅糧子粒二十四萬五千六百九十石  
有奇馬草七十九萬一千五百餘束。辛丑提督永平等處軍  
務右副都御史李賓奏密雲地方潮河川等處乃要衝隘口乞  
於附近衛所量調軍士協同脩理庶得工程易完邊境有備從  
之。掌太常寺事禮部尚書蔣守約乞致仕不允。壬寅。上  
聖皇太后聖節免命婦朝賀。封永壽王第五子公鉢第六子  
公鍾為鎮國將軍賜誥命冠服等物。左副都御史劉廣衡奏  
臣見順天河間二府民飢已甚雜糞賑濟尚有不給請於被災  
之處預支官軍今秋七月俸糧以足其食從之。征進湖廣貴  
州總兵官南扣伯方球奏欲將致事副使邢端為事餘事沈慶



等戴罪分往永順保靖等處起調土官土兵領逃軍前殺賊事  
完之日奏請定奪從之 四川按察使黃溥等奏松潘雖地僻  
邊境洪武永樂間止是本衛官軍旬守近差都指揮使周貴都  
指揮僉事李文等往彼添補又有恭議官運糧儲官民多擾乞  
將鎮守刑部侍郎羅綺徵還詔兵部計議以開少保兼尚書于  
謙言松潘諸種番夷駢居雜處即今董卜韓胡克羅俄監聚雖  
已病故而番族尚多警善王班冊監制等私造軍器交通虜寇  
陰謀未測正在用人提督防範崎難以徵還從之 給宣府添  
備官軍馬一千五百匹 巡按山東監察御史王鑑奏都指揮  
僉事王信犯誣騙財物奸淫諸罪狀坐贖徒宜勒令替贖從之  
○癸卯朝鮮國王李弘暉奏日久嬰重疾難理國事叔父球今  
雅署國事措道得宜伏望早正名號以穩人心奏下禮部議之

尚書胡濙等言合允其請 帝從之遣內臣冊封瑒為朝鮮國  
王妻尹氏為朝鮮國王妃賜詰命冕服冠服等物洛初諭之曰  
近得王弘暉奏稱其質本弱國用艱虞惟爾瑒賢良宜遜乃  
位俾詢于國謂皆屬心茲特從其所選遣內官尹鳳金興齊初  
封爾瑒為朝鮮國王代主國事爾宜恪守臣節益堅事大之戒  
永固藩邦毋忝嗣王之讓其令弘暉仍以爵明住爾瑒常加優  
待毋忽仍詔諭其國人 賜晉王第三子名曰奇容河東王長  
子名曰奇淮 命國子監祭酒劉鉉筵講書 陞戶部福建  
司員外郎馮諲為四川布政司右叅議 南京守備平江侯陳  
豫等奏永樂年間例一家被盜劫四隣各十家助擒之即獲人  
賞銀五十兩文綺四表裡鈔二十貫各給以盜者質產如坐視  
四隣各十家均償所劫且初亦之必得盜乃釋今兩京強賊橫

甚請舉其例都察院調 太宗靖難初立法當爾今天下久治  
平遵之恐太重遂寢之○甲辰雲南楚雄衛千戶所主官合  
人劉忠來朝貢馬賜鈔 真寧王扶熒妃張氏秦王邸中艱  
難無力治墓乞量給財物助買喪具以全送終之禮 帝命給  
銀百兩貯絳十元絹二十疋既而又乞今歲祿米一石給賜  
養贍命以其半給之 戶部奏內帑貯鈔不多在京文武羣臣  
該支景泰六年折俸鈔請暫給與白金每兩折鈔七百貫從之  
○乙巳巡按直隸監察御史張鵬奏總兵官南和伯方瑛率領  
官軍往湖廣征勦苗賊遣臣體察直抵南京見得紀律嚴明並  
無騷擾 帝命兵部職之待瑛四時獎諭 夜月祀畢宿右殿  
北第二星○丙午 命內官監造各樣玉帶五百條以備賞者  
給慶成王府曲陽郡君并儀賓王昂榮城郡君并儀賓王澤

歲祿各四百石米鈔兼支 監察御史張鵬奏臣經過淮安揚州二府見其歲凶民飢東作將興無由具穀種老稚相携沿河乞食并拾草子以食今又追徵官租恐益流徙致生他變 帝曰二府官租即停徵民缺牛具穀種令地撫并收民官設法措置給之務令得所○丁未釋奠 先師孔子遣兵部侍郎兼翰林院學士左春坊大學商輅行禮○戊申 帝祭 太社 太稷 遣順天府官祭先農之神 賜鎮國將軍鍾鎡鍾鋼鍾鐔鍾錢鍾鑽鍾鑰鍾鏹鍾鏹鍾儀從人各二十名從其父廣成王美靖奏請也 陝西布政司舊無貢院每試士但于三皇廟中至是布政使許資奏請創造從之 山西平陽府隰州奏去歲薄收民運運餉多有逋負乞折收綿布赴邊給軍從之○己酉賜鎮國將軍切瓌切塔儀從人各二十名從其兄沁水王切瑛

奏請也 未時暴風從東北方起板木飛沙至次日卯時息○  
庚戌遣順天府官祭宋丞相文天祥 命停徵保定府所轄州  
縣民戶口食鹽鈔以其歲凶民飢故也 南京工部右侍郎李  
浩奏兩京內府收受民間糧米除正耗米之外餘剩者理當退  
出還民然倉官人等故稱禁城嚴禁不容退出請加禁約今後  
餘剩米務令監收官納與納戶公文令持赴各門照出從之  
征進湖廣黃州總兵官南和伯方瑛奏湖廣辰沅靖州偏橋鎮  
遠銅鼓清浪平溪等處俱缺糧餉今起清人夫輸運欲于各衛  
守城內摘軍一萬令都指揮僉事楊茂統領防護從之○辛亥  
悉召捕盜御史諸官校還京以時正耕作恐擾民也 湖廣按  
察司僉事胡貫坐索所部路費論罷為民貢陳寃凡三十餘疏  
都察院謂貫罪已有驗乃數自辯圖復職宜諱徙口外從之

巡按山西監察御史費廣乘按察司僉事王素酷暴杖死無辜  
命執鞠之 賜晉府鎮國將軍任增任璿誥命冠服 命右叅  
將都督僉事顏彪為左叅將守備大同東路○癸丑先是福建  
各司官俸五品以上者月給米十之二六品以上者月給米  
十之三彼因用兵糧儲不足官員不分大小月止給米一石至  
是以事平糧多命如舊例給之 先是守備武岡等處都指揮  
李震清浪等處都指揮安順等俱犯罪徵還至是總兵官南和  
伯方瑛奏震等智謀騎勇乞令復守各該地方為便 帝曰且  
令震等軍前殺賊以贖前罪若再奸懶仍舊執問○甲寅戶部  
左侍郎孟鑑奏靖州清浪諸邊用兵糧儲不足請以長沙永州  
衡州荊州四府米運南京米二十萬六十石有奇改運各邊滿  
用仍行總兵官南和伯方瑛撥軍防護及將江西折糧銀三萬

兩運赴軍前給用從之。丙辰 賜褒城王子鎮國將軍徽鏡  
徽銀誥命冠服 吏部言湖廣按察司等衙門按察使等官馮  
誠等以苗寇弗靖奏免大小衙門朝覲緣朝覲乃 祖宗舊典  
不可以小有警報盡廢之乞令湖廣布按二司各府州縣原該  
當上官并首領官二員來朝者止令一員帶吏一名來朝其裁  
減州縣原該一員吏一名將須知文冊送部以憑考究 帝曰  
朝覲是 祖宗舊制不可輕免有苗寇地方如議非苗寇出沒  
府州縣仍循例來朝 四川羅江縣奏本縣儒學僻臨汶江地  
勢卑下縣之南北俱有出地高爽可令移徙從之 夜月犯亢  
宿南第一星。戊午提督柴利等關右僉都御史彭誼奏柴利  
關內拱京師外控虜境然城垣低薄山坡平漫乞將原撥協守  
各口官軍如在要害若浮圖峪黃土嶺者不動其餘酌量歸併

木欄捲守修築從之。己未移置紫荊關盤石和于盤石城內以右僉都御史彭誼奏請也。庚申 皇后抗氏崩命喪禮從儉約遣書報宗室諸王 提督甘肅軍務左副都御史宋傑等官奏陝西高臺堡路當衝要水單便利地土肥饒可立一所并倉以便屯守從之。辛酉 命抗敏為錦衣衛百戶敏皇后弟也。壬戌 命西寧侯宋誠掌右軍都督府事 巡撫黃州左副都御史蔣琳奏統調官軍于平越等處與苗賊對敵斬賊四百三級生擒賊并家屬一百人 帝命兵部移文琳等將有功官軍明白造冊以俟平定之日陞賞。癸亥清明節遣官祭長陵 獻陵 景陵 太子少保右都御史羅通請遣太監同三法司官審罪囚之有矜疑者詔不以道官但籍其罪名以聞南京法司論奏御內使阮崇等守視 太廟不謹致失珠冠



罪當贖徒詔降奉御為內使內使為小火者○甲子命太監  
吉祥保定侯梁珪工部右侍郎趙榮督工營建壽陵○乙丑文  
武百官詣恩善門外行哭臨禮 給宣川王府鎮國將軍公鉞  
公鎔公鐵通謂王府鎮國將軍徵錄歲祿各一千石米鈔兼支  
宥昌平侯楊俊死削其官闕住以法司辯其強姦庶母罪可  
疑也○丙寅直隸遼瀾天津并天津左右諸衛保定河間諸府  
順天府玉田縣各奏歲歉民飢多有流移乞設法招撫發廩賑  
濟俟秋成償官從之○丁卯總督廣西軍務太監班祐奏潯州  
府大藤峽猛賊糾集荔浦等處首賊韋公海等劫掠縣治殺虜  
人財命總兵官安遠侯柳溥等量調所在官軍土兵設法勦捕  
○戊辰脩造湘陰王府 巡按直隸監察御史賈格奏備禦宣  
府河南著都指揮僉事薛慶以公事役部卒致其懼眾自縊詔

侯代者至執明之口已已降兵部右侍郎揭傒為直隸太平府  
知府稽巡撫廣東挾私杖笈人都察院論死下廣東按察司覆  
案未報遇恤刑之例特命降之

大明英宗睿皇帝實錄卷二百六十三

大明英宗睿皇帝實錄卷二百六十四

廢帝鄭戾王附錄第八十二

景泰七年三月庚午朔 太上皇帝告南宮 制諭禮部議

皇后杭氏謚號 賜代府懷仁王長女安肅縣主誥命冠服

方山王美垣奏受封之日蒙賜袍服今皆垢弊乞賜大紅織金

衣龍蟒線紗羅各一疋令臣自製從之 給山濠工作官軍四

萬人各月米三斗益一斤從總兵官武清侯石亨等奏請也

貴州銅仁府平頭着可長官司寨本司時有苗賊侵擾乞立王

城以固守備從之 夜月犯天高東星○身未 命湖廣襄陽

縣知縣夏亨復職先是大理寺丞李奎巡撫湖廣奏亨廉能當

旌異已廢勘得實至是巡撫石都御史王暹然以聞首亨言暹

誣已縣民亦連章保之法司言暹不應然亨微有是命○壬申

命造 天地壇樂舞生袍服 陞兵部職方司主事蔣希性  
為廣西布政司右叅議 總督兩廣軍務右都御史馮昂奏新  
會縣賊首劉三仔等偽稱大將軍糾眾燒劫鄉村屢行招撫不  
服巨等分調都指揮胡英等屯營要害旬期並進功破巢寨斬  
三仔及從賊首級二千有奇招撫復業者九千一百六十八人  
禮部奏陝西岷州衛卧龍寺番僧端竹招出生番簇頭官者  
聖藏等來朝貢馬舊例每人賜鈔二十錠絲段一表裡絳絨衣  
一襲鞞靴一双所貢中等馬匹每匹鈔三百錠絳絨一疋巨等  
以為太重宜稍減之今賜簇頭每人絲段二表裡番人絲段一  
表裡俱不與衣服鞞靴中等馬匹每匹止與鈔三百錠從之 戶  
部右侍郎張睿劾奏京城以新草場經該官吏本部主事嚴憲  
等不肯用心堤溝致火燒燬官草乞命法司處治已燬草數仍

令本部委官查覈見教子各人追陪還官從之。○癸酉傳免直隸河陽府所屬及中都留守司長淮等衛所去年災傷田地秋糧子粒一十四萬七千八百五十餘石馬草二十一萬一千九百一十餘包。朔戶部山西司主事丁泰為福建興化府通判。魏銘為雲南景東府通判。四川司主事朱榮為河南彰德府通判。湖廣道監察御史鄧明為廣西桂林府推官。秦等俱在通州督收糧儲。以有嫌隙互相訐奏。私事下法司問。俱証贖杖。畢調之。○甲戌琉球國掌國事王第尚奏。久改西岷州衛大崇教寺弘慈廣善國師鎮南殿。十名道人來朝。貢馬賜宴。及鈔帛。江西南昌府南昌縣民謝旭。安妻程氏。一產三男。命有司給米鈔如例。巡按山東監察御史邢宥奏。備禦銜嶺都指揮使徐璟。巧索軍囚財物。請法司命逮捕之。○乙亥。詔官吏坐駐當絞。

徒者俱宥之默為氏○丁丑復為事官張迪都督僉事職通坐  
私役軍士被黜至是已二年餘上嘗請逆還歸贖罪故有是命  
刑科給事中王鎮等劾太子少保右都御史羅通奏請宥輪  
作囚徒之數陳寬者謂昔漢張良出于亡命亡命即逃囚之謂  
也今囚徒中豈無如良者秦商鞅用法深刻卒致漢高起而亡  
秦今法司中豈無深刻者蒙下法司允其言宥輪作官吏臣等  
切詳通奏詞比今之用法者於鞅以盛世于亡秦以囚徒于張  
良過為詭異之慮敢出不忍之言甚非大臣忠君愛國之心且  
通職都憲既知法司深刻乃不為之辨正而乘此恩卹方有言  
請明正其罪 曰通意但欲恤刑而已具有之○戊寅復除監  
察御史王晉于湖廣道葉善亮于廣東道俱以丁憂服闋也  
給錦衣衛衛輿等司馬二百匹 免雲南都司所屬雲南左等

衛及雲南都政司所屬雲南等府司州縣被災田地稅糧子粒  
六萬五千六百餘石。己卯巡撫湖廣兵部尚書石瑛奏苗賊  
攻破晃州堡殺十戶勦奴等及官軍餘丁燒燬廳廡倉驛無遺  
右都督陳友都指揮鄭泰等不即救拔以致城陷治其罪。帝  
命兵部記友等罪待寧靖之日奏聞處治。庚辰巡按直隸監  
察御史李宏以山東河南及南直隸諸旱澇處來直疏請令  
諭未贖罪諸囚暫放以立麥從之。巡按直隸監察御史賈培  
兼守備朔州衛都指揮僉事周寧私役部卒為官馬請不法命  
執問之。大同左恭將都督僉事顏彪以母喪乞假還貞定營  
募從之。辛巳夜無雲西南方有天鼓鳴聲如雷。壬午。皇  
后杭次曰孝肅皇后建魏國公徐永宗等祭告天地。宗廟  
社稷。四川董卜韓胡宣慰司并烏思藏等地方番僧答農

堅遠等石柱宣慰司之官合人冉翔雲南巴誠等獲生番獲頭  
孫只冊等朝貢馬及方物賜鈔幣勅巡撫湖廣兵部尚書石  
璞總督征苗軍務以長沅有警故也擢進士焦顯周奇趙啟  
戴瑛曰景暘閻蕪楊宣周一清孫珂教諭蘇榮監生郭文俱為  
試監察御史進士董琳顏正林保舉李勣安訓導葛淵監生朱  
穀俱為南京試監察御史戶部奏河南都布二司所屬衛府  
驛遞官司逐年堆積單束支用數少多致泥濘乞於足用之外  
變賣米豆入官供給其各年採辦拖欠之數暫與停免以蘇民  
力從之○癸未巡撫湖廣工部尚書王永壽奏運糧都指揮俞  
事楊茂盜幣糧儲且詐為中貴書冀脫罪命巡按監察御史徐  
昭鞠之○甲申禮部奏撒馬兒罕等地面使臣黑麻捨力班等  
來朝貢馬駝方物考之舊例各分等第給賞其一等二等實例



太重今難給與宜令正副使臣如舊時三等例每人絳段四表  
裡絹三尺各織金絳紫衣一襲隨來鎮撫舍人打刺軍人等如  
舊時四等例每人絳段三表裏絹二尺絳紫衣一襲各靴襪一  
雙其餘存留甘州使臣婦女人等俱如六等例每人絳段一表  
裏絹一尺綿布一尺自進河魯骨馬每匹絳段四表裡絹八尺  
駝每匹絳段三表裏折鈔絹十尺達達馬不分等第每匹絳  
一尺絹八尺折鈔絹一尺給軍騎塔中等馬每匹絳一尺絹  
八尺折鈔絹二尺下等馬每匹絳一匹絹七尺折鈔絹一尺  
其不曾到京各頭目人等帶進過馬不分等第每匹回賜絳段  
二表裏河魯骨馬回賜絳段六表裡西馬回賜絳段五表裡折  
鈔絹十尺金絳豹皮一張絳段一表裡描兒例不給常紅絳紫  
絳甲一幅描金花靴一個舊無白賜之例俱從之 禮科右給

事中陳謨等奏前者吏科給事中李讚等以天下衛府州縣學校官一員有缺一二員者有缺三四員者甚至全缺或委改湯驚學掌署印信或委典史生員代領學事甚已取南北二京國子監坐堂依親監生副榜下第舉人各衙門應事辦事吏部聽選監生願就教職者除副榜舉人不考外其餘俱送翰林院考試取其中式選用已有旨准之矣然臣等見前者監生二百餘人考中僅四十餘人其餘未考者大約不過二三百人如前考中亦不過百有餘人而已不足補教官見缺之數其天下歲貢取中生員亦多有堪任教職者已亦令考試選用從之○乙酉復除廣東左叅政羅崇本于雲南布政司以丁憂服闋也○丙戌命四川都司都指揮僉事孫敬子億代為指揮使山行都司署都指揮僉事楊旺子溥代為指揮同知○丁亥命故廣

東都指揮僉事馮洪子斌襲為相權使府軍前衛指揮使陳能  
子璽徐鼎子龍燕山右衛指揮使厲友子英府軍前衛指揮同  
知武俊弟秀王得子勝羽林前衛指揮同知李涵子清金吾左  
衛指揮僉事揭剋子昇府軍後衛指揮僉事康貴子玉俱襲職  
金吾左衛指揮僉事陳貴子玉代襲 吏部言舊歲監察御史  
張琛等劾奏福建布政司右布政司石瑄謝章右叅議李迪罷  
輟已行勅報載處今巡按監察御史盛顯奏瑄莊謝章當今仍  
舊視事迪非罷黜但年力衰邁宜仍下巡按并清軍監察御史  
履實以聞從之○戎子復除翰林院修撰兼右春坊右贊善岳  
正仍舊任以丁寧眼調也 命五軍等營署都督知馮宗都指  
揮同知朱榮都指揮僉事孫興提督官軍收放馬匹 禮部奏  
撤馬兒罕地面遣使臣指揮馬黑麻捨力班等入貢初至甘州

托故遷延不肯赴京坐支廩給一千七百六十餘石餘物不計  
及坐擇所貢玉石一千餘塊重六十餘斤堪中者止七塊爾彼  
乃不聽選擇自備駝車悉載赴京臣思馬黑麻捨力班等以彼  
頑石詐稱美玉名雖貢獻實則金圓若俱進收則虛費朝廷厚  
賜使彼貢夷人做做成風已令內臣携玉工同本部官選擇其  
玉堪者進收不堪者還還許令自與京人交易從之○庚寅給  
周府湯翟縣主并儀賓王淮歲祿本色米四百石折鈔二百石  
遼府東陽縣主并儀賓汪昱歲祿亦如之 命故誠惠伯劉基七  
世孫祿為翰林院五經博士仍還鄉奉祠事子孫世襲○辛卯  
宣城王貴節奏臣及妃儀仗俱未蒙頒賜巨舊賜袍服今俱垢  
染乞賜儀仗并織衣裳龍大紅紵絲紗羅各一疋俾臣自製袍  
服從之 巡按陝西監察御史曹景泰著都指揮僉事施雲俞

虐諸罪命執問之。○壬辰給御馬監勇士旗軍馬二十匹五軍  
等營官軍馬一十匹蔚州永平等處募守官軍馬七百匹。○癸  
巳賜封丘王長女湯翟縣主儀賓王淮及鎮國將軍子埈夫  
人鄭氏子埈夫人趙氏子埈夫人龐氏子埈夫人趙氏誥命冠  
服鞍馬儀仗。○甲午命戶部輸銀各邊雜買糧料遼東陝西  
大同各五萬兩宣府十萬兩永平五千兩設陝西高臺堡守  
樂子戶所并高臺富積倉置所更曰倉大使各一員從甘肅總  
兵等官奏請也。○丙申岷王徵琛奏新僉齋郎禮生厨役樂舞  
生皆無住宅及奉祀典禮良醫紀善典寶等衙門俱未營建乞  
將抄沒犯人房屋改用從之致仕太子太保兼都察院右都  
御史陳鑑卒鑑字有戒蘇州府吳縣人永樂中進士授四川道  
監察御史巡按察司副使歷湖廣山東浙江皆有名稱宣德十

年陞都察院右副都御史命鎮陝西尋兼督寧夏延安路德邊  
備代選進右都御史會甘肅等處以邊務廢弛為言仍命往理  
之久久之代還掌院事正統十四年比虜入寇命撫安畿內適陝  
西早荒西人復乞蠲巡撫朝廷勉諭以往一年而還加太子太  
保兼左都御史仍掌院事景泰四年以疾乞致仕給駟遣歸至  
是卒訃贈太保謚僖敏命有司致祭營葬錡器宇凝重多製  
髹為人加厚平曷歷官夙憲士論稱許其廉鎮藩邊凡七種蓄  
收儲蓄以養兵民者無不經畫得宜至于寬通貧弱徭役濟困  
苦修廢墜其事尤多貧民蒙其惠澤咸以鬪命命呼之及其還  
朝父老留戀不能釋已而懇懇望其復來其得西人之心如此  
然在朝廷無所建明云○丁酉雲南楚雄府阿雄巡檢司土官  
舍人者齊等湖廣容美宣慰司土官舍人唐容貴州金筑安撫

司吏曰熊渙等俱來朝貢馬賜鈔幣 江西永寧縣主簿諸勝  
坐贓黜為民啣太子少保左都御史蕭維貞監察御史左鼎不  
與辯奏維貞莫母時納各縣欲銀十餘兩具有各縣手本為驗  
鼎省怒歸受永新土豪賂囑已覓其謀殺人罪具有鼎手簡為  
驗臺上命錦衣衛收勝鞠之維貞亦訴勝証已于是詔法司雜  
治勝其得勝妄如維貞訴鼎手簡亦勝偽為者獄具十三道駭  
察御史吳中等謂勝犯贓囚徒維貞都憲大臣以囚徒兩污職  
大臣犯非其分蔑視憲綱較贓名器請重加殺竄為裝証風紀  
之戒詔誦勝充鉄顏衛軍○戊戌省百隸廣德州織染局副使  
以事簡官多也 曉刻金火二星合于奎宿

大明英宗睿皇帝實錄卷二百六十四



大明英宗睿皇帝實錄卷二百六十五

廢帝邸庾王附錄第八十三

景泰七年夏四月庚子朔 太上皇帝告南宮 帝享 大廟

遣中官祭司寔之神○年丑恭贊寧夏軍務右副都御史韓  
福乞致仕不允 河南按察司奏都指揮陳昇索賄于屬衛命  
執鞠之○去寅翰林院編修劉宣奏乞蠲本戶軍伍從之○甲  
辰給代府鎮國將軍任聖歲祿一千石米鈔中平兼支柏鄉縣  
主并議賓將賓歲祿本色米四百石折鈔二百石 命太子太  
保左都御史楊善等政千戶容副千戶宗所鎮撫能善黃俱屬  
錦衣衛 吏部言巡撫貴州左副都御史蔣琳奏鎮遠等府苗  
寇流劫地方不寧又布按二司俱裁減衙門乞不為常例將大  
小衙門俱免朝覲須知文冊付布按二司首領官齎赴本部以

憑考究宜下琳覆勘布按二司堂上官果有差委則免之否則仍令來朝餘宜從琳所請從之。己巳修正陽門通水官橋。丙午兵部奏永平府及興州右屯衛為山水漲溢漂溺擊收馬駒一百七十八匹乞免追償以紓民困從之。丁未賜文武百官宴。戊申 賜袁垣王子鎮國將軍任埭并清苑公主誥命冠服 命故守備楊右都指揮俞事單禎子鑿襲為宣府前衛指揮使山西行都司都指揮唐鑑子澶代為指揮使。己酉封湯曲王第三子鍾鉢為鎮國將軍。庚戌陝西罕東等衛都指揮河黑巴等四川烏思藏達滄輔教等王喃恰勒巴罷骨革十伯等遣刺麻來朝貢馬賜鈔帛等物。辛亥征逆湖廣貴州總兵官南和伯方瑛奏賊首蒙能知苗賊二萬攻圍平溪衛城守備都指揮鄭泰等率兵出城用大鎗擊之中賊二千餘人賊

敗奮過官軍乘勝進剿新獲無算時有被虜走遠者數人皆云  
能為大鎗擊傷賊昇遠寨而死復遣人廉之信然詔兵部知之  
浙江右叅政曹凱勅秦鎮守浙江左軍都督同知李信糧令  
民人全餘投充軍役冒名產報妄費糧儲等罪事下戶部兵部  
議以為收充軍伍固有利益於國家然非在外武臣所可專擅况  
收充之數多有虛冒所廢糧儲至萬餘石宜令鎮守內外官覈  
查勘明白信及各衛所經該官吏隕下法司問罪以警將來詔  
信姑宥之餘令巡按御史究治 添設遼東定遠左等二十五  
倉大使各一員○癸丑給西河王子鎮國將軍鍾銘歲祿一千  
石未鈔中半兼支 添設雲南按察司管屯副使一員 夜月  
祀土星○乙卯忠任發子思卜發奏臣父忠任發犯法時臣猶  
知小及臣兄思机發犯法時臣亦未有知識臣今不敢如父兄

所為甚畏朝廷法度謹備差發銀五百兩家三隻馬六匹金銀  
壹壹並共六副文錦四段象牙四枚孔雀尾四把鱗鱗膽四枚  
遣人入貢伏惟 天皇帝主憐之 命賜其使鈔帛 命故右  
軍都督訖廣弟賸襲為永清右衛指揮僉事鎮守州都指揮同  
知薛斌子玉襲為河州衛指揮使 湖廣守備平溪等衛都指  
揮王英坐視苗賊圍攻平溪城裒兵不救平溪衛指揮景昇以  
聞刑部請下巡撫兵部尚書石璞等收治詔勦賊方急俟賊平  
處之 山西平定州民趙能逃往直隸獲鹿縣為逃卒劉玘所  
誘妄稱宋苗裔玘復為出妖書將以惑眾潛謀不軌事覺被執  
連十餘人法官能玘及其舍者情重諸所連皆田野愚民且  
無証佐可有矜疑詔斬能等三人其諸連者俱宥之元成遠東  
○丙辰開浙江麗水縣巖泉山銀坑從鎮守內外官員左監丞

阮隨等奏請也。丁巳崇信伯費釗下獄以與其族弟麟相計奏也。劉坐奏不實贖徒還爵。禮部奏撤馮兒半地。使臣馮黑麻捨力班等所貢玉石選其堪中者僅二十四塊重六十八斤而已其餘不堪者五千九百三十二斤令其自費彼剛欲進貢臣欲固阻之恐失遠人之意議將玉石每五斤回賜絹一疋從之。戊午永壽王志殖奏乞藥味命太醫院量數給與之。己未雲南總兵官都督同知沐璘等奏雲南各處禾稼薄收人民飢窘又調官軍征勦湖廣苗賊乞免州縣官員朝覲撫安其民從之。有卒為怨家指其偽用印驗放班匠工部收付刑部署員外部彭廣按之以為誣刑部尚書俞士悅俾廣生以斬廣其以聞調都察院錦衣衛鞠之廣所奏是士悅及侍郎孔文英等皆被劾士悅愈不平復報奏工部始付卒時尚書江淵言卒

令人以白金五百兩求脫罪其犯必實焉為嚴治臣以故責廣  
重問而廣以先問不實懼有罪故憐辭奏章入更命多官廷  
鞠之卒罪竟誣及詢淵言但以本部多此弊馮士悅嚴治之欲  
戒彼來無所謂持金求脫語于是都察院劾士悅淵皆大臣以  
輕言過無辜於死地而士悅復敢虛瀆聖聽宜居冥于法有詔  
宥免六科十三道具疏士悅故入罪狀并及其姦收子姦謀死  
家奴他不法數事請廷劾之詔不允○庚申提督遼東軍務左  
副都御史寇深以母憂奏乞守制 帝以邊境事重令奪情視  
事 免南京錦衣等三十四衛去年灾傷七糧四萬六千二百  
三十餘石 廣西義寧縣中江等寨徭賊聚三十餘徒劫燒縣  
解儒學官倉殺擄人民總督軍務右都御史馮昂奏義寧去廣  
西城五十餘里總兵官安遠侯柳溥都督俞事陳旺坐視縱賊

誤事失機俱宜速問 帝命兵部識之俟地方寧靖處治 湖  
廣三司奏苗賊流劫武岡州御村攻破平谿衛鮎魚堡守備署  
都指揮僉事李景王恭畏縮不拔乞治其罪命兵部識之○辛  
酉旌表孝子方觀節婦劉氏等七人觀湖廣靖州衛軍父喪瘞  
墓旌其門曰孝行劉氏河南汲縣氏靳大妻朱氏直隸河間縣  
學生黃西妻張氏山東臨清縣氏楊嵩妻趙氏山西陽曲縣氏  
張貴妻胡氏直隸上海縣氏宗海妻俱以弱齡喪夫紡績以為  
家業奉翁姑撫孤如守節踰數十年確然不變皆旌其門曰貞  
節侯氏廣東歸善縣人廣西平南縣學訓導郭觀妻山賊攻劫  
平南侯氏時年二十六被擄至大峽村逢水準自念行至賊巢  
必受其辱辱堅坐于地驅之不肯前大罵賊曰吾寧死于此決  
不從汝去也賊怒揮刀斫死之旌其門曰貞烈○壬戌 命天

同署都指揮同知潘興守備朔州 夜彗星見東北方在霄宿  
光芒長二丈尾指西南。己丑四川馬湖府土官通事蔡茂羅  
虎湖廣施南宣府司由才尚長章墨迪來朝貢馬賜鈔有差  
命雲南左布政使費銓復任銓滿九載當赴部雲南等府軍民  
赴鎮守官處言銓謹厚寬慈得向宣之體乞為奏留鎮守官以  
聞故有是命 夜有流星大如杯行文餘光大如椀色赤有光  
燭地出天市東垣南行至牛宿二小星隨之曉刻月犯金星

大明英宗睿皇帝實錄卷二百六十五



大明英宗睿皇帝實錄卷二百六十六

廢帝鄭度王附錄第八十四

景泰七年五月己巳朔 太上皇帝居南宮 薊湖廣沔陽安  
陸等衛并德安守禦千戶所去年被災地畝子粒六千九百四  
石有奇 改軍都督僉事昌英卒英回鶻人百戶松忽兒之子  
永樂二年襲父職尋以父陣亡功陞羽林前衛正千戶送翰林  
院習譯書十一年賜姓果使迤北和寧王阿魯台忠勇王也先  
土干及亦方把里哈密諸處歷陞都指揮同知宣德十年隨太  
監王貴等甘肅備邊冒三岔河功陞都指揮使為兵部侍郎柴  
車奏革之正統三年又以魚海子等處擒賊功仍陞都指揮使  
六年還京調錦衣衛帶俸充通事及四夷館教譯書十四年陞  
今職至是卒○庚午戶部奏恭城王府正平縣主卒支過俸米

當載日會箕備官命免備。辛未陞福建布政司左叅議趙象  
為廣東布政司右叅政。山西通監察御史吳瑞為貴州按察司  
副使。專理屯田禮科右給事中陳讓為本科左給事中。給事中  
江玳為右給事中。工科給事中孫昱為本科左給事中。徐廷章  
為右給事中。俱以吏部推舉也。復除浙江道監察御史王越於  
山東通判科給事中劉璉於戶科給事中。王汝霖於兵科。俱以  
親喪服闋也。新城王芝城妃李氏薨。妃魯山縣主簿家之女。  
景泰二年冊封。至是薨。訃聞。遣官致祭。命有司營築。戶部奏  
應天府江浦縣西隸鎮江府丹徒縣并南京旗手等衛各奏。四  
月初。蝗生。請移文巡撫尚書等官督屬捕。蝗仍行各處巡撫鎮  
守巡按等官及山東山西河南陝西都布按三司順天北直隸  
等府用心巡視。但遇蝗蟲生發。隨即撲滅。以消民患。從之。舊

制雲南各衛學軍生歲貢考中俱送南監讀書至是金蓋等衛  
歲貢生員吳圮等三名奏乞依選貢例改送北監從之著為令  
先是鎮守湖廣右都督陳友康奏官軍殺獲苗賊乞賜賞  
兩銅鼓衛都指揮僉事蔡昇奏友詐報戰功朝廷疑之命兵部  
移文總督軍務兵部尚書石璞廉察以聞至是璞言友斬獲苗  
賊不過三四十人而失陷官軍一十四百勇名以敗為功罷狀  
顯著兵部請治友罪降職立功詔有姑免問仍令璞督友殺賊  
俟賊情寧息之日具聞處治 賜遼東人豪馮長子名曰恩鈞  
○癸酉端陽節賜文武百官扇及宴 禮科給事中周監言近  
者各處鄉試中式舉人增廣居多此等增廣非無廉賂之缺可  
補蓋因教官貪利無恥悉為鑽刺賄賂者所奪而廉祿不得及  
於學有成教之人故也計今年鄉試所取額數外仍有堪中文

字宜令巡按御史與布按二司監試等官會同考官公同開拆  
增廣堪中者就令補其已中試廩膳之缺如無廩膳中式令其  
代補歲貢之缺及有儒士堪中願入學者准其入學如此庶可  
以消積弊清科貢禮部言若將考補廩膳就於鄉試場內兼理  
誠恐不暇宜再行提調學校御史等官會同有司正官并教官  
兼補從之 兵部奏廣東新會斗岡等處山寨賊有功官軍  
宜依例陞賞陣亡七人人陞二級獲功五次一百九人人陞一  
級獲功四次以下至一次一千二百八十四人并替軍備運御  
史等官給賞其鎮守右少監阮能總督右都御史馮昂總兵都  
督僉事簡信未蒙陞賞已定奉詔陞能為左少監昂為左都御  
史信為都督同知餘如所請 夜彗星光芒漸長文餘指西南  
又有流星大如鷄彈色赤尾跡有光出天倉行文餘發光如杯

正北行至華蓋星尾跡炸散一小星隨之○己亥以保太子太  
傅戶部尚書文淵閣大學士陳倫等官進宸宇通志賜白金珠  
幣有差 御製宸宇通志序文曰昔孟軻氏之意以謂天之高  
也星辰之遠也苟求其已然之跡則其運有常雖千歲之久其  
日至之度可坐而致朕亦以謂地之大也山川之邈也苟求其  
已然之跡則其理有定雖萬邦之廣其事物之實可坐而得故  
古之人求博於其約求難於其易務簡以盡煩務適以盡遠率  
由是也嗟乎深居九五而欲究古今興替之悉自非大有所從  
事焉則雖役耳目於宵旰疲精神於編簡安能得博且難盡煩  
且遠於務求之頃哉是必如堯舜之志不偏物急先務乃可耳  
於戲烏有不可尚矣國禮職方氏亦咸周致治之書至於微世  
紀略之類尤多然皆迷於偏方成於一手非詳於古則畧於今

非失於簡便則慮於浩繁不足以副可坐而得之意朕 皇  
曾祖考太宗文皇帝當思廣如神之智點謀子孫以及天下後  
世遣使分行四方考求故實之凡有關於興者采錄以進付諸  
編輯事方伊始而龍馭上賓因循至今而先王未畢則所以成  
夫繼述之美者朕焉得而跋乎竊嘗觀之善其事者莫先於智  
智者所謂務其已然之跡也是故語上而不察日月星辰之麗  
乎天四時五行之成乎歲則徒見夫形而上者其何以恭高明  
覆燭之功語下而不察百穀草木之麗乎土山川藪澤之別其  
區則徒見夫形而下者其何以贊博厚持載之功語人而不察  
聖愚賢否之殊其情可予可奪可親可疎語物而不察洪纖高  
下之各其類可培可頌可載可覆以至語為天下而不察古今  
事物之異其域與時可興可觀可因可革可損可益可御可懲

而志其審其何以副 祖宗思盡財成之道輔相之宜以左右  
民之志於悠久或以朕之於是編所為悽悽而不敢少廢也聞  
與二三儒臣商之使或先彼有一未備不足以全其美乃復遣  
人求足其繼俾輯成編為卷凡百一十有九名曰寰宇通志藏  
之秘府而頒行於天下蓋不獨以廣朕一己之知而使編方下  
邑荒服遠夷素無聞見之人咸得悉覩而徧知焉則知之盡仁  
之至庶幾乎無間於遠邇先彼矣 免南京鎮守等二十二衛  
所屬去年被災無徵屯糧六萬四千四百二十三石有奇 移  
壽子谷營於三七營從永平等處總兵官都督俞事宗賸奏請  
也○丙子楚王李璠奏以崇陽王均鐵受封欲令赴京謝恩復  
書止之 命故金山衛舊備署都指揮僉事侯端子寅襲為本  
衛指揮同知○丁丑以纂修寰宇通志成命少保太子太傅戶

部尚書文淵閣大學士陳循兼華蓋殿大學士少保太子太傅  
工部尚書東閣大學士高穀少保吏部尚書東閣大學士王文  
俱兼謹身殿大學士太子少師兼戶部右侍郎翰林院學士兼  
銜為戶部尚書太子少師學士如故兵部左侍郎翰林學士左  
春坊大學士商輅兼太常寺卿陞左春坊大學士兼侍讀彭時  
右春坊大學士兼侍講劉儼俱為太常寺少卿兼侍講侍講學  
士兼左春坊左中允倪謙為左春坊大學士侍講學士兼右春  
坊右中允呂原為右春坊大學士左春坊右諭德兼脩撰文林  
為左庶子司經局洗馬兼修撰李紹司經局洗馬兼侍講劉定  
定之俱為右庶子俱兼侍講右贊善兼檢討錢溥為左諭德兼  
編修右中允兼修撰柯潛為洗馬仍兼脩撰左贊善兼編脩周  
洪謨修撰孫賢俱為侍講編脩黃諫為左中允兼編脩左司直



卽兼編修萬安李恭俱為右中允仍兼編脩編脩漢鑑劉吉劉  
珣書恩王獻劉宣童緣俱為修撰檢討李本馮昇江朝宗中書  
舍人兼正字趙昂庶吉士丘濬彭華牛諭尹直俱為編修耿裕  
何琮齊珍金紳黃甄夏時俱為給事中劉鈺孟勳吳禎嚴淦陳  
政馮定王冕俱為監察御史 山西平陽府奏所屬蒲解等州  
臨晉等縣今年春夏無雨麥苗枯槁稅麥九萬五千三百一十  
餘石無徵令戶部勘實蠲之 陝西布政司奏守備鎮番衛都  
指揮蘇得成令倉官羅讓官銀折支官軍口糧命巡按御史鞠  
之 撤馬兒罕等地面使臣指揮馬羔麻捨力班等請遊在京  
諸寺及出阜城門外祭掃祖塋從之 戊寅 勅諭內外文武  
大小衙門曰朕惟國家以民生為重君臣以政理為先政失其  
理民生何由而遂朕承 祖宗大統夙夜兢惕於茲然而水旱

竊竊軍民多生失所上天垂戒有位全不究心國朕不德之招亦豈他無所自掌祭祀者或誠敬不修典軍民者或撫綏無法發選無進退之明刑罰失輕重之當或風憲委靡而不振或寬抑負善而難伸或假公濟私妄言利害或指無作有報復恩仇抑濶聖人不得已而用刑奈何刑官任好惡而再法或避嫌害寧無累己以殘人或藉貨賄惟務順非而枉是凡百災異寧不由茲思過者躬宜徒在朕肆特勅諭爾等務共體茲至懷必敬以奉禮祀必仁以惠民務必明以進賢退不肖必審以刑惡辨無辜必廉以守法奉公必正以揭清激濁必言無不實言必可行必毋舉細事事無泛及苟有一違臬于此雖魚帶罪所不原務有以愜人心庶可以回天意知至爾等如果仍前不改在內許六科給事中十三道御史在外許巡撫巡按按察司官明白

指陳實跡開具奏聞黜不宥亦不許懷挾私仇妄言曖昧難  
明之事証用良善違者抵罪其免之敬之 命故金吾右衛指  
揮使曹慶子寧金吾左衛指揮同知劉興子通指揮僉事曹興  
子勇梁棟子玉通州衛指揮使金亮子玉羽林前衛指揮同知  
童保子斌金吾前衛指揮僉事張榮子玉濟州衛指揮僉事陳  
義子鼎羽林右衛指揮僉事吳斌子俊俱襲職 命提督守備  
永平著都指揮僉事羅政子綱代為永平衛指揮同知 擢賜  
王芝址奏府中缺人使用給賜內使唐賢等二名仍復書諭王  
善遇之 戶部奏都督湖廣軍務兵部尚書石璞言湖廣用兵  
饒運艱難近已前中益日久無高上納今常德處益價甚高每  
益一引可易米五六石每年得益五萬引於彼收則委官管領  
於五湖等衛所堡分或作官軍俵糧或給軍食用或易糧備用

可省饒運之勞實為利便今查兩浙運司並見在者多而松江  
嘉興二分局俱迫水次易於裝載請移文南京多撥馬快船如  
數支領差官管押運送彼處交收一聽璞適宜處置務俾糧餉  
充足官軍得濟從之 卽時日生帝已時鮮明至未時雲遮○  
己卯吏部等衙門尚書王直王翔張瓖胡濙蔣守約于謙俞士  
悅江淵侍郎項文曜李賢楊鼎煥夔命綱王偉宋瑛孔文英周  
瑄張敏左都御史蕭維禎楊善右都御史薛通左副都御史劉  
廣衡右僉都御史余徽以天災屢見奏劾修省共奏云臣等願  
惟鄙陋叨此顯榮當夙夜盡心以圖補救而素無學識人鮮才  
能臨事非方行己失當典祭無祀神之敬掌選乏知人之明軍  
民有未安刑罰有未善祝祀不振好惡不公揆諸立理百無一  
堪是以下失人和上致天戒合當萬死 聖度寬容未加重譴

敢不仰體宸務循理道且等伏思中間有年當致仕老病昏  
倦或材力不及不攝任使伏望明睿採擇羅黜以愜人心以回  
天意詔曰致謹天戒朕所當先但君臣一體不可不同勉輔朕  
躬方望卿等顧以老疾為辭毋乃有孤朕志知天之命尚其勉  
諸所請不允先是監察御史王常巡按直隸民有妄以懷材  
抱德薦者命常覆之常覆奏不以實當速問會常以憂去職至  
是起復命下刑部鞠之○庚辰 仁宗昭皇帝忌辰遣官祭  
獻陵 給楚府崇陽王均敏歲祿一千石○辛巳戶部奏順天  
府昇直隸河間保定真定順德大名廣平諸府蝗蝻延蔓請差  
左京堂上佐貳官往捕之仍移文巡按監察御史齊為捕治格  
全殲滅毋遺民患從之○壬午巡按四川監察御史陳全奏都  
指揮張瑛不嚴束職官致囚徒白晝越獄又囚而盡殺之宜治

其罪從之 故戶部尚書王佐孫瑜奏乞入國子監講書從之  
○癸未 命左春坊左庶子兼翰林院侍講林文右春坊右庶  
子兼侍講劉定之侍講周宏撰左春坊左中允兼編脩黃諫俱  
於史館纂修宋元通鑑右春坊右中允兼編脩萬安右贊善兼  
編修岳正修撰劉翊劉宣俱於內府授內使書以文等授內使  
書日久故以安等代之也 四川按察使黃溥左布政使侯軌  
都指揮使張英等奏近聞 皇后崩逝例當進香但邊境方殷  
乞俟明年遣官齎進禮料言各官無哀悼之心有怠慢之意且  
都布按三司原有定序今溥軌英三人僉名越次宜速明如律  
詔姑宥其罪移文示之○丙戌 命翰林院編脩徐溥復任溥  
先以養病歸御至是病愈還朝故有是命 韃靼官軍有為強  
盜者詔恭順侯吳瑾會錦衣衛官往捕瑾往率眾捕之獲四人

其二人被死餘二人一坐為取為迫一坐不知情俱減死錦衣衛言瑾素不鈴束職之為盜今既不奉詔會官又擅殺二人以減口庇二人出其罪疑有私刑部訊二人果皆強盜奏逮瑾鞠問詔姑宥之○丁亥連王黃燠奏以明年正月朔當朝會之期欲親赴闕行禮復書止之○戊子禮部奏朝鮮國王李球以肅孝皇后崩遣陪臣安崇致等齎捧祭文方物進香并進表陳懇請照例令工部造與表服光祿寺辦祭物於几筵前致祭就將祭文方物進獻使臣人等在恩善門外行禮畢次日本部引進陳懇表文從之遂宴崇致等及賜絳幣衣服靴襪有差初諭罕東衛都指揮阿黑巴赤斤蒙古衛都督阿達升各大小頭白人等賜織金文綺表裡有差俱命來使阿兒吉等齎與之命改雲南楚雄衛帶俸都指揮命事李鉉子嵩襲為本部指揮

使 命四川布政司右叅政陳浩冠帶明往以有疾也 昏刻  
彗星見西北方在柳宿尾長九尺餘掃祀軒轅星○己丑南京  
兵部給事中謝瑒言直隸鳳陽等府所屬州縣民連遭旱澇災  
傷不勝凋弊所養孽敗官馬每年北京差官印塔之徼例應南  
京差內外官三員同太僕寺官於各處俵散官多事擾民何以  
堪乙酉北京事例止差御史太僕寺官庶不擾民事下兵部覆  
稟從之 初滿剌加國王副使奈竊等來朝貢至廣東新會縣  
竊以犯姦白戍死副使巫沙等已訖事遣鴻臚寺通事馬貴等  
憑番人亞末首請稱竊有夜光珍珠并猫睛石未進朝廷信之  
遣員外郎秦顯并番第回亞末等乘傳至廣東會官迪取至是  
鎮守廣東并巡按三司等官及顯等會奏將竊男女行禮逐一  
檢閱別無前項寶物命擒貴等送法司如律治之○庚寅南京



錦衣衛指揮使張英老疾命其子綱代職於本衛帶俸 巡按  
山西監察御史賈廣勅右叅議畢鸞督公務於屬縣受其餽金  
命執鞫之○辛卯 命宋儒周敦頤十二代孫冕為翰林院五  
經博士仍選鄉奉祠事子孫世襲 唐王瓊坦妃宋氏薨妃兵  
馬指揮貞之女宣德三年冊封至是薨計間輟視朝一日遣中  
官致祭命有司營奠 免湖廣黃州沔陽等府州黃岡等縣去  
年地災被糧七十七百五十三石有奇馬草八十二萬一十六  
百三十六包○壬辰 勅諭中外大小文武羣臣曰朕恭膺天  
命總理萬機顧涼德之靡勝致乖違之有自上天懸象垂戒竇  
深竊惟敬謹之嚴宜布寬恤之原咨爾百辟體朕至懷其悉心  
以奉行毋用情而違拒敢方命者罪在不原所有合行事宜條  
列於後軍民利病勅書所不及者并許開具來聞冀上答於天

心下安養於恭庶共臻太平之治永隆 宗社之仁故諭一天  
下司府州縣官每歲多俸其名下是銀角大供諸軍中多有管糧等項不無害民悉從吏部斟酌  
裁減取回別用以首民力一天下府州縣官果有年老殘疾罷  
軟不能任事及貪婪酷暴生事糾款害民者許巡撫巡按并按  
察司公正堂正官會同考察從實具奏熟罷其布政司按察  
司官悉聽巡撫同巡按官一體考察具奏罷黜不許虛應故事  
視為泛常一考滿起復等項官手承差人等有違批限耳限及  
在申送火水盜賊漂失公文并在此等項吏部行查明白在本  
年五月二十四日以前者俱免其罪復遺職投一江西湖廣等  
布政司并直隸府州縣自景泰五年以前拖欠未完稅糧馬革  
裹帛絹布戶口食鹽鈔貫除已徵在官外其餘有拖欠未完者  
暫行寬免一福建等處都轉運鹽使司并鹽課提舉司見這正

統年間以前虧折監課暫行寬免一在京各衙門各衛所官吏  
旗軍匠役人等預先調過累奉七年七月九月分月糧除文武  
官吏不支外旗軍匠役人等調過一石者再支五斗調過六斗  
者再支三斗以濟窮困一太醫院醫士光祿寺厨役果有在逃  
并食補未到者俱暫停以待豐年向補解官一各營并各軍衛  
有司原領寄養騎搭募生脚力等項馬騾驢但有虧欠倒死逃  
失未曾買補還官者勅書到日悉皆停罷免其追浩一逃軍逃  
囚逃匿知書到日在京限一個月在外限三個月以裏許令自  
首俱免本罪軍還原伍民發牢家匠仍當匠一湖廣等處賊寇  
但有飢饉逼刃不得已而煽聚情犯雖重勅書到日有能悔過  
自散者悉宥其罪聽從復業本分生理諸人不許搜尋前事加  
害如果知書到日一月不能散者仍究前罪賊首家能若能赴

官白首請以不死決不失信一軍職官有犯罪發立功哨守等項勅書到日各還原職其犯科欽審軍等項者止令帶謀不許管軍管事一內外各衙門卑隸馬夫不許領外濫占躲避差徭勅書到日隨即改正不許故違一內外法司見監問及行提未到一應罪囚自景泰七年五月二十四日以前除謀反大逆子孫殺祖父父母妻殺夫奴婢殺主姦毒魔魅毒藥謀故殺人強盜不宥外其餘罪無大小并見發做工運磚運灰等項俱各宥免如以鉄搬站年限滿日擬人更替其文職官吏人等有犯贓罪原籍為民若犯奸貪行提照勘未結者仍候問理明白依律照例發落一內外衙門見追并原籍原衛追徵一應給主入官未完贓物不分連年近日俱各免追一浙江等布政司蘇州等府州縣織造歲辦額辦各色紗羅段疋絹疋等項自景

泰六年終以前一切拖欠未完除已徵收在官并起解者仍送  
赴部交納其未收在官未起解者悉從寬宥一浙江等部司直  
隸等衛所歲造軍器盔甲弓箭鎗刀等項自景泰六年終以前  
拖欠未完者悉皆停止其有徵收物料在官者明立文案收貯  
以待下年造用一浙江等布政司并直隸府州縣年例買辦珠  
辦白真黃牛皮底皮羊皮羊角紅花青酸椿木篋竹毛竹等項  
并該載未盡除已徵收在官者仍送赴部其未徵收者俱暫停  
止待豐年照例買辦一浙江等布政司直隸府州縣所辦蘆柴  
并河泊所所收魚油銅螺介鐵生鉄銀珠生漆桐油等項自景  
泰六年終以前拖欠未完未徵起解者悉與寬免一各府州縣  
各色輪班住坐人匠洪武永樂年間一戶止當一匠後因工部  
養准將丁多之家分作二名或三四名應當匠役者乃其從前

未曾習曉匠藝正統年間至今被人讎報在官連年官司尚獲不能安生者該部有司悉與明白查勘三四名者止當一正果係讎報者悉與除豁一各布政司府州縣官有在任失班各色人迄今後不必拿解免其罰班止當正班其有私買偽印批工批迴等項在景泰五年以前者許其首告改正悉有其罪一各處造作不急之務聽從所在有司申達該部具奏定奪以黜民困 命四川按察司各道分巡官兼督盜課時戶部奏四川兵糧仰給於鹽有司因循課日以虧請令按察司兼督考滿以之課其殿最故有是命 命錦衣衛中所副千戶崔友為本衛鎮撫、設壽陵祠祭署置奉祀祀丞各一員 命故兵部尚書張本孫繼宗福建布政司右叅議劉深子縉俱入國子監讀書以本從 太家渡江深在福建殺賊有功也。癸巳廣東英德縣

塔岡高道中澤等山嶺頭何福海等來朝各貢方物賜鈔緡有  
差 命山西行都司帶俸都指揮俞事江源孫永襲為大同前  
衛指揮使 以山西忻州地三十一頃四十畝有奇給還人谷  
王鍾鉉其地本晉恭王收地荒棄日久為民人侵種大各王恭  
王曾孫也以為言既覆書致命給還之○甲午撥順天府昌平  
縣民五十戶看守 壽凌仍免其民雜役 皆刻彗星見帳宿  
光芒七八餘尾端大微西垣性西南行○丙申刑部左侍郎孔  
文英卒文英陝西安化縣人由進士授江西廬陵知縣遷浙江  
道監察御史調河南道正統己巳遷巨薦其堪大任賜食五品  
祿仍為御史○庚申陞湖廣按察司景泰庚午轉大理寺卿鎮  
守紫荆關督練軍馬○乙亥召還進刑部左侍郎理部事至是  
卒訃聞 賜祭葬文英剛方有守然頗淺懷而短於才○戊戌

賜岷府淑浦郡主并儀賓夏隆歲祿本色米五百石折鈔三百石以其由縣主初加封也 周府沁陽王子墩薨王周簡王第十一子母南氏正統十年生至是薨年十二既薨而冊封之命始下訖閏穀視朝一日遣官致祭 提督大同軍務左副都御史年富上疏乞致仕詔以邊境用人不允其請 是月廣西桂林府疫民男婦死者二萬餘人

大明英宗睿皇帝實錄卷二百六十六



大明英宗睿皇帝實錄卷二百六十七

廢帝御度王附錄第八十五

景泰七年六月己亥朔 太上皇帝居南宮 賜楚府江夏王

庶長子鎮國將軍李陞夫人凍氏 誥命冠服 給褒城王府

鎮國將軍徽錄歲祿一千石米鈔中半兼支 改武成中衛為

喜陵焉 禮科給事中張寧言通者天心仁愛國家特示警告

朝廷克謹天威願降 勅諭軍民利弊所不及者並許開具

來聞臣謹具所言事宜一近觀南京禮科給事中唐瑜等奏南

京各衙門官員多有老疾等項欲加考察吏部覆奏奉旨令南

京吏部等衙門公用查勘臣惟朝廷為根本之地而京官為倡

導之臣故風化必始於王畿而黜罰當先乎貴近除舊布新莫

急於此今在南京者既加考察而在北京者一概優容溼渭莫

分黃鶴同器已初吏部以在京各衙門堂上官員具名奏聞取  
自上裁其餘大小官員從本衙門堂上官考察果有老疾不堪  
任用者俱從吏部備例施行如此則激勸之源出於朝廷而內  
外澄清矣一在京各衙武職官員帶俸等項數多有一衙二千  
餘名者有一衙千五百餘名者通計不下三萬餘員每歲共支  
食米三十六萬餘石折俸銀四十八萬八千餘石若併胡椒蘇  
木折鈔等項總計動銀百萬之數糜耗錢糧莫甚於此况其間  
亦有老幼怯弱騎射生疎之人既無差調又無掌管徒建虛名  
以銷實俸今府庫告乏四方飢饉相仍平時錢糧仰給去處多  
致停免節財煩用正在此時乃以有限之資而供無窮之費日  
訪得天下都司衛所官員多有員缺不行申補乞知兵部計議  
將前項帶俸官員內除應存留備禦者不動其餘照缺補調在

外都司衛所管事如此則在外無曠官之樂在內者冗食之憂  
事體人情兩得其便若能去一分則國有一分之濟矣詔以所  
言有理令該衙門開實行之從竟不行○庚子 勅諭雲南激  
江安撫司安撫陳舊法并其妻賜絲幣表裡有差俱命來使陳  
黃等齎與之 命張靖為正千戶倪端周全為百戶靖等俱以  
匠役供贖事於御用監生是官之供事如故○辛丑禮部言南  
京神樂觀奏供祀樂舞缺人先選南京道錄司無過疾過士三  
十八人補數供祀者宜就令收樂舞生從之 提督大同軍務  
左副都御史年富言往時各邊雖有鎮守巡撫恭贊并管神號  
內外官具數不多自正統十四年以來各處俱添都御史侍郎  
等官或以巡撫提督為名或以恭贊協贊為號總兵之外又有  
副總兵左右恭將內官則有鎮守守滿之稱如天城湯和等處

一城之內乃有內官二員未免占役軍事生事擾人即合邊務稍寧乞行減省事下兵部言各邊鎮守守備官俱朝廷簡命內外重臣不可輕動從之 鎮守浙江兵部尚書孫原貞奏杭州西湖舊有二閘蓄洩水利近者二閘傾圮湖水淤塞積有葑灘往往被勢豪之人占據水基不通居民不便而應徵漁課累年漁戶陪納巨近聞即志內載宋蘇軾奏疏云杭州為州本江海故地水泉鹹苦自唐李泌引湖水入城為六井然後民足於水井邑日富百萬生聚待此而食放水溉田瀕河十頃可無凶歲運河亦皆取足於湖不可許人租佃水面使占種植周諮亦言西湖所貴深閘引水入城中諸井尤在清潔因禁止栽種菱芡招兵工百人專一稽湖其後有力之家又復請佃湖面日益填塞及後大旱水涸招鎮守趙興憲開濬凡芟荷芟蕩悉棄去之

杭民獲利比皆前代經理西湖大畧也通歲替豪之徒日遊堆  
壘膝圓包占種菘藕蓄養魚鮮漸至湖水淺狹加之閘石毀  
壞時過旱乾湖已先涸旁田既無溉灌之利而運河亦近淤淺  
公私舟船往來不進近與鎮守少監沈隨詢之父老合辭陳請  
仍舊置閘蓄洩水利革民園占使湖得深廣消深周通六井支  
流運河旁溉田畝且免漁戶賠課之擾已令有司勘履所占池  
蕩並令備官而修築之二閘事不可緩當與沈隨協借賑濟之  
餘尚存米穀可備木石之費及時稅工俾令修築乞如有司於  
農隙之時量工開濬禁止豪右之人不許侵占湖利則一郡軍  
民永逸獲利矣命該部如所言之○去歲夜替屋入太微西  
垣內上將星旁芒長五尺餘○癸卯 勅諭思卜發曰爾能改  
過自新達淘益孟剛等以金銀器皿等物來貢朝廷體天行道

於凡有過之人能改即宥茲因所遣使回特知諭屬今從格順  
永聖臣節不許仍前懷善異心妄生說詞自取不靖庶屬及子  
子孫孫永享太平之福如違罪在不原爾其戒之慎之并賜恩  
卜發及其妻錦二段絳絲紵羅二十一疋絹三十疋 少傅兼  
太子太師吏部尚書王直以老疾復上疏乞致仕 帝曰卿之  
老邁朕所素知但朝廷不可無老成人卿宜勉進藥物以副朕  
懷所請不允 罷守備蘭縣都指揮僉事李進命署都指揮僉  
事金鑄代之先是陝西鎮守副都督御史耿九疇言蘭縣係陝  
西要害邊防進年老僉官不堪委任而鑄鍊達老成堪以代進  
故有是命 廣東按察司初都指揮張土縱家奴下海私易番  
貨命執鞠之○甲辰蠲應天并直隸太平寧國池州安慶徽州  
廣德等府宣州建陽安慶新安等衛所屬去年被災秋糧子粒

二十九萬畝秋糧一十六萬四十二百四十九石有奇 羅鎮  
守涿州都指揮僉事李信命肇昌府指揮使汪劍代之從鎮守  
都御史耿九疇奏請也 南京奏贊機務兵部尚書張純奏乞  
還卿祭掃先塋許之○乙巳 命禮部左侍郎兼詹事府少詹  
事薛琦復任以奉母喪還京故也 涇山東戶部司署員外部  
謝景為四川重慶府知府刑部四川司署員外部熊璜為山東  
萊州府知府 遼庶人黃煒黃琦黃瑄以 肅孝皇后喪遣人  
上表進香禮部奏庶人雖革王爵而屬籍猶存其所遣人宜加  
賞賜詔賜綵幣鈔有差○丙午遣中官祭中霽之神 命山西  
布政司所屬將起運大同軍餉折納銀每束三分以大同見貯  
草束可給二年支用從提督軍務左副都御史年富奏請也○  
丁未 太上皇帝第七子見浚生宸妃萬氏出也 廣東清苑

等縣奏嶺等山猿人周保等來朝貢方物賜衣服絹鈔有差  
命故浙江為事署都指揮僉事王越子溥襲為杭州前衛指揮  
僉事 給遼庶人黃璫次子豪保家塔歲祿各一百石從庶人  
長子蒙歹奏請也○戊申免直隸冀州并衡水縣地畝四百九  
十八頃糧草以其地臨漳洹沔三河不時淤沒不堪耕種也  
○己酉免上林苑監番青署買補欄鴨雞八萬七十一百一十  
一隻良牧者迨牛羊一千四十七隻以各署告稱飢窘乞照  
勅諭內事例減省也○庚戌 命故右軍都督府都督僉事丁  
信子道襲為鷹揚衛指揮使 湖廣辰州沅州鎮遠偏橋清浪  
平溪銅毅五開靖州等衛官軍俸糧舊於永州衛州關支路遠  
不便巡撫湖廣工部尚書王永壽請會計各衛歲用之數將存  
留糧每米一石徵銀二錢伍分運赴沅靖二州官庫貯之準作



各衛官員俸糧之用如不願給銀仍聽於永衛二府關求從之  
四川左布政使侯軌奏恭過 萬壽聖節臣當朝賀第僚佐  
俱有公幹臣獨任司事難以遠行謹遣庶廣揚英代進表文禮  
部恭奉輒不學無術昧於名分前既附會黃溥抗令不行進  
香今又推調不來朝賀宜令法司究治如律詔宥其罪但移文  
示之○壬子刑部尚書俞士悅白陳左股患風乞免承旨從之  
○癸丑復湖廣按察司副使祁端余事沈廣職端慶俱坐事南  
和伯方瑛奏保其能通苗情故命復職 以銅鼓五湖黎平等  
處苗賊生發知湖廣保靖軍民宣慰使司宣慰使彭捨怕俾四  
月播州宣慰使司宣慰使楊輝西陽宣撫司宣撫余事丹廷璋  
貴州宣慰使司宣慰使安瀧富宋昂同知安軍金筑安撫司舍  
人金如添調土兵協助殺賊齎送銀一十兩綵段一百表裏赴

總兵南和伯方瑛處令給賞各官并頭目人等 封蒼蒼地西  
王子喃噶堅策巴藏卜襲為輔教王賜誥勅金印珠幣僧帽袈  
裟法器等物命番僧萬藏為灌頂廣善慈濟國師烈藏為靜覺  
持正國師領占已冊為靜覺佑善國師班卓兒堅恭為戒行禪  
師桑結遠冊為慈化禪師羅竹聰密為翊善禪師堅恭列為妙  
覺禪師遠冊為淨範禪師領占三竹為清修禪師羅竹劉夫  
為崇善禪師各賜印及誥命俱從禮部尚書胡濙奏請也 革  
廣西按察司巡鹽副使以給事中周監為其獲民也○甲寅  
賜楚府永安王第五子名曰均錫崇陽莊僖王第二子名曰均  
錫鎮國將軍李城第二子名曰均錫 宜川王公婉奏諸公弟  
公鉞等受封并撥祿未欲赴京謝恩復書上之○乙卯 肅孝  
皇后喪發引○丁巳 賜交城王第二子名曰鍾鉉 鎮守廣

東副總翁信等奏賊劉棟合浦縣地方總督指揮阮禎把總  
指揮湯洵等率官軍撫捕遇賊臨沒事下兵部言信等素無謀  
畧喪師失律及巡御史彭信俱合究問詔姑免問令其用心  
撫捕務俾盡絕○戊午岷王徽謀篡久患瘋疾及宮人時染病  
證求藥餌命太醫院依方給之 傳湖廣武岡州歲辦藥材以  
知州伍方言苗賊寇邊民被剝掠也 命廣西署都福輝敘事  
萬宗濬復職先是宗濬哨守羅城縣因指揮周旋天機連坐問  
罪免死立功至是總兵官柳溥言宗濬師兵援旋報獲頗多宜  
復其職故有是命○庚申莫鼎孝皇后抗氏 陝西布政司右  
叅政楊鐸奏奏府樂舞生一百二十六名月給口糧各六斗歲  
給布各六疋絹各一疋綿八兩今陝西各邊軍馬歲費浩大况  
連年歲歉遠運不繼請中半減之以省民供從之○辛酉劉王

悅與秦臣妃何氏已薨有宮人徐氏係成都衛舍人親女性質  
溫柔謹慎伏望頒賜冊命冠帶俾為嬪室從之 長陵陵戶一  
百四十餘家奏乞優免里甲命存一丁以供洒掃餘令應役  
直隸提督學校監察御史張諫試順義等縣生員於通州察院  
巡撫永平等處右副都御史李賓第嘗與試其父封太僕卿往  
鳴諫取中諫不從賓馳至通州欲與諫言諫方閉門試士弗納  
賓因急搥門而入于殿之諫奏其狀賓亦奏諫不避避已柔體  
統 帝曰賓姑不問諫及屬父錦衣衛執鞠之已而杖諫二十  
釋之。壬戌征進湖廣貴州總兵官南和伯方瑛奏妖人李珍  
魏玄冲潛入執銀篆誘惑臣眾則眾為非官軍以討擒之詔械  
繫赴京處置仍令英珍絕餘苗毋違邊患。癸亥 肅孝皇后  
神主附於 太廟道寧湯侯陳懋器告行禮 初有例禁包攬

納戶錢糧及騙其財物者正犯枷號一月滿口杖一百全家誦  
戒極邊尋以灾異議罷而犯者滋多至是太子太保兼刑部尚  
書俞士悅等請申明之以警姦頑安良善從之 大隆善寺灌  
頂圖師西天佛子沙加言比年法司論僧道罪無輕重悉斷違  
俗乞如永樂宣德間例情重者斷違俗情輕者輸贖復業事下  
法司議僧道犯罪無輕重悉違俗乃律之正條永樂宣德間或  
有令贖罪復業者特出一時事例議上命仍如律斷之 陝西  
布政司右叅政楊鐸等劾秦守備蘭縣都指揮李進後軍耕作  
私田賦進褐布其十戶等官問進科欵軍財諸狀詔宥進不問  
十戶等官巡按御史執治之 浙江左布政使李葵卒葵字宗  
倫山西澤源州人以舉人授河南道監察御史正統二年陞江  
西按察使既而以內報歸適虜寇來侵葵有退寇功名至京陞

今職至是卒於官 山西平陽府平陽衛俱奏春夏亢旱所轄  
軍民地畝夏麥稿死子粒無微命戶部勘實以聞○甲子湖廣  
客美安撫司水盡源通塔坪長官司及廣東河源縣赤溪等都  
桂嶺等山樵獵人李廣通等各來朝貢方物賜鈔絹衣服等物  
有差○乙丑 賜漢川王嫡長君仕埏一品冠服 卹時日生  
暈隨生車半量及左右珥各色淡車半暈珥先散帶至未時散  
○丁卯 勅諭哈密忠順王倒馬谷失里撒馬罕地面卜撒因  
王亦力把地面也密力虎者王及王母王妃王弟王姑并把冊  
沙等處地面頭目速魯檀馬黑麻各大小頭目人等賜織金文  
綺表裡器物有差俱命原來使臣分贖與之 是月直隸淮安  
揚州鳳陽三府大旱蝗徐州大雨水河南亦大雨河決開封河  
南彰德三府田廬湮沒無算



大明英宗睿皇帝實錄卷二百六十七



大明英宗睿皇帝實錄卷二百六十八

廢帝郟戾王附錄第八十六

景泰七年秋七月戊辰朔 太上皇帝居南宮 帝享 太廟  
。遣中官祭司門之神。己巳。陞廣西道監察御史原傑為  
江西按察司按察使 城山東濮州先是州治以黃河滄沒徙  
於王村至是始築城焉。昌化王仕璋奏本府蒙賜修葺被都  
指揮孫瑛挾私忽以為邊軍不敷沮之且瑛強奪人地擅投軍  
匠千百人私料木料造己宅何以不言邊軍不敷也事下法司  
請行山西二司如詔修葺昌化王府王所奏瑛違法事下巡按  
御史廉其寶以聞從之。辛未 仁孝文皇后忌辰遣官祭  
長陵。夜金星犯鬼宿西南星夜五鼓東方有星大如杯青白  
色有光起自五車南行至天關星。壬申。烏思藏刺麻堅千

星吉廣東英德縣徭首黎志滿等來朝貢方物賜鈔絲幣表裡有差。給故鎮國將軍公鎮守墳民二戶從永興王公銘奏請也。誅反賊李珍魏玄冲珍浙江錢塘縣民為大居道士玄冲山東即墨縣民為武當山道士珍聞苗賊作耗欲往從之遇玄冲於途與言吾有異相汝隨吾必致富貴玄冲遂與珍同至苗賊執銀寨珍謂苗賊云吾唐太宗之後生氣有紫氣毫光三晝夜方散人相我有大富貴我聞空中人言命我來率兵征討天下遂與玄冲至此同事於是苗賊俱順之築立將臺珍為稱皇帝及書天順年號作詔書封苗頭為侯及都司等官率兵二萬至天柱欲與鎮守等官戰都指揮湛清等設策擒獲械至京法司生凌遵處死從之。癸酉。荆王奏祁錫父憲王堯遊已久欲於春秋時節偕弟都昌王祁鑑躬詣墳所祭掃庶盡時思之

情詔允其請仍戒其毋擾軍民。枝江王豪壁奏臣父存日嘗預支景泰四年祿米二千石今因治喪具並給家累食用既盡乞免追償從之。順天府直隸保定真定河間廣平順德大名鳳陽廬州徽州池州府浙江杭州嘉興府江西饒州南昌府湖廣黃州府河南衛輝懷慶開封府山東濟南府青州東昌府各奏自五月六月以來久雨水溢田禾滄沒無存稅糧無從徵納命戶部勘實以聞。巡撫湖廣工部尚書王永壽奏先是巡撫貴州右寺丞王恂建議以湖廣犯贓等罪官吏於貴州鎮遠等倉納米贖罪後以上納者少湖廣左布政使馬謹又議請每米一石追銀一兩類送貴州布政司糴倉糧上倉乞今後官吏犯罪者俱照此例庶邊儲有積官吏亦便從之。甲戌。慶成王美靖奏患疾未愈乞賜醫藥調治命太醫院授醫往瘡之。南

南戶部尚書沈翼奏乞如王朱朱鑑例蠲其家軍伍從之。乙亥。南京大風雷雨山川壇前後殿東西廊災。丙子。慶成王美靖堯王莊惠王長子母莫氏永樂六年生洪熙元年封為鎮國將軍宣德七年襲封至是堯年四十九訃聞親視朝一日謹恭僖遣官致祭命有司營葬。命故四川都指揮僉事李剛子雄襲為鎮西衛指揮使致仕湖廣都指揮使馬翔子能為武昌衛指揮同知雲南都指揮同知丘真子鑑代為臨安衛指揮使。丁丑。晉王鍾鉉奏叔祖母高平懷簡王妃王氏年七十九無嗣老疾日侵其府中內使校尉人等及地畝子粒缺人掌理漸覺消散臣欲令一內官往掌理之以慰其心從之。命司經局洗馬兼翰林院修撰柯潛左春坊左贊善兼翰林院編修劉俊為應天府鄉試考官。夜四鼓北方有星大如杯色青白

尾跡有光燭地起自闡道西北行至天梧星。庚辰。太常寺奏今五嶽四瀆皆祀典鍾山以孝陵所在附神主於中嶽每歲孟春祭南郊既合祀之仲秋祭山川又專祀之惟天壽山祖宗三陵所在今又益以壽陵猶未列諸祀典請于每歲春祈秋報附祭天壽山神主於比嶽之壇雖牲勞不加而事體寔宜至若梓童神亦有功德於民朝及既新其祠字命道流事之而二月初三日乃其辰也亦宜事以羊豕酒果俱從之。辛巳命西番淨修弘智灌頂大國師鎖南捨刺為淨修弘智灌頂大國師西天佛子廣通精修妙慧闡教西天佛子大國師沙加為廣通精修妙慧闡教弘慈大喜法王刺麻占巴失念為崇修善道國師加弘善妙濟國師捨刺已為灌頂弘善妙智國師俱賜詔命命錦衣衛千戶屠宗順百戶屠芝子孫世襲百戶

艾崇高太醫院管事。壬午。中元節遣官祭長陵。獻陵。景陵。壽陵。順天府尹乞致仕詔曰年七十理當致仕緣京畿人民繁多非爾久任公務難完所請不允。癸未。巡撫山東刑部尚書薛希健等奏運糧指揮千百戶等官沿途遲延且生事擾人及倉事陳簡催償仍抗拒不服詔曰此漕運總兵等官號令不嚴所致也都察院其錄狀以示徐恭王琳復若不嚴必罪不宥。甲申。帝召禮部尚書胡濙等諭之曰近聞民間自官者甚多洪熙宣德年間已有禁例爾禮部其榜諭多人自今敢有自官求進及投入王府並官員勢要之家者俱如舊例處以不孝死罪該管旗甲里老隣人知而不首及隱藏者俱罪之。命福建為事立功都指揮僉事王勝復職專督屯種事。中兵馬指揮司副指揮胡朝鑑奏近京在年買賣惟用永

樂錢其餘不用以致在外蘇松等處紛紛偽造來京貨賣其錢大小不一俱各雜以錫鐵等物致使在京軍匠人等亦私鑄造日趨於詐乞通行禁約敢有故違者悉寘諸法從之。乙酉太宗文皇帝忌辰遣官祭長陵命伶人李安為錦衣衛百戶安坤惜兒自教坊司入侍得幸故有是命。丁亥。鎮守寧夏太監王清等奏寧夏等衛極臨虜境嚴備全仗馬力勘得各營馬隊旗軍關夫豆糧數少銀馬不敷馬匹瘦損乞照甘肅例每歲九月十六日起至次年四月十五日止每匹日支料豆三升事下戶部覆奏從之。戊子。西河王美埽堯王晉定王第四子母徐氏永樂九年生初封鎮國將軍正統二年進封西河王至是堯年四十六卦聞輟視朝一日詣靖恭遣官致祭命有司營葬。賜尚膳監左監丞鄭善廣平府雞澤縣三林泡莊田

五十頃從善奏請也。刑部鞠太僕寺寺丞鄒永隆陪祀  
壽山私役軍伴當贖皆還職從之。己丑。雲南隴川宣撫司  
宣撫多外閃遣頭目多力法等貢象及金銀器皿等物賜鈔絲  
帶表裡羅絹襲衣等物仍命養勅並絲帶表裡歸賜多外閃  
命故孝陵衛指揮同知李貴子智羽林左衛指揮同知王雄弟  
通金吾左衛指揮僉事王欽弟慶金吾右衛指揮僉事伍恭姪  
翼府軍後衛指揮僉事徐斌子珠南京府軍衛指揮同知陳英  
子玉羽林前衛指揮同知宋瑄子禪俱襲職南京羽林軍左衛  
指揮使劉鑑子瑾江淮衛指揮僉事郭璽子勳府軍右衛指揮  
僉事王湧子浩虎賁左衛指揮僉事戴楨子綱俱代職。都察  
鞫山東按察司僉事劉錯因公杖人致死坐贖徒還職從之  
命保定侯梁瑤工部左侍郎趙榮督營山陵軍夫三千五百人



修清河沙河榆河等橋以自京抵山陵道所經也。夜土星犯  
罰星曉刻月犯天高東星。庚寅命吏部文選司主事劉鉞  
署本司員外郎事戶部江西司主事余子俊署本部福建司員  
外郎事刑部山東司主事余洵署本部四川司員外郎事陞主  
事蔡景銘為南京工部都水司郎中應天府上元縣知縣姜德  
政為南京禮部祠祭司郎中以任滿九載也。免山西平陽府  
平陽衛夏稅十萬五千三百一十三石子粒一千六百五十九  
石有奇以巡撫右僉都御史蕭啟履實其地亢旱夏麥無收故  
也。辛卯順天府通州等處寄籍民王京等奏祖係交趾人  
父學右等罕家歸附蒙恩授江西信豐縣等處等知縣官匠等  
自幼讀書習舉業今遇順天府鄉試在通乞容入試以圖補報  
從之。壬辰勅南京守備平江侯陳豫參贊機格兵部尚書

張純及工部尚書王來修建山川壇以被災故也。○秦寧等衛都督僉事革于帖木兒等來朝貢馬賜宴並絲幣表裡紵絲襲衣等物。○設福建延平府永安縣儒學置教諭一員訓導二員。○調南京兵部侍郎杜宇單從宰奏請也。○癸巳。朝鮮國王李璵遣陪臣韓確等奉表來朝貢馬及方物賜宴並金織襲衣絲幣表裡等物。○舞陽王芝址奏母妃宋氏薨逝家遣本府承奉賜祭母臣思存曰李謹無過且居家長雖蒙天恩賜祭而承奉係本府僕屬未稱 聖皇隆親之意乞遣中官行禮庶存沒終被寵光之至從之。○巡按福建監察御史威顯奏近興布按二司會議福建地方依山瀆海白糧數少原設糧長有損于民無益于事應合革能以後稅糧令各屬里甲催徵為便事下戶部覆奏從之。○給守備貴州清浪靖州等處旗軍布人一匹

從總兵官南和伯方瑛奏請也。甲午。封永壽王庶長女為莊浪縣主配劉敬庶第二女為略陽縣主配王增鎮國將軍志埜嫡長女為彰武郡君配關臨命敬等俱為宗人府儀賓賜誥命鞍馬等物。陞太僕寺少卿蒯祥俱為工部右侍郎仍督工匠欽天監監副谷濱為本監監正。封前軍左都督吳安為安平伯命故都督吳信弟敬為南京前府左都督陞錦衣衛指揮唐興為本衛指揮使俱夫偉不管事。賜尚膳監左少監劉祥直隸真定府冀州並寧晉縣清水河田地共五百八十餘頃從祥奏請也。乙未。交城王美垸奏久患氣疾不時舉發乞賜沈香白芷寇等藥以為治療之資命太醫院給與之。丙申命山東按察司副使楊輔致仕以老疾故也。命兵部給船送故都指揮僉事韓智喪歸南京以智素廉介故優異之也。給

宣府等處官軍驛遞馬驢三千餘匹。少保戶部尚書兼大學士陳循言近見各處學校教官缺員例許有司訪保通經儒士送巡按等官處考試中者申進吏部轉送翰林院覆考中者送回本部除補訓導緣臣原籍江西及浙江福建等處自昔四民之中其為士者有人而臣江西頗多江西各府而臣吉安府又獨盛蓋因地狹人眾為農則無田為商則無貨為工則恥卑其門地是以世代務習經史父子叔姪兄弟族姻自相為師友十常二三往往散至四方訓教社學取束修以為生其風俗如此其心初皆望由科舉出仕但見解額有限自度不能皆得故其就訓導保舉者愈多也今官司惡之有如糞土然恐出於偏陂不公之心如書所謂媾疾以惡之惡非所謂孔子仁者能惡人之惡也臣又聞臣原籍生員之外儒士報科舉者往往一縣至

有二三百人雖尤可惡然書曰萬邦黎獻共為帝臣孟子曰仕者皆欲立於王之朝此乃成世之事未聞以此為不美事而可惡也臣荷 聖朝教育之恩由學校舉進士第一官至保傅榮居宥密思非進賢無以補報萬一何敢惡夫不與已同之山林士以自取媮疾之誅於公議哉且以臣原籍秦和縣觀之楊士奇初以儒士保任廬陵縣學訓導吏部試用卒至為今名臣又如儒士曾鶴齡舉進士第一官至侍講學士而卒今文淵閣供事通有五人而臣秦和縣又預二人蕭鎡與臣是也此外官翰林者又數陪以臣本府縣如此之眾宜乎臣等見惡於人不止於本貫保訓導之多然考用教官實係吏部職事乞勅吏部將各處保到儒士為訓導者不必送翰林院悉從本部徑自從公考用仍乞憐臣老病調黜別衙門以避嫌疑或放歸田里以終

餘年不勝感恩之至。帝曰：朕任卿掌內閣事，凡制誥命令等文，但撰述進呈，無不信行。況考試儒士，最為小事，勿避嫌疑。今後內閣大小事務，悉照舊行，不必推讓。都察院左副都御史鄒來學，字平學，時敏，湖廣麻城縣人。宣德間舉進士，為戶部主事。陞員外郎，從靖遠伯王驥征麓川，以功陞郎中。母喪起復，改通政司右參議。督永平山海糧備。正統己巳，虜犯京師，陞右僉都御史，提督永平山海軍務。及巡視畿甸，東北諸關隘，來學能以權制蒞事。一時稱巡撫者，以為最。時關隘守卒多見役於權豪，來學請懲戒。役之者，又請擇文武大臣各帥軍據險，以要虜歸路。然後大軍從而逐之。內外夾攻，宜無不殄滅。於是勅來學帥所部趨紫荆關、易州等處，偕昌平侯楊洪、追躡虜後，景泰癸酉。陞副都御史，命兼制居庸、倒馬、白羊、龍泉等關。

甲戌。改命巡撫南畿名譽日損於前。至是以疾卒。遣官致祭。命有司歸喪營葬。丁酉。命南京錦衣衛百戶徐顯綬襲其父景璜原職指揮僉事。蠲兵部侍郎王偉軍伍從偉奏請也。夜大星入井宿。江西南昌瑞州臨江吉安袁州廣信撫州七府四月多雨。自五月至是月亢旱傷禾稼。

大明英宗睿皇帝實錄卷二百六十八



大明英宗睿皇帝實錄卷二百六十九

廢帝郟度王附錄第八十七

景泰七年八月戊戌朔 太上皇帝居南宮。遣保定侯梁瑄祭 天壽山后土及司工之神以營建山陵香殿故也。遣道士賚祝帛往命所在守臣祭歷代帝王陵寢。賜襄垣王鎮國將軍任竦夫人田氏並清苑縣主誥命冠服。陞監察御史朱瑾為山西按察司僉事程亨為江西按察司僉事命試監察御史龍晉宋有文薛驥呂洪李志綱楊登陳勗史蘭袁純李曰良呂益劉敬茂施汪霖戚忠伍驥郭觀張綱俱實授監察御史。廣東廉州衛奏廣西流賊破欽州虜知州姜原性兵部議宜行兩廣總兵官會兵勦殺並治欽州守備官失機之罪從之。革河南開封府原武縣黑洋山巡檢司置汝寧府碓山縣明洪巡

檢司以原武道路為河所圯往來不通而明港多強寇也。己亥。給蘇州永平等處官軍馬一千匹。庚子。萬壽聖節遣官祭長陵獻陵景陵帝詣奉先殿上聖皇太后宮皇太后宮行禮畢出御奉天殿文武群臣及四夷朝使行慶賀禮。夜有流星大如杯色青白有光燭地出危宿行至北落帥門。辛丑。都察院左副都御史年富言伏覲大明律凡文官犯私罪笞四十以下附過還職五十解見任別叙六十至九十過降叙用惟杖一百罷職不叙若軍官有犯私罪笞者附過收贖杖罪解見任降等叙用該罷職者降充總旗該徒流者各決杖一百徒五等俱發二千里內衛分充軍流三等照依地方遠近發各衛充軍該發邊遠充軍者依律發遣若建立事功不次擢用此太祖高皇帝經始邊圖所以使後世法官不得

任情徇私有所低昂輕重也。近年以來朝變夕更文職犯  
贓輕者為民重者充軍軍官犯贓輕者復職重者立功恃此輕  
典略無忌憚前者未還後者繼至是皆法官之過也。奏下六部  
都察院大理寺六科十三道議今後內外大小軍職旗甲軍吏  
人等若犯自監守盜常人盜倉庫錢糧該死罪者並發遣立功  
守瞭五年滿日復職役有功者不拘年限奏請放免俱在本衙  
帶操聽調不許管軍其犯該誑騙科斂求索該徒流者照舊做  
工納贖還職役亦各帶操聽調從之。戶部左侍郎孟鑑奏近  
因天時炎熱銅鼓各邊難以進兵官軍俱駐以俟秋涼勸畝以  
恐糧餉不敷乞令湖廣布政司於今歲起運南京糧內重存十  
五萬石運赴備用為便從之。壬寅。朝鮮國王李瑄遣陪臣  
李崇<sup>奉表</sup>之等來朝貢馬及方物賜宴並鈔絲帶表裡金織綺絲裝

衣等物 命左副都御史劉廣銜徑遼東提督軍務。巡撫永  
平等處右副都御史李賓言薊州倉綿花積多欲給准薊州等  
衛所及沿邊操守官軍月餉每米一斗折綿花十四兩從之。  
癸卯。朵顏衛頭目昌罕等烏思藏刺麻沙甲等俱來朝貢馬  
賜宴並絲帶表裡紵絲襲衣有差。追封周王子昼生母苗氏  
為周簡王夫人賜誥命。給安平伯吳安食祿歲八百石。甲  
辰。朝鮮國王李瑋奏臣嫡子暉年已長成國人請立為世子  
未敢自專請命於朝詔從之 命山東左布政使龔理致仕理  
直隸崑山縣人由進士授工部主事陞郎中以薦陞布政司至  
是以有疾乞致仕從之 命致仕大寧署都指揮僉事王茂子  
雄代為茂山衛指揮使 省山東東昌府臨清縣臨清關官一  
員從監察御史張瑩奏請也。乙巳 賜遼府鎮國將軍豪珍

夫人丁氏誥命冠服 封襲封衍聖公孔弘緒庶祖母江氏為  
夫人錫之誥命從弘緒奏請也 命太常寺少卿兼翰林院侍  
讀劉儀左春坊左中允兼翰林院編修黃誅為順天府鄉試考  
官賜宴於本府 襲封衍聖公孔弘緒奏宣聖廟自洪武七年  
欽選樂舞生一百二十八人以備祭享後有事故應用不敷臣  
祖父襲封衍聖公彥縉奏准於隣近府州縣借撥俊秀子弟八  
十餘人習學樂舞以補事故之缺近者族人克昫等奏稱濫設  
致蒙革去臣思樂舞之設所以格幽享神苟或有缺則大成之  
樂不能全設有負聖朝崇重之意乞將革去樂舞去仍留在廟  
從之。山西按察使俞本言河東益不勞煎然而有餘利令解  
州倚氏等州縣連年荒旱民飢乞令益丁多撙益惟積召商於  
各州縣納米給益任其發賣以濟飢荒事下戶部言宜於正益

課外再撈二十萬引令本布政司斟酌未價定立斗數出撈召  
中仍令各分巡官勸食飢民驗口給鹽聽其自賣易米從之。  
丁未。釋奠先師孔子遣太子少師戶部尚書翰林院學士蕭  
鑑行禮。封樂平王女為西河縣主配郭賢。命賢為宗人府  
儀賓賜誥命鞍馬等物。詔河南被災之處軍民免採秋青草  
從巡撫河南左副都御史馬謹奏請也。○軍人曹廣自虜中回  
言虜酋阿剌知院今年為部下所殺朵顏三衛往迤北劫掠兵  
部言各邊聞虜寇相攻以為邊境無事恐怠於守備宜令密切  
哨探從之。戊申。帝祭太社太稷。賜韓府漢陰王徽  
銀冠服儀仗等物。秦寧等衛頭目帖木兒等奏朝貢至京將  
歸欲將賞賜衣服絲帶等物於沿途買牛回還耕種從之。命  
陝西三司以本處明年該班人匠及起軍夫四千人赴西寧營

建佛寺給以口糧。庚戌。祭山川城隍等神。遣旗手衛官祭旗纛之神。命武清侯石亨為正使禮部尚書胡濙為副使持節冊封妃唐氏為皇貴妃。辛亥。遣府江華郡主儀賓劉亨并遣官賜祭命有司營葬。壬子。賜慶成王第十子名曰鍾鏘第十一子曰鍾鏗第十二子曰鍾鉅鎮國將軍美瑛第二子曰鍾塵第三子曰鍾鋸第四子曰鍾鏞第五子曰鍾鏹第六子曰鍾鎰第七子曰鍾鉅第八子曰鍾鉞鎮國將軍美瑛長子曰鍾湏鎮國將軍鍾鏗長子曰奇濟大同獨石等處哨見兀良哈達賊圍獵及天城又報達賊三人鑿牆入境官軍已追殺之兵部言恐有餘寇潛伏邊境圖為復讐之舉乃初各邊嚴謹防範。癸丑。遣順天府官祭承相文天祥。巡按山東監察御史並三司官奏今歲山東濟南等府武定等州縣並各衛所

各鹽場水患比之往年尤甚其該徵糧草子粒鹽課並買辦等項物料無從辦納命戶部覆實蠲除之。大理寺右少卿張國辛國字公正江西新喻縣人以進士任刑科給事中改吏科尋陞都給事中嘗建論吏員鮮有不急於利者不宜用為郡守朝廷是其言著為令奉命行御史事督民壯於河南興利去害境內肅然景泰初陞少卿審刑四川有能譽山東飢勅國賑濟民安盜息惡倣大水仍勅國與尚書薛希璉整治之民免死亡各安其業比還佐理寺事多所平反至是辛國偉貌修髯為人個儼侃侃敢言所至謹於職守故無廢事云。甲寅 命廣寧伯劉安崇信伯費釗武安侯鄭宏應城伯孫繼先泰寧侯陳涇建平伯高遠安鄉伯張寧修武伯沈煜往南京五軍都督府視事。陞協贊都指揮僉事趙輔為後軍都督僉事充宣府左參將



往懷來等處守備 命陝西為事復職都指揮使魏榮仍往莊浪守備代都指揮僉事劉傑回都司。廣西奏武岡州蠻賊寇全州地方 命廣西湖廣總兵等官會兵勦捕。直隸永平府盧龍縣民劉傑奏臣本地方天雨連綿山水漫漲田禾人口湮死房屋財物漂流府縣具實以聞家遣官踏勘其巡撫都御史李賓却言低窪頗傷高阜得熟踏勘官俱附勢雷同以致受災者不得寬恤自後人食樹皮盜賊蜂起其年稅糧並無顆粒上倉軍民不勝飢困且王畿之地民情猶不能上達況天下四方之遠乎此等巡撫官不如無有臣願今後各處但遇水旱不必申行上司轉達遲誤先徑差人陳奏然後通行若巡撫並司府州縣官不實俱坐以罪庶除官吏欺罔之弊軍民災困得以上聞又和羅邊儲誠為預備之良策理當伺時而散候熟而收今

都御史李賓於臣本府青苗方長之初散銀和糶每銀一兩約至秋成納米豆四石夫秋成收斂係乎天時米之貴賤難以預定又富者得銀浪費貧者糶食無存縱遇秋豐猶不能償累歲負欠況遇荒歉豈不逼迫軍民臣願勅戶部計議今後和糶務俟秋熟依直收納庶使官民兩利毋得預為定價事下戶部言報災傷已有見例宜再申明和糶宜准其言俟秋成收納從之○乙卯○南京三法司奏孝陵衛餘丁張亞苟知孝陵山後多古墳糾合本衛餘丁朱亞和等二十人越陵牆掘開一墳獲銀首飾二兩餘各分入己又見陵後古井恐潛贖物竭其水以淘之亞苟為首當絞亞和等當贖罪着役今遇恩例應釋詔曰此係護衛祖宗陵寢人却敢發墳淘井為盜情犯深重難以常律處之亞苟依律絞亞和等杖一百發邊衛充軍○懷仁王

遜岐昌化王仕埤因爭水利灌溉田園各逞忿捏詞妄奏巡按御史賈恪以聞帝置不問遺書誨之令各改過。遷直隸鳳陽府懷遠縣洛河巡檢司於壽州為北壩橋巡檢司淮安府山陽縣戚家橋巡檢司於宿遷縣為劉家莊巡檢司以巡撫副都御史王鉉奏無益者當革而地衝要者當設也。夜月犯畢宿北方有星大如鷄彈色青白尾跡有光起自鉤陳北行至迫濁。丁巳。四川烏恩藏土官番僧輝思加等貢馬賜鈔絲幣表裡等物。裁省天下添設官員先是帝以各處添設官員數多擾民勅吏部量事繁簡裁革於是吏部會同戶部兵部工部議得浙江等布政司府州縣添設管糧撫民巡海河管民壯整理文書等項官參政三員參議二員副使五員僉事二員府同知一員通判二十七員州同知二十一員判官一十二員縣丞

九十員主簿一十三員州吏一員縣典史一員俱宜裁省又  
言遠東貴州等處各衛學僚正統年間開設除教授一員訓導  
二員止令訓誨軍職子弟不論科貢今每衛學宜存留一員餘  
悉省之 帝悉從其議。戶部奏先因湖廣官軍缺糧奏准差  
官於浙江運司鹽運五萬引赴常德府給軍易米食用今浙江  
運司始奏連年災傷無鹽可運乞治各官玩事之罪而令兩淮  
運司撥鹽三萬引贖浙江見有之數運去給軍為便從之。戊  
午。封寧化王鎮國將軍鍾鏗妻李氏鍾鉞妻周氏俱為夫人  
賜誥命冠服。己未 命監察御史趙文博楊瑄往南北直隸  
山東河南等處印烙馬騾駒三萬六千餘匹。給密雲後等衛  
古北口等關官軍馬一千五百匹。光祿寺奏供應器皿五萬  
餘件皆年久損敝請命工部督工計料修造從之。庚申。陞

欽天監冬官正倪忠為本監監副南京大理寺左評事張瑛為太僕寺寺丞州科掌科事給事中宋儒為江西按察司僉事俱以任滿九載也。巡撫永平等處右副都御史李賓奏薊州永平倉收貯海運糧多各關營去彼路遠官軍支運不便乞令永平等府衛所屬官吏軍民有願借糧者借與食用秋成赴各倉還官並勘出腹裏空地宜令永平府所屬薊州等州縣原選民壯屯田事下戶部言借給邊糧恐後不能完納宜令附近官軍於無警時月輪赴薊州關用存留永平倉糧以給各邊民社屯田宜如其請從之。辛酉。賜應城伯孫繼先秦寧侯陳源諡命並封其妻從繼先等奏請也。少保太子太傅戶部尚書華蓋殿大學士兼文淵閣大學士陳循少保吏部尚書兼謹身殿大學士王文等奏永樂年間四夷館譯字官監生人等俱許

入鄉試會試其所作文字俱是番書劍不屬考官定其去取俱送翰林院考試中者送回科場第八正榜此是舊制永當遵守今順天府鄉試送譯字官劉厚馬珙二人三場文字到院臣等委本院修撰陳鏞考得一人中式一人不中發回試場施行及科場已畢而二人皆不中其提調考試監試等官不無互有情弊况千數百人之卷豈能一一從公辨別是非其間顯有未當者俱當究問 帝曰取人舊制提調等官何不遵守其具情以聞。於是考試官太常寺少卿兼翰林院侍讀劉傑左春坊左中允兼翰林院編修黃諫言臣等入院之初會同監試等官焚香告天誓說若有孤負朝廷委任挾私作弊者身遭刑戮子孫滅絕如此誓詞非特內外執事官吏人等之所共聞而天地鬼神實所共鑒設使臣等陽為正大之言陰為詭詐之行縱苟道

於國法亦難逃於陰誑第恐才識短淺鑿別未精或有遺材若  
曰徇情作弊實所不敢 帝曰考官雖無情弊終是作事不精  
有失舊制姑宥之 命山東三司修沿海諸衛所城從總督備  
委永康侯徐安奏請也。壬戌。賜秦府臨潼王庶子名曰誠  
波 命故前軍右都督方善子鐸襲為金吾右衛指揮同知。  
癸亥。福建布政司左參議鄭履純以老疾乞致仕從之。甲  
子。巡按湖廣監察御史齊昭奏遼府校尉張智等十三人先  
以造妖言惑眾坐斬今遇恩宥當釋命發邊遠充軍。給遼東  
各衛官軍馬二千四百匹。陝西延安等處久雨壞各營寨城  
垣甚多鎮守石都督王禎同布按二司等官帥軍大修築之。  
夜有流星大如鷄卵色青白有光出危宿入天市東垣。乙丑  
。陞廣東布政司右布政使梁蔡為浙江左布政使山東布政

司右布政使陸瑜為本司左布政使江西按察司按察使張文昌為廣西右布政使廣東右參政謝祐為河南左參政兵科都給事中蘇霖為山東左參政調福建右參政李顯於山東布政司陝西左參議李春於福建布政司 命山東副使汪瑛陝西僉事倪通仍舊任顯瑛通以剝員春以丁憂起復故也。漕運總兵官都督同知徐恭奏運糧軍休息之時本衛毋得別有差違從之 命宣府官軍為故左參將都指揮使夏忠營葬事先是僉都御史李東奏忠無子而劾勞年久乞不為常例遣官營葬故有是命。巡按湖廣監察御史齊昭奏湖廣漢陽等府所屬州縣夏滂秋旱田禾俱薄收。丙寅。先是少保吏部尚書謹身殿大學士兼東閣大學士王文言洪武年間殿試不公考試官並狀元皆明正典刑而有欽取狀元進士之制永樂年間



會試不公考試官悉皆究問復有再考舉人之例七八十年人皆知懼科目得人奈何近年以來充考官者賢能固有不才壞法者亦多有受賄賣題者有入院醜肉餒牲口者又有酣飲高卧全不視考卷者及至揭曉將朦朧醉眼不分美惡任意批取無才者得以僥倖有私者一概濫充以致沮誤後進如今歲順天府鄉試顛倒是非不恆輿論臣子倫充原籍東鹿縣學增廣生習詩應試三場既畢臣令背誦所四書本經義及策論皆行文通暢辭理詳明臣以為必中前列及至開榜無名令人於順天府取倫所作三場墨卷硃卷驗之委與口誦相同思得考試官太常寺少卿劉儼編修黃諫同考試官教諭姚富大肆姦懶將倫第一場文字止看三篇餘者不讀第二第三場文卷全未嘗通閱富批云此卷平平亦可取但本房好者多取之不及者

解額所拘也。觀此則富國不能無罪矣。儼諫略無一字批斷。又安得逃其罪乎。且取中舉人文字不如倫者尤多。乞依洪武永樂年間事例。命翰林院官二員同六科給事中各道監察御史將倫所作三場文字並取中舉人徐泰等一百三十五人硃墨卷從公考較。高下自見。若倫文字勝過見取中者。聽各官奏請定奪。仍治儼等罪。庶幾公道昭明。宿弊消除。有旨令禮部取中式文卷與王倫文卷會翰林院六科十三道重行考對。定其優劣。以聞。少保太子太傅戶部尚書華蓋殿大學兼文淵閣大學士陳循亦奏科舉以文詞取士。人才賢否之所係也。宋儒蘇軾有曰。科舉之風。文俗所係。所取者天下以為法。所棄者天下以為戒。誠古今名言也。嘗聞洪武三十年禮部會試貢士考官劉三吾等出題。內有譏諷朝廷及凶惡字。並考試有不公御

史劾奏治以重罪別命官復考取中韓克忠樊敬等數十人其後皆至顯官又永樂七年禮部會試貢士考官鄒緝等出題有孟子節文及尚書洪範九疇偏經論題被御史劾奏亦罪考官命他官復考而取熊聚金屏等十數人其後各至都御史侍郎等官此係 祖宗成法當守而行之近來科場作弊遞傳易換文字略無忌憚是以所得皆非實才今年順天府鄉試復踵前弊小錄累有凶惡犯諱之字如四書題人欲自絕傷於日月等語易題故犯 宣宗章皇帝御諱策題則言正統有無等詞至於論題本出周易與永樂七年洪範九疇論一體致使習詩書春秋禮記者皆不能作何以取人又今朝廷命續通鑑綱目未嘗成書修寰宇通志未曾頒降皆不當以此出策而所答策亦多凶惡犯諱之字何以刊行四方又聞劉儼目昏至晚不能看

卷惟先送至者苟取足數後送者雖有可取亦棄之不觀臣男  
瑛亦在不觀之列夫主文考官不問考者之高下必須遍觀以  
定去取今乃任情苟且以足額數故賈屈者多乞勅多官公正  
有公學者取場屋取中與未中者三場文卷逐一比較優劣而  
去取之庶幾公道昭明人得實才復有 旨令禮部取陳瑛文  
卷通行考較以聞至是禮部同少保太子太傅工部尚書謹身  
殿大學士兼東閣大學士高穀等考驗得取中舉人徐泰等一  
百三十五人文卷有優於王倫陳瑛者有與王倫陳瑛相等者  
亦有不及王倫陳瑛者又看第六名林挺硃卷全無考官批語  
墨卷多有改字筆跡不同恐有情弊是皆儼等怠慢不謹以致  
科目去取不當及監試提調等官俱當通究其罪 帝曰劉儼  
等考試不精罪不容逃但無私弊俱宥之林挺並該考官俱下

錦衣衛獄鞠問實情以聞王倫陳瑛明年俱准入會試。兵部奏永清左衛指揮同知黃瀚兄灝求歸廣西思明府有旨不許乃私逃歸灝嘗殺其叔珣父子五人罪惡深重已蒙特恩宥免今其逃去恐蹈前非構成邊患帝命速移文安遠侯柳溥等密遣人沿途截捕。吏部聽選官劉敏奏今歲四月以來京師米價視昔尤貴飢饉益增雖蒙聖恩預給官軍俸糧並賑卹糴贖之人奈京師萬姓所聚周給不足今西成之際銀一錢止易米一斗男婦老幼蒙袂輯履叫號於道路者相屬也若至冬春之交其為貧困將何如耶況今又係賓興朝覲之年天下諸司萬邦四夷畢來朝貢未免冗食者眾若使京師民有餓殍豈不甚失觀瞻臣願差官於京倉出米一萬石減價而糶以濟民艱並收乞丐人於順天府養濟院或發依親量加賑恤事下

戶部議以京儲供給浩繁難准糶賣惟五城兵馬司換着乞丐  
之人應收濟者准令收濟應依親者發遣依親從之○浙西自  
四月至六月大雨水滄沒禾稼七月至是月復亢旱

大明英宗睿皇帝實錄卷二百六十九

大明英宗睿皇帝實錄卷二百七十 廢帝卹戾王附錄第八  
景泰七年九月戊辰朔 太上皇帝居南宮 命右僉都御史  
陳泰巡撫南直隸蘇州松江等處時泰在揚州疏濬河道巡撫  
南直隸都御史鄒來學卒戶部以聞故命泰代之○夜昏刻有  
流星大如盞色赤尾跡有光起紫微東藩內西北行至雲中二  
小星隨之四鼓有流星大如盞色赤有光燭起地五車西北衝  
入文昌星○己巳○以南京修建山川壇於是日興工命駙馬  
都尉趙輝等官祭告 天地風雲雷雨嶽鎮海瀆山川及司工  
之神○初廣東副總兵翁信奏巡撫侍郎揭稽毆人致死其人  
之親訴之巡按御史楊進進不理詔進陳狀適進丁憂還家乃  
自陳稽毆死人之時適臣出巡比臣回時布政司問之未結以  
故未及准理 帝曰御史不理冤枉有違憲網姑宥其罪都察

院識之俟其起復至京送吏部改用。少保吏部尚書兼謹身殿大學士王文自陳臣以遇直久招怨尤近者臣男倫應試京闈被主司故意黜落臣不得已陳奏蒙命禮部翰林院科道等官從公較得倫所作三場本應中式復蒙允令會試臣正當感恩効職第念臣犬馬之年六十有五齒落目昏精神衰憊記前忘後豈堪任職伏乞放歸田里庶得保全以終餘年不允。庚午。六科給事中言曰者順天府鄉試畢少保太子太傅戶部尚書大學士陳循少保吏部尚書大學士王文御考官劉儼等不取其子王倫陳瑛遂奏儼等出題譏訕並連制不取翰林院考中諱字官諸罪及乞將倫瑛並中式諸舉人墨卷會官品第優劣。皇上已從所請特命倫瑛得與會試而謂儼等之罪不出於私恚置不問臣等切惟科舉務在得人不可以易而取人



材為治之本豈可以私而進儼等考試不精之罪臣等以嘗論  
列 皇上特恩宥茲故不復敢言矣其大學士陳循王文職居  
輔導任重經綸所當正己正人為上為下今顧以子之故煩瀆  
聖聽祇為私謀罔恤國體大臣之職果安在乎臣聞宗范質  
為相從于景求遷秩質作詩戒之曰爾曹當憫我勿使增罪戾  
方之陳循王文其賢否如何也韓億為相其子維舉進士以父  
任執政而不就廷試方之陳循王文其高下如何也沈文通登  
進士第一馮京第二厥後進京而退文通蓋以貴胄不可以先  
寒暖也視今之文卷已黜而欲與舉人比者其得失又何如也  
況今歲順天府應試者一千八百有奇而中式者才一百三十  
五人儼等既稱可試未精則其闕遺漏者恐不特倫瑛二人而  
已倘一概援例求進拒之則情偏從之則弊起是徇一舉而啟

濫進之風壞科目之制矣。比者上天垂戒災變迭至四方多故水旱相仍未必不由循等所行乖悞之所致也。今其罪犯已彰人心共怨。陛下若又待以寬恩則循等之心愈無忌憚伏望皇上奮乾綱之獨斷彰天討之至公。建問循等如律以為大。臣將來之警不然。賜歸田里別選文學公正大臣以居清華密勿之地以昭陛下平明之治。庶內外知所警懼而臣下不敢玩法。詔曰覽爾等所奏誠為有理。但陳循王文輔導有年國之老臣何可以一事之失而遽加之罪。其姑貸之。命試中書舍人解禎亮實授中書舍人以滿三載乞恩也。兵部奏比得廣西鎮守等官奏報湖廣武岡州楊峒等處苗賊侵軼廣西全州邊境已行率領官軍殺退賊眾乞行總兵等官乘其敗衄直抵巢穴殲厥渠魁以靖邊方從之。壬申。廣東布政司左參

議楊銘以老病乞致仕從之。癸酉。賜韓府襄陵王鎮國將軍範現子名曰徽鑣。巡撫永平右副都御史李賓至盧龍先訪其從婢為人所奏。命刑科左給事中司馬恂往勘之得實。恂言賓當究治。詔宥之。提督松潘兵部左侍郎羅綺奏松潘土番王永生長邊陲習性兇獷肆頑驍惡積有成年先曾殺害土官高茂等男婦五百餘口又殺故土官董敏子伯浩等二十餘人今又糾集番夷欲行攻劫地方臣與都指揮周貴等統領官軍直抵桑坪已將永等誅死先酋殄滅邊境肅清。帝降勅嘉獎賞銀二十兩絲幣三表裏。甲戌。四川長河西魚通寧遠等處軍民宣慰使司土官並烏思藏嗟堂等寺番僧土官僉事朱真董卜韓胡等處土官查思把等來朝貢馬及方物賜宴並絲段表裡等物有差。吏部言提督松潘兵備刑部左侍

郎羅綺以六年任滿欲赴京緣例不考曩邊務為重宜令就彼復任為便從之。陞湖廣按察司僉事熊鍊為廣東布政司左參議以九年任滿也。命各處巡按御史勘實所在水旱災傷時各處奏報災傷者無虛日戶部視為泛常其於弭災恤民之道略無陳奏至是惟慮京師供給不敷恐減免糧額乞遣官勘實故有是命。定浙江嘉湖杭官民田徵糧則例先是浙江右布政使楊瓚奏浙江起科糧額則例不一欲約量歸併詔鎮守浙江兵部尚書孫原貞等查理併例以聞至是戶部覆奏原貞等定則徵糧則例起科重者徵米宜少運納宜近起科輕者徵米宜多運納宜遠官田每畝科米一石至四斗八升八合民田每畝科米七斗至五斗三升者俱每石歲徵平米一石三斗官田每畝科米四斗至三斗民田每畝科米四斗至三斗三升者

俱每石歲徵平米一石五斗官田每畝科米二斗至一斗四合  
民田每畝科米二斗七升至一斗者俱每石歲徵平米一石七  
斗官田每畝科米八升至二升民田每畝科米七升至三升者  
俱每石歲徵平米二石二斗紹興等八府重則官糧各於本府  
縣存留上納如仍不敷於人戶冊江田糧及中則官田重則民  
田內撥補從之。都察院鞫貴州布政司參議盧彬斷田受賂  
當贖杖追贓為民從之。吏部主事張昂自陳父寬先任知縣  
為事謫戍口外今已年老乞移就京銜差採以便就養從之。  
乙亥。給襄垣王子鎮國將軍仕聖並胙城王弟鎮國將軍子  
堯子埈子地歲祿米各一千石米鈔中牟兼支長社縣主並儀  
賓霍鑑歲祿本色四百石折鈔二百石。命廣西敘仕都指揮  
同知將貴子倫代為福建建寧右衛指揮同知。刑部都察院

錦衣衛奉詔疏見監輕重罪囚以聞命罪死者如律罪應死而  
情輕者發戍邊衛其餘笞杖並輸作者俱釋之。丙子。重陽  
節賜文武百官宴。給襄陵王孫輔國將軍徵鏡徵錄歲祿米  
各八百石。命故後軍都督府都督僉事昌英子永襲為彭城  
衛指揮僉事。日色變赤夜月色亦赤。丁丑。南京監察御  
史莊昇奏言南京守備平江侯陳豫兵部尚書張純惟務偷安  
苟延歲月操練無方而兵備不嚴撫綏無術而軍士失所脫有  
不虞何以捍禦。帝降勅切責豫等。夜二鼓四方濃霧至五  
鼓漸散中夜北方白虹現首尾指地良久方沒。戊寅。命試  
監察御史李裕江勛樊英尹溥白侃俞紀楊銘張僖桂琛康驥  
丁慈葉洪劉淵李敏滕昭張岐劉濬寶枝監察御史。先是口  
外原閩中淮浙鹽客商未能完納至是戶部議減之獨石馬營

雲州堡倉淮鹽每引米八斗減作七斗浙鹽米五斗減作四斗  
赤城淮鹽八斗五升減作七斗五升浙鹽五斗五升減作四斗  
五升鷓鴣堡淮鹽九斗減作八斗浙鹽六斗減作五斗。復刑  
部員外郎劉傑華顯李啟主事劉玘王琳趙京顧瑾官傑等因  
詣國子監陪祭先師孔子途遇人邀飲有樂工及八歲樂女歌  
唱行事校尉發之命執付錦衣衛鞠成都察院坐杖贖罪罷職  
為民既而遇欽恤例法司言傑等事情頗輕請裁決故有是命  
。夜南方有星大如盞色赤尾跡有光起自星宿東南行至雲  
中沒。己卯。晉府慶成王第十子名同於兄命更曰鍾鉤。  
提督宣府軍務右僉都御史李秉勅奏巡按御史賈恪妄保有  
贓軍職掌印遇祭先師孔子不先齋戒而酣飲於總兵官之家  
及他不法數事宜寘諸法命都察院執恪鞠問如事連秉具聞

處置。巡按江西監察御史鄭時言江西地方自景泰四年以來水旱災傷民多貧窮其文職官吏犯大小罪者俱依舊例差人城京發落所差之人報於路費宜除情重應充軍者城京雜犯死罪以下例應為民者悉照例發落候歲豐之時仍依舊例其各處有被災傷地方乞亦照此例以蘇民困從之。裁省山東濟南府泰安州德州判官各一員兗州府寧陽鉅野金鄉三縣東昌府夏津武城二縣主簿各一員先是增置各官專理河道至是有詔省冗員以是數州縣非河道所切故省之。庚辰命故金吾左衛帶俸都指揮僉事楊北斗奴子義襲為本衛指揮使。錦衣衛指揮僉事盧忠先以罪充為事官廣西立功至是遇例當復職命降為柳州衛正千戶。修直隸潼關衛城。○辛巳。左僉都御史徐有員奏京畿及山東自七月大雨起



至於八月諸河水溢雖高阜亦有丈餘隄岸衝決民田廬滄沒  
商舟船漂溺者無算幸新造水門一帶隄堰無患其衝決不甚  
害者臣已率有司督工修理惟感應祠舊隄所決既大所係尤  
要必置禦水埽如水門埽堰之制仍於濟寧抵臨清增置減水  
閘始可經久其修築人夫乞免他徭仍人給口糧度易成績  
帝是之仍勅有貞等督軍衛有司置物料務在堅完勿遺後  
患。壬午。少保太子太傅工部尚書兼謹身殿大學士高穀  
言臣賦性慙愚秉心偏執人事少通觸高明而不悟宦情多闕  
處機務以難諧惟知持敬以事君寧識懷私而顧己不敢為者  
欺罔之事不欲萌者朋比之心畏名犯於尊卑恐禍生於延蔓  
是以被滙愚衷冒干 聖聽賴 皇上日月之明乾坤之董既  
光被於賢才復包含於和惠如臣者學問空疎文辭鄙拙謬膺

館閣之選除深負朝廷之委任通年以來眼目昏花手足傷損  
出入早晚寧無不測之虞計議論思恐有難防之虞因茲愚直  
致被嫌疑況臣子幼身單勢孤援寡設有中傷無辜受害伏望  
皇上曲為矜憐俾獲全生罷臣內閣職務命臣專領翰林等  
官纂修宋元通鑑綱目以圖補報俟書完日仍乞改調別職保  
以餘年時毅以陳循王文欲傾劉儼黃誅乃面陳循文私其子  
儼誅不可罪循文深銜之故毅有是奏詔曰卿持敬之心嫌疑  
之情朕已具悉但館閣之職正當用賢不允所請今後高加秉  
忠直以全名節○修山東武定州城以其為兩隄也○癸未○  
增給含山大長公主食祿一千四百石公主 太祖高皇帝第  
十四女食祿一千二百石至是自陳年邁家屬多乞增歲祿詔  
復增本色米二百石給之 命運南京胡椒一百萬斤赴京備

用。陞戶部福建司郎中唐宗為江西布政司左參議復除廣東按察司僉事將敬於江西按察司。工部營膳司郎中牛順初坐盜官木為民累陳寬適遇欽恤例法司請裁決命復職。應天並直隸太平等七府州蝗。巡按直隸監察御史胡寬奏蘇松常鎮四府國家貢賦多賴於此自景泰五年以來水旱相仍瘟疫流行人民死亡不可勝數今歲以蝻生發又復旱傷伏望特賜矜憫詹事府丞李侃亦奏順天府所屬霸州等處連年水潦百姓缺食艱難即今救死不瞻上司復追徵錢糧何從出辦近者天道積陰連日不開豈非畿甸之民愁怨之所致乎伏望憫其困苦再加寬恤事下戶部知之。命直隸含山縣採運蘆柴准折納木從巡撫左副都御史王珏奏其蘆場坍塌也。夜木星入鬼宿。甲申。初監察御史李敏撫捕貴州烏等

衛盜礦賊徒從兵部奏請也。先是監察御史沈性照劾文卷  
劾奏兵部武庫司署郎中戴珉署員外郎胡溫主事吳福實放  
皂隸以肥身家違例濫撥以媮權要當究門如律以為貪汙不  
法者之戒法司執珉等鞫罪体覆未結適遇欽恤例以聞命俱  
復其官。乙酉。獨石等處奏報胡騎約有千餘近我邊境勅  
協贊獨石右參政葉盛參將周賢遣人諭之使退不從則會宣  
府總兵官擊之。命湖廣右參政徐備致仕以巡撫官考其老  
疾不堪任事故也。丙戌。周王子屋堯王周簡王長子母苗  
氏永樂二十年生正統六年封為世子景泰六年襲封周王至  
是堯年三十五訃聞輟視朝三日謚曰靖道官致祭。命有司  
營葬。戊子。道錄司右玄義仰彌高奏近聞東南蝗疫感發  
河間等府旱滯相仍圻甸之間盜賊充斥八月二十九夜迅雷

電九月初九日太陽無光色紅如血薄莫太陰色亦紅近者陰  
霾連日不散此殆因圍窳滯未雪之所致也乞勅法司明清庶  
獄用消天變 詔曰上天垂象實由朝廷政多乖失朕已深自  
修省屢勅法司平反諸獄其猶有違問未完者法司其速斷遣  
之 命都指揮僉事周貴充副總兵鎮守貴州。庚寅。福建  
按察司僉事呂昌奏頃奉明詔以顏孟程朱有功德學特令有  
司建祠奉祀其崇儒重道之典至矣近者臣謁朱文公祠見其  
左列文肅公黃幹文簡公劉燡右列文正公蔡沈文忠公真德  
秀如孔門四配之設每於春秋祭祀之日欲合四子而並祀之  
於例有違欲出朱子而獨祀之於義不安況四子皆傳朱子之  
道其於朱子著書立言闡明治道未必無補乞勅儒臣會議於  
春秋祭祀朱子之日增猪羊各一析為四分其羹酒菜果並如

朱子之儀以合祀四子於一堂之內庶於祀典無遺從之。辛卯。遣庶人賁烔長男豪塢奏弟妹四人年俱長成貧窮不能婚配詔准庶人賁燮例人賜絲段四表裡首飾銀二十兩猪羊各四以助之。壬辰。巡撫山西右僉都御史蕭啟自陳有疾乞致仕從之。左軍都督同知范廣等奏本府看監鎮撫朱和等不行關防致充軍罪人越牆脫去當究治之臣等不嚴提督亦合有罪詔宥廣等餘命錦衣衛執鞠之。癸巳。哈密并脫忽麻等處使臣指揮陝西丁烏思藏桑僕等寺刺麻番僧尼麻星吉等來朝貢馬及方物賜宴並絲段表裡等物有差。甲午。總兵官南和伯方瑛等奏臣等奉命往征貴州苗賊率領官軍七萬人分為三路已於八月二十七日發沅州一路自清浪由硃砂堡進一路自平溪由羊兒堡進一路自鎮遠由馬場坡

進尅期於九月初七日次于賊境會丘直抵葉穴。停浙江處州等處管銀場都指揮從鎮守監丞阮隨言也。廣義伯吳玘卒玘恭順伯允誠之嫡孫洪熙元年襲父管者爵至是卒無子史部奏以其從弟琮嗣爵從之。乙未。戶部奏山東登州衛海船損壞者多其應實遠東軍士布花不敷運給宜令本布政司量撥濟南東昌兗州三府綿布一二萬疋綿花五萬斤鈔五十四萬貫運赴山海衛堆積仍行廣寧衛差官驗收量撥軍夫運回本衛以俟遼河逸西各衛所官軍關領給散從之。且隸寧國府儒學教授余鐸奏臣聞樂者感化神人之本其要在乎和而已我朝各府學春秋釋奠先師孔子俱有樂以歌詠功德詔格神既奈何行之既久聲律節奏不能無差乞 勅翰林院及太常寺官之精通音律者博考古典詳加較正著為圖譜頒

賜天下學校事下禮部議尚書胡濙等以為樂皆洪武間所校  
定者烏得有差寢之。巡撫江西右僉都御史韓雍言宋丞相  
少保信國公文天祥弱冠狀元臨危拜相跋涉於艱難險阻之  
中經營於顛覆流離之際志專恢復屢折挫而不移心切報君  
瀕顛危而不變國亡被執繫獄累年誘之以大用而不從扶之  
以刀鋸而不屈卒之殺身成仁而收三百年養士之功立千載  
為臣之極精忠大節與日月爭光與天地悠久又宋禮部侍郎  
謝枋得入對更陞力詆權姦發問潛司極攻時政受仕於運去  
祚移之際抗敵於兵罷民散之餘揮刀擊敵力已盡而不夫恥  
降迪臧志有為而不果不事二姓餓死燕京著為文章高邁奇  
絕發明道學羽翼聖經是二賢皆足以正人心而扶世道植綱  
常而厲士風乞賜謚並錄用其子孫使天下後世之人知為臣



而能死忠節於當時者雖百世之後猶得暴揚其善而垂休後  
胤足以增志士仁人之氣愧亂臣賊子之心事下禮部尚書胡  
濙等以為天祥我朝已建祠於順天府學之右而歲時遣官致  
祭矣惟枋得有缺祀典宜令其原籍所司歲舉祀事仍行翰林  
院議賜諡於是少保大學士陳循等議天祥孤忠大節為宋臣  
首按諡法臨患不忘國曰忠秉德遵業曰烈請諡曰忠烈枋得  
伏節死義為天祥亞按諡法道得博聞曰文謹身制度曰節請  
諡曰文節帝曰獎忠節所以勵臣操也有司其如所議行雍  
又言乞賜故園子監祭酒李時勉贈諡下禮部議尚書胡濙等  
以為諡法之設有美有惡無非因人賢否而示勸懲也我朝於  
大臣善者諡之不善者不諡即古聖善善長之意比者尚書周  
忱徐琦左都御史陳鎰等俱蒙賜諡如時勉官雖不過四品而

其節概之高行誼之篤學問文章之純足以啟後學之敬慕誠非枕等可比宜如雍請錫謚斯是公論事下翰林院術等言時勉德行文章卓為士林宗仰其臨事又多果毅能斷按謚法勤學好問曰文果而能斷曰毅請謚文毅從之。直隸永平府民楊兆謝再趙僖山西遼州民趙傑各出粟米八百石助官賑恤詔賜璽旌異復其家

大明英宗睿皇帝實錄卷二百七十

大明英宗睿皇帝實錄卷二百七十一

廢帝郟戾王附錄第八十九

景泰七年十月丁酉朔 太上皇帝居南宮 帝享 太廟。

遣中官祭司井之神。以下元節遣官祭 長陵 獻陵 景

陵。革獨石馬營等邊倉管革副使從右僉都御史李秉所奏

也。以故太監李德所建靈福寺並園地賜錦衣衛百戶李安

為香火院。己亥。修北京國子監 命番僧劉失尾則兒班

竹兒星吉俱為左覺義桑兒結已為右覺義鎖南班卓兒鎖南

堅榮鎖南捨刺達丹羅竹鎖南劄南葛藏卜俱為都綱給印並

誥勅陞道士孫道玉為右至靈喻道純為左玄義度道童五百

人。刑部奏囚在繫者近蒙寬宥其逮捕未至非真犯死罪人

命強盜官吏受賄費放操單包攬物料侵欺官錢報請具貸之

以溥恩意從之。庚子。賜湘陰王長子豪壻嫡長子名曰恩鏐。命浙江處州衛帶俸都指揮僉事牛鐸理都司事。從監丞阮隨奏保也。設陝西寧夏衛道紀司署都紀副都紀各一員。從總兵官都督同知張泰請也。修築河東運司鹽池隄堰。從本司運使馬顯奏請也。鎮守永寧等處署都督僉事趙輔。奏守備永寧都指揮姚貴不從調遣沮壞軍法遣官覈具得實。命巡按御史執治之。夜五鼓南方有星大如盞色清白起狼星東北行至柳宿尾跡後散。辛丑。命紫荊關把總署都指揮僉事左能協同都督陶瑾守關。保安王公鉢奏祖母趙母妣何俱年耄時嬰疾病乞藥治療命大醫院如所求悉予之。戶部奏浙江等布政司並南北直隸蘇松等府屢奏旱潦蝗蝻災傷今年兇軍糧未必致減少恐有誤京等處水次倉糧見在

數少恐有誤京儲宜將雲南騰衝衛原開中兩淮運司鹽十三  
余引淮安徐州原開中兩淮兩浙運司鹽二十七萬引俱改臨  
清德州倉上納及將河東運司鹽四十萬引定擬則例召商亦  
於臨清德州倉米麥中半上納兩淮鹽每引一石二斗兩浙每  
引八斗河東每引二斗詔從其議。巡撫江西右僉都御史韓  
雍奏本年九月初五日寧王府內火延燒南昌前衛軍民八百  
余家資財盡燬男婦死者四人臣等已如勅諭從宜量支官錢  
賑恤其南昌護衛指揮千戶並儀衛司官坐視不救俱合執問  
詔俱宥不問賑恤事命戶部知之。壬寅。陞戶部山東司郎  
中楊興為南京戶部右侍郎大理左寺丞朱紱為本寺右少卿  
太僕寺寺丞李亨為本寺少卿以潛邸舊屬故也。昏刻月犯  
斗宿大星。○曉刻熒惑犯鬼宿西北星。○癸卯。巡撫江西右

僉都御史韓雍奏江西各府縣地方積歲薄收今春以來穀價  
湧貴人民缺食艱難已委官勸實飢民六十五萬余口共支官  
倉米穀三十九萬余石賑濟又湖廣黃梅縣奏境內今年春夏  
瘟疫大作有一家死至三十九口計三千四百餘口有全家滅  
絕者計七百余戶有父母俱亡而子女出逃人懼為所染丐食  
則無門假息則無所悲哭地實可哀憐死亡者已令里老新  
隣人等掩埋缺食者設法勸借賑恤俱命戶部知之。甲辰。  
魏國公徐承宗奏臣曾祖父中山武寧王徐達洪武間賜直隸  
丹徒縣山塘田地九十餘頃該納夏秋稅糧七百余石乞念開  
國勲戚俾臣家辦納稅糧如金山寺例於附近大軍上納不允  
。昏刻東方有星如碗大色赤有光起自畢宿行動發光如燄  
大光明照地後有四小星隨之其聲響如雷東南行至游氣中

沒。丙午 命故萬全都指揮僉事楊鑑子瑄襲為宣府前衛指揮使。丁未。戶部委官主事陳旺奏比奏准永安城南門外民地堪起蓋壽陵衛官軍衙門營房計用地三頃有餘將勘出長陵等衛舊設衙門營房基址空閑田地如數撥還民人領種詔戶部知之。戊申。慶府安塞王秩炅以家廟不稱乞有司為建置從之。給樂平王女西河縣主並儀賓郭賢歲祿本色米四百石折鈔二百石 命應天府並直隸太平寧國鎮江諸府廣德州停造均配官民田地籍冊以其水旱災傷恐民勞擾也。以山東飢命有司改食柴炭夫為無災州縣。戶部奏山東右參政章文泰稱遼東廣寧前左後並寧遠四衛倉少儲官軍俸糧支給不敷欲將淮浙河東益五十六萬引定擬則例召商中納益糧准益每引粟米五斗浙益三斗河東益一斗五

升從之。夜曉刻水火星合在鬼宿。辛亥。光祿寺丞王鍾奏東安門外夾道中日有顛連無告窮民扶老攜幼跪拜呼喚乞錢一城之內四關之中無處無之此文王發政施仁之所必先者也今時將寒互必凍餓而死者乞勅戶部等衙門勘審人給布衣一身粟米一斛審其原籍有親戚者待明年夏煖沿途給與口糧遞送還家其無親戚者在京以沒官房給之行天下有司遇有窮民一體欽恤命戶部議行之。提督大同軍務左副都御史年富奏英國公張懋武安侯鄭宏各置田庄於邊境其守庄人以私干天城等衛官索軍丁耕種歲以為常有妨邊政請治懋宏罪詔姑宥之所從軍即令還官差操再犯不宥。直隸大名府浙江湖州紹興府山西平陽府各奏夏五月以來天雨連綿滄沒田禾直隸寧國安慶蘇州府浙江台州嘉興府



各奏夏四月不雨旱傷禾稼命戶部覆實以聞。壬子命給四川重慶等府僧胡德心等二百四十人度牒以各僧遵例輸米播州邊倉以足軍餉也。巡撫貴州左副都御史蔣琳奏貴州都指揮趙信擅殺苗夷數十人強奪其妻妾橫征歛無算激夷人反且以所部軍妻送都指揮李鑑今信已死乞斬首梟示流置其妻子且治鑑罪下都察院覆奏信罪未白而死不可刑鑑宜速鞠從之。癸丑。四川龍州宣武司土官知事康進忠播州宣慰使司土官同知羅昱遣長官都忠並廣東肇慶府陽江縣強首陳樹信等來朝貢馬及方物賜絲段表裏絹紗有差。○調浙江左參政曹凱於雲南布政司山東按察司僉事劉錯於雲南按察司凱以巡海裁省錯以坐事得白故也。○中寅誠孝昭皇后忌辰遣官祭 獻陵。起復刑部右侍郎劉清仍

舊任 命隆慶左衛指揮使朱通協同守備獨石。丙辰。先是巡撫貴州左副都御史蔣琳奏貴州參議陳恕僉事李叔義受賂遺耕脫人死罪命巡按御史治之至是叔義奏琳擅捕繫都指揮趙信死于獄籍其家杖殺指揮千百戶軍丁數十人受指揮吳昇等賂薦舉之賍得屬幼女私之貪淫酷暴不可勝計詔給事中公正者一人會巡按御史嚴實以聞。夜有流星大如碗有光燭地出井宿南行至軍市。丁巳。戶部奏南石渠等處馬房草場見在草數不敷支用請如例定與價直許官員軍民有草之家上納給與折草銀兩南石渠等五處穀草每百束價銀一兩四錢潯石橋二處穀草每百束價銀一兩五錢從之。申嚴京城內外屠牛之禁。宣府右衛指揮僉事于海道遇孕婦不下橋殿之致死事覺生斬宥死發充軍萬全都司都

指揮同知李延斌送不嚴海逸去。巡按御史黃紀請治延罪。且捕海痛繩以法。詔宥延罪。第令責限急捕。夜月犯軒轅右角星。戊午。都察院左副都御史寇深丁母憂。乞終制。不允。特令理本院事。命陝西延綏等邊銜官軍騎操馬匹。自本年十一月朔一日為始。至明年正月終止。每匹給典官草一十五束。從參贊軍務大理寺左少卿曹連奏請也。己未。免各布政司並直隸府州所屬景泰五年十二月以前負欠稅糧馬草農桑布絹戶口食鹽米鈔。從戶部奏請也。○昏刻有流星大如碗。色青白。其光燭地。起紫微東行雲中。尾跡炸散。庚申。藩府佶燁奏第六子內江王幼墳妃龔氏卒。本府累因喪禮費用浩繁。乞賜銀帛以資喪祭。帝命於被官庫給絹布各五十疋。予之。命中官諭祭有司營葬。○巡按直隸監察御史李宏奏。先為

私盜禁重少有違犯近者會議依律科斷因此致人縱橫違犯肆無忌憚甚至打進大船私備短鎗鐵銃鳴鑼擊鼓疎掛黃旗買水應捕官兵用強襲送賊恐別生事端請如前例嚴禁事下戶部議宜通行各布政司並直隸等處巡撫等官並巡捕巡司官兵人等設法緝捕但有仍前聚眾與販私盜者執問俱解兵部轉發遠東鐵嶺衛充軍妻子隨任如是挑担貨賣者依律其巡捕巡司官兵人等故違不行用心緝捕及已捕獲私落私盜入己者事發依律受財故縱及令軍兵用強襲送者問發充軍若灶丁煎下金蓋許如例親送本場交收量給在官根本與之賣與姦人與販者執送問罪知情故縱者一體執問從之。辛酉。秦寧等衛都督僉事革干帖木兒遣使臣指揮阿顏帖木兒來朝貢馬賜宴並金織襲衣絲帶等物有差。吏部聽選大

使陳清融死人刑部坐以絞清子寵言實臣因辭使酒融人致  
死臣父實不知乞就刑毋枉父死 帝以寵情可憫釋清發寵  
戍朔平衛。癸亥 命廣東故都指揮死梁興子珍襲為指揮  
使。甲子。免直隸盧龍縣學並遷安縣七家顧驛漂流糧一  
百六十余石料七十五石。巡按直隸監察御史黃紀奏總兵  
官右都督過興與右僉都御史李秉有隙動輒相忿言詆毀臨  
事號令不一恐誤邊務乞罪之詔姑不問自今敢仍蹈前非必  
罪不宥。西河王美輝嫡長子鍾鏢奏父王既薨奉府艱窘乞  
有所賜以助葬奉命給白金百兩紵絲十疋絹二十疋予之鍾  
鏢又奏父王祿米四百石折色鈔六斗實俱截日往支乞如舊  
收養贍從之

大明英宗睿皇帝實錄卷二百七十一

大明英宗睿皇帝實錄卷二百七十二

廢帝邨庚王附錄第九十

景泰七年十一月丁卯朔 太上皇帝居南宮。欽天監進明年大統曆 帝御 奉天殿受之給親王及文武百官頒行天下。參贊延綏軍務大理寺少卿曹璉言舊制凡朝廷頒降詔勅各衙門通行迎接於大衙門開讀以次衙門膳黃遵守今往往不遵此例各別差人贖俸一城之內至開讀五七次者且如綏德一城有鎮守等官有衙門州所衙門復無慮五六既贖至鎮守等官處矣復頒之於衙復頒之於州州又編頒于所部非惟煩褻不敬抑且費來人使往來重疊供給饋送不勝其擾乞勅所司申明舊制重行禁約從之。戊辰 命番僧領占羅竹綽巴藏卜為灌頂國師拾刺也失柔結連丹堅參列羅竹聰

密羅竹扎失達丹綽俱為國師三竹扎失為禪師蘇克林巴扎  
失兀刺爾扎失已俱為右講經堅參領占昆合遠丹羅竹俱為  
左覺義領南班丹官綽領占錦墩堅參班丹藏卜交幹藏卜扎  
失三竹綽吉領占公哥寧卜俱為都綱端岳領占等五十二人  
俱為判給圖書印帽袈裟以寫番經成也。己巳。迤北韃靼  
阿兒四哈答孩宛者禿伯顏哈麻只先後來歸俱命為頭目送  
南京錦衣衛安神給房舍俸廩器物如例。召商於湖廣邛水  
八弓得珉等處軍前中納鹽糧共鹽二十五萬引兩淮鹽每引  
米二斗五升兩浙鹽二斗長蘆鹽一斗五升。庚午。勅內官  
既設署都督僉事陳友邊關驛站重在飛報軍前近者提督官  
奏爾等止因訐奏私忿一年差人至二十餘次往往將驛馬走  
傷倘有警報寧不誤事論罪本當究治姑從寬貸自今若仍蹈



前非必罪不宥。戶部奏比者各處多奏水患如順天河間保定三府所屬霸州等五州文安等二十五縣積水至今未退皆宜寬恤茲欲移文所司覈實災重無收者今年糧草照例蠲免其不成災有收之處應起運口外糧亦存一半改納附近倉分草束中半送原定場所餘皆每束折收米豆五升留本處以備賑給今年應徵秋青草戶口食鹽米鈔粟株黑土課米暫與蠲免民間逋欠去年糧草及借貸官糧俱俾候來年夏秋成熟補徵度幾少蘇民因從之。癸酉。陞中都留守司署副留守事指揮同知穆威為正留守從奉祀汪吉等奏保也。命雲南布政司右參政趙雍按察司僉事倪端四川右參議張如宗俱冠帶闕位以巡撫官考其昏耄不堪任事故也。命故廣西帶俸都指揮同知武毅孫昇襲為桂林中衛指揮同知。乙亥。陞

刑部雲南司員外郎徐珉為山東東昌府知府陝西道試監察御史唐彬實授本職。給武驥右等四衛並牧馬千戶所官軍馬草自今年十一月至明年正月終止每馬一匹月支草二十束從御馬監太監郝義奏請也。丙子。山東道試監察御史陳遂奏江西崇仁縣儒士吳與弼故國子監司業溥之子也賦性端凝居家孝弟經史該博理學貫通守道安貧動循矩度年踰六十不求聞達躬耕隴畝以教鄉人其施教之法本之以小學四書持之以躬行實踐蓋久蓋勸人多感化真儒者之高蹈聖世之逸民有司微辟俱不屑就。勅該部優加禮聘以待經筵必有資於聖學或用之以教太學必有益於後進疏聞命吏部移文巡撫右僉都御史韓雍以禮聘起赴京。先是戶部奏准永平山海二處召商中納鹽糧以例太重久無納者

提督軍務右副都御史李賓以聞下戶部更議減定兩淮鹽每引納米六斗兩浙鹽四斗五升長蘆鹽三斗山東鹽二斗五升河東鹽一斗五升從之。○丁丑 太上皇帝萬壽聖節禮部請令群臣赴延安門行慶賀禮不允。○陞錦衣衛指揮使唐興為左軍右都督其子克璟為錦衣衛指揮使俱帶俸不任事。○兵部奏通州直沽天津等處比因水滂民艱盜賊竊發雖嘗遣官緝捕未能盡絕况朝覲會試之期已過行者絡繹於道宜令鎮守通州都指揮陳達自通州直沽分列五堡撥軍防送底幾盜賊屏跡行旅獲安從之。○禮部右侍郎兼詹事府少詹事薩琦言臣由進士蒙 先帝簡入翰林積學二十餘年又蒙 皇上不棄微陋進秩春官亞卿正當竭力補報其奈病疾纏綿況日薄桑榆子孫俱故祖宗墳墓展省無人原籍舊居扁鋪曠歲言

之疾首痛心見者酸辛出涕老死無益四職何為伏望 聖恩  
矜憫賜臣回還守祖宗之墳墓盡人子之至情度幾心志少安  
疾歿可理則未死之餘年皆再造之大恩也疏聞 帝矜其情  
特允所請。戊寅。獨石等處協贊軍務右參政葉威言臣父  
老病在林氣息奄奄臣以邊務不敢乞假歸省雖歷任五年不  
得赴京考滿以此于例不得加封父母即今邊事少寧伏乞  
聖恩容臣赴京考滿使臣得以據例請乞恩命以榮父母實為  
萬幸 帝曰冬間正賊寇侵擾邊境之時不允赴京所請諾命  
命吏部特予之。禮部尚書胡濙言本部右侍郎薩琦既去  
左侍郎鄒幹復管運薪炭治事缺人竊惟薪炭事隸工部職掌  
今以本部官理之誠為非宜詔幹還禮部令工部左侍郎趙榮  
代之工科都給事中王讓等言任官惟人不必其官職之重操

薪炭舊惟遣京官未嘗以侍郎尚書為之至陳恭以郎中管理  
年久陞至高書後凡採柴炭官遂以為例今工部既嘗添設主  
事採薪炭苟守成規足以治事請勿令崇往 帝曰柴炭是內  
府重事非重職不可所言不允。夜月犯畢宿。己卯。陞錦  
衣衛百戶李安孫震俱為副千戶仍舊帶俸。庚辰。初寧獻  
王為弋陽王莫鑑選張氏女為妃未及納而獻王薨寧王莫培  
為之改納劉氏為妃而張氏仍在府中弋陽王以賂于教授游  
擊為之賂寧王又以張氏與之弋陽王倩聖貸護衛軍王忠銀  
百兩聖匿其半久之忠索銀於王王償其大半忠索聖所匿者  
聖以為王得納張氏當就以己所匿銀謝已竟不還忠索益急  
王嘗之忠聖曉於寧王言弋陽王純愛張氏欺侮正妃有壞家  
法寧王召弋陽王至府潛使人勒殺張氏弋陽王怒欲奏聖堅

使寧王令校尉四人守弋陽王門不令得出弋陽王微服潛出  
徒行詣巡撫僉都御史韓雍訴其情且奏寧王不法十數事寧  
王亦許奏弋陽王 帝命僉都御史余儼同內官方伯樂往會  
雍及巡按御史三司官覈之具得狀因奏寧王惟堅言是聽厚  
敕護衛旗軍月糧強取其女婦不悅者輒勒殺之擅遣忠等出  
商罔利凌辱府縣官至毆之此皆有違 祖訓弋陽王至誣寧  
王以反亦傷親親之義于是勅寧王曰得內官及巡撫巡按三  
司等官奏言爾不守 祖訓聽用奸邪積財物如丘山視人命  
如草芥改聘王妃逼害親弟違制虐民則強管稅課司借分妾  
為則擅起翠華殿其他不軌之事雖未的未明而揆其備妄之  
心難測難保其奸臣游堅等罪惡皆爾寵縱所致論 祖宗大  
法所當究治但念爾襲封未久姑從寬貸爾當洗心易慮務改

前非以全令名各守尊卑以盡友恭思繼承於祖父致屏藩於朝廷如再有絲毫違犯祖訓具在至公之道朕不敢私矣又以弋陽石城安樂諸王不能道以匡扶並勅責之。辛巳。冬至節遣官祭長陵 獻陵 景陵 帝詣 奉先殿 上聖皇太后宮 皇太后宮行禮畢出御 奉天殿文武群臣及四夷朝使行慶賀禮 上聖皇太后 皇太后免命婦朝賀。癸未。授舍人李承宗為錦衣衛帶俸百戶。監察御史鄭冕等劾奏英國公張懋陽武侯薛珠遠安伯陳韶都督同知張斌許貴侍郎楊鼎俞綱劉清趙榮欽天監正谷濱太醫院判何永慶太僕寺丞江泰淵詣三陵陪侍而怠慢不及行禮請治其不敬之罪命懋等具狀以聞懋等皆輸罪乃宥之。甲申 命武功左衛指揮僉事李承子聰代職以承年老故也。減提督中都留

守司所屬並直隸淮安等衛所屯種按察司僉事一員就令河南按察司副使僉事內每年輪流一員提督年終比較子粒完納方許更替從戶部議請也。國子監生何謙妻張氏一產三子命賜給如例。南京守備平江侯陳豫言江北河陽六衛統隸督府凡拜表慶賀一切禮儀例應赴京行禮但諸衛分守江外所寄甚重一遇時節傾城官屬盍數渡江或值風濤甚至旬日不能還衛城池管鑰委付無所實非所宜禮部言六衛雖為京衛實與外衛無別關防不可不嚴且遠隔江濤往復不便今後請但令各衛長官一人及首領官一人入京行禮餘悉留衛治事從之。高平懷簡王妃王氏薨卹聞道中官致祭令有司治喪葬仍命給米百斛布絹五十疋。乙酉。協贊獨石等處軍務山西右叅政葉盛聞父喪欲還守制詔以邊境事繁



令奔喪即起復。丙戌。周府永寧王有炆奏臣生母陳氏今已八十四歲乏糧米供俸乞將臣歲祿粟米一千石內量與改撥糧米。命戶部改撥糧米二百石。戊子。修南京聚寶門城垣。辛卯。修天地壇丹陛石欄。壬辰。陞禪師智中為國師都綱。達丹藏卜為禪師。以松潘鎮守官羅綺等言其有化導番俗功也。甲午。命以四川重慶府收貯官鈔一百萬貫運赴松潘糴糧給軍。從提督松潘兵備左侍郎羅綺等奏請也。免直隸徐州並所屬蕭沛等四縣今年災傷田糧四萬八千七百五十餘石。穀草六萬一千一百餘包。朵顏衛都指揮朵羅干等奏迤北虜酋字米等率眾渡黑河欲寇寧夏。勅各邊關總兵鎮守等官戒嚴兵備。趙王祁鑑與弟臨漳王祁登不協相誣奏。命巡按御史及三司官覈之。具得誣狀降勅諭。

戒之曰趙王狎近小人臨漳王貪求財利大體既失僻陳遂生朕以親親為念姑皆置之繼今以往各宜安分循禮親賢遠佞以全令名敦叙天倫永保富貴如有再違祖訓與在朕不敢私。乙未。陞江西按察司副使韓陽為廣東布政司左布政使。遼東都司奏朝鮮國王欲遣其世子來朝明年正旦禮部言世子入朝亦人臣敬上之所當然但時方寒沍跋屨為艱念彼國本所係未可輕出宜勅遼東都司如世子已至關即令人護送來京如尚未至即喻來使往報本國免其來朝如此則下不失敬尊之禮上不失柔遠之策從之。盜竊天地壇齋宮什器太常寺官自勅典守不嚴命悉宥之而令所司捕賊時試御史闕鼎巡街奏言壇宇深邃齋宮曲密稍加關防外人豈能遽入臣前至壇內其樂舞生賣酒市內宛成賈區往來驢馬喧

雜無復禁忌是致狎邪窺探於干日乃能從容為盜于一時究厥所由咎當誰執其主典祠官既置不聞苟不嚴為禁約是無復法制矣禮部尚書胡濙等亦言朝廷大事莫不於祀天地今祭祀什物器為盜所竊其典守之官罪不容誅雖已加原宥然恐其肆無忌憚將來怠職廢事何所不至於是罷奉祀揚禮謙等官而令禮部為條約榜示之

大明英宗睿皇帝實錄卷二百七十二

大明英宗睿皇帝實錄卷二百七十三

廢帝郟庚王附錄第九十一

景泰七年十二月丙申朔 太上皇帝居南宮 帝省郟祀牲  
。戊戌 命大興左衛帶俸都指揮僉事李信子經代為本衛  
指揮同知 命月給錦衣衛中千戶所試所鎮撫路貴俸本色  
米二石貴原以軀幹長大充將軍至是陞鎮撫自陳月米一石  
不足養贍故命增給之。己亥。陞四川茂州判官汪浩為本  
州同知浩秩滿將代鎮守侍郎羅綺因軍民保留奏浩請緣邊  
俗撫理有方軍民樂業番夷信服乞量陞一職仍佐州政吏部  
具以聞故有是命。征進湖廣貴州總兵官南和伯等奏官軍  
連破苗賊鬼板等一百六十餘寨擒斬賊徒三千二百有奇俘  
獲男女牛羊器械無算 帝賜勅褒獎勞以羊酒仍諭其乘勢

珍純母玩冠殃民。壬寅。戶部奏南京戶部原收浙江杭州  
直隸蘇州揚州三府船料並兩淮等運司鹽引鈔除已放支高  
餘鈔一百一十四萬貫今定擬支給南京文職官吏景泰六年  
七年折俸及侯伯今年祿麥折色若復有餘支與各衛官旗從  
之。癸卯。臘節賜文武百官宴。陞都察院左僉都御史徐  
有貞為左副都御史有貞以修河事竣回京入見。帝顧問良  
久獎勞甚至因命吏部臣特陞之。日生左右珥。甲辰。  
朝鮮國王李璋遣陪臣辛碩祖奉表貢方物賀明年正旦。己  
巳。命南京戶部選能幹郎中一員會同巡撫左僉都御史陳  
泰及巡按直隸監察御史覆視蘇松常三府並屬縣官倉自正  
統十四年至景泰七年收放糧米若有虧弊即與追究德治以  
戶部尚書張鳳等奏各縣收糧官吏多肆侵尅宜加清理以革

其姦也。丙午。遣北字來遣使臣朝貢將至。命內官陳善兵部右侍郎王偉往大同管接並驗表馬匹。遣北韃靼奄克賽因帖木兒阿剌哈脫脫那破答火招赤卜羅各攜家屬來歸。俱命為頭目隸南京錦衣衛給月米房屋器皿。夜月犯天高星。丁未。陞江西道監察御史吳中為福建按察司副使。初南京十三道監察御史莊昇等言南京守備等官皆不得人。且疏刑部尚書楊寧工部尚書王來應天府尹馬諒等不法事。命給事中御史各一人覈之。未報寧等各疏昇等無職。乃左副都御史軒輅挾私忿使為之事。下都察院左都御史蕭維禎奏御史言官寧等欲鉗其口。請收寧來輅等俱下獄。訊之詔免。訊姑錄狀示之。今有過則改。池圖自新。戊申。建金龍四大王祠於沙灣。命有司春秋致祭。從左副都御史徐有禎奏請。

也。陞潯州衛指揮使馮廣署江西都指揮僉事守備長河峒等處地方從巡撫右僉都御史韓雍奏請也。復除給事中丁本於南京戶科以親喪服闋故也。命戶部遣官沿途預備守來使臣進貢馬駝芻豆。克山西平陸縣景泰元年秋糧二千四百三十石以布政司右參政楊瑋覆實其被盜賊搶掠也。己酉。光祿寺言房使且至恐供應不敷禮部請令巡按御史促耕於州縣又請分遣官屬馳驛督之詔房使已入關緩不及事出京倉餘糧市之。庚戌。彙顏衛都指揮脫威台指揮鬼星赤泰寧衛指揮委勞兒安河衛指揮歡察剌肥河衛指揮塞冷格建州右衛指揮李土曼等貢馬賜宴並絲帶等物。陞四川官軍指揮同知李鑑等二人俱一級餘一百五人實有差以擒殺賊酋王永等功也。少保兼兵部尚書于謙言北虜雖云



入貢其情諱詐難測若令來京久住未免窺轍事機況來年正月郊天在邇 聖駕及文武群臣各營軍馬俱在城外而虜眾乃居城內按之事體夫豈為宜又京師貨物騰貴民力難於供<sub>億</sub>應宜行大同等處鎮守等官量為延款俟郊天後方令入城彼因天氣向暖必不能久住而民力亦可減省從之。提督大同軍務左副都御史年富以老病不勝邊務懇乞退休不允。日生背氣色青赤。辛亥 命故羽林前衛指揮使李福順子忠濟陽衛指揮僉事楊忠子政俱襲職通州衛指揮同知王勝子紀燕山左衛指揮僉事李興子剛俱代職。陞貴州副總兵都指揮僉事李貴署都督僉事仍充副總兵清平衛指揮使石宣貴州前衛指揮同知王統永寧衛指揮同知具昇俱署都指揮僉事事仍守備管屯以巡按監察御史靳敏等言貴等官職與

人頓頓難於行事故也。陞山西大同府知府霍瑾為山西布政司左參政仍掌府事。支正三品俸。理任滿考稱。嘗遣鎮守大同太監等官奏保其謀。謹寬惠上下愛之。乞陞秩。復掌府事。吏部且言宜從所請。故有是命。安塞王秩吳奏本府先任教諭張漢懋。暴少文。往往有怨望意。後坐事去。員缺竊恐。復除有知博者訪得寧夏衛籍舉人韓忠。頗習詩賦。性亦謀。漢乞除教授以補前缺。帝命吏部移陝西布政司體覆。明白具奏處置。免直隸淮安府所屬山陽等六縣被災田糧八萬一千五百九十餘石。穀草二十三萬八千三百三十餘石。壬子。擢進士劉璧。劉宣。魏瀚。高亮。鄭文奎。羅明。吳玘。監生陸平。白鶴。蘇慶科。俱為試監察御史。癸丑。命順天府所屬州縣發廩賑恤飢民。仍傳追索通員。從戶部奏請也。巡按直隸監察御史黃

紀奏正統于三年山西管糧參政林厚以官庫銀布散給軍民為牛具之類約秋成還納遭邊寇未及納而厚以罪去署都指揮使孫瑛都指揮同知戚廣都指揮僉事畢瑛大同府知府霍璉怠慢不追徵今四五年始得其三之一請逮瑛等治罪詔俱宥罪令急徵完之。甲寅。巡按福建監察御史夏頌劾奏福建左布政使黃輿以富民為馬夫收其銀貨巡按四川監察御史黃用劾四川右布政使高寅參議史儀受所屬縣官賂遺事下都察院覆奏輿寅今來朝觀請俟朝覲畢下獄儀其令用收鞠從之。夜彗星復見於畢宿光芒長五寸徐東南行光芒漸長自是日至於癸亥。丙辰。賜楊珍襲封昌平侯珍俊之子也俊既坐罪削爵其庶母李氏乞錄俊舊勞復還爵祿。帝諭吏部臣曰俊耽酒淫亂有傷風化不堪任用其別舉應襲者

吏部遂以珍及其弟翼名聞。命珍襲昌平侯且諭令守法但有犯必治以正典。命錦衣衛帶俸指揮僉事門達理衛事兼鎮撫司問刑。太僕寺少卿黃仕備奏比閩河間大名廣平山東濟南兗州東昌河南開封衛輝等處州縣今年夏秋之間俱有大水勢如潮海山東尤甚滄臺一縣之民盡逃他州齊東縣四十餘里人戶止餘九里其他顛連無告飢死溝壑尤不可勝數夫收成甫畢既已如此來歲青黃不接何以存活若不駢死道途必致群行政劫勢實可憂伏望 勅廷臣會議措置方略以解倒懸之急。帝曰民為邦本飢荒誠宜賑濟爾戶部會多官計議撫恤或出庫賑濟務令各得其所。丁巳。山東按察司僉事陳蘭巡運河夜至南陽聞值杭州前衛運糧指揮僉事杜成千戶張斌百戶汪昇縱飲鬧廳中糧船阻滯行蘭令關官

惟其行舟辭懼逃避誤墜斃死成斌等集眾圍蘭舟掠其衣物  
且拘繫之明日始釋蘭慎奏成等誣其有不若謀反之語下都  
察院成等俱抵罪蘭坐奏事不實贖杖還職。巡按直隸監察  
御史楊銘奏順天所屬通州玉田等州縣連被水澇人民飢甚  
乞如先詔罷其歲辦不急之徵及停免柴炭夫役以甦其困  
帝曰歲辦可免柴炭夫以供內府急用不可免。戊午。革餘  
姚縣河泊所歲辦課鈔併入餘姚縣稅課局帶管從浙江布政  
司奏本所課少故也。戶部會廷臣議救荒事一順天保定河  
間三府所屬通州香河等三十六州縣災重之處今年應徵稅  
糧馬草戶口並核悉與蠲免如有已徵在官本色存留彼處賑  
濟折色候來春糧穀種給民耕種一被<sub>重</sub>地方山野湖泊產有魚  
菜菱藕柴草蘆葦等物聽軍民採取食用不許勢豪之人霸占

阻當一順天河間所屬飢民聽刑部右侍郎周瑄將戶部原存收起運口外及存留本府縣並預備倉糧內支給賑濟若有不敷仍於通州倉支附餘糧五萬石天津德州水次官倉糧支二萬石漆給候豐年抵斗還官一山東河南二布政司並直隸保定大名真定順德廣平五府所屬災傷州縣聽巡撫巡按及布政二司各府正官發本處官倉糧及勸諭富實之家出粟賑濟一永平府所屬州縣聽右副都御史李賓於存留糧或薊州原收官軍償運糧內支給賑濟一在京乞食貧人請差給事中御史各一員督同順天府並五城兵馬勘實驗口於京倉支米三斗給之如在京官員軍民之家自願設粥濟眾者聽一順天河間保定及山東濟南青州東昌兗州七府史重去處朝覲府州縣官吏宜從吏部勘實先行放回撫綏人民設法賑濟一順天

等八府及山東濟南青州兗州河南開封衛輝府並衛所被災之處景泰七年十二月以前一應科派買辦採辦物料並追賠虧欠倒死走失被盜孳生馬駒驢騾牛羊等畜及拖欠景泰六年粮草絹課盡與蠲免一各處僧道請給度牒在京數多未免耗盡粮米俱令各回原籍寺觀俟豐年米京請給一在京旗軍匠役人等應支明年七月九月粮米俱不為常例暫於明年正二月預給一半養贍一今年十二月以前各被災府州縣衛所見監及行提未到軍民有犯徒流笞杖等罪悉皆疎放議聞帝可其奏遂降 勅諭巡撫順天河間二府刑部右侍郎周瑄巡撫山東刑部尚書薛希璉巡撫永平等處右副都御史李賓巡撫河南左副都御史馬謹保定巡按監察御史張寬真定大名廣平順德巡按監察御史包瑛等俾速行馬。己未。陞工

部營繕司主事孔誦山奉布政司右參議陳雲鵬知府郭鎮通判王叔田應王禧樞官四疏林琦知州楊忠知縣毛驥徐思孝彭廷府經歷霍璉縣史史賴忠倖俱一級醫學典科劉瓚辛寬辦事官顧海俱賞有差以優從左僉都御史徐有貞劾阿有功故也。庚申。楚王季瑛奏鎮國將軍均鈿卒祿未俸夫家眷無以養贍 命歲與米二百石。雲南道監察御史沈性言往年朝覲官多有往來公卿之門奔競形勢之塗賄賂公行餽遺輻輳公道由茲而蝕政令以之而壞茲者朝覲官俱已到京乞勅吏部嚴來司府司府嚴來州縣仍令巡城官校緝訪敢有仍前弊者具聞遠治度數苞苴之路塞奔競之風息 帝是其言 命吏部行之。夜月犯東咸星。辛酉。陞山東道監察御史陳述為浙江布政司右參政山西聞喜縣奏縣民趙通妻



王氏一產三子 命給賜如例。壬戌 命歲給鎮國將軍鍾  
鉢祿米一千石米鈔中半兼支從曲陽王美瑛奏請也 命故  
木興銜指揮同知苦不花子成者克古里河銜指揮僉事官音  
扒子失列克俱襲職。克山東濟南等六府武定商河等六十  
四州縣今年水災田畝秋糧六十九萬四千七十餘石馬草一  
百一十一萬二千一百餘束濟南等十一銜所今年被災屯田  
子粒一萬八千五百二十餘石從巡撫尚書薛希理等奏請也  
○巡撫江西右僉都御史韓雍同江西布按二司官奏瑞州臨  
江吉安南昌廣信撫州南康袁州饒州九江等府屬縣今年自  
夏及秋不雨旱傷禾稼秋糧米二百三十二萬餘石無從徵辦  
乞賜豁免事下戶部覆實從之。湖廣武昌府之咸寧嘉魚蒲  
圻襄陽府之均州竹山辰州府之沅州黔陽麻陽瀘溪長沙府

之茶陵攸縣岳州府之慈利石門衛州府之衛陽衛山耒陽常寧臨武常德府之沅江永州府之道州各奏今歲夏秋亢旱不雨田畝無收命戶部遣官覆視。癸亥帝有疾且以星變詔罷明年會元令百官朝參如朔望禮禮科給事中張寧言今當會同之歲四方來觀者皆秉志特忠冀瞻天表乃使其情已發而不伸禮已行而中廢雖皇上嚴恭寅畏不違於斯然內外之人豈能悉曉疑似之間必致訛言相傳有所驚訝伏惟勉順舊章俯全大禮如敬慎之至未賜俞允尤望明布詔旨頒示群下以昭陛下克謹天戒之心詔曰懸象示警人所共之朕恭謹天戒皆體吉先聖王及我祖宗所為以行今此小臣必欲朕御朝受賀不識大體所言不允。翰林院修撰陳鑑奏乞給軍伍徒之。甲子。提督大同軍務左副都御史年富因

巡按監察御史黃紀文移侵已復上章請老且薦紀自代詔曰  
富因私愆輒妄引薦求退於法當罪第邊境用人姑宥之命  
兵部移文示之。辰時日生暈隨生左右珥又生背氣一道珥  
背氣先散暈時未時雲遮。乙丑。歲暮享太廟遣太子太  
師武清侯石亨代行禮以明日正旦遣官祭長陵 獻陵  
景陵 遣太常寺官祭五祀之行 遣旗手衛官祭旗纛之神  
命南京試監察御史施謀王齊郁文博浦鏞俱實授監察御  
史。旌表孝子徐珙節婦陳氏等六人珙浙江龍游縣儒學生  
以善剪字篆書薦授陝西都司經歷父喪疏食廬墓三年服闋  
改任常州府通判迎母錢氏就養錢歿合葬父墓復蔬食廬墓  
三年以父存日最遲愛植蓮數本於墓下未幾花開俱並蒂詔  
旌其門曰孝行陳氏廣東海康縣民馮子傳妻孀居事舅姑四

十三年許氏直隸如皋縣民石潤妻年二十四夫亡勤紡績以致服食守節三十九年秦氏河南陳州衛前所軍陳得新妻方氏直隸合肥縣儒學生陳順妻王氏浙江歸安縣民施敏妻成早年喪夫守節無玷詔旌其門曰貞節。山 道監察御史王越言請將來朝及在任方面府州縣官廉其賢能有最績者量加賞勞擢用以風勵有司詔曰今各處水旱盜賊流移餓殍者眾宜速令各官回任撫民後有政績顯著者擢用貪汙者罷黜

勅宣府總兵官右都督邊興大同參將石彪鎮守居庸都指揮仲福各謹遵備以邊方哨有虜騎也。南京戶部右侍郎謝璉平璉字宗器福建龍溪縣人宣德丁未進士第三人授翰林院編修秋滿陞侍講景泰改元陞南京戶部侍郎至是卒璉在侍從年最久然為人平淡無他才能雖至卿佐而聲譽無聞。

是歲天下戶口戶九百四十萬四千六百五十五口五千三百七十一萬二千九百二十五田地四百二十六萬七千四百四十九頃二十三畝田賦米麥二千六百八十四萬九千一百五十九石絹一十九萬三千三百三疋絲六萬四千一百四十一斤綿一十八萬六千一百九十七斤布一十三萬一千三百七十足綿花二十四萬五千四百八十一斤折色鈔七萬九千四百七十錠雜課鈔九百四十六萬九千二十五錠米麥六萬六千一百二十五石鐵七萬四千五百八十三斤有奇布一千七十四疋鹽課鹽三百一十九萬七千九百九十引折色鈔一千七百八十七萬七千四百七十錠米四十七萬七千三百三十二石布七百六十八疋茶課茶五十三萬三千七百五十斤折色鈔一十八萬九千四百七十四貫屯田子粒二百七十九萬

五千三百五十九石有奇採納銀一萬六千六十五兩水銀二百四十七斤有奇硃砂一百七十九斤有奇漕運京師償運過糧四百四十三萬七十七石各處運納糧一百一十一萬九百六十七石減免天下官田等項稅糧計米麥二百四十五萬四千二百七十七石有奇

景泰八年春正月丙寅朔 太上皇帝居南宮 帝御奉天殿免文武百官慶賀禮 上聖皇太后 皇太后俱免賀禮。六科十三道劾朝覲布政司布政使等官白圭等不修職當置之法詔悉宥之令即還任。丁卯。總督兩廣軍務左都御史馬昂奏廣西徭賊流劫廣東攻陷欽州及石城千戶所祀總指揮董聚提督指揮凌霨等不能固守宜治其罪詔姑記其罪令將前賊殄滅。戊辰 宣宗章皇帝忌辰遣官祭 景陵。給賜

平侯楊珍食祿歲仍一千一百石。除露江西瑞州等十一府  
早傷租稅。辛未孟春享 太廟 帝有疾不能行禮 命太  
子太師武清侯石亨代行禮。遣中官祭司戶之神。泰寧等  
衛指揮撒母奴等朵顏衛指揮伯都等陝西西安衛淨寧等寺  
刺麻僧人班竹兒藏卜等四川松潘衛思囊兒等簇土官番人  
著兒者等各來朝貢馬及方物賜宴並賜絲帶表裡等物有差  
。壬申。吏部奏鎮守陝西等處右副都御史等官耿九疇考  
察老疾布政使等官許資等三十九員當致仕罷軟貪婪及年  
未及五十有疾病知州等官劉輅等二十員當為民從之。癸  
酉 命故撤刺兒衛指揮同知郝魯不花子得溫格木興衛指  
揮僉事不得納子阿里出襲職建州右衛指揮同知兀乞納子  
勒革代職。吏部左侍郎項文曜丁父憂 命奔喪還京辦事

大曜乞終制不允。甲戌。以大祀。天地。帝御奉天殿。誓戒文武群臣致齋三日。命浙江都指揮僉事王政總督運糧以鎮守巡按及都按二司奏請也。乙亥。南京兵科奏內外武職多老疾衰邁不肯告替。虛糜廩祿。怠廢事務。宜勅兵部通行查勘。令其替職。其有願總名爵貪圖管事者。許各該官司奏聞論罪從之。丁丑。帝力疾出宿於南郊齋宮。戊寅。大祀。天地於南郊。遣太子太師武清侯石亨代行禮。帝還御奉天殿。命文武百官先行慶成禮。己卯。帝以疾不能臨朝。免慶成宴。禮部等衙門掌部事少傅兼太子太師禮部尚書等官胡濙等具疏問安。且言。皇上日親萬機。未建儲副。無由助理致勞。聖躬伏乞早選元良。為皇太子。以慰宗廟社稷。臣民之望。詔曰。卿等憂宗廟愛君之心。朕已知之。但今



失於調理所請不允。戶部奏去年山東河南並直隸等處蟲  
蝻今春初恐遺種復生宜令各巡撫官仍委官巡視撲捕從之  
。南京戶科給事中唐漢言臣聞治世以天災為懼為政以足  
食為先然欲弭災莫大乎修德欲足食莫要於生財欽惟皇  
上屢下修省之詔大施寬恤之恩使臣子咸體皇上之心尚  
何天下之不治哉然臣竊有憂懼者四事古者三公論道經邦  
變理陰陽凡有災異避位以禳之故灾可息今灾異迭見惟聞  
其享大祿受厚恩而已未聞有避位以禳之者若此則天灾必  
不可回此可憂懼一也古者三年耕餘一年之食九年耕餘三  
年之食故用可舒今飢饉荐臻各處稅糧俱稱灾傷南京糧儲  
見在之數無餘一年之食倘有不測將何施為此可憂懼二也  
古者官不必備惟其人故食祿者寡今公孤滿朝度職盈位未

聞有益於國而惟虛費俸糧役用隸此可憂懼三也古者無不  
救曰之家故生財者眾今僧徒徧處寺田遠近未聞有能禳災  
救世惟不耕而食不蚕而衣此可憂懼四也是四者國不可諫  
於既往猶可圖於將來臣願 皇上誅貪懲榮節儉重名爵慎  
賞罰恩不輕施赦不妄下則群臣莫不恐懼修省將有避位以  
禳災者天災自是而可四年赦自是而可登矣南京缺糧乞  
勅遼寧各處納欠皮鐵並令輸銀並各駐劄銀俱解京委官於  
成熟之處收糴預備如有不敷更以府庫之財湊糴如是則糧  
有備而無患矣官員冗濫乞退其衰老大臣無裨治道者使得  
優閒各衙門官量事裁減添設官悉罷之武職衰邁不能任事  
者亦進令優閒納粟補官者止許冠帶毋令食俸管事如是則  
食者寡而倉庫實矣僧徒游食乞定額設每寺不過十名餘盡

遣歸農寺回止存食用餘盡給無田小民耕種如是則生者眾而財用充矣奏 上詔各部議擬行之。夜月犯軒轅右角星。○庚辰。上元節免文武百官宴。○吏部奏南京戶科給事中唐漢上言欲退衰老大臣及裁省各衙門官緣近例凡內外衙門官員外置者悉已奏請去留衰老大臣俱曾乞致仕蒙恩諭留者本部難擅處置 帝曰朝廷正用舊臣今後再有以建言為名斥去老成者必罪不宥。○辛巳。文武百官集右順門問安 命永清右衛指揮同知王安鎮守寧夏西路。保安王公鍊奏臣襲爵時年幼冕服窄短今長成不堪服用乞再給授從之。○自己卯至是日 帝皆不視朝人心益洵洵不安禮部復集文武百官議請立 皇太子此脫疏成未及上而出

大明英宗睿皇帝實錄卷二百七十三

大明英宗睿皇帝實錄卷二百七十四

天順元年正月壬午日 上復即皇帝位時武臣總兵官太子太師武清侯石亨都督張軌等文臣左都御史楊善左副都御史徐有貞等內臣司設監太監曹吉祥等知 景泰皇帝疾不能起中外人心歸誠戴 上乃於是日昧爽共以兵迎 上於南宮 上辭讓再三亨等固請乃起陞輅入自東華門至奉天門陞 御座文武群臣入行五拜三叩頭禮 上曰卿等以景泰皇帝有疾迎朕復位其各仍舊用心辦事共享太平群臣皆呼萬歲朝退 上御文華殿命徐有貞兼翰林院學士於內閣參與機務召內閣臣少保兼太子太傅戶部尚書華蓋殿大學士陳循等面諭之遂命循等與有貞俱就文華殿左春坊單宣諭頌之進呈 上覽畢以付禮官於午門外開讀其文曰

上皇帝宣諭文武群臣朕居南宮今己七年保養天和安然自  
適今公侯伯皇親及在朝文武群臣咸赴宮門奏言當今皇帝  
不豫四日不視朝中外危疑無以慰服人心再三固請優卹皇  
帝位朕辭不獲請於 母后諭令勉副群情以安 宗社以慰  
天下之心就以是日卽位禮部其擇日改元詔告天下群臣聽  
宣諭畢遂各具朝服以入奉 上登奉天殿行卽位禮時日己  
正午矣○命執少保兼太子太傅兵部尚書于謙少保兼太子  
太保吏部尚書謹身殿大學士王文于班內執司禮監太監王  
誠舒良張永王勤等于禁中出付錦衣衛獄時謙等肅聽宣諭  
畢也○陞太常寺卿許彬為禮部右侍郎兼翰林院學士於內  
閣參與機務彬素與武清侯石亨等交密王是亨等薦之也○  
癸未陞都察院左副御史兼翰林院學士徐有貞為兵部尚書

兼職視事如故○命名太子太保安遠侯柳溥廣寧伯劉安都督會事毛忠運京○調錦衣衛指揮曹敬林福於武功中衛○定襄伯郭登奏八事一自古人君即位必侍踰年然後改元此以早承尊之義也切思  皇上以尊臨早若優紀景泰之年何以新天下之觀聽伏請建元以隆萬年之統就於本日建立東宮其餘呈子當封王者亦乞封建以崇本支藩輔之盛二曰崇德報功古今不易之典也左都御史楊善嘗奉迎  車駕不避艱危知有主而不知有身其回  天轉日之功亘古無比乞將善陞以公使之爵榮以師保之位三曰兵部總督兵政當選委名望重臣以居其任臣見靖遠伯王驥年壽雖高精神猶健乞量加邊權兼領兵部四曰各營馬步官軍雖見有總兵官管領臣見安遠侯柳溥右都督張軌俱性資剛直人皆敬服乞將

溥取回軌量陞爵又會昌伯孫繼宗忠厚淳實沉靜有為乞量  
加陞權令與溥軌同管軍馬五日錦衣衛係瓜牙之官乞將本  
衛百戶袁彬陞授指揮管事又會昌伯弟指揮使孫顯宗係朝  
廷至親乞暫令與彬同管衛事以關防機密六曰自古直言之  
臣求利於國而不求利於身好治之君愍藉嘉賞導之使言前  
給事中林聰業盛大理寺少卿廖莊御史倪欽左為禮部郎中  
章綸等皆以直言觸忤時諱乞將各官重加陞權再選如聰等  
者數人授以言官如此則 聖化日隆而天下治矣七曰方今  
四海臣民思慕 聖德甚于饑渴不有非常曠蕩之恩何以殊  
動天下之心以慰其歡忻鼓舞之情乞於詔書內寬布條章其  
湖廣等處征苗官軍盡數取回八曰臣聞書曰官不必備惟其  
人夫官苟賢矣一人能兼數事如其不賢雖千百為群何補于



事其各處提督巡撫勸農清軍修理河道備運糧儲等項添設  
官員悉行取回以除有司供給之擾精選三司及守令官員親  
理庶政以仁愛寬和使民以清淨簡默為治如此則人心自然  
歡悅雨暘自然時若年穀豐登而盜賊息矣 上曰石亨柳溥  
張軌揚善朝廷自有處置孫繼宗顯宗係親戚不許干預軍政  
袁彬陞錦衣衛指揮僉事各處巡撫等項官不必動餘令該衛  
門計議行之○甲申六科給事中劾王文于謙內結王誠舒良  
張未王勳外連陳循江淵蕭鎡商輅等朋奸惡黨逢迎景泰易  
立儲君廢黜汪后責權鬻爵弄法舞文過者景泰不豫而文謙  
誠良等包藏禍心陰有異圖欲召外藩入繼 大位事雖傳聞  
情實顯著且王文黨古鏞丁澄于謙黨項文耀蔣琳及俞士悅  
王偉輩皆儉邪諂佞國之大惡乞將謙文等明正典刑循等誅

其一二餘悉屏之遠方以爲不臣之戒於是十三道亦勅俞士  
悅等貪刻儉侵并勅右通政殷謙爲子謙黨侍郎張敏通政使  
樂憚昏老尸位侍郎宋瑛少卿陳贊黨附進身俱乞黜逐之

上曰汝等所言是但朕初優位首惡已就擒餘姑置之以定人  
心○命左軍都督府都督俞余事劉深理本府事○陞大理寺卿  
薛瑄爲禮部右侍郎兼翰林院學士於內閣參典機務以左都  
御史楊善薦也○總兵官太子太師武清侯石亨奏伏覲洪武  
禮制榜文凡朝參并護衛官員軍校進退先後有序禁門出入  
有常近年以來不分貴賤相參接擠皇城各門諸人往來徑行  
全無忌憚有帶貨物入內買賣者今後常朝第三通鼓起先開  
二門官軍旗校將軍先進擺列侍鐘響朝官依次而進嚴勅守  
衛官軍不許縱放無牌而人員穿朝出入及將物貨買賣如此

則朝綱整肅貴賤有利門禁嚴密奸宄無由而作矣從之○大  
同西路右叅將都督僉事石彪奏與達賊對敵殺賊賊衆獲馬  
一百五十五匹請以給無馬官軍騎操從之○府軍前衛指揮使  
顧英奏都督僉事張義實于謀黨今仍宿衛恐有異謀乞剪除  
之上命執義下錦衣衛獄事違著都督僉事都指揮同知王  
英俱杖一百謫戍雲南騰衝衛○永清左衛指揮同知黃瀚下  
錦衣衛獄瀚故都督疏之子也疏于景泰中嘗建言易儲王是  
有衛卒縛瀚以請遂下獄○命錦衣衛差官往執寧夏管神銃  
內官高平公幹雲南內官閻禮廣西柳州衛千戶盧忠并籍其  
家以來○六部尚書王直王翱胡濙俞士悅江淵尚書兼學士  
陳循蕭鑑高穀侍郎鄒幹俞綱學士商辂都御史蕭維禎羅通  
楊善等合疏辭太子師傅等職從之○乙酉六科復劾陳循等

黨比王文于謙等罪大靖正典刑十三道亦勅備等黨文謙迎  
外藩事而不復及殷謙張欽樂輝宋瑛陳贊五人 上命群臣  
雜治備等于庭○陞禮部祠祭司郎中蕭聰為本部右侍郎戶  
部江西司署郎中陳汝言為本部右侍郎俱以從總兵官石亨  
等迎 駕於南城也○命葛峪堡都指揮同知楊文守備萬全  
左衛都指揮僉事孟璽於宣府把總操練以提督宣府軍務右  
僉都御史李秉奏請也○丙戌以復位改元遣寧陽侯陳懋吉  
太廟及遣駙馬都尉薛桓告 長陵 獻陵 景陵其告辭曰  
祁鎮不腆退居閑逸七年于茲頃因弟皇帝祁鈺有疾不能躬  
祀 郊社 宗廟臨視朝政人心危疑不自安輯乃為文武群  
臣所擁戴不得已於十七日復即皇帝位改元以安國家茲特  
致齋謹用告知○遣駙馬都尉焦敷祇奉香幣昭告于 太祖

高皇帝 孝慈高皇后曰祁鎮不德不能奉承 先訓在位十  
有五年中罹變故退居南宮又七年矣比以弟祁鈺有疾不能  
視朝庶政莫決人心危疑在廷文武群臣以 宗社大計協力  
同心迎復祁鎮總理萬幾以安天下已於今年正月十七日祇  
告 天地 宗廟 社稷復即皇帝位大赦改元一新庶政皆  
賴 祖宗在天之靈垂 茲庇廕惓切于懷夙夜不忘茲持敬伸  
祭告○詔曰朕昔恭膺 天命嗣承大統十有五年民物康阜  
不虞北虜之變惟以 宗社生民之故親率六師禦之而以庶  
弟郤王監國不意兵律失御乘輿被逆時文武群臣既立皇太  
子而奉之豈期監國之人遽據當守之位既而 皇天悔禍虜  
酋格心奉朕南還既無優辟之誠反為幽閉之計旋易皇儲而  
立己子惟 天不佑未久而亡社統諫諍愈益執迷矧失德之

良多致沉疾之難療朝政不臨人心斯憤過今月十七日朕為  
公侯駙馬伯及文武群臣六軍萬姓之所擁戴遂請命于 聖  
母皇太后祇告 天地 社稷 宗廟以今年正月十七日復  
即皇帝位躬理幾務保國家邦其改景泰八年為天順元年大  
赦天下咸與維新所有合行事宜條示于後一自天順元年正  
月二十一日昧爽以前除謀及大逆子孫謀殺祖父母父母妻  
妾殺夫奴婢殺主殺一家非死罪三人盡毒魔魅株生拆割人  
謀殺故殺強盜不宥外其餘已發覺未發覺已結正未結正罪  
無大小咸赦除之敢有以赦前事相告言者以其罪罪之官司  
若為受理改違者以違制論一文武官吏軍民人等有犯罪運  
磚運灰做工炒鐵煎鹽擺站哨賺立功等項悉皆赦免各還職  
仗隨住寧家一逃軍逃囚逃匠逃民詔書到日為始限三箇月

以裏許赴所在官司具首各免其罪軍還原伍仍當區民發  
寧家一自天順元年正月二十一日以前法司該進入官及給  
主一應贓罰盡行蠲免一法司今後問囚一体大明律科斷照  
例運磚運灰等項贖罪發落不許深文一自宣德十年正月以  
後文職官吏監生生員承差知印人材陰陽醫生有犯充軍例  
該止終本身者若本軍已故遺下家下人口照例放回原籍為  
民衛所不許刁蹬留難一内外文武衙門署職試職官員有因  
功次陞授者悉與實授後不為例一在京在外官員除年七十  
例應致仕外若年未及七十才力精健堪任用者照例陞舉其  
未及七十有疾衰弱者驗實放免應得冠帶者照例一各處災  
傷糧稅曾經巡按巡撫等官體勘是實者盡皆蠲免一景泰七  
年正月以前各處拖欠稅糧馬草棗株牛租課米農桑人丁絲

絹戶口食鹽鈔米綿花諸色課程差發金銀等項屯種子粒地  
畝糧草鈔貫及一應買辦採辦物件除已徵在官起解并有人  
承攬未納者仍照原定倉庫送納其米麥果係水旱災傷之處  
雖是承攬係虛文起解食用無存并前項物件小民拖欠未徵  
之數盡行蠲免一各處逃移人戶詔書到日為始限半年以裏  
有能赴所在官司首告後業就便應付口糧差人伴送原籍官  
司收管安插加意撫卹原舊房屋田土先有人住種者悉令退  
還仍免其差役二年本戶原欠稅糧草束絲絹等項盡行除豁  
不許追追公私債負欠牛具種子有司技法勸諭周給一湖  
廣貴州二布政司所屬見被苗賊劫掠州衛所景泰七年十二  
月以前無徵稅種子粒悉與除豁一淮浙長蘆山東運司所屬  
鹽課司地方近因災傷人民艱窘各該巡鹽御史通行取勘逃



亡事故竈丁無人頂補遺下未辦景泰七年正月以前各年監  
謀明白具數奏報除路以蘇人困一為事問發順天府口外等  
處為民并原倉及抵充富戶若有年七十之上并未及七十老  
疾果有顯迹不堪應役並無以次人丁者所司取勘明白申達  
該部照例放回原籍依親養贍毋令失所一山東等處逾年逃  
亡事故遺下田土拋荒未曾有人承種該做種革員果見在人  
戶包納曾經取勘是實者景泰七年十二月以前未完稅糧革  
束照數蠲免一預備倉有司常加修理蓄積糧儲遇有民饑驗  
口賑貸豐年仍將在庫收貯贓罰等物照依時價收糶收支之  
際並委掌印官員專理不許作弊軍民人等有願出粟糶者照  
例收受具數奏聞以憑旌獎合于上司及風憲官按臨點閱但  
有侵欺盜用者即便拿問一各處倉廩銀糶并中鹽糧米盤出

粗稅折罰之數年久追究未完并容商失落截角遞引悉皆免  
這一自正統元年以後至天順元年正月二十一日以前軍官  
并旗軍將軍力士校尉舍餘人等為事犯罪調衛并發遣各處  
立功及哨守等項者盡行宥免復還職役仍回原衛原管事者  
照舊管事原帶俸差操者照舊帶俸差操有為事發充軍役者  
不分已未到配所俱復還職役就註充軍衛所差操一軍官旗  
軍將軍力士校尉舍餘人等有在逃者詔書到日為始限三箇  
月以裏自首俱免本罪復還職役一軍官襲替職事已有定制  
其中固有爭襲評告展轉行劾動經歲年不得承襲今後該部  
類行巡按監察御史親臨體實從實具奏定奪不許淹滯人難  
一在京在外大小軍職官員先固有疾將作老疾名色今已痊  
可不得食俸管事者悉令依舊食俸管事一在京各營在外各

邊及各處軍衛有司原養騎操掌牧走逸馬騾驢牛并種馬馬駒自景泰七年十二月終以前一應倒死虧欠走失被盜及埋沒起解拖欠等項盡行蠲免一錦衣旗手武驤等四衛力士校尉有年六十歲以上及殘疾不堪左操悉放寧家及府軍前衛老疾幼軍曾經看驗明白并各處驛站因夫年限已滿者不必等候更替俱各先行跡放寧家一除內府供用香料并灌噴馬匹藥味外其浙江等布政司并南北直隸府州縣連年拖欠藥材俱各蠲免一各處連年災傷人民饑窘一應造作除修理城垣急務所司備呈該部具奏定奪外即今內外修寺造塔一應不急之務悉皆停罷以蘇民力一景泰年間有差內官內使齎送金銀等物往西寧瞿曇寺賞賜及修理殿宇寺院者詔書到日悉皆罷免金銀等物原係在京去者仍行照數解京其帶去

食茶不分公私見數收留使處有司聽支銷木植等料就彼收貯官用人夫工匠盡行放免內官內使即便回京一各處額辦歲造進陪紵絲絛綉羅絹及節次坐派改機絛綉并蘇松杭嘉湖五府織造上用供用段疋等項自景泰七年十二月終以前悉皆蠲免如織造已完及已徵絲料在官即准作今年歲造之數一自景泰七年十二月終以前一應派辦物料除軍需外其餘額辦皮張野味魚油翎絲銅鐵黃白麻銅鍊黃蠟土硝甜土雜草雜木槍桿銀硃生漆油楮石磨榆槐等木檉麻連包荊條蘆葦漉沙白山羊角引火木炭礮礮藍靛蒲草黑石煤炭猫筆等竹白真黃牛皮水牛皮羊皮羊毛槐花等料除已徵在官者仍令起解未徵者盡行蠲免其今年分該納歲辦皮張悉免徵解一內外各衙門住坐人匠宣德正統年間在逃者中間多有丁

盡戶絕不許生名行提景泰元年以後在逃者照例提解其各色輪班人匠自景泰七年十二月終以前在逃及正班失班一體寬免見行起取蘇松杭嘉湖五府織挽等匠來京住坐者不必起解仍令本處住坐其有挾嫌妄報并一戶分作二三戶以上輪班當匠者止當一匠其餘悉與除豁一今後軍職犯罪除除充軍者不許復還原職文職有犯枉法贓罪者俱發充軍一軍民中有鰥寡孤獨者所司依例存恤毋令失所民年七十以上及馬廛殘疾者許令一丁侍養不能自存者官為賑給凡軍民八十以上者所司每與絹二疋綿二斤米一石時加存問一孝子順孫義夫節婦所司保勘明白開具實跡奏聞以憑旌表一軍民之中有懷材抱德堪為任用隱於山林或屈在下僚所司薦舉以禮申送赴京量材擢用一凡軍民利病許諸人直言

無隳一自天順元年正月十七日以前內外文武衙門但有事務悉照原本遵行不必更易於歲多難興邦高帝脫平城而肇漢殷憂登聖文王出美里以闡周天位既優於其正人心由是以咸安咨爾萬方臣民同秉忠誠會歸皇極擲予政理未享太平布告天下咸使聞知○ 上勅吏部臣曰朕居南宮已平心已忘於天下不意姦臣謀逆武清侯石亨等能先幾揖變會合忠義奉迎朕躬優正大位功在 宗社茲特進封亨為忠國公食祿千五百石都督狄軌為太平侯食祿千三百石狄軌為文安伯食祿千二百石都御史楊善為興濟伯食祿千二百石俱予孫世襲○ 命召鎮守大同內官韋力轉右叅將都督僉事石彪還京○ 校尉送吳縛錦衣衛百戶楊瑛謂其高張永親且與舒良善命錦衣衛拷訊之○ 丁亥禮部等衙門尚書等官胡濙

等奏 皇上正位改元以肅孝皇后神主附 廟之禮未安命  
臣等議擬以聞臣等會同總兵官石亨等議得禮莫大於分  
莫大於名名分不可不謹肅孝以 皇上弟婦倭然列于 太  
廟四時祭事難以行禮當選別室以正名分庶於禮為宜從之  
○以迎駕功陞太監曹吉祥嗣子錦衣衛帶俸指揮僉事欽為  
都督同知吉祥姪及太監劉永誠姪孫聚蔣冕弟成業達元  
成俱為錦衣衛世襲指揮僉事且勅吉祥等勅書褒諭之○陞  
雲南道監察御史張鑿為江西按察司副使南京雲南道監察  
御史朱華為僉事○召鎮守遼東太監宋文毅還京以太監范  
英代之○提督操練右都御史羅通奏先同景泰皇帝不豫百  
官詣立 東宮不允臣與總兵官武清侯石亨都督張軌等  
謀欲於蚤朝時領兵混同守禦官軍進南城迎 太上皇出宮

奪門入登寶位亨等咸喜曰只在三日內行之正月十六日黃昏時亨遣人來約明日四更時至朝房相會臣聞知十七日蚤欲率總兵官石亨并臣等即於本夜三更時會亨在朝房亨報只宜蚤下手臣遂同亨等領軍進南城以成大功今復位六日不蒙召問顯是亨等不以臣謀達于 聖總臣若不自陳 皇上無由知臣造謀効忠之心不預論功行賞之典心實不甘上曰此事朝廷自有區處○南輅自疏蒙朝廷厚恩夙夜思報比於正月十四日約群臣請立 東宮不允臣又具本擬於十七日蚤伏闕管以死請其本係臣親撰尚在禮部中間備言皇上為 宣宗章皇帝之子當立 宣宗章皇帝之孫正位東宮助理庶政臣實無逆謀乞宥臣罪不允○命斬于謙王文王誠舒良狄求王勤于市籍其家誦陳倫江淵俞士悅項文耀



充鐵嶺衛軍罷蕭鑑高輅王偉古鑄丁澄為民 上初命群臣  
雜治謙及倫等罪群臣言謙與文淵及誠良永勳景泰中事同  
故都督黃瑛謀成邪議更立 東宮尋又逢迎燕汪后倫鑑輅  
不能阻而附之謙文欲樹私黨舉文唯偉鑄澄連用比因景泰  
皇帝不豫在廷文武群臣合詞請立 皇儲而謙文誠良永勳  
意欲利圖逆敵不決已而見群情欲迎 皇上乃圖為不軌糾  
合逆旅欲擒殺總兵等官迎立外藩倫鑑輅淵士悅偉鑄澄文  
唯俱知逆謀而不告言謙等坐謀反凌遲處死倫等坐謀反知  
情故縱斬章既上越二日乃有是命謙字廷蓋浙江錢塘縣人  
永樂辛丑進士升監祭御史從征武定州被命歎庶人高煦罪  
稱旨巡按江西執法不撓臺榭攝服遲陞行兵部右侍郎遷撫  
河南山西轉左侍郎招徠流民故勸種法奏免沿河鹵地馬戶

正統間王保用事有御史與謙同姓名者恃保振疑為謙因事  
下獄獄久之得釋左遷大理少卿罷還撫尋以親王及有司奏  
復命往巡撫未幾復兵部右侍郎視部事正統十四年八月  
王攝政陞謙為兵部尚書委以軍國重務時北征將士亡八  
九械器盡京師人心洶洶侍謀徐理勸南還避之謙厲聲曰  
言遷者可新京師根本重地惟召天下兵以死守之群議乃定  
武備稍繕而虜已奪關入犯京師列營九門禦之謙與石亨營  
德勝門數戰敗之虜衆宵遁進少保兼兵部尚書總督軍務時  
獨石等八城失守議者欲因棄之謙薦宣府副將孫安率兵收  
復上在虜中廷臣議謀和為迎復計謙言虜欲無厭雖竭府  
帑予之車駕未必還莫若內修外攘使彼不得遂其欲車  
駕當自還矣卒如其謀後以寇難漸平求解兵柄不允又以天

變自勅乞罷歸田里亦不允有小田兒者亡命投虜中受偽官  
導虜入寇又以貢馬為名入窺虛實譙密計授侍郎王偉至大  
同誅之初譙與石亨同事譙論斷制宿將欲伏而亨不能贊  
一辭街之至是亨迎上復位譙與王文謀立外藩族言官  
勅之期于廷文反覆力辯譙曰亨意如此辯之何益竟誣伏斬  
于市既久事白上亦知其寃譙英邁過人歷事三朝知無不  
言巡撫十有八年政達大體土木之變毅然以天下事為己任  
朝廷卒賴以安年未五十喪妻不復娶門第蕭然不容私謁故  
鄉惟舊廬不治田宅官籍其家惟所賜金帛而已學問該博善  
詩文尤長於奏疏政務旁午章日數十上累千萬言揮筆立就  
然恃才自用矜己傲物視勳屬國戚若嬰推士類無當其意者  
是以事機陰發卒得奇禍文初名強字十之直隸永鹿縣人未

樂中會試下第時 太宗皇帝欲操作士類論禮部選下第舉  
人給冠帶送國子監進學文預馬後登平五選士擢四川道監  
察御史持廉奉法 宣廟賢之為改名文宣德十年陞陝西按  
察使賜勅之任正統初以是臣薦陞右倉都御史巡撫寧夏兼  
理軍務尋遷右副都御史未幾被召赴京轉大理寺卿久之陞  
右都御史風紀大振朝野憚之十年命代陳鑑鎮守陝西鎮靜  
不擾十四年轉左都御史仍鎮其地尋以疾求還召還京復留  
掌院事景泰初加太子太保三年山東及南直隸被災奉命往  
撫安之事竣還朝以少保高穀薦轉吏部尚書兼翰林院學士  
入文淵閣典機務疏言舉官限民數事急得其當五年應天蘇  
松大水命往巡視時蘇州妖人惑眾離殺所司以及報文令捕  
獲悉坐及罪解京謀之時以為寬及還進少保兼東閣大學士

修纂宇通志充總裁官書成加謹身殿文學士 上復登寶位  
石亨等欲大已功族言官劾文與于謙等有迎立外藩邪謀命  
翔于廷文辨曰君親王須用金牌信符事之有無稽此可知詞  
直氣壯衆不敢違其情遂坐誅籍沒其家諸子悉發戍邊衛火  
之 上悟乃宥還其子文為人深沉有岸谷剛果廉介每廷議  
百官會集莫先發言文以一二語裁決衆皆帖服屢鎮大藩兩  
總憲政振舉綱維無敢干以私者景泰初與陳鑑同事一揖之  
外未嘗交談諸御史仰其風裁若神明及入閣毅然欲以身任  
衆務事有不可多所匡正然性強枝少怒而又忌譽顯白文學  
不能逮人其子不中鄉試許考官得恩澤尤為時論所鄙云○  
鍾鼓司內官陳義教坊司左司樂晉崇伏誅初景泰中崇詣事  
義義承旨同崇選妓女李惜兒等先後選入宮中至是教坊司

言其事 上曰姦邪小人逢迎以圖富貴乃如此司禮監其即  
釋妓女給其親榮義等下錦衣衛拷訊之具伏逆伏誅○戊子  
陞錦衣衛指揮同知劉教為指揮使仍理衛事指揮僉事門達  
為指揮同知仍理衛事兼鎮撫司問刑命旗手衛帶俸都指揮  
僉事王喜於錦衣衛帶俸廚役杜清為錦衣衛帶俸都指揮同  
知世襲指揮使府軍前衛指揮僉事務寔貴為世襲指揮使仍  
理衛事大漢將軍千戶馬騶為世襲錦衣衛指揮同知仍管將  
軍俱以其有迎 駕功也○雲南道監察御史沈性言昨者六  
軍舉義奉迎 大駕與子南內臣與左都御史蕭維禎等亦在其  
列日覲 陛下安禍亂於俄頃聞乾坤於須臾有以見 天命  
人心之歸於 陛下也深矣臣尚有遺懇謹以六事條列上聞  
一曰保天命臣惟帝王之興皆有天命而其去就得失之機其

間不容一髮詩曰天難忱斯不易維王傳曰善則得之不善則  
失之自古聖帝明王深知乎此所以維持保守之者蓋無不用  
其心也今皇上復正大位當以古昔帝王為法臨下以簡御  
衆以寬如大舜不通聲色不殖貨利如成湯日昃不食咸和萬  
民如周文王却千里之馬惜百金之費如漢文帝出怨曠之女  
褒諫諍之臣如唐太宗則不惟永保天命將見高德美於隆古  
熙鴻號於無窮矣二曰固人心竊見近年以來陛下靖處南  
宮然而夷夏同心戴陛下如父母或形諸歌謠或著於徵兆  
所以致今日反正之速者蓋以人心之歸為有素也臣願陛下  
下守在我之所以得監在彼之所以失悚保小民永隆至治善  
曰于臨兆民凜乎若朽索之馭六馬傳曰一人有慶兆民賴之  
伏惟陛下特留睿思三曰停末務人君之治以安民為先一

切制度文為粉飾太平之具皆非所急近年天下災荒小民救死不贖而執政曾不加意方且奏召黨比親故蒸修綱目等書籍選惡輕僕子弟誦寫者僧經撰有官員俸給之繁有匠仗之制之費伏乞悉皆停罷以省繁文而崇治本四曰汰冗員近年以來一部尚書多至三員都御史多至二十餘員所謂一池三盞十羊九牧欲望致治得乎甚至匠作庸流超擢並卿畫象求拔忠任美官以及郵府舊僚不問賢否皆列要職允濫至此綱紀曷存伏望 皇上與二三大臣切議裁省五曰擇守令知州知縣均為正官責任匪輕曩時一切於監生內選用類多年老貪鄙民被其殃乞勅吏部今後遇有知州知縣員缺務將進士及舉人為監生者選用庶可得人六曰汰僧道釋老之教名為吳端無君臣之義無父子之親清淨寡欲可以治身而不可以



治人虛無寂滅足以愚俗而不足以化國時君世主所當斥絕  
豈可崇其道而行其教哉乞勅禮部榜示天下今後寺觀除祝  
延 聖壽之處餘並不許擅度僧道并回教雲遊沿街布施如  
此則異端之教稍息戶口之數必增 上曰所言係天命國入  
心二事朕已自知修書寫經及度僧道准言汰冗員擇守令吏  
部議之○六科十三道勅司禮監太監與安竊弄威權紊亂朝  
政鎖內內之門易 東宮之位與王誠舒良王文于謙等為黨  
明知逆謀不能諫阻而伺釁乘機心持兩端觀成敗以為向背  
乞象其首以戒權姦 上曰安罪本當死姑從寬貸令勿視事  
○摘兵部車駕司署郎中事主事沈叔茂造初廷臣會鞠于謙  
王文等文力辯無迎外藩之事曰召王須有初符遣人往召必  
有脚力事關車駕司有無可驗語上聞命錦衣衛逮叔茂錄之

無實跡廷臣履泰謹名敢議差人往迎未及定救長勢不敢上  
告 上復命錦衣衛會三法司鞠之法司坐救知謀反情故縱  
當斬 上命宥殺死發充鐵嶺衛軍○項文耀自疏臣於今年  
正月六日聞父喪杜門不出于譴逆謀臣實不知乞宥臣罪不  
允○己丑賜真寧莊惠王次庶子名曰蓮坤洵陽王庶子名曰  
貢鏘○勅工部臣曰差撥外府輪班人匠未樂聞皆有定制爾  
工部其遵行之毋令內官兼管○封右都督孫鏜為懷寧伯董  
興為海寧伯陞都督同知衛穎為都督僉事劉深為右都督署  
都督同知馮宗實授都督同知以總兵官石亨奏鏜等有靖除  
內難功故有是命○陞都督同知楊能都督僉事劉聚俱為左  
都督錦衣衛帶俸都指揮同知吳良為後軍都督同知仍帶俸  
○命太平侯張軌文安伯張輓俱仍前視事○命太平侯張軌

子瑾為錦水衛帶俸指揮同知神武左衛指揮僉事于廣為指揮使以執奏廣等有奪門功也○陞欽天監中官正湯序為禮部右侍郎仍管欽天監事從太監曹吉祥篡序與謀迎 駕也○陞兵科給事中王鉉為本科都給事中戶科給事中李錫禮科給事中周鑑俱為本科右給事中○總兵官忠國公石亨太平侯張軌文安伯張觀奏隨臣迎 駕奪門官舍旗軍三百三十一人大漢百戶六十九人保 駕官軍一千四百九十二人守門擺隊官軍一千三百一十九人致死忘家共成大事乞加陞擢 上曰奪門者陞三級保駕守門者俱陞一級○府軍前衛帶刀把總指揮使穆寧貴奏臣等同千戶馬弼隨同張觀奪東中門東上南門直抵南宮恭請 皇上復登寶位先在文華門外宿衛所有頭次有功十員二次有功十員乞加陞擢 上

曰頭次者陞三級二次者陞一級已陞者罷○總兵官忠國公  
石亨等奏為報効事今將早晚効劄採探事情人員聞報乞將  
校尉鄧玉陞指揮僉事家人夏清陞副千戶馮瞻寺主簿萬祺  
陞主事欽天監高事五官司屠沈立復職醫士呂學陞御醫利  
林前衛百戶李忠陞副千戶校尉遠某陞資校百戶楊完陞試  
所鎮撫韓百戶辦事官廖德縣丞順天府檢校萬允辦事吏胡  
瑛郭紳俱陞序班軍人狄文徐太素俱陞試百戶正千戶汪誠  
陞指揮以事無日人劉智陞滿剌博士樂工高鑑陞司樂俱從  
之○增忠國公石亨食祿二千五百石○都督唐興下錦衣  
衛徵籍其家○庚寅掌太常寺事禮部尚書蔣宇約奏大祀  
天地社稷舊制皆用瓷爵景泰間易之以玉今將祀社稷  
乞賜裁處上曰事神國在誠敬器亦不可不美仍用玉爵○

改左春坊大學士兼翰林院侍講倪謙右春坊大學士兼翰林院侍講呂原右庶子兼翰林院侍講劉定之俱為通政司左叅議仍兼侍講左春坊左庶子兼翰林院侍講林文右春坊右庶子兼翰林院侍講李紹俱為尚寶司卿仍兼侍講左春坊左翰林兼翰林院編修錢溥司經局洗馬兼翰林院修撰柯潛俱為尚寶司少卿仍舊兼職左春坊左中允兼翰林院編修黃諫右春坊右中允兼翰林院編修萬安李泰俱為尚寶司司丞仍兼編修左春坊左贊善兼翰林院編修劉俊右春坊右贊善兼翰林院編修岳正右司直即鄒循俱為翰林院修撰左春坊左清紀即陳穀徐祕俱為翰林院典籍右春坊右清紀即鮑相高謙俱為翰林院五經博士司經局校書李瓊為翰林院侍書中書舍人兼正字劉鑑翰林院檢討兼司諫傅宗典籍兼司諫李鑑

俱革去兼職○陞太僕寺寺丞孫弘為工部左侍郎光祿寺少  
卿陳誠為通政司右通政仍管光祿寺少卿事吏部驗封司即  
中劉文為右通政尚寶司司丞兼翰林院編修黃諫為尚寶司  
卿兼翰林院侍講中書舍人金銘為光祿寺寺丞從忠國公石  
亨言其曾同議大事也○陞錦水衛帶俸都指揮使馬政為後  
軍都督以事哈銘為指揮僉事俱帶俸仍為通事出使瓦剌○  
命興濟川楊善理左軍都督府事○增給太平侯張軌食祿歲  
一千五百石○命錦水衛千戶李溶往檻徐止未京○命錦水  
衛差官執汪祥馮益○辛卯 上勅吏部臣曰會昌伯孫繼宗  
戚里至親事朕有年多效忠勤茲特進封為會昌侯食祿一十  
二百石子孫世襲○ 上謂戶部兵部臣曰朕新復位凡百行  
事當遵 祖宗舊制各處巡撫提督等官是一時權宜添設宜

即將各官取回其各處違備及軍民事務令總兵等官理之事  
有不便及官有不法者從巡按御史究治重者奏聞臣處○陞  
工部左侍郎趙榮為本部尚書戶部浙江司員外郎劉本道為  
本部右侍郎工部也田司主事吳復為通政司右通政專管柴  
炭調戶部右侍郎陳汝言為兵部右侍郎俱太監吉祥等薦之  
也○命欽天監舍人湯贊湯贊太醫院舍人徐垣俱為錦衣衛  
正千戶大興縣民匠致吳攸鑑史得戴長孫周福緣宛平縣民  
匠朱祥索比受倪官音保汪記生光祿寺匠從簡小九俱為錦  
衣衛試百戶以太監吉祥奏其有奪門保駕功也○吏部尚  
書王直乞致仕從之賜之勅曰卿以賢科高第登身事我皇  
曾祖考以至于朕踰五十年歷官翰苑佐興扶宗遂為家宰宅  
心先藏處事惟慎雖經變故無改厥常思清之操簡于朕懷蓋

有素矣。茲朕復正大位，如卿老成，方在倚畀，而卿懇以衰疾，固辭弗已。惟先哲王求舊之義，莫能忘。而士大夫甘退之志，不可狃是。矜朕耄耋，從卿請，特賜白金三十兩，新鈔三十貫，金織紵練衣一襲，仍給驛舟，送卿還鄉。卿其體朕至意，安精神，慎飲食。願春天和，優游田里，享清平之福，以臻遐水之齡。○總兵官忠國公石亨奏，即今邊境寧靖，宜將正統十四年以來添撥各關口官軍民壯放回原籍，蓄威養銳，原係京操者仍取回京操。竦聽調從之。○減淮安臨清沙灣巡河主事三員，從定襄伯郭登言也。○夜有流星大如杯，邑亦有光起自太微，西垣東北行，出東垣外，尾跡復散。○壬辰，詔京官景泰七年折俸鈔俱准給。銀從戶部奏請以官庫鈔少故也。○陞右都督劉深為左都督。○陞鴻臚寺右少卿齊政為本寺卿，左寺丞楊詢為左少卿，右



寺丞趙瑄為右少卿陝西布政司右布政使芮釗為本司左布政使○陞留守前衛指揮僉事李勝瀋陽右衛指揮僉事侯通俱為都指揮僉事金吾前衛總旗汪貴為副千戶騰驥左衛舍人張林瀋陽右衛舍人侯俊俱為正千戶家人侯宣為試百戶俱調錦衣衛帶俸武成後衛正千戶全斌為指揮使仍調原任永清右衛以太監吉祥奏其有奪門功也○命改安樂州指揮同知委判子也黑納指揮僉事歹孫子克奴八十子阿哈俱襲職指揮僉事松古奴子每羊加代職○命忠國公石亨仍理後軍都督府事○鎮守陝西內官王莊兒奏漢中府洋縣有寇聚眾欲攻縣治燒道占據漢中已與守備官軍設法擒其數人解送按察司緣本府地方廣闊逃民數多恐乘機蠢起乞勅鎮守并都布按三司官調西安左等衛官軍前去剽捕以除民患

從之○金吾右衛帶俸正千戶白琦請盡誅王賊于謙等黨及  
邨府舊僚且以誠謹等罪榜示天下事下都察院覆奏請如琦  
言榜示邨府舊僚誠謹等黨宜令該部具名以聞從之○有衛  
卒縛刑部福建司署員外郎事司務李榮謂其王誠黨命下錦  
衣衛訊之○癸巳賜忠國公石亨會昌侯孫繼宗太子僕張軹  
文安伯張軹興濟伯揚善勲號散官亨奉天翔衛推誠宣力佐  
理武臣特進光祿大夫右柱國給誥券本身免三死子免二死  
進封三代繼宗軹軹善俱奉天翔衛推誠宣力武臣特進光祿  
大夫柱國給誥券本身免二死子免一死進封三代○陞府軍  
前衛帶俸都指揮同知李奇錦衣衛帶俸都指揮同知北平奴  
為都督同知錦衣衛帶俸都指揮僉事何判帖木兒頂住驢羽  
林前衛帶俸都指揮僉事胡朵兒哈金吾左衛帶俸都指揮僉

事鮑政為都督僉事俱註後軍都督府帶俸○命海寧伯董興  
仍理後軍都督府事○調孫紹宗孫顯宗孫績宗孫純宗俱於  
錦衣衛帶俸○禮部等衙門尚書等官胡濙等奏恭惟 皇上  
應天順人復正大統改元之初諭功行賞封石亨張軫張觀楊  
善為公侯伯臣等伏觀勅諭權立 聖躬之功已蒙獎錄而迎  
送 鑾輿之蹟未賜褒嘉切惟當 陛下北狩之日虜氛甚惡  
群情震恐僉舉揚善堪充北使而善即挺然自往奮不顧身罄  
家貲置行李父子五人蒙犯霜露聞闕沙漠深入不測之險言  
足以折服狂虜之口義足以感動巨酋之心雖唐郭子儀之於  
回鶻宋富弼之於契丹不是過也遂奉乘輿安然來歸斯固  
皇上盛德格天至仁化暴所致而善之忠誠勇敢保護萬全其  
功豈小小哉真可謂有社稷之勲者矣伏望 皇上原其始終

之心特賜進封之典庶使臣節益勵人心益悅 上曰楊善之功朕所備知報功之典自有次第不必爾等言○後軍都督府帶俸都督僉事馬政奏臣原在御前答應及翰林院撰寫番字文書所有與臣共事金吾右衛帶俸都指揮使李鐸為事降調福建延平衛副千戶武忠亦為事退閒乞勅該部將鐸取回忠復任同臣等御前答應 上曰鐸令兵部移文取來另行定奪忠且罷○禮部尚書胡濙乞致仕從之賜之勅曰卿以碩德發身賢科事我 皇曾祖考以至于朕踰五十年歷任黃門遂升宗伯宅心允誠處事惟慎雖經變故無改厥常恭和之度簡于朕懷蓋有素矣茲朕復正大位如卿老成方在倚畀而卿懇以衰疾固辭弗已朕勉從卿請特賜白金三十兩新鈔三十貫金織紵絲木一襲仍給驛舟送卿還鄉卿其體朕至意○己午陛

禮部儀制司郎中章綸為本部右侍郎綸在崇禎間以諫易儲  
事繫錦衣衛獄幾三年被拷掠死而復甦者屢矣上復位之  
明日即命釋之及是又進官以旌其直○雲南都指揮同知楊  
濟老疾命其子采代為指揮使○命興濟伯楊善兼掌鴻臚寺  
事從太寺卿齊政奏之○給懷寧伯孫璉海寧伯董興食祿歲  
各一十一百石○吏部尚書王翔乞致仕不允○江西道監察  
御史賈培奏各處巡撫等官悉取回京惟口外宣府大同各邊  
城堡及浙江等布政司俱有太監內使等官其跟隨軍伴家人  
多積年豪橫之徒撥置教唆顛倒是非甚至縱欲貪得多畜鷹  
犬廣種田地占役軍士不得豫守况日逐供給尤多宜照巡撫  
事例斟酌取回為便上曰此事朝廷自有處置○命誅前岳  
平侯楊俊景泰初俊為宣府叅將分守永寧懷來開北虜欽奉

駕還密戒軍士毋輕納及 駕還又言是將為禍本俊又自氣  
與張軌等素不相能至是軌等數以俊為言時俊已得罪罷侯  
家告遂徹下錦衣衛獄獄具 上曰俊情罪深重論法當凌遲  
處死姑斬之其子珍革爵發廣西邊衛充軍

大明英宗睿皇帝實錄卷之二百七十四

大明英宗睿皇帝實錄卷之二百七十五

天順元年二月乙未朔 皇太后制諭宗室親王及中外文武  
群臣仰惟 太祖高皇帝 太宗文皇帝開創帝業統御華夷  
仁宗昭皇帝繼述鴻猷大教治理承傳至我 宣示章皇帝克  
寬克仁萬邦允懷不幸蚤棄臣民遺命於吾爰立嫡長子祁鎮  
為 皇帝已歷十有五年敬天勤民無怠無荒比因虜寇犯邊  
土靈荼毒為恐禍延 宗社不得已親率六師以禦之此實安  
天下之大計也不意兵將失律乘輿被遮時爾文武群臣以  
社稷為重恪遵 宣宗皇帝遺詔表請于吾立 皇帝長子見  
深為皇太子因其幼冲吾仍命庶次子郟王祁鈺輔之豈期性  
本梟雄遂據天位已而虜酋畏天知 帝德罔愆煙數有在春  
帝回京而祁鈺既貪天位曾無復辟之心乃用祁謀反為幽閉

之計廢出皇儲私立己子致敗綱常變亂彝典縱肆淫醜信任  
姦回跋扈先傍殿建宮以居效妓汙繡使殿受戒以禮胡僧  
濫賞妄費而無懼急徵暴斂而無藝府藏空虛海內窮困不孝  
不弟不仁不義穢德彰聞神人共怒 上天震威屢垂明象祁  
鈕恬不知省拒諫飾非違罪愈甚既絕其子又殃其身疾病彌  
留朝政遂廢中外危疑人思正統乃於今年正月十七日先朝  
內臣暨公侯翰馬伯文武群臣六軍萬姓同誠表請已命 皇  
帝復正大位以慰羣情以安 宗社惟天道福善而禍淫吾當  
體天以行罰人心好善而惡惡吾當順人以正名雖母子之至  
情於大義而難宥其廢景恭備子祁鈕仍高郵王如漢昌邑王  
故事已令群臣送歸西內保和安養於歲天下乃 祖宗之所  
聞嗣天位乃 列聖之所相傳天位既復人心乃安布告天下



成使聞知○陞吏部驗封司郎中張用瀚為本部右侍郎以志  
國公石亨等薦之也○命文安伯張觀理左軍都督府事都督  
范雄理前軍都督府事○命定襄伯郭登代廣寧伯劉安掌南  
京中軍都督府事○召禁刑閩內使張誠右都督陶璜屬門閩  
內官阮談著都督僉事陳友傑米內官韋源內使田竊著都督  
僉事趙輔居屬閩左少監潘成永寧內官方勝蔚州內官張普  
遷京○命兵部左侍郎俞綱仍理部事罷禮部尚書章文木醫  
院院判欣先教俱為民改南京戶部右侍郎楊興都察院右僉  
都御史余儼大理寺右少卿朱絳太僕寺少卿李亨俱為知府  
吏部文選司員外郎董鵬等七員為知州等官降匠官工部右  
侍郎副祥陸祥為太僕寺少卿仍舊管工先是雲南道御史沈  
性奏景泰年間郵府舊條及匠作庸流皆擢美官乞裁省之下

吏部議及是吏部志具職名以聞故有是命○以奪門功陞忠義前衛指揮使唐忠為後軍都督僉事濟州衛都指揮同知劉紀為右軍都督同知永清右衛都指揮僉事王福武成後衛都指揮僉事趙勝俱為前軍都督僉事羽林前衛都指揮使李伯家奴為左軍都督僉事錦永衛帶俸都指揮使李文為右軍都督僉事俱帶俸○命羽林前衛新陞總小旗閻味招高福等一百九十五人冠帶以其有奪門功也○陞總兵官忠國公石亨家人石洪石永興王亮為都指揮使石冲石濟為指揮同知石綱范連石增為指揮僉事石金石溥石洵為正千戶洪等俱錦永衛帶俸洵於蒲州千戶所管事○會曷侯孫繼宗奏正月十七日早臣同總兵官忠國公石亨太平侯張軫文安伯張覲及臣弟顯宗率領子姪甥婿義勇家人軍伴四十三人各藏兵器

奪取東上門直抵官門恭請 皇上復登大寶乞將跟隨臣等  
官軍人等照依跟隨石亨等官軍一體陞授 上曰功賞朝廷  
自有定奪且罷○總兵官忠國公石亨奏五軍存操等營官軍  
人等景泰七年以來多因內官採采上勤等膝朧具奏調三十  
營團操及撥各監局匠作以致隊伍空缺宜俱取原\*營操練  
從之○丁酉 上聖皇太后聖節 上率后妃上壽免命婦朝  
賀賜文武百官宴○釋奠先師孔子遣兵部尚書兼翰林院學  
士徐有貞行禮○命神機營管操都指揮僉事陳亮鎮守密雲  
地方以前鎮守都指揮趙政病卒也○先是全吾右衛帶俸正  
十戶白琦奏請盡誅郟府舊黨 上令該部通查其人以聞至  
是兵官具錄官軍一千七百七十五人請裁處 上曰軍官景  
泰年間恩陞者輩其陞職俱照原職調山東都司沿海衛所校

尉改充軍并旗軍俱調在京設軍衛所○戊戌祀 太社 太  
稷○遣順天府官祭先農之神○命侏宰伯孫陞掌府軍前衛  
事陞都指揮同知杜清都指揮僉事劉玉俱為都督僉事指揮  
同知曹錕為都指揮同知指揮僉事劉聚為都指揮僉事調府  
軍衛都指揮僉事石寧於錦本衛帶俸○免直隸鳳陽淮安廬  
州三府并和州揚州衛去年災傷秋種子粒共二十一萬六十  
三百三十餘石草共四十二萬九千七百餘包○禮科給事中  
王銓奏今天順元年會試在適自正統十三年至景泰七年前  
後四科新舊舉人約有三千餘名中間多有才學優長隻為解  
額所困不獲登第者竊觀洪武永樂年間未立解額所取進士  
除授京職政績著聞者固不可勝數其間除授知州知縣者亦  
皆自重名節俱有政聲比之監生除授大有遠度乞勅該部及

考試等官將今年會試舉人文卷嚴考精選但三場合格詞理  
通暢者不拘名數取中正榜以備錄用其次文理平順者取中  
副榜授以教職從之○己亥命後軍都督會事張通中軍都督  
同知楊壯會事杜清左軍都督同知許貴會事王福右軍都督  
會事劉玉前軍都督會事趙勝俱理府事○命太常寺奉祀劉  
謙為世襲正千戶以石亨言其有奪門功也○戶部奏侍郎周  
瑄係差往順天河間二府所屬賑濟饑民官今各處巡撫官既  
俱撤回未審瑄應撤回否 上曰瑄不在巡撫之數仍令用心  
賑濟戶部又奏本部左侍郎孟繼印中董呈亦係差往湖廣隨  
軍區畫糧草官今湖廣苗賊未平邊餉為重宜仍留各官在彼  
區畫供給候賊平班師之日即撤回京從之○順天府民江聰  
自出來呈於崇文門外日為粥以食饑民凡四月得濟者八萬

七千五百餘人用米豆七百四十餘石事聞賜初褒諭之○掌  
太常寺事禮部尚書蔣守約乞致仕從之○發王文于謙王勤  
王誠張永舒良家屬於口北開原等衛充軍○釋故都督黃珏  
子黃瀚充萬全右衛軍○謫武成後衛指揮僉事時信戍廣東  
海上以其為內官張永黨也○僧錄司右闡教道堅嘗因故太  
監陳祥奏請建大隆福寺且假祈禳入內殿誦經費府庫財  
上命斬之已而刑科覆奏命宥死發充鐵嶺衛軍○罷職僧官  
清昊坐魔味碟于市○庚子 上以復位遺書諭宗室諸王并  
賜金銀錦紵絲紗羅絹布鈔有差○命郕王所立皇太后吳氏  
復號 宣廟賢妃皇后汪氏復為郕王妃懷獻太子見濟為懷  
獻世子肅孝皇后杭氏及貴妃唐氏俱革其封號○命右軍都  
督同知劉紀理本府事○陞南京都察院左副都御史軒輅為

刑部尚書調都察院左副都御史劉廣銜為刑部左侍郎右副  
都御史李賓為大理寺卿右僉都御史李東南直隸總督糧備  
戶部尚書張鳳於南京戶部刑部尚書薛希璉於南京刑部都  
察院左都御史蕭維禎於南京都察院禮部右侍郎姚夔於南  
京禮部兵部右侍郎宋瑛於南京兵部南京刑部左侍郎鄭泰  
於南京吏部刑部右侍郎劉清為四川布政司叅政都察院左  
副都御史王宏為浙江布政司叅政宋傑為山東布政司叅政  
左僉都御史陳泰為廣東按察司副使鄭顯為福建副使右僉  
都御史韓雍為山西副使彭誼為浙江紹興府知府大理寺少  
卿曹璉為廣東惠州府知府通政司右通政殷謙為河南汝寧  
府知府南京兵部右侍郎杜寧為福建布政司叅政南京工部  
右侍郎李浩為貴州叅政南京大理寺右寺丞應灝為雲南大

理府同知命戶部尚書李敏左侍郎王鑑張審兵部尚書孫原  
貞工部右侍郎張敏都察院左都御史馬昂左副都御史年富  
馬謹右副都御史韓福通政樂憚太常寺卿程南雲太僕寺丞  
蔡翼南京吏部尚書曹義南京戶部尚書沈翼南京禮部尚書  
張惠南京兵部尚書張純南京刑部尚書楊寧南京工部尚書  
王來南京太僕寺丞嚴曾南京鴻臚寺左少卿江勝俱致仕先  
是御史奏尚書都御史員多乞汰之 上命吏部將南北二京  
堂上官疏職名以聞故有是命○工部尚書謹身殿大學士兼  
東閣大學士高穀請致仕從之賜之勅曰卿以智識文學執經  
事朕恭慎小心積有歲年今朕復正大位圖任經筵舊臣以講  
熙聖學以寅亮天工而卿以老疾懇乞休致切惟功成身退乃  
天之道故特賜允以遂卿情并賜白金楮幣金織本給驛舟以



遷卿其承之○朝鮮國并哈審等處使臣閔壽等辭命齎勅書  
綵幣歸賜其王○降安平伯吳安為府軍前衛指揮僉事中軍  
左都督汪泉仍為金吾左衛指揮使汪瑛仍為中兵馬指揮錦  
衣衛指揮使杭昱為副千戶南京前軍左都督吳敦南京錦衣  
衛指揮僉事吳智府軍前衛指揮同知吳喜山指揮僉事吳廣  
林錦衣衛正千戶吳誠錦衣衛指揮僉事汪璽正千戶汪瑄汪  
智金吾左衛試百戶汪玉杭敏孫震俱革職原籍閑住安等皆  
邨王外戚也○調忠義前衛指揮同知凌錦於錦衣衛帶俸○  
有言燕河營左叅將胡鏞嘗受汙良銀為中監命錦衣衛械鑊  
米京○有僧德觀者故太監王勤嘗為請白金千餘兩修造廣  
德寺勤既誅德觀亦下獄 上曰此輩妄費內帑其杖一百發  
邊充軍○辛丑命改武驥左衛帶俸都指揮僉事蔣旺姪寧製

馬指揮使○改南京太僕寺少卿程敬為大理寺右少卿陞太常寺少卿夏霖為本寺卿通政司左通政王復為通政使○壬寅命禮部右侍郎兼翰林院學士薛瑄通政司左叅議兼翰林院侍講呂原為考試官賜宴于禮部○書與秦世子公錫曰前者輔國將軍公鈐公鎰不遵祖訓恣為內亂欺毀等事已降庶人羈留在京今特送之回府俱令看守永與秦憲王墳園俾其思過以圖自新所有家眷各令完聚量宜養贍毋令失所惟世子亮之○以迎駕功陞右都御史羅通子師望來興師漢俱為所鎮撫師望來興任江西吉安守禦千戶所師漢帶俸歸水衡○順天府府尹王賢乞致仕從之○癸卯命吏部右侍郎李賢兼翰林院學士於內閣叅與機務○命鄭王所封私惹大善法王沙加復為灌頂大國師其灌頂大國師班卓兒藏卜等皆

復為國師○欽天監掌監事禮部右侍郎湯序奏郅王既復舊藩義當革其年號今本監成造天順二年曆日其曆凡所書景泰年號宜復以正統年號書之上曰郅王年號當革但朕念天倫之親有所不忍其仍舊書之○戶部奏在京富戶本為填實京師然年遠有死絕消乏充軍放回逃去者今四方水旱民饑京師人烟輻輳比之往時不同乞將死絕充軍者暫不補消之放回者令各原籍官司查審三丁以上無礙殷實民僉補逃者俱照名揆捕若逃者係抵充亦不補里老人等但扶同作弊及有司放富僉貧者俱從巡按御史治罪從之○巡按陝西監察御史錢建奏賢材之昌必本於師道之空國朝學校之師皆取副榜舉人為之近因副榜舉人不願為師者眾乃以歲貢生員及薦舉儒士為之夫歲貢生員多序庸腐之流薦舉儒士多

臺省引復之人學無寸長試幸一得彼惟能計會生員之節禮  
追索齋夫之月錢而已豈能立師道而昌賢才也哉乞勅該部  
今年會試副榜舉人精選多取倍蓰常年之數除三十以下并  
歷事坐監六年以上者聽從不就其餘悉送吏部選用從之○  
命誅都督范廣素驍勇為于謙所信任石亨等嫉之云與謙  
等謀反故誅之○誅司禮監太監廖官保官保管御藥房 上  
嘗索藥不得至是誅之○誅司禮監少監許源源初事 上于  
內至是坐訕 上誅○誅御馬監太監郝義義坐與王誠等  
同謀欲發勇士擒殺吉祥石亨等故誅○誅千戶劉勤勤大興  
左衛軍景泰中以善櫛得幸授官校尉遠采與有隙 上初復  
位果於朝班擒之奏其有訕 上語下獄至是誅○錦木衛百  
戶艾崇高伏誅初崇高以太醫院醫士為鄰王醫瘡愈因進淫

藥得幸授官至是伏誅○甲辰封都督曹義為豐潤伯食祿千三百石焦禮為東寧伯食祿千二百石施聚為懷柔伯食祿千一百石俱子孫世襲以其久備邊方著有勞績也時義尚在遼東鎮守特命召還而以海寧伯董興代之○改詹事府府丞李侃為太常寺寺丞主簿趙政為行人司右司副○命文安伯張觀子斌為勳衛帶刀隨侍○命魏國公徐承宗守備南京西寧侯宋誠鎮守甘肅左都督楊能鎮守宣府召平江侯陳豫都督僉事雷通右都督邁興都督僉事楊信還京○內官覃吉景泰間掌內庫金帛奇貨籍記郎王所賜諸妃白金三萬餘兩寶石萬餘至是不以白 上命執送錦衣衛固禁之○禮部右侍郎兼詹事府少詹事薩琦卒琦字廷珪系出西域後為福建閩縣人宣德庚戌進士入翰林院為庶吉士授編修景泰辛未陞禮

部右侍郎壬申兼詹事府少詹事至是卒 上遣官諭祭命有  
司營葬琦為人狷潔不苟合文學亦有可稱在禮雖無建明而  
自守甚篤人亦無所非議云○乙巳賜保定侯梁瑄懷寧伯孫  
鏜海寧伯董興勳號散官瑄奉天翔衛宣力武臣特進榮祿大  
夫柱國給誥券子孫世襲侯鏜與奉天翔衛宣力武臣特進  
榮祿大夫柱國食祿千一百石給誥券俱本身免一死○陞太  
常寺司樂蔣道隆為太僕寺寺丞支從五品俸冠帶吏李額為  
河南都司副斷事都督府掾史劉仝方斌俱為兵馬司副指揮  
光祿寺監事釋昌為本寺署丞冠帶知印胡健為汝陽州判官  
順天府照磨石槐為光祿寺監事儒士謝昭為翰林院侍書為  
民御史王濬為刑部檢校為民縣丞宋銳張昇俱為府知事為  
民驛丞劉源子賁芳辦事吏盧彬俱為縣主簿訓導李慎學為

兵部下訪醫士單昂為鴻臚寺序班祀總匠人謝祚周福俱為  
營所所丞俱以忠國公石亨言其南城有功也○勅戶部右  
侍郎劉本通同太監武安等提督在京并通州等處糧革○命  
萬全都司署都指揮使周全仍理本都司事都指揮同知李延  
管理屯種○丙午陞李文為右都督○命南京刑部主事張和  
南京工部主事劉昂南京尚寶司卿宋懷太常寺寺丞李侃順  
天府治中劉實中書舍人劉鉞湖廣黃州府蘄州知州金鏡俱  
還原任先是和等七人俱被召與修宋元史綱目至是御史論  
罷之○巡按陝西監察御史錢建奏漢中府洋縣革寇生發攻  
燒縣治劫掠鄉村各縣俱被驚擾令雖克平遺孽猶未盡絕其  
當清軍丁乞暫停止從之○丁未遣順天府官祭宋丞相文天  
祥○上謂工部臣曰各處邊關神砲神銃皆有內官掌管內官

今已取回其無人掌管者爾工部移文所在官司如數送赴京  
師惟守城者勿動○禮部奏自古帝王垂統守成必立 儲君  
以隆邦本封親王以圖萬維恭惟 皇上復正大寶 天心協  
和萬姓悅服伏望法 祖宗之制重本支之隆乞勅欽天監擇  
日本部同翰林院具儀冊立 皇儲封建親王以慰天下臣民  
之望以隆家國萬世之福從之○命陝西故都指揮僉事樊青  
子盛襲為指揮使○戶部右侍郎楊鼎奏景泰間吏部侍郎俞  
山養病原籍至今月支米十石禮部已故尚書楊翥男肆授本  
縣主簿食俸不任事今各官俱闕位宜止其俸 上是之○刑  
部右侍郎周瑄奏順天府所屬薊州文安等州縣屢年水澇人  
民匱食 皇上憫念元元命臣撫濟臣已設法賑貸給與牛具  
種子將致力東作工部仍修例派以撻柴夫臣恐耕播失時今



夏楚麥不收民困益甚饑莩流徙必生他變乞勅該部暫為停止事下工部言柴以供應內府日不可缺強言難准從之○戊申廣西太平府養利州土官同知等官甘貴等遣人貢馬賜鈔如例○命大寧都司都指揮同知王昇僉事張雄王振仍舊理事昇雄振先以罪罷閑至是遇恩例故得復任○罷浙江叅政王竑右都御史李實俱為民子孫永不叙用降戶科都給事中成章刑科都給事中王鎮浙江叅政曹凱四川按察使黃溥廣西副使甘澤山西副使劉瑄山東僉事趙縉湖廣僉事璩安山西僉事王豪俱為衛經歷時忠國公石亨太子侯張軌等言竑在景泰間嘗率眾當關擊死王振黨錦衣衛指揮馬順及內臣二人實嘗使虜運作出使錄多妄誇大之言及成章等九人嘗攻其過以為酷暴具名以聞故有是命○降山西行都司署

都指揮僉事孫英馬鎮虜衛指揮使命都指揮僉事袁勝協同  
都督杜忠守備偏頭關都指揮使孫旺理本都司事○總兵官  
安遠侯柳溥等奏柳慶等府賓州上林武緣等處蠻賊猖獗攻  
陷城池荼毒鄉村張立旗號偽稱剽平王都督左右叅將等官  
臣會合各處官軍上兵分布八哨與賊對敵四十餘日賊勢擴  
險愈甚臣等復設策出奇令軍士攀藤緣崖鼓勇前進各用銃  
砲火器四方夾攻克破賊寨斬賊首偽剽平王黃公好等五百  
二十四人生擒賊藍萬隨等三十三人奪回被虜男婦一百一  
十二人其賊首首級已發各府州縣要路梟示生擒者監候奪  
回人口給發寧家 上命兵部論功賞之○己酉勅南京戶部  
尚書張鳳兼提督糧備屯糧○金吾右衛帶俸都指揮僉事孟  
洪坐罪命其弟剛代為本衛指揮同知○命改遼東自在州帶

傳指揮僉事卜顏卜花子劉江官來奴子女龍哈傳羊古子教  
化俱襲職指揮僉事脫火奴子卜乞谷代職○忠勇伯將也兒  
字忽奏乞改名善從之○後軍都督僉事馬政奏遣北阿哈刺  
忽知院字未哥差來使臣皮兒馬黑麻等并數內使臣恰恰等  
男婦一十四人願留京自効從之○庚戌詹王瓚烜與新野王  
芝城相計奏 上曰詹王新野王是親叔姓宜各盡忠義如何  
全不相顧屢來奏擾朕念親親之故俱不究問新野王既無供  
給令巡按御史三司官同撥護衛堪用旗軍三百與之原體勅  
官即將儀賓張鳳撥置之情奏來處治兵部其移文長史司啓  
王知之○陞吏部驗封司主事萬祺為本司員外郎欽天監五  
官司醫沈立為五官掣壺正俱以忠國公石亨薦也○以迤北  
出使功陞故指揮同知趙火吉子火真為都指揮僉事府軍前

衛正千戶馬亮為指揮同知○給南京金吾右等衛官軍馬一千匹○戶部奏光祿寺會計厨料比之往年數多百姓艱難宜減什之二以蘇民困饑秋或有缺用別為措置從之○辰刻日生掌左右珥交暈移時生抱氣至己生左右或氣白虹貫日諸氣色亦黃鮮明白虹色蒼白良久俱散未刻諸氣復生○夜食○辛亥晉王鍾鉉奏欲赴京朝賀復書止其行自後諸王奏來朝者皆復書止之○命故金吾左衛帶俸都指揮俞事胡雄姪通襲為指揮使仍於本衛帶俸○命石都督李文佩征西前將軍印先總兵官鎮守大同都指揮張賜先左叅將分守東路李顯先右叅將分守西路召太監裴當都督同知郭震都督僉事顏彪還京○靖遠伯王驥奏正統十三年奉命領兵往征孟養賊子思機發臣男王祥屢有奇功被姦臣于謙嫉恨止陞流官

指揮僉事錦衣衛帶俸令於天順元年正月十七日臣又同男祥隨發總兵官石亨奪東上南門人衆將臣并男擠倒在地得都督劉昱救起望憐臣孤忠將男祥與世襲臣父子不勝感激從之○瑱守延綏等處右都督王禎等奏榆林莊神木等處達賊入境都指揮李懋等輕進與對敵陣亡臣等率領官軍往策應達賊聞知道去 上曰王禎等不用心設策備賊以致失機殺傷官軍數多既不輸情認罪却又掩敗稱功歸罪陣亡頭目今且不問趣令殺賊贖罪其陣亡并被傷官軍從實查勘職名以聞不許仍前隱蔽違者不宥○日生左右珥交暈白虹左右戰氣色皆黃赤貫日彌天自卯至酉○壬子命靖遠伯王驥兼兵部尚書掌部事調兵部左侍郎俞綱於南京兵部○調陝西布政司叅議張雲翰於山東布政司山東按察司僉事陳蘭於

浙江按察司陞陝西布政使母右叅政孫毓為本司右布政使山西按察司僉事黃文政為廣西按察司副使○給萬全都司各衛所官軍馬一千六百餘匹○癸丑郎王堯上命禮部議葬祭禮禮部議如親王例輟視朝二日至發引復輟朝一日上從之命謚曰戾○陞都督僉事石彪為都察院同知充遊擊將軍領兵巡哨大同沿邊地方○陞山東按察司副使王裕為四川按察司按察使裕在止統閒任副使貪酷害民發充大同威遠衛後以總兵官石亨保舉冠帶立功隨亨辦事至是遇赦復原職亨又薦之故得是命○命戶部郎中徐敷楊益往宣府大同提督糧運理屯種時取回都御史李東等口外種儲無人提督戶部以聞故有司命○召寧遠伯任禮還京○甲寅朵顏衛指揮朵羅于達達于忽剌歹等為思藏白當等寺禪師刺麻班竹

領占等來朝貢馬駝方物賜宴并鈔幣等物如例○命兵部凡  
來降達子回回俱留在京安插○調工部尚書王來壽於南京  
工部永壽先在湖廣巡撫以南京工部尚書王來致仕故有是  
命○命都指揮僉事王喜理錦水衛事○命都指揮同知姚貴  
提督懷來保安等四城○先是大同左等衛軍官于應襲者多  
因冒報軍功得陞鎮守副都御史平富輩其俸不給至是都督  
僉事石彪因召至京面陳其事 上命戶部以半俸給之○山  
東按察司副使姜永以疾乞致仕從之○陞順天府府丞王福  
為本府府尹○陞脫脫字羅為都督同知改名和勇梁貴為錦  
水衛帶俸都指揮僉事世襲指揮使○禮部奏考試等官薛瑄  
等言考得試卷三場合格詞理通暢者三百三十八其餘文理  
平順堪中副榜者甚衆 上命正榜取三百人○錦水衛已故

指揮同知馬順子升奏臣父被給事中王竑誓死降臣為百戶  
帶俸差操乞憐臣父死於無辜令臣襲父原職 上曰馬順原  
是衛鎮撫其令升世襲副千戶本衛帶俸差操○丙辰陞錦衣  
衛帶俸都指揮使喜信為後軍都督府都督僉事忠義後衛帶  
俸都指揮同知葉春為左軍都督府帶俸都督僉事以其同吳  
良出使无刺回也○陞大同左衛指揮使廖傑指揮同知蔡芳  
俱為都指揮僉事管領人馬操練以都督同知石彪奏保傑等  
歷練老成弓馬頗熟宜令督操也○陞福建道監察御史楊賁  
為直隸蘇州府知府○給豐城侯李勇食祿歲仍一千五百石  
○命戶部郎中楊禮和提督永平山海等處糧儲兼管屯種以  
巡撫右副都御史李賓召還故也○蜀直隸河間保定二府去  
歲被水災稅糧二萬六千六百餘石馬草四十六萬八百餘束



○戶部奏舊例漕運有總兵叅將二員兼理後因無叅將添差  
僉都御史一員今復召回宜仍設叅將督運 上曰官何必備  
永樂間惟總兵一員督運亦不誤事其只令徐恭管理但違悞  
則罪之○以陝西西安府城內空地一項七十畝給宜川王為  
蔬園○總兵官忠國公石亨奏南京守備太監陳公召回乞賜  
所遺房屋收貯歲支祿未從之○內官保受奏海戶逃亡者幾  
三百戶乞行民間僉補 上曰方今百姓艱難不宜生事宜俟  
平豐補之○丁巳命故酉陽宣撫司宣撫冉興邦孫庭甫襲職  
○錦衣衛已故指揮同知岳謙次子宏奏臣父自危刺地面公  
幹運至彰義門外被官軍混殺臣先襲職亦故將姪鎮住優給  
緣臣父殞身報國乞量陞職事 上命鎮住陞都指揮僉事世  
襲指揮使○夜有流星大如杯色青白有光出天紀東北行至

肇道○戊午琉球國中山王尚泰久以受封建使貢方物謝恩  
○陞永清右衛指揮僉事劉瑄為指揮使○復除順天府府丞  
王弼仍舊任以丁憂服闋也○初刑部侍郎周瑄曰今命爾任  
順天河間二府被災州縣賑濟饑民凡事俱聽便宜處之務待  
春夏之交菜麥接熟民得充饑不致艱食爾可具聞候報回京  
朕之念民如饑在己爾必深體此意用心賑恤務施實惠勿事  
虛文如違責有所歸朕不爾宥○命龍泉關都指揮僉事吳獻  
守備倒馬關兼提督龍泉等處關隘○特賜忠國公石亨祿米  
在京支五百石通前食祿三十石○給逆北公幹都督僉事馬  
政等人馬糧料○以晉州草場地給達官他那帖木兒等牧馬  
從都督同知曹欽奏請也○謫錦衣衛帶俸都指揮僉事盧旺  
廣西南丹衛充軍旺阿附石亨冒陞官爵至是監察御史劾下

獄當新 上宥其死命論之○捕四夷館序班王傑戍宣府傑  
王偉弟也○總兵官南和伯方瑛總督湖廣軍務兵部尚書石  
璞等奏臣等移兵天柱撫捕苗賊聞天堂等寨苗賊肆掠遂分  
道並進賊潰敗奔遁我軍乘勝追殺克破天堂小坪墨溪二百  
二十七寨縱火焚烈房屋禾倉一萬一千餘間生擒偽稱開城  
侯都督尚書等賊一百二人斬獲偽稱金虎侯等賊首一千四  
百九十八級俘獲賊鬻子女并奪回原虜軍民男婦一千三百  
有奇牛馬孳畜無算 上謂兵部臣曰今雖奏捷然苗賊叛服  
不常其仍令太監阮讓同方瑛鎮守湖廣貴州二處都督陳友  
充左副總兵都指揮李震安順充左右叅將仍各分守湖廣邊  
境內官鄭忠都指揮李貴充右副總兵張任充右叅將分守貴  
州邊境陳瑄梁達張貴車包魏榮白玉石璞等俱令回京原領

南北官軍數內除阮讓方瑛處各留一百人鄭志處留六十人其餘悉令回原衛其各處調到官軍土兵令阮讓方瑛石璞量留分守城池搜勦餘賊其餘亦各令回原衛其有功官軍及土官土兵令石璞從公勦實造冊奏來不許徇私濫報如違皆重罪不宥○己未分遣大臣及近侍官祭嶽鎮海濱歷代帝王及秦愍王等陵寢并先師孔子以復位改元故也○進封廣寧伯劉安為廣寧侯賜之勅曰惟昔爾父江事我 皇曾祖考太宗文皇帝克奮忠勇為時虎臣寔啓廣寧之封爾安事朕克繼厥志以崇厥勲昨當天步之艱朕方在疚爾守大同乃能捐軀赴難徇義志生入不測之虜効救主之忠古云疾風知勁草板蕩識誠臣者爾其庶幾矣茲朕復正大位眷念爾忠是宜登之列侯加之厚祿以明褒典特封爾為廣寧侯食祿千五百石子孫世

製錫之誥券以爲爾榮爾尚益秉忠誠慎終如始毋怠毋肆保厥祿位永享太平○陞後軍都督僉事馬政爲都督同知命左都督皮儿馬黑麻仍舊職陞都指揮使恰恰爲都督僉事俱於後軍都督府帶俸○女直忽失塔未降命送錦衣衛撥房屋居住月給米二石○監察御史伍善早朝失儀下錦衣衛獄坐杖贖畢調山東武城縣知縣○庚申命都督同知馬政指揮哈銘偕皮兒馬黑麻等使迤北齋勒并綵段表裏等物賜字柔阿哈刺忽知院等○陞戶部郎中薛遠爲本部右侍郎國子監學正林聰爲都察院左僉都御史翰林院編修趙昂爲道政司右叅議清理武職貼黃○擢進士孔公恂爲禮科給事中鄭瑞爲工科給事中劉倫正爲南京刑科給事中秦圮劉傑李輿俱爲戶部主事○命故遼東都司都指揮僉事徐英子祥製爲指揮僉

事 上曰兵部臣曰鄭戾王募金山與許悼主及懷獻世子墳  
園同處宜於武成中衛撥官三員旗軍三百戶守護將見有枝  
充軍役者補之○以故太監劉順王瑾等莊田賜太監曹吉祥  
○己故昌平侯楊洪妻李氏奏長子俊犯法已正典刑孫冰復  
發充軍遺下家產伏望恩旨許妾變賣緣俊支過祿米二百四  
十石無人糶納乞以責房銀折還官從之○雲南總兵官都督  
同知沐璘奏車里軍民宣慰司宣慰使刀霸羨自殺其弟板雅  
忠等已推元三寶歷代掌管地方今板雅忠等又作亂糾合八  
百借倩人馬讎殺欲調官軍撫安而春煖瘴高未宜動衆輕進  
上曰三寶歷代係庶孽奪嫡謀害刀霸羨以致板雅忠等借兵  
攻殺璘等其差的當官員去撫諭板雅忠等及體勘何人應襲  
宣慰職事具奏定奪令各罷兵以息爭端○辛酉禮部引會試

中式舉人夏積等三百人。陛見。○調禮科給事中儀秦。為河南  
陝州判官。工科給事中俞誥。為山東沂州判官。中書舍人趙貞  
為河南光州判官。俱以都給事中王讓等言其父及親屬嘗為  
郵府官也。○遣都督同知馬政等同迺北使臣夏福齋。勅及絲  
幣賜故伯顏帖木兒妻河塔哈。來河哈。諭令來歸。以 駕在虜  
中時伯顏帖木兒嘗尊救奉護故也。○壬戌。廣西思恩等府知  
府第岑繼等各遣頭目來朝。貢金銀器皿。馬匹。賜以鈔幣。○陞  
通政司右叅議張文質為本司左通政。勅右僉都御史李東總  
理應天并南直隸蘇松等府糧儲。○免直隸蘇州等府填江等  
衝秋種子粒。共二百一十二萬二千二百餘石。草五十二萬六  
千六百餘石。以其地去歲災傷故也。○癸亥。命故陝西都指揮  
同知張榮。姓翔。襲為指揮使。署都指揮僉事。馬鑑。子濠。襲為指

擇僉事○調雲南道監察御史葉洪為河南武陟縣知縣廣西  
通監察御史黃紀為湖廣瀏陽縣知縣洪紀嘗以事件石亨意  
亨誣以姦惡下法司拷訊不得情故釋之調外任○靖遠伯兵  
部尚書王驥奏景泰年間各處總兵等官曷平侯楊洪等開報  
殺賊有功官軍當時兵部止憑所報濫陞有未嘗出門隨征行  
賂妄報陞官者今以季支折俸銀兩每人止二兩計之每季不  
下十餘萬每歲不下四十餘萬宜查究妄報者具奏追問革罷  
又其中有對敵陣亡無錢者棄而不錄退縮先逃有錢者却蒙  
陞賞正古所謂奮忠進戰者有死而無功退縮奔走者有功而  
無罪也今計陞一級者四萬三千四百三十七人陞二級者三  
千六百八十六人伏乞 聖裁 上曰卿等為國忠計言實有  
理但事已往朕今加恩於下皆不必查究只令其為國盡力以



贖前愆而收後效卿等仍識之後有報功者更不許似此冒濫  
違者重罪不宥○湖廣刺惹峒已故峒長向黑稍管次子刺惹  
施并姪麥昔等三人以罪發口外充軍其母阿泰陳情納馬一  
匹以贖罪事下兵部議土人犯罪例該納馬二十匹今刺惹施  
等三人止納馬一匹宜當增加 上曰朝廷一視同仁念此遠  
人情有可矜不必增加馬匹准其贖罪放回寧家

大明英宗睿皇帝實錄卷之二百七十五

大明英宗睿皇帝實錄卷之二百七十六

天順元年三月甲子朔封代府昌化王第二子成武為鎮國將軍賜誥命冠服○命國子監祭酒劉鉉為詹事府少詹事翰林院侍講孫賢為左春坊左中允修撰劉珣為右春坊右中允編修牛綸為左贊善刑科左給事中司馬恂為右贊善翰林院編修徐溥兼司經局校書禮部員外郎吳謙兼正字國子監學錄孔公禮為詹事府主簿鴻臚寺序班王福崔嵩俱為通事舍人以將立 皇太子先設宮巨也○命南京四川道試監察御史蔡浩實授監察御史以試職一年考稱也○賜占城國正使多把衣那副使微公執運羅國副使馬夏抹金釵花帶○給山西太原左等衛官軍馬一百六十一匹○代王仕堽奏伏覲 祖訓親王每歲祿米一萬石今各王有一萬石者有二萬三萬石

者臣止關二千石費用不足乞如各王萬石例或撥納米麥或折支銀絹布疋或於南京糧儲開支事下戶部覆奏 上曰既王艱難朕念親親為重除原祿二千石全支本色外再加三千石折色於布政司官庫銀絹布疋內支用○鎮守雲南左監丞羅珪等奏本邦宣慰罕落法為所部頭目根溥法等合兵攻殺遣人求援臣等議委南寧伯毛勝都督胡誌量調官軍相機剿捕 上曰夷人自相讎殺非犯我邊境如何輕動官軍貪功生事兵部即馳文珪等毋起邊釁如違必罪不貸○大理寺少卿致仕李奎卒奎字文雅江西弋陽縣人以舉人中式榜任湖廣黔陽教諭父喪服闋改教廣東保昌縣秩滿陞南京國子學錄用薦陞河南道監察御史奉命巡視江浙軍儲兼董備倭屢上方略 上皆從之又命出巡南直隸奏便氏十事詔皆允可大

臣薦其文學命提督學政於京畿諸生服其學行未幾擢大理  
寺丞命撫安荆襄流民復命巡撫直隸諸郡尋陞少卿久之乞  
致仕至是卒全致填勤敏好學能文教人不事浮靡凡所論建  
皆有裨政教人稱其無愧於官守言貞云○乙丑陞太僕寺少  
卿黃仕儁為刑部右侍郎以忠國公石亨薦之也○命故都督  
揮使朱通子儀襲為府軍前衛指揮使○都督同知曹欽都督  
僉事劉玉乞定子孫世襲職事 上命世襲指揮使府軍等衛  
都指揮同知王瑄等五十八人俱乞照例世襲指揮使使之皆  
以迎駕功陞擢者也○命右都督遇興掌左軍都督府事兼督  
五千營○南京守備太監陳公言南京工部已備料積工將建  
山川壇適有詔罷不急之務臣惟山川之神春秋有祀疑乎不  
存神無所依非不急之務也請如舊造完從之○總兵官忠國

公石亨奏五軍中軍右哨右掖千二營原有白塔草場為內官  
阮讓朦朧奏求耕種本營馬匹無地牧放乞勅該部踏勘撥還  
詔遂與似草場不必踏勘○永順伯薛輔奏臣父綬正統十四  
年戰沒土木臣幼襲爵歲祿減半止闕四百五十石乞如舊給  
賜九百石從之○丙寅陞錦衣衛指揮同知門達為指揮使指  
揮僉事表彤為指揮同知○陞大理寺右少卿龔永吉為兵部  
右侍郎山西布政司左叅政掌大同府事霍瑄為工部右侍郎  
永吉以靖遠伯王驥薦瑄以在大同出城朝見營府中銀帛以  
獻於上也○命金吾右衛故指揮使薛賢子昇為都指揮同  
知以賢於彰義門陣亡也○戶部奏湘陰王貴燭累奏為子豪  
擬成婚并造房屋費用艱難乞將今年明年折色糧米二十石  
暫於荊州府倉闕支本色上命將一平折色與本色一千石

○戶部奏襄垣王遜輝靈丘王遜烜潞城王遜烜俱係初封郡王各該歲祿二千石本色一千石折色一千石今各奏稱本色一千石用度不給已將折色鈔頁改作本色上令折色於本處官庫銀絹布疋內支用○總兵官忠國公石亨奏後軍都督府爲衛旗軍例月支糧一石比平以來減去二斗以致艱難逃竄仍乞照舊關支一石從之○英國公張懋奏臣父太師英國公輔存日原有文安縣信安草場爲太監張永侵占乞仍給還從之○河南都指揮僉事趙貴初赴京管操還過河南衛索指揮同知王璇賂已而璇赴京操後期貴責之璇恚面誣貴爲于燕黨責懼以所得賂還璇璇以白于官且誣其嘗賂燕下錦衣衛鞫得實送刑部論貴赦後不自首當贖杖還職從之○丁卯陞大同左衛指揮使參傑指揮同知蔡芳俱爲都指揮僉事從

都督同知石彪薦也○改都督同知錢貴妻陳氏訴貴之弟禮  
故曠無預欺其孫孤弱使酒忿言嘗訴於法司已令其別居矣  
今禮又奏乞屋舍仍圖同居乞勅歸南京守祖墳毋令為國戚  
玷 上命錦衣衛執禮訊之○有衛士言保定府知府傅霖私  
庇王文籍沒之人欲縛以來而力不勝 上命錦衣衛執霖來  
京○戊辰清明節遣官祭 長陵 獻陵 景陵○以周立  
皇太子封建親王祭告 天地 社稷 太廟遣志國公石亨  
文安伯張軆太平侯張軌行禮○命左都督銜顧理前軍都督  
府事右都督陶瑾都督同知王斌理後軍都督府事○命戶部  
將在京各衙門文職官員該支俸糧自今年春季為始仍照正  
統年間事例南京支本色糧米○己巳遣志國公石亨為正使  
靖遠伯王驥為副使冊立 皇太子寧陽侯陳懋為正使與濟



伯揚善爲副使封德王太平侯張輓爲正使吏部尚書王翔爲副使封秀王會昌侯孫繼宗爲正使兵部尚書徐有貞爲副使封宗王文安伯張輓爲正使禮部侍郎鄒幹爲副使封吉王詔天下曰朕惟帝王之傳序乃國家之大經建元良所以尊宗廟而重社稷封羣胤所以杜藩屏而隆本支今古攸同典章斯具茲朕躬膺天命之申復登大寶之位顧惟不腆事有未逮而公侯駙馬伯及文武羣臣僉謂朕之元子當復正於東宮其次諸子宜悉封於藩國朕以請之聖母皇太后允從衆議舉行盛禮乃於天順元年三月初六日而立元子見濡爲皇太子及封第二子見濤爲德王第三子見澍爲秀王第四子見澤爲宗王第五子見浚爲吉王於戲承桃主器得其人則國本正而萬邦以貞胙土封守其世則藩輔完而大統以定天下之心

新有所繫 宗廟之計永底于安故茲詔告咸使聞知○辛未  
劫沿邊諸將近得邊報達賊自相繼殺部落散漫沿邊此虜雖  
曰柔殘然狼子野心來間竊發不可不為之慮爾等即整擄軍  
馬嚴加守備况時耕作方興其各屯尤宜戒嚴毋妨田務○命  
京衛帶俸都指揮同知陳傑署都指揮僉事單廣俱往陝西都  
司理事○擇都督唐興發河南克軍興女得幸邠戾王為皇貴  
妃興得賞賜無算生是下錦衣衛 上宥其死而有是命○壬  
申鎮守延安等處都督王禎叅贊軍務少卿曹璉械送鞬韉男  
女五人稱其犯邊下錦衣衛鞠奏其一人犯邊其四人未降而  
禎等俱以為生擒邀功請治其罪特禎微還京未至璉以他事  
改廣東惠州府知府 上曰禎姑侍其至璉既改任其宥之○  
陝西平戎驛驛丞陳顥自陳先為御史無罪使然因盛稱 上

人功德及邴戾王僭竊之罪乞復其官。上不允。○癸酉封兵部尚書兼翰林院學士徐有貞為武功伯。食祿一千一百石。子孫世襲指揮使。初有貞請於石亨曰：願得為武弁以從。兄後亨為言之。上曰：令有貞且行好事。此壽不患不得。至是亨復言。故有是命。○陞吏部右侍郎兼翰林院學士李賢為本部尚書。仍兼學士任職如故。○陞錦衣衛指揮使劉敬為都指揮僉事。仍掌衛事。○增給忠勇伯蔣善歲祿一千一百石。○免直隸府衛去年被災無徵糧一十一萬餘石。草二十二萬餘束。子粒一萬四千餘石。秋青草四十四萬餘束。從戶部奏也。○戶部奏廣靈王遷氓係初封郡王歲祿二千石。例本色一千石。折鈔一千石。今王奏稱母老欲預備後事。別無產業可資。乞將折色改給本色。上曰：王既母老。缺用。准與今年本色祿米二千石。○總

兵官忠國公石亨奏在外各都司衛所官調京操備俱有定額  
近者陞襲及為事優職官俱送來操備以致官多軍少甚至無  
軍可管但隨隊伍而外衛所缺官任事兵改廢弛况今邊務少  
寧京儲虛費亦宜博節請以多餘官員放回原衛從之○工部  
奏河南祥符縣逼近黃河舊有大堤四十餘里用護城垣近年  
為雨水衝決千百餘丈不即修築恐妨城垣請令河南三司於  
無災州縣量起夫修築從之○耐馬都尉薛恒嘗私侍婢與常  
德長公主爭語犯 上事聞命六科十三道劾恒罪法司考訊  
于外庭論當斬下錦衣衛獄囚禁數日釋之○日補西北有赤  
雲如楮○甲戌命中軍著都督僉事張欽實授前職錦衣衛帶  
俸都指揮僉事伯顏谷里為都督同知馬顯為都督僉事指揮  
使帖木兒字羅為都指揮同知○命寧陽侯陳懋子晟靖遠伯

王驥子珩俱為勲衛帶刀隨侍○陞戶部河南司主事蔣教為  
浙江司郎中雲南司主事王育為本司員外郎○雲南署都指  
揮僉事吳雄老疾以從子吳代為指揮使○命湖廣容美宣撫  
司宣撫田潮美子保富代職以潮美老疾也○召廣西副總兵  
都督僉事陳旺還京○應山王蒙環奏臣弟鎮國將軍蒙瑞時  
富婚配為因艱難無從措辦納微禮物乞如沅陵王奏准事例  
將臣去年并今年歲祿折色共一千石暫於荊州府倉關支本  
色未從之○達官都督止斗奴等乞更姓名 上賜止斗奴曰  
白忠阿剌帖木兒曰穆義項住驢曰丁順李伯家奴曰李安○  
乙亥勅諭文武羣臣軍民人等曰茲朕復登大寶統理萬方定  
惟 上天之命是承 宗廟之靈 社稷之福是憑是依及我  
聖母皇太后之訓教是克成就亦惟爾文武羣臣之功暨爾六

軍萬姓之力是資是藉懃言及此曰萬不忘今復用立皇儲封  
建親王宜布仁恩章及中外所有頒賜第次具示于後特茲勅  
諭成使知悉公每員銀五十兩侯伯駙馬每員銀四十兩一品  
二 每員銀二十五兩三品每員銀二十兩四品每員銀十五  
兩五品每員銀十兩六品每員銀八兩七品每員銀六兩八品  
九品每員銀四兩雜職每員銀三兩侯伯亡歿其子孫未承襲  
者及無子孫承襲有母妻存者每名銀八兩優養軍官母妻見  
存者每名銀二兩操備官員與在京官員賞例同將軍旗軍勇  
士力士校尉養馬小廝軍匠人等每名銀一兩操備旗軍與在  
京旗軍賞例同優給幼官及鰥寡老疾軍官并紀錄幼軍此在  
京官軍賞例減半辦事官監生吏典知印人材人等及天文生  
樂舞生醫士順天府學生并樂工每名絹一疋在京坊廂民人

及民匠厨子僧道皂隸弓兵膳夫人等每名布一疋在外德選并公差四夷朝貢等項文武官員人等一品二品每員鈔一百錠三品四品每員鈔八十錠五品每員鈔七十錠六品七品每員鈔六十錠八品九品每員鈔五十錠雜職每員鈔四十錠生員吏典人等每名鈔二十錠○勅武進伯朱瑛充總兵官鎮守廣西以前總兵官安遠侯柳溥被召還京也○召鎮守延安綏德都督王禎還京勅都督僉事楊信代禎鎮守張欽副之○陞府軍前衛指揮僉事吳安為指揮使中兵馬司指揮汪瑛為指揮僉事俱世襲錦衣衛帶俸○命通政使司左叅議馮貫仍舊任以丁憂服闋也命右通政劉文仍管四夷館事○時赦免運磚等項官吏各還職役有建言欲將犯贓伸訴者俱還職役刑部奏犯贓官吏問擬明白已經送發為民雖不曾給引已供是

民數若優職役恐中其姦計宜免在逃遷延之罪照原問擬議  
仍發為民從之○丙子致書各王曰茲者聞立長子見濡為皇  
太子及封次子見濤為德王見澍為壽王見澤為宗王見浚為  
吉王專書奉報兼有微儀用展親親之意至可領納便奉書襄  
王瞻嗒曰承諭具悉尊意所以惡祁鈺之僭分而喜姪之復位  
及囊審有陳言慰安二章初未曾達 皇太后所蓋為祁鈺之  
所蔽羞也今已於祁鈺宮中檢而得之姪親覽之再三深見叔  
父忠愛之誠發於藁論抑祁扶正防微杜漸無非為 宗廟  
社稷計推叔父之心即周公之心而此二章亦即金縢之書之  
比也 皇太后聞之感歎不已承昇祥雲俸日王帝謹已領訖  
叔父云欲親行朝覲本不敢煩遠表弟念 先帝同氣至親惟  
叔父宗室至賢亦惟叔父於情於誼不可不重欲得一見以為



親親今遣太監夏時齋奉勅符及書迎請卽時氣候清和叔父  
宜從容就道宮眷世子郡王宜留藩邸其當從行之人亦隨尊  
意帶來時俟其至惟叔父亮之○命武功伯徐有貞兼華蓋殿  
大學士仍供職于文淵閣又賜勳號散官爲奉天翔衛推誠宣  
力守正文臣特進光祿大夫柱國給誥券本身免二死子免一  
死追封三代及妻○禮部侍郎郭銓奏殿試天下舉人二百九  
十四名合請讀卷并執事等官 上命武功伯兼華蓋殿大學  
士掌文淵閣事徐有貞靖遠伯兼兵部尚書王驥興濟伯掌鴻  
臚寺事楊善吏部尚書兼翰林院學士李賢吏部尚書王翔工  
部尚書趙榮戶部右侍郎楊昂刑部左侍郎劉廣銜左副都御  
史寇深通政使王復大理寺卿李宥尚寶司卿兼翰林侍講李  
紹爲讀卷官餘執事如例○命改四川都指揮僉事郭禮子瑞

襲為指揮使。○陞總旗汪瑞為錦衣衛正千戶以迎駕功也。○  
丁丑陞順天府大興縣縣丞任忠為兵部職方司郎中。忠山西  
沁源人。先是自奏云太監蔣冕令臣與留守石衛冠帶總旗汪  
瑞隨興濟伯楊善侍郎蕭總都督衛穎早夜探事。情今大事  
已定。伏乞陞賞。冕為之言。故陞之。○臨潼王公銘奏臣歲祿二  
千石。本已五百石。折色一千五百石。近年以來費用浩大。乞如  
永興等王事例。將本色米量增折色鈔。賁除減。上曰。王既錢  
糧缺少。與本色米七百石。其餘折鈔。○戶部奏河東王鍾鏞屢  
奏稱艱難。毋老無以為養。乞將祿米如初。封郡王事例。增給。及  
將折色改撥本色以資養母。上曰。王既母老艱難。每歲祿米  
一千石。內與本色七百石。其餘折鈔。○廣宇侯劉安奏。駕者  
皇上駐蹕大同。臣同都指揮使馬義。指揮同知張剛。百戶張能

出城朝見蒙陞義為都督同知剛指揮使能指揮僉事至今俱  
仍舊職已如前命陞授上允之時義孫已代職義受陞仍致  
仕云○戊寅上御奉天殿親策舉人夏積等二百九十四人  
制曰朕惟帝王之治天下必以求賢安民為首務蓋古今之所  
同也然古之士進以禮退以義為上為德為下為民今何其立  
功之志弱而利祿之心勝奔競之風未息而廉介之節少者其  
夫何由古之民有恒產有恒心家給人足比屋可封今其務  
本者少而逐末者多偷薄之習浸長而禮讓之俗未興其弊安  
在朕自復位以來圖惟治理夙夜靡寧求賢必欲得真才安民  
必欲獲實效將使士正其習民淳其風庶幾唐虞三代之盛必  
有其道子大夫其援經據史酌古準今明以條陳毋曲所學毋  
卑所志務求切至之論朕將擇而行焉○陞中書舍人劉鉞為

兵部職方司員外郎以九年考滿也。○如內官劉茂于內府新  
房外景泰間茂嘗被旨以馬載唐妃遊西海子馬驚妃墜因命  
茂選良馬二十日控習之以俟。上復使有言茂欲擒太監劉  
永誠未發遂執茂下獄故有是命。○己卯陞山西行都司都指  
揮盛廣為都督同知錦衣衛達官副千戶火兒火孫為指揮僉  
事俱帶俸。○誅妖言賊郭賁郭榮等七人。○宣府都指揮江山  
傳巖率神銳官軍巡哨至陵樹梁遇賊二百餘騎戰敗之斬首  
九級蓋復其妻孥及馬駝牛羊城器。○致仕南京都察院左副  
都御史吳訥卒訥字敬德直隸常熟縣人初猜賢術永樂間以  
儒士薦至京師召入便殿奏對稱旨。太宗悅之俾侍闕庭以  
備顧問洪熙改元授監察御史巡按浙江首訪風謠察吏治赫  
然有聲明年巡按貴州思威並行夷氓畏服及代遂有詣闕請

留之者宣德間特陞南京都察院右僉都御史尋陞左副都御史訥威 三朝知返益勵忠勤大學士楊士奇稱其有古人風度後以老懇求致仕吏部請留不獲宴勞而遣至是卒訥聞道官諭蔡訥自少穎悟吳常甫七歲能背誦五經及長博洽羣書發爲文章率根據理致不爲浮靡之習所著有思養集小學集解性理羣書補註詳刑要覽諸書及編文章辨體草廬文粹傳于世鄉人仰慕之列于言偃祠○庚辰 上親閱舉人所對策賜蔡淳等二百九十四人進士及第出身有差○命忠國公石亨充總兵官佩征虜副將軍印調大同偏頭關及寧夏置軍於延綏等處搜剿達賊○勅都督王楨曰初以爾處失機已違都督僉事楊信張欽代爾還京今聞此賊尚在黃河套表潛住故命忠國公石亨往調官軍搜捕以爾在邊年久稔知地利軍情

持有爾罪仍留在彼候亨至聽其調度爾其奮勇効忠以圖報稱○陞大寧都指揮使歐信為都督僉事充叅將守備廣東雷廉等處從鎮守少監阮能等奏舉也○命湖廣等道試監察御史焦顯周琦郭文趙故戴洪蘇燮田景榜閻鼎孫琦楊瑄周一清俱實授監察御史以試職一年考中也○辛巳琉球國王尚泰久遣使臣程鵬等朝鮮國王李瑄遣使臣權聰等來朝貢馬及方物賜宴并賜綵幣表裏等物有差○命敘仕都察院右都御史沈固為戶部尚書固先以都御史巡撫大同歲久與忠國公石亨相畧既而言者屢訐其私遂以老疾致仕去及是亨薦之故復得召用○陞後軍都督同知曹欽為左都督錦衣衛帶俸都指揮同知曹鐸為左軍都督同知俱仍帶俸○陞金吾左衛指揮使楊善為都指揮僉事善自陳臣于景泰間從事尚膳

監凡開內臣畧謀必達于忠國公石亨今亨迎復 聖駕臣與  
有功焉且言 聖駕初自返北還 太皇太后時至南宮王誠  
舒良慮有他謀乃密議俟 太皇太后再至時說有旨留南宮  
善以達於內臣劉成以啓 太皇太后自是不復至章上故有  
是命○命故會寧伯李英子昶為錦衣衛帶俸指揮同知○以  
進士楊瑄為吏部主事楊琛為戶部主事楊恕趙博范文為兵  
部主事王璘劉清為大理寺評事○命廣寧侯劉安都督同知  
盛廣理中軍都督府事改後軍署都督僉事趙輔於右軍都督  
府○命都指揮僉事賀玉指揮使金貴使哈密指揮使馬雲正  
千戶慶昇使撒馬兒罕正千戶于志敬馬亮使亦力比里俱陞  
一級○宴進士于禮部命忠國公石亨待宴○賞廣東新會斗  
岡等處官軍民壯人等一千四百七人綵幣表裏布絹鈔緞以

本地被賊功也。○壬午陞都察院右副都御史耿九疇為右都御史。○命興濟伯楊善兼禮部尚書。○靖遠伯兼兵部尚書王驥與濟伯兼禮部尚書楊善俱奏兵部尚書徐有貞以文臣封武功伯。賜號奉天朔衛推誠宣力守正文臣。驥臣善亦以文臣封伯爵。乃以武臣為號。乞更賜號。如有貞從之。○賜狀元黎淳朝服冠帶。諸進士鈔各五錠。○都督石彪奏巡撫大同副都御史平富違法逮繫。至京鞫問。多不實。命差給事中郎中等官往覆勘。亦言其誣。遂復令富致仕。○追封故都督同知王貴為阜城伯。謚武僖。○癸未狀元黎淳率諸進士上表謝恩。○烏思藏伯木竹巴灌頂國師闡化王桑爾結堅昏巴藏卜等四川馬湖府平夷長官司土官舍人王庶等廣西龍英州族目趙昇等來朝貢馬及方物。賜宴并賜綵幣表裏等物。有差。○陞鴻臚寺



司儀著者丞胡禕為本寺左寺丞張榮為右寺丞俱以興濟楊善奏保也○總兵官太平侯張軌奏隨侍營選官舍一千七百九十餘名見今保練已如例給與口糧從之○刑部右侍郎周璫奏臣奉勅發通州等處倉糧七萬餘石賑濟過順天河間所屬饑民十九萬餘優蒙 聖諭以臨清德州二倉麥豆賑濟臣看得通薊香河等州縣相去德州千餘里時及東作無力糶運設能運到亦救濟不及今通薊天津等倉俱有存糧合令織民以近就近聞文候豐年於原倉抵斗償官從之○夜大生犯光宿西北星○甲申修彰義門廣濟庵從太監吉祥奏請也○廣寧侯劉安奏曩者 皇上駐蹕大同臣效勞回成邨王將臣罔非降賊使時不得已但密令神樂觀知覲侯留和朝天宮道士未可名大興隆寺僧本金朝夕誦經祈保 聖躬今臣復覲

天顏不敢隱然乞將智和等量俊做職以圖焚修補報 上命  
每人賞鈔三百貫○乙酉賜代府濕川王第子名曰仕姆○  
朵顏衛指揮歡脫兒等奏寧衛頭目字羅遣使良討介等福餘  
衛頭目乃兒不花遣使良納哈出等建州衛女直都指揮莽判  
等未朝貢馬賜宴并賜綵幣表裏等物有差○命改濟陽衛指  
揮使何凱子昇米通弟達金吾左衛指揮使安夕都孫昇指揮  
同知程政子玘立項住子海指揮僉事金成弟全旗手衛指揮  
同知張貴子瑛武曠右衛指揮僉事夏能子英燕山左衛指揮  
僉事臧廣子安通州衛指揮僉事張英弟名金吾前衛指揮僉  
事劉金子通金吾右衛指揮僉事蔣通弟達羽林前衛指揮僉  
事錢貢孫榮俱襲職燕山前衛指揮僉事王通弟達以通陣亡  
功襲為指揮使濟陽衛指揮使談碓子廣金吾左衛指揮使奈

北平叔子銘燕山左衛指揮僉事張興子鑑俱代職○署都督  
僉事王瑛初以番黨謫戍雲南至是其妾上章陳寃 上以瑛  
无責在 先朝多勦勤勞特宥之降為正千戶帶俸京衛貴即  
太監魯安也○丙戌擢第一甲進士黎淳為翰林院修撰徐瓊  
陳秉中俱為編修○丁亥封遼府衡陽王第二子蒙邛懷仁王  
第二子仕燦第三子仕便曲陽王第四子鍾錦俱為鎮國將軍  
賜誥命冠服○賜方山王美垣珠菜戶二戶○陞南京宗人府  
經歷李銘為河間長蘆都轉運鹽使司運使○陞金吾左衛達  
官指揮使達忠為都指揮僉事忠嘗於延北侍 駕遂京改陞  
之○命都察院左僉都御史林聰往山東賑濟饑民○調永清  
右衛帶俸都指揮同知王安於陝西都司守備寧夏西路○永  
和昭定王孫庶人鍾錄奏河曲縣王男女二人及官眷繁多乞

減歲祿折色鈔存留本色四百石養贍又奏趙城縣主儀賓吳亮早支過祿米二十六石餘乞免還官俱從之○夜火星入鬼宿犯積尸氣○戊子命方山王美垣并鎮國將軍鍾鉉鍾毓今年歲祿俱暫與本色米○勅都察院右都御史耿九疇等曰朕惟風憲之職受朝廷耳目之寄內而糾劾百司外而按治一方苟非其人曷勝委任近自景泰夫政紀綱蕩然仕臺憲者或非公選多出私門或徇情以枉法或通賄以鬻獄言事者或假公濟私而回邪干譽或附下周上而比周作姦出巡者或虛張聲勢而無益於事或擅作威福而有害於人以致官邪不做國法不行朕今簡命爾等以蕭臺綱爾等其必剋圖報稱正己奉法督率各道御史咸修厥職痛革前弊今後仍須嚴加察舉其間但有不錯憲體不立名節在內在外如前所為者具名以聞從

公黜退及有別無非爲止是不宜憲體者亦從奏請改除凡遇一應政務悉依諸司職掌及憲綱施行言事必以直道而務存大體治事必以正法而務循舊章御史不職責在爾等察舉爾等不職責在御史糾劾黜幽陟明國典斯具朕不爾私爾等其各知勅奉行永爲遵守○復除監察御史李人儀於黃西道周頌於雲南道莊欽於山東道調張諫於南京雲南道人儀頌欽俱以丁憂展闕諫以提督學校裁省召回也○己丑復萬金都指揮僉事江福爲都督僉事福坐事降職至是乞恩 上以福擒喜罕有功特免之○授禮部右侍郎掌欽天監事馬子祚爲正千戶兵部右侍郎陳汝言子洪範爲副千戶俱世襲錦衣衛帶俸○免順天府并直隸真定等府衛去年被災無徵糧七萬八千餘石草一百四十萬餘束子粒三萬六百餘石○命戶

部定撥上林苑監官吏俸糧於本監收支從右監丞王榮奏請也。○戶部言博師利民五事一在京各衛所帶俸指揮千百戶數多中間有老幼殘疾不堪差操仍支全俸宜令兵部會同總兵等官選平力精壯諳曉戰陣者仍留帶俸備用其餘老幼殘疾別無精壯兒男襲替者調註在外有糧衛所或南京該衛所帶俸其見食優給幼男或送回原籍或南京該衛所帶俸給與官房住坐庶京儲可省一今科取中進士二百九十名俱於各衙門辦事例該支俸且前科進士未選用者尚有四十餘名宜令吏部量留辦事其餘如宣德年間事例放回原籍依規博師京儲一在京府軍等衙充年無點并役充幼軍力士將軍勇士人等及光祿寺太常寺廚役多老疾不堪應役宜令兵部禮部會勘但有老疾不堪應役例不勾丁者悉放還原籍毋使妄費

京儲一山東河南浙江等布政司并應天順天直隸河間蘇松等府地方連年災傷人民逃亡者多遺下田地未曾耕種及見在人戶田地亦有無力不能徧耕者宜行各該巡按御史督令各布按二司并直隸等府州縣官設法勸諭有力丁多之家趁時布種收成之後除納糧食用外若有餘積存留賑濟務在田不荒無民食可足一各處陂塘圩岸等項損壞者所司即便斟酌起倩有力之家併工設法修理以資灌溉之利庶幾秋成有望遠者聽巡按御史糾察執問 上曰進士令各衙門辦事其餘都准議行○庚寅勅右都督田禮都督同知李奇都督僉事葉春從督官軍拔葦馬匹○減山東濟南青州東昌兗州四府柴炭夫役從巡按御史鄧勝言其地民饑也○戶部奏右侍郎周壇奏欲將通薊等處倉糧以近就近賑濟饑民緣未定數恐

致妄費宜如勅書內事理止將參豆相無放夫如仍不足量數  
夫米 上命有參豆處夫參豆無處量數與米賑濟○辛卯致  
書趙王瞻塢曰得奏府中歲祿三萬石蓋 皇祖仁宗所定而  
景泰減却二萬石致乏用度具悉王情重惟叔祖簡王為 皇  
祖同氣至親功在帝室事異諸藩理當加厚祿米之減予初不  
知乃今聞之良用感惻已勅所司撥還特此專書馳報王其領  
之○安山國遣使臣黎文老等奉表覲朝貢金銀器皿及方  
物賜宴及綵幣表裏等物○命工部左侍郎孫弘往易州相度  
採取柴炭先是 上謂工部尚書趙榮等曰採取柴炭先在易  
州為場景泰以來却於真定平山等處為場路途遠官民不  
便今後仍於易州為場然須爾工部堂上官往同左通政吳俊  
勘視利否定奪故有是命○太平侯張軌奏臣歲祿一千五百



石今蒙增給二百石已將所增二百石存留在京關支本色養贍家衆從之○留守左衛通濟門千戶所小旗陳福奏洪惟太祖高皇帝初業之初建創寺觀設立僧道已有定額其後往往私創庵院濫將無籍之徒收充亦有逃軍囚匠改名易姓削髮頂冠人莫之識偷享安閒不耕而食不蠶而衣不貨殖而財用有餘故人皆樂爲之近年旱潦相仍百姓艱食其游惰之民或託爲僧道游食四方而愈盛矣以在京觀之寺觀動至千百僧道不可數計求財索食沿街塞路張掛天神佛像擅言禍福以益造寺觀爲名務圖肥己飲食酒肉宿歇娼妓無所不爲又有燃指焚香判膏割股驚駭人目扇惑人心不惟饗餐於民抑且有傷風化已在內令巡城御史五城兵馬司在外令巡按御史及有司等官等官等問發落仍勅禮部將各府州縣蓋定寺觀額

設僧道名數除已給度牒者暫令各寺觀附籍其餘查無度牒  
悉發孛家隨住當差遇有額內缺數方許管判設有仍前私自  
管判及指稱行者違重名色躲避差徭將本犯并寺觀住持悉  
發充軍其餘濫設寺觀盡行拆毀又有胡僧衣服紗羅借用金  
玉蠶食於國其害尤甚留之無補於治宜悉遣還免致夷狄踞  
處中夏如北則國無游民而民食足矣 上從之會禮部查胡  
僧數以聞○壬辰賜襄陵王冲休重川鹽課司鹽歲三十引○  
陞都指揮同知曹濟為都督僉事趙旺為都指揮使都指揮僉  
事完者禿脫合罕侯通俱為都指揮同知指揮使胡咬羅伯顏  
帖木兒為都指揮僉事指揮同知王敬為指揮使指揮僉事脫  
脫台等五人俱為指揮同知○陞錦衣衛指揮同知徐勝為指  
揮使百戶林茂為正千戶俱世襲○興濟伯兼禮部尚書揚善

奏五隸河間府知府王儉才猷出衆乞陞京職仍於河間撫民  
上曰河間視真定等府民饑尤甚令儉仍在彼賑濟俾有成效  
特陞之

大明英宗睿皇帝實錄卷之二十七十六